

The Ohio State University



3 2435 01636 4408

DR584M431918

001

Bildiklerim :

THE OHIO STATE UNIVERSITY BOOK DEPOSITORY



D	AISLE	SECT	SHLF	SIDE	POS	ITEM	C
8	08	35	08	7	02	011	3

LIBRARY
OHIO STATE UNIVERSITY

مغدور ومظلوم عثمانی ملتک نظر مطالعہ وانتباہتہ :

بیلگہ

اتحاد و برقی جمیتک مقصد تأسس و صورت تشکیلی

و

دولت خلیہ عثمانیہ ناک سبب فلاکت و انقسامی

اثر

واللہ اعلم

هر حقى محفوظدر

(قطعه)

فلسوفانہ باقنجه صفحات دهره

عقلمه وقعت هابل ايله قابل کليور

اتحادك آکنجه او مبارک !! نامی

«اشرفا» خاطر مه بر سوری قاتل کليور

اشرف

مصر التاهره

امین ہندیہ مطبعہ سندہ طبع اولنشد

رومی ۱۳۳۴ — سنہ افرنجی ۱۹۱۸

DR584

M43

1918

مقدمه

بیت

بیتى خالص اولنجه كيشنك

خير اولور عاقبتى هر ايشنك

شاعر شهر « اشرف » مرحومك بالاده كى بیتی (مقدمه) و (سرنامه) اتخاذ
درك بر ايكي سوز سويليه جكم .

اوروپاده اولديغى كى مملكتهمزده شمدى به قدر (ادارى ، سياسى) دينيله
يك درجه ده مكترل موجود اولديغى وزمانزده ايسه علوم اداريه و سياسيه ي
تحصيل ايچون شروطنى حقيقه جامع بر مكتب على بولنديغى جهته بوآنه قدر بزده
يشن سياسيونه انجق باب على جولانكه سياست اولشدر . بناء عليه عثمانليرك
مكتب سياستى باب عايدر .

عاجز لریده احوال معروضه به نظراً سياسى بر تحصيل كورمامش ايسه مده
مكتب سياسى ديديكز باب عايله ربع عصر دن زياده اولان مدت خدمتم
ظرفنده اجله رجال دولت ، مأمورين سياسيه حكومت آره سنده بولنش
وبومدت ايچنده جريان ايدن احوال سياسيه ي يك يقيندن تدقيق ايلمش
اولديغنه وادوار ماضيه به عائد بعض تبعات ومطالعاته دخى بولنديغنه بناء
ماضى ، حال واستقباله دائر اکتساب ایده يلدیکم معلوماتدن قارئین کرامی ده
مستفيد و حصه مند ایتمک ایستدم .

بیت

اوله مام جبر ايله بر زمرة اشراوه قرين

آرام کندمه بر ملجاء عادل وامين

شعرادن بر ذاتك شوييتى مضموننجه نه جبر وتضييق ونه ده سوق حمله ذاتا
احوال تشكلى ، معلوم اولان زده كى جمعات و فرق ساسه دن برنه انتساب

ودخالت ایتامش ایسه مده بوجمعیتر مؤسس ورؤسا واعضاسی اکثریتله رفقای عاجزیدن اولدقلرندن اعلان مشروطیتدن سنه لرجه مقدم درسعادته تشکل ایدن اتحاد وترقی جمعیتندن واوروپا وممالک سائرده بولونان مرکز وشعبه لرندن خبردار اولدیغمه و بعد الانقلاب میدان آتیلن مذکور جمعیت منسوبینیلده محبت ورفاقم خللدار اولدیغنه کوره کندیلرینی سنه لردنبری هرکسدن زیاده طانیر و بیلیرم .

بوزواتدن هیچ برینه قارشو شخصی بغض وعداوت مده یوقدر . مع مافیه جمعیت اتحادیه نك ایلک تشککندنبری مؤسس ورؤسا سیله جریان ایدن مکالمات ومذاکرات اثنا سنده مشاهده ایلدیکم حالات وتعقیب ایتک ایسته دکلی حرکات طریق سعادت وسلامتدن پک اوزاق ، غایت اعوجاجلی وچیقماز بریول ایدوکندن بولری دولت ومملکتک منافعنه خادم بر فکره ارجاع ایچون اخطارات ونصایح لازمه ده بولندم . حالبوکه بوزوات خیالپرست برطاقم چولق ، چوچق ایله اشتراك مساعی ایدهرک سوکیلی وطنمزک بو حال اضمحلاله کلمسنه سبب اولدیلر .

صرف منفعت ذاتیه وشخصیه یوزندن بو حاله کلن دولت ومملکت مزى بوندن صکره اولسون بو منفعتپرستان سرسریلردن قورتارمق ایچون بوباده جزئی وکلی معلوماتی اولان هر عثمانلی نشریات لازمه ده بولنه رق بیامیانلری ایقاظ ایتمکه حسب الحمیه مجبور در .

ایشته او مجبوریتنه بناء هرکسک اکلایه بیله جکی برطرز وافاده ایله یازدیغم بواثری نشر ایدیورم . بونده اتحاد وترقی جمعیتک مقصد تأسسنی ، صورت تشککنی ، التی یوز الی سنه لک دولت معظمه عثمانیه نك سبب فلاکتی ، انقسامی ، تاسس وتشککنده خلوص نیت ایله ایشه باشلانمادیغندن بویله بر جمعیت ایشک حسن نتیجه یه اقتران ایده میه جکنی ، جمعیتک معاملات کیفیه وجاهلیدسی کسندوسنی شایان غفو اولیه جق خطالره سوق ایلدیکنی برر برر ارائه واثبات ایله ابتدای انقلابدن بوکونه قدر جریان ایدن داخلی ، خارجی احوال سیاسیه دن مختصر بر صورتده بحث ایده جکم .

هردرلو غرض وعوضدن عاری ، صرف حق وحقیقتی جامع اوله رق غایت بی طرفانه یازیلن بواثری مطالعه بیوره جق اصحاب حمیت ووجدانک افاداتی تصدیق بیوره جقلرینه امینم .
(ومن الله التوفیق)

بیلر کلیم

اتحاد وترقی جمعیتنک مقصد تاسیس و صورت تشکیلی

و

دوات علیہ عثمانیہ نیک سبب فلاکت و انقسامی

برقاج عصر اول اور و پادہ تشکل و ظهور ایدن بر « جمعیت خفیه » انجق
جنتمکان سلطان عبد العزیز خان حضر تارینک او آخر سلطنتلرینه طوغری ممالک
عثمانیہ یه فرصتیاب دخول و زمانک کنج و خیالپرستاندن بر طاقمنی دائره نفوذینه
جلب و جمعه موفق اوله ییلمش و مملکت مزده مقصد ملعتکارانه سنک اجراسنه



سلطان عبد العزیز خان حضر تارلی (*)

Sultan Abd-ul-Aziz Khan

(*) تاریخ ولادتلی جلوسلری خلعلری ارنحاللری
۱۴ شعبان ۱۲۴۵ ۱۷ ذی الحجة ۱۲۷۷ ۱۷ جمادی الاولی ۱۲۹۳ ۲۳ جمادی الاولی ۱۲۹۳

باشلامش اولديغندن بوجمعييت خفيهيه انتساب ودخالت ايدن خذله نك منفعت
خيالپرستانه لر ينك توسع وزيادي وبعضلرينك اوروپايه فرارله تامين استقباله
تشبث وموفقيتلري وطنمزا ايچون فلاكت واضمحلال مقدماتي احضار ايلمشدر .
بوجمعييت ومنتسبينك ممالك اجنبيهيه فرارلرنده كي مرض غرض زمانمزه دخي
سرايت وانتقال وبوسياست سقيمه عصريمز كنجلرينه نمونه امتثال اولمغله توليد
ايتديكي ضرر دولتمزي ، ملتزمي بوكونكي ورطه هولنا كه دوشورمشدر .
مملكتمزه داخل اولان بوجمعييت خفيه جنتمكان سلطان مراد خان خامس
حضرتلرينك (۱) اوچ آي اوچ كوندن عبارت اولان مدت سلطنتلرنده دخي
اجراي فعاليتده دوام ايتمشدر .



سلطان مراد خان خامس حضرتلري

Sultan Mourad Khan V.

(۱) جنتمكان سلطان مراد خان خامس ابن غازي سلطان عبد المجيدخان حضرتلري ۱۲۵۶
سنه هجريه سي رچينك يكرمي بشنجي كوني قدمهاده عالم وجود اولوب ۱۲۹۳ سنه سي جمادي
الاوليسنك اون يدنجي كوني جالس سرير سلطنت اولمشلر ايسهده مبتلا اولدقلري علتدن طولاني
اوچ آي اوچ كون صوكره خلع ايلمشلردر .

بالاده یازلدیغی وجهله تامین منافع ذاتیه مقصیده باشلایان بوفرار موده سی خاقان اسبق سلطان عبد الحمید خان ثانی حضرتلرینک ابتدای جلوسلرندنبری نزاید ایدهرک پایتخت سلطنت سنیه ده بر طاقم جمعیتلر وقومیتلر تشکل و ظهور و بعض وقایع مؤسسه حدوث ایتمش و اخلاق عمومیه اوزرنده تأثیر کلی حاصل ایلمش اولدیغندن واوکی آله میان بوحال کتدکجه توسع ایلدیکندن مملکت مزده اوفق تفک جمعیتلر وقومیتلر وجوده کلمکه باشلامشدر .

بوجمیتلرک ظهوری شرقده منافع سیاسیه و اقتصادیه یه چالیشن بعض دولترلرله اوروپادن مملکت مزه داخل اولان خفی جمعیتلر ایچون بر فرصت مترقبه اولدیغندن بونک دهایوک مقیاسده تأسس وتشکلی ایله داخل ممالک عثمانیه ده اختلاللر وقوعی منافع سیاسیه لری ایجابندن بولندیغندن لازم کن فداکار لقله تحریکات وتشویقاتدن چکنامشاردر .

ذاتاً تأمین استفادۀ ذاتیه یه آماده اولان بعض بدخواهان حکومت ، اورپا مقلد لکنندن کنیدیلرینی آله میان لسان آشنا وافکار منوره اصحابی دیدیکز کنج لرک اذهان وافکارینی تحریص وتحدیشه باشلایه رق در سعادتده منصوب ومعزول مأمورین وخیاپرست بعض کنج لره مکاتب طلبه سندن مرکب اولمق اوزره « اتحاد وترقی جمعیت عثمانیه سی » نامیله بر جمعیت تشکیلنه موفق اولدیلر .

یالکیز استانبولده تشکل ایدن بوجمیت تأمین مقصده کافی اولمادیغندن اوروپایه فرار ایدنلره التحاقله اوراده ده بر جمعیت تشکیل ونشریات لازمیله توسل ایدلمسی ایجاب ایتدیکندن بوجهتده تأمین ایدیلوب برطاقم کنج لار اوروپا ومصره فرار صورتیله سوق واعزام اولمغله (پارس) و (مصر) ده ده اتحاد وترقی جمعیتی شعبه لری تشکل ایتدی .

تاریخ خلعلرندن تاریخ ارتحالاری اولان ۱۳۲۲ سنه سی جمادی الاخره سنک اون یدنجی بازار ایرتسی کونته قدر یکریمی طقوز سنه چراغان ساحل سرای همایوننده عادتاً محفوظاً ومحبوساً دینیله جک بر صورتده اقامت ایتدیرلمشدر . خاقان مرحوم مشار الیه حضرتلری خاندان جلیل العنوان عثمانی بیننده حلم ونزاکت ومرحمت وتریبه ذاتیه وعلمیه وآثار قلمیه لريله مشتهر بولندقلری جهتله دولت ومملکتک طالعه سزلکی وشهریار مغفور مشار الیه حضرتلرینک بخت سزلکی خلعلرینه سبب اولمش وبویله بر وجود عالی و قیمت داردن استفادۀ ایدیله مامشدر .

التمش التی باشلرنده عازم کاشن سرای مفقوت اولان پادشاه مشار الیه حضرتلری استانبولده یکی جامع شریف قرینده والده محترمه لری تربیه شریفه سنه شان سلطنته موافق اولیه حق بر صورتده نقل ایله دفین خاک عطرناک ایدلمشدر .

ایشته بوصورتله فرار و پارسده تجمع ایدن بکار عزمك پارسده نشرینه باشلا دقلری «مشورت» و اولجه سلیم فارس افندی طرفندن لوندرده تشر اولونان «حریت» غزته لرینک ذات حضرت پادشاهی و حکومت عثمانیه علیهنده کی نشریات تجاوز کارانه لری سلطان عبد الحمید خانک و عثمینی تشدید و تزیید ایلدیکی بر صره ده دیون عمومیه عثمانیه اداره سی عثمانلی داینلر و کیلی و میزان غزنه سی صاحب امتیاز و محرری طاغستانلی مراد بکک ده اوروپا یه فراری خاقان اسبق مرحومی بسبتون اغضاب ایتمندن بونلرک اقناع و عودت لری اسبابنک استحصالی ضمنتده برچوق مأمورین سیاسیه و ختمیه نك اوروپا و مصره اعزامی مصارفی خزینة جلیله مالیه به بیکارجه لیرایه مال اولمشدر .

استانبولدن روسیه طرفیله فرار ایدن مراد بک روسیه دن اوروپانک بعضی مراکز مدنییه سنی طولاشه رق پارسه واصل و اوراده کی رفقاسی ایله کوریشهرک مصره عزیمت و قاهره ده «میزان» غزنه سنی طبع و نشره باشلامش ایلده برمدت صوکره مصرده انتشار ایدن میزانک اوراده انتشاری (*) قابل و کئندوسنک دخی اقامتی ممکن اوله میه جغی جهتله پارسه عودت ایلمشدر .

بو وجهله پارسه عودت و مواصلت ایدن مراد بک پارسده کی جمعیت منسوبینله بلذاکره میزانک اسویچره نك «جنوره» شهرنده انتشارینه قرار و یریلهرک رفقاسندن برقچ ذات ایله اسویچره یه عزیمت ایلدیکندن اتحاد و ترقی جمعیتی استانبول مرکزندن ماعدا اوروپاده اوچ و مصرده برکه جمعا درت شعبه تأسیس ایتمش لوندرده «حریت» پارسده «مشورت» جنوره ده «میزان» ناملرنده اوچ غزته یه مالک اولمش و مصرده بعضی رسائل و اوراق طبع و نشرینه و بونلری داخل ممالک عثمانیه اداخل وارساله باشلا دیغندن جمعیت افرادینی تکثیر ایتمشدر . استانبول مرکزی طرفندن بو غزنه لر و اوراق سائره توزیع و بعضی محللره یافته لر تعلیق اولمق کبی جرأتکارانه حرکت ابرازی پادشاه مرحومک داخل ممالک عثمانیه ده ظلمنک تشدیدینه و برطاقم نورسیدکان وطنک افی و تغریبنه و برچوق خاندانک ده محو و پریشان اولسنه بادی اولدی .

اوروپا یه سوق و اعزام اولونان مأمورین سیاسیه و ختمیه طرفندن بو منفعت

(*) میزانک مصرده عدم انتشاری اسبابی مرحوم مشار الیهک (مجاهده مالیه) و (تحریر استقبال) نام اثرلرنده مذکوردر .

برست بکاردن بعضی منافع شخصی برای تأمین ابدانك صورتیله عودته اقتاع ایدلایکندرن عودت ایشلر ودرسمادته مواصلتارینی متعاقب قائممقامق ، مکتوبجیلک ، متصرفلق ، معارف ، جمعیت رسومیه ، شورای دولت اعضاقلری کبی برر ماموریتیه نصب وتعیین اولنمشارددرکه بوللرک اسامیسنك نشرندن شمیدلک صرف نظر ایدرم .

آمال وخیال خاملری مناصب دولتك پك فوقنده اولدیغندن نظارت وصدارت مقاملرینی اقتدار واهلیتاری درجه سندن دون عدایدن ومطالعه ایدلکلی خیالی کتاب ورومانلرک خیالاتیله سرمست غرور اولان بوفکرسز ووجدانسز سرسریلردن برطاقی مسلك ونشریات تجاوزکارانه لرنده اصرار وحکومتك تعقیبات وتقیفات شدیدیه ومهادیه سندن طولانی داخل ممالکده راحت عمومییه بی سلب واخلال ایشدیلر .

بالاده بیان اولندیغنی وجهیله جمعیت منسوبینیله برطاقم کنج مکتبیلرک نفی وجبسندن توحش ایدن استانبول مرکز هیئت برمدت برر طرفه چکیلیمشلسره ده موخرأ بعض طرفدن آلدقلری قوته استنادأ اوراده بوراده کیزی کیزی اجناعتلرله مقصد لرینك تأمینندن وجمعیتلرینك دوام وبقاستدن کیرو طورمدقلری کبی طشریه نفی وتغریب اولونان جمعیت افرادی ده کتدکلی محالرده بعض سبکفرانی اغفال ایتمك صورتیله بوفکرک اویانسنه وکندیلرینه طرفدار پیداسنه موفق اولدقلرندن بوندن استفادیه قالیقشن استانبول جمعیت مرکزیه سی تعقیب ونجسندن یاقه لرینی قورتاره رق مقصدلرینك دها امین وسریع بر صورتده جریانی ایچون آناتولی وروم ایلی ولایاتنك برنده ده بر مرکز کشادینی تحت قراره آلوب بوفکرلرینك حصولی چاره سنه توسل وتشیت ایله اعضای جمعیتدن بر قاجنی بعض ولایاته اعزام ایتمشلردن .

اول امرده آناتولی جهتنه کیدن اعضای جمعیت بعض ولایانده اجرا ایتدکلی سیاحت نتیجه سنده آناتولی اهاالسنك نجیب وصاف اولان قایلاری بویله برتشبك شمیدلک اورالرده اجراسنه مساعد اولدیغنی مشاهده وکزدکلی برلرده کی رفیقلریده مشاهدات واقعیه لرینی تأیید ایدلکلی جهتنه عودت ایدلرک مشهودات ومطالعه لرینی بیان وبونك حصولی المنجق روم ایلی جهتنده قابل اوله بیله جکنی اتیان ایتمشلردن .

ذاتاً سلائییکده باش کوسترین و کتدکجه توسع ایدن بر جمعیت خفیه ایله اشتراک ایتک اتحاد و ترقی جمعیتک آمانه ده‌ها زیاده موافق اوله جغی درک و نیقظ اولندیغندن جمعیت اعضای ناطقه پردازانندن بر ذات سلائییکه اعزام اولمش واوراده دخی اتحاد و ترقی نامنده بر جمعیت یاییله رق حصول مقصده وصول ایچون ایشلرینه کرمی و برلشدر .

اولزمان سلائییک اوچنجی اردوی همایون مشیریتک مقری بولندیغی مناسبتله ارکان و امرا و ضابطان عسکریه بالطبع کثیر ایدوکنندن و بوضابطانندن برچوخی جمعیه داخل اولدقارندن جمعیت مدت قلیله ظرفنده مناسرتله سائر بعضی محالرده دخی شعبه لرشاد ایتدی .

روم ایلی جهتنده بولونان امرا و ضابطان عسکریه وقت و زمانیه ترفیع و ترقی ایده مدکاری و منتظماً معاش آله مدقاری و استانبوله مآذونیت اعطا ایدلمدیکی وزادکان صنفندن برطاقم پاشا زاده رفیقارینک ارکان و امرا رتبه لرینه ارتقا ایتدکاری و پایتخت سلطنت سنیهده بولونان اردوی همایونک کندی حاللرینه لسه مکمل و منتظم بولندیغی جهتله حکومتدن فوق العاده داکیر و قوماندان اعظم اولان پادشاهده غایت مغیر اولملری روم ایلی ولایاتندهکی ضابطان و بونلر واسطه سیله ده برچوق مأمورین و اشرافک جمعیه دخوانه و اردوی همایونک مع التأسف جمعیه آلت اولسنه سبیت و بردی .

جمعیتک شوصورتله نکتر و تزیاید ایدن اعضا و افرادینک همت و غیرت لرینه ده اناطولینک بعض محالرنده طرفدارلری چوغالغه باشلادی .

بوندن خبردار اولان و داخل و خارجده بولونان منفعت برستان دخی درحال استفاده یه شتابان اولوب فوج فوج جمعیه داخل اولدیلر .

برمدت ده‌ها بویله خفی دوام ایدن جمعیتک درمه و چاقه و خیالپرست اعضای مقصدلرینک تسریع حصولیله تأمین منفعتلرینه وسیله جو ایکن اوصیرهده واقع اولان حکمدارانک « رد وال » ملاقاتی کندیلرینه برسرمایه عد و اتحاد ایله حقیقی وطنپرورلک کسوه سنه بورینه رک میدانه آتیلوب جمعیتک رؤسا و اعضای عسکریه سی واسطه سیله اردوی همایونی مقاصد سقیمه و وخیمه لرینه آلت مقامنده استخدام و استعمال ایله نیک و بدی تمیز و تفریقدن عاجز اهالی مظلومه دی ده بیک درلو اراجیف نشر و اعلانیله تحریک و تشویق ایدم رک اردوی همایون ایله برابر خلیفه

مسلمین و قوماندان اعظم پادشاهلریله حکومت حاضره عثمانیه یه قارشی عصیان
وقیام ایتدیردیله .



غازی سلطان عبد الحمید خان ثانی حضرتلری

Sultan Abd-el-Hamid Khan II

مملکتیمزک کویا تقسیم ایدلمکده اولدیغندن بحثله بوندن صیانه همان قانون
اساسینک اعلان و اصول مشروطیتک وضعی و ووطنک انقصادن تخلصی بولنده
سلانیک و مناستر و سائر روم ایلی مراکزندن جراتکارانه تلغرافنامه لر کشیده
ایتدیره رک مابین همایونی ، باب عالی بی تضییق و تهدید ایله مأمورین حکومت
واستانبول خلقنی وله وحیره دوشورمشلردر .

وطنپرورلک تقاییده اتحاد و ترقی نامی تحتنده طویلانان بواسطیا و اثر ابر برینی
تعقیب ایدن تهدیدنامه لریله استانبولی برقاج کون دها تضییق ایلدیله .
مناستر و سلانیکدن توالی ایدن مراجعات اوزرینه خاقان اسبق عبد الحمید خان
ثانی حضرتلری صدر اعظم فرید و سر عسکر رضا پاشا لردن قوشقولانه رق دفعه
ایکیسنی بردن عزل ایله سعید پاشایی موقع صدارته کتیردی .

سعید پاشانك صدارتی — صدر اعظم فخامتلو دولتو سعید پاشا حضرتلری
موقع صدارته کلدکن صوکرده ده مراجعات واقعه توالی استعمی اوزرینه خاقان
اسبق حضرتلری اهمیتی آرمقده اولان بواشی مذاکره اتمک اوزره برکیجه
وکلائی سرای هایونه جانب ایتدی . حتی بودعوت واجتماعه شیخ الاسلام دولتلو
سماحتلو محمد جمال الدین افندی حضرتلریله وکلادن بعضاری دعوت اولمادیلر .
خاقان مشار الیه حضرتلری بوبنده روم ایلیدن مابین هایونه کلن تلغرافنامه لری
انجمن وکلایه تودیع وبرقرار اتخاذهنی اراده یوردیلر .

صدر اعظم سعید پاشا « ملتك هنوز مشروطیت ایله اداره قایلیتی اولدیغی
ظن واعتقادنده بولندیغندن برقرار اتخاذهنده متردد وحیران ایکن اوصرهده مناسبتدن
ضابطان عسکری امضا سیله کان تهذیب آمیز بر تلغرافنامه اوزرینه خاقان مشار
الیه حضرتلری نتایج وخیمه ظهوردن احترازاً قانون اساسیك اعاده مرعیتی رسماً
اعلان اولمق اوزره بر مضبوطه تنظیمی انجمن وکلایه اراده وفرمان یوردقندن
درحال اووجهله انجمن وکلایه بر مضبوطه تنظیم وعرض وتقدیم قلمشی وموجبینجه
اراده سنیة پادشاهی شرفتماق یورلمش اولدیغندن جمله ن معلومی اولدیغی اوزره
« ۲۵ جمادی الآخرة ۱۳۲۶ » سنه هجریه و « ۱۱ تموز ۱۳۲۴ » سنه رومیه
سنه مصادف « جمعه » کونی غزته لره ویریان مختصر بر اعلان رسمی ایله « قانون
اساسی » نك اعاده مرعیتی اعلان اولمشدر .

اعلان مشروطیتی کندیسنه مال قید وقبول ایدن اتحاد وترقی جمعیتی شوراسنی
یلسون که مشروطیتك اعلانی سلطان عبدالحمید خان حضرتلریك حزم واحتیاطیله
مؤخرأ برر صورته هدف تعرض وحقارتلری اولان وکلانك همت وغیرت
وطنپروانه لرندن ایاروکلشدر .

چونکه سلطان عبد الحمید خان حضرتلریك اوتوز اوج سنه لك اداره کیفیه
ومستبد سندن بزار اولیان وکلا ومامورین دولت وافراد مات قلامش واستانبول
خلق ایسه لك زیاده ظلم وتعدی یه معروض قالمش ایدی .

یوقسه او یله بر زمرة قلیله نك تضییق وتهدیدینه سرفرو ایدلیه رك حل عصیانده
بولونان عساكر شاهانه نكده مجازاة قانونیه لرینك اجراسیله بوقیامدن منعارتی لك
سهل وقابل اولدیغنی ایضاحه لزوم یوقدر .

هرنه صورته اعلان واستیصال ایدیلورسه ایدلسون خاقان اسبق مرحومك

اوبوز اوچ سنه دوام ایدن اداره کيفيه ومستبده سندن بيقمش و اوصائش اولان رجال و مأمورین دولت و افراد ملت بومشروطیتی کمال اشتیاقله آلتشلا بیه رق استقبال و هفته لرجه اظهار آثار شادمانی ایله قهرمان حریت و بانئ مشروطیت عدایلدکلی اتحاد و ترقی جمعیتک او خائن و قاتل مؤسس و اعضا لرینی ، اعظم ملت و اولاد وطنک قانلرینی زقاق اورتیه لرنده هدر ایچون حاضر لدقاری فدائی جانلرینی بیله تحسین و تقدیره مجتمعا شتاب ایتدکلی کبی بو جمعیه قید و دخالی عاداتا فرائضدن عدایله ملیونلرجه خلق داخل جمعیت اولدیلر .

اهالنیزک جمعیه قارشو کوشتمش اولدینی حرمت و محبت اتری اولدق جمعیت توسیع دائره نفوذ ایدرک عموم مالک عثمانیه ده برر شعبه کشاد ایلمش و بکوردکلی توجه و رغبتک و یردیکی نشئه مؤسسين ورؤسای جمعیتی یک زیاده شمارمش و مقاصد سقیمه معلومه لرینک قریب بر زمانده حصولانی قایلرینه القا ایلمشدر .

مع مافیه سنه لرجه اداره مستبده التنده ازیان بیچاره ملتک ییلر و بیلمز سوق حریت و حمیت ایله جمعیه قید و دخاله شتابان اولسی یک طبعی ایدوکندن بوندن طولانی جمله سنی معذور عد ایدرز .

برمنوال محرم میدان انقلابه آیلان اتحاد و ترقی جمعیتی اولا درسعادته مرخصار اعزامیله نور عثمانیه جوارنده شرف افتدی زقاغنده کی دائره مخصوصه نی کشاد و اجراآت حکومتیه اورادن مداخله بیه بسماه کش ابدار اولدقدن بر مدت صوکره « رجال الغیب » عدینه سزا اولان سالانیک هیئت مرکزیه می مؤسس ورؤسای بر آن اقدام واصل اقصای اهل اولق حرصیه استانبوله جان آتدیار .

وجهله اتحاد و ترقی مرکز عمومیینی پایتخت سلطنت سنییه نقل ایله امور حکومتک جمله سنه مداخله بیه باشلادیلر .

ابتدای انقلابده کی بیاناتلری خلافت اولدق نکهبان مشروطیت اولان اتحاد و ترقی جمعیتی رؤسای منفعتپرستانی نفوعات اموریه و ارجیه قدر وظائف حکومتیه مداخله دن اجتناب ایتمدیلر .

اوصره ده تنظیم و رسماً باب عالیده قرائت اولونان خط هما یونه صدر اعظم سعید پاشا حضرتلری طرفندن تأمین افکار اهالی ایچون قانون اساسی احکامی مؤبد اولق اوزره صدارت و مشیخت کبی حرییه و بحریه ناظرلرینک ده طرف شاهانده دن انتخابی حقنده درج اولونان فقره قانون اساسینک ماده صریحه سنه

مخالف اولديغندن شيخ الاسلام جمال الدين افندي حضرتلری طرفندن اولبايده
وقوعبولان مخالفت و اعتراض شديد اوزرينه سعيد پاشا استعفايه مجبور اولمشدر .
مشروطيتدن اون . اون ايكي كون صوكره سعيد پاشا حضرتلرينك بوججهله
استعفاى ايله قايننه سنك(*) - قوطلى صدر اسبق كامل پاشا حضرتلرينك اوچينجى
دفعه اوله رق موقع صدارته كىمى موجب اولدى .



صدر اعظم كامل پاشا حضرتلری

Son Altesse Kiamil Pacha (Grand vezir)

« مشروطيتك برنجى قايننه سى وايلك صدر اعظم و شيخ الاسلامى »
بالاده مختصرجه افاده و بيان اولنديغى اوزره صدر اعظم سعيد پاشا حضرتلرينك
وقوع استعفاسته مبنى قانون اساسيت ماده خصوصه سى موجبجه طرف اشرف

(*) بوقايننه مشروطيتى اعلان ايتيش ايممهده قبل الانقلاب تشكىل ايلديكى و اعلان
مشروطيتدن اون . اون ايكي كون صوكره دوشمىكى حمله قانون اساسى موجبجه تشكىل
مشروطيت قايننه سى عدايديله مز .

جناب پادشاهیدن مشروطیتك ايلك قايینه سنی تشکیل ایتمك وظیفه سیله مسند
 جلیل صدارت امور داخلیه وخارجیه ده مہارت وسیاست وممارسه ودهاسی حسبلہ
 داخلہ وخارجہ مظهر اعتماد عمومی اولان افخم وکلای سلطنت سنیہ دن قبریسی
 نحاتلو دوللو محمد کامل پاشا حضرتلرینہ تفویض ومقام عالی مشیخت دخی اصالت
 ونجابتلہ متصف افاضل علمای اسلامیه دن بیک اوچ یوز بدی سنہ رومیہ سندن
 اعتباراً بیک اوچ یوز یکرمی درت سنہ سنہ قدر بلا فاصلہ اون سکر سنہ مقام
 معلائی مشیخت اسلامیه یه شرفبخش اقبال اولان استانبولی دوللو سماحتلو محمد
 جمال الدین افندی حضرتلرینہ توجیہ بیوریلہ رق بر معتاد آلائی والا ایلہ باب
 عالی ده بوبادہ کی «خط همايون» ملوکانہ قرائت ومقام صدارتجہدہ قاینہ اعضاسی
 انتخاب وتعیین بیوریلہ رق ارادہ سنیہ سی استحصال ایدلدیکندن مشروطیتك
 قانونی ايلك قاینہ سی بوقاینہ اولمش و«مستعیناً بتوفیقہ تعالی» ایفای وظائقہ
 بدأ ومباشرت ایلمشدر.

بروجه تفصیل تشکل وامور اداره یه توسل ایدن کامل پاشا قاینہ سی داخلہ
 وخارجہ عمومہ امنیت بخش اولمش وادارہ دولتك تحت انتظامده دورانہ باشلادیغنی
 ارانہ ایلمش اوزرینہ اوروپا دولتلرینک عثمانیلرہ قارشى آثار محبت وتوجہ
 ابرازینی وممالک عثمانیہ نک معصورت وترقیاتنه خدمت ومعاونت مقصدیلہ برچوق
 اوروپا سرمایہ دارانک قاصہ لرینی کشاد ایلہ فوج فوج پایتخت عثمانیہ نی زیارنہ
 شتابان اولمشنی تأمین ایلدیکنی مشاہدہ اندن اتحاد وترقی جمعیتك رؤسای
 منہجپرستانى ارباب ثروت وسرمایہ نک قاصہ لرینی کشاد ودولتہ ہردرلو معاونتی
 دعوت ایدن حالک حکومتك حائز اعتماد وامنیت اولسندن منہج اولیوب اعلان
 مشروطیتك تأمین ایلدیکی طبیعی برحال اولدیغنی ومع ما فیہ کندیلری دخی اداره
 حکومتی الہ آلہ لرہم شخصیلری ہم ممالکتك مستفید اولہ جنی ظن باطلی افکار
 سقیمہ لرینی تشویش وذهنلرینی تخریش ایتمش اولمی کہ ابتدای انقلابدہ داخل
 جمعیت اولان برطاقم اشخاص شریرہ واشقیای مشہورہ نی باشارینہ طویلایہ رق
 قاینہ نک تدابیر انضباطرورانہ سنہ طبان طبانہ ضد وآداب دینیہ واسلامیہ وقوانین
 موضوعیہ کلیاً مخالف اولان غصب نقود ونهب اموال کی حالانہ اجتناسارلہ
 وکلای سابقہ ومأمورین دولت واغنیای ملتك خانہ لرینہ هجوم ایتك وعضارینی
 انواع ظلم واشکنجہ ایلہ زقاقلردہ سوروکلمك ونقود موجودہ لرینی جبراً اخذ

وغصب ایلهرک مملکتی آنارشی حالنه قویغنه ودرلو درلو بهانه لرله ده اعانه لر جلب وجمعنه وکیسه لرینی طولدیرمغه باشلامشدر و حکومتی مشکل برحاله کتیرمشدر .
کامل پاشا حضرتلری مقام صدارتده خیلیدن خیلی به یورلمشدر .

چونکه بر طرفدن بونارک ارتکاب ایتدیکی فضاحک اوکنی آلمق و بر طرفدنده مناصب و مأموریت دولته داخل اولیه جقارینی مع القسم بیان و تأمین ایدن جمعیت اتحادیه رؤسا و اعضاسنک مستشارلق و والیک کبی مأموریتلرله منسوبلرینک حکومته یراشدیرلسی و اوصاف قانونیه بی حائز اولیان جاهل و دکر سر بعض اشخاصک هیئت اعیانه ادخالی کبی ناجا مراجعتارینه بر نهایت ویرمک و آسایش و انضباط مملکتی محورنده دوران ایتدیرمک چاره سیله پک چوق مشغول اولمشدر .
بویولده فصایح اجراسنه تشبث و مأموریت طلیله باب عالی بی تضییق ایتملری ایوجه تدقیق اولنورسه کامل پاشا حضرتلرینک مسند صدارتده بولنمسی اتحادی تولید ایدن خفی جمعیتلرک مرضیسته موافق کلمدیکندن صدر مشار الیه حقنده موجود اولان داخلی ، خارجی اعتمادی ازاله ایتدیرمک مشار الیه حضرتلرینک اغبرار و انفعالی جلب ایله ترک مقام و موقع ایتمسی چاره سنک تحریسی ایچون مذکور جمعیتلردن آلدقاری امردن بشقه برشی اولدیغی تظاهر ایدر .

سلامت وطن و سعادت ملتدن بشقه بردوشونجه سی اولیان و هیچ بر فرده قارشی بغض و عداوت بسلمیان پیر سیاست تدبیر کامل پاشا حضرتلری اول امرده بونلرکده عین حس و فکرده بولندقلرینه ذاهب اوله رق نکبان مشروطیت اولمقدن پک اوزاقلشمش اولان جمعیت و اعضاسی یوزندن مملکتک کوره چکی فلاکت و مهالکی دفع ایچون نصایح لازمه ایله اصلاحلری چاره سنه تشبث ایلیمشار ایستد حشرات مرقومه نک معاملات ناروا و حرکات مستبدانه لرندن واز کچرملری ممکن اولمیه جغنی و شخص و نفسارندن بشقه دنیا ده بردوشونجه لری اولیان و مملکت و ملت قارشی برحس حرمت و محبت اسلامه بین و هر درلو فضائل انسانیه دن محروم و انواع جنایات و فناقلری اجرا و ایقاعه مستعد و منهمک و وطن و ملت دکل عالم انسانیت ایچون وجودلری برسم مهالک اولان و وطنپرورلک نقاب و کسوه سی تحتنده منفعت شخصیه لرینک استحصالنه چالیشان بورزبل و خائنلرک وطن و ملت ایله قطعاً بر علاقه لری اولدیغنی استدلال بیورمشدر .

معرز وطنمزی بوکی اشخاص شریره انه ترک و تودیع ایله چکلمک عصر اردنبری

بر حال گشمتگشته یو وارلاران دولت و مملکتک تسریع انقسام واضع حلالی بادی
اوله جغنی بالملاحظه بونلرک دیگر بر صورت حسنه ایله تنسیق و اصلاحی
چاره سنه توسل بیوردقلرندن خبردار اولان رؤسای جمعیت بوندن فوق العاده
اورکدرک استانبولده کی عساکر عثمانیه ایله لازم کان تهدیداتی ایقاع ایده میه
جککرینی ده بیلدکارندن اللرنده بر قوه مسلحه بولندیرلمسنی حس و بر بهانه ایله
روم ایلنده بولونان نکهبان حریت دیدکری آوجی طابورلرینی سلانیکدن جاب
ایتدیره رک بو طابورلرله مابین همایونی و باب عالی بی تضییق و تهدید گستاخانهده
جرات و کامل پاشا قاینه سنک سقوطی چاره سنک تحریرسندن کیر و طورمدیلر .
اک بنام جمعیت اتحادیه مؤسس و رؤساسندن اولوب قاینهده عدلیه ناظراننده
بولونان و جمعیتک تعقیب ایلدیکی بو حالی تجویز ایتمین مانیاسی زاده رفیق بک
افندی بی بیه تهدیده قیام ایتساری مشار الیهک انکسار قلمنی و بر مدت صوکرده
وفاته سبب اولمشر .

اولزمان قاینهده داخلیه نظری بولونان حسین حلمی پاشا هرته سینه مبنی ایسه
بوخائن سرسریاره سرفرو واتیاددن کندیسی بر درلو آله مامش و موقع حسدارته
اقمادی و عدینه انضمام ایدن حرص جاه ایله کوزلرینه عمی طاری اولوب حال
و استقبال دولت و ملتی فراموش ایدرک بوخلله ایله معاً قاینهک سقوطنه وار قوی
بازویه و یروب چالیشدیغندن وطن و ملتیزک بو حال فلاکت و انقسامه معروض
قلمسینه مشار الیهک بو وجهله حرکتی سبب یکانه در .

تضییق و تعرض و تهدید و مداخله دن بر آن خالی قالمیان کامل پاشا قاینهسی
بو حال ایله بالطبع امید ایدیلان اجراآت و اصلاحاتی تمامیه موقع تطبیقه وضعه
میدان بوله مامش ایسهده آنارشى خالنده اولان ممالک عثمانیهده آسایشی تأمین
و انتخاباتک اجراسیله مجلس مبعوثانک کشادینه بلا فتور چالیشمش (۲۳ ذی القعدة
۱۳۲۶) سنه هجریه و (۴ کانون اول ۱۳۲۴) سنه رومیه سنده مبعوثانک کشادینه
موفق اولمشر .

انکاتره دولت معظمهسی در سعادت سفیر کبیر لکنه تعیین یوریلوب ابتدای
مشروطیتده شهر یزده مواصبت ایدن سفیر سیر لاوتر جنا باری حقنده استانبول
اهالیسنک اتحاد و ترقینک بر قاج اعضاسی مستثنا اولدیفی حالده مذکور جمعیت
اعضای سائره سیله برابر کوستر دکاری آثار حسن قبول و حرمت و محبت فوق

الغایه دن وانکله دوله معظمه سیله دوله علیه نك دوست و محب قدملری اولان بعض اوروپا دول معظمه سنك قایینه حقنده پرورده ایدکاری آثار مخالفت و مودتدن شرقده کی منافع سیاسی لرینه خال طاری اوله جغندن توحش و تلاشه دوشن اتحاد و ترقی جمعیتك حامی یگانه سی آلمانیا ایمپراطوری و یلهلم ثانی ایله جمعیت اتحادیه نك آمر اکبر و ظهیر اعظمیری اولان جمعیات خفیه طرفندن صورت مخصوصه ده مأمور لر اعزامیله قایینه نك بهمه حال سقوطی چاره سنه باقلمسی و بواوغورده لازم کن فدا کارلقدن چکنامامسی ایچون او آمر مقتضیه اعطا و بو او آمرک صورت تطبیقنه نظارت ایتک ایچونده آیروجه قونطرول مأمورلری تعیین اولندیغی کی استانبولده کی دویجه بانقک و اناتولی شمندوفر اداره سنك قاصه لرینی اتحاد و ترقی جمعیتنه آچهرق ترکلرک حقیقی دوست و محب قدیمی اولان انکله دوله نخیمه سنك نفوذ و پولتیقه سنك ممالک عثمانیه یه عدم دخوانه غیرت ایدلمسه اناتولی شمندوفرلری دیرکوری موسس (هکنن) مأمور ایدلکدن بشقه درسعادت آلمانیا سفارتنه برلیندن ویریلن امرده ده سفارتک جمعیتله دائماً تماسده بولنه رق منافع سیاسی و اقتصادی لرینه کلیاً منافی اولان بویله برحالدن جمعیت مؤسسین و رؤسا سنك منعی ایچون تعیدات بصیرتکارانه ده بولالمسی امر و اشعار اولمشدر .

کرک آلمانیا حکومتی کرک مذکور جمعیتلر بواوغورده یوز بیگکرجه ایرالر صرفندن چکنمیه رک اتحاد و ترقینک اودیشسر و ایمانسز و وطنسز و وجدانسز اوچ بش کشیدن عبارت اولان مؤسسن و رؤسای مهمه سنی اولجه احضار ایدکاری یلان موجبجه حرکت ایتدیرمکه موفق اولدقیری جهتله رؤسای معلومه معبوده نك مجلس مبعوثان اعضاسنه ویردکاری تعلیمات دائره سنده کامل پاشا قایینه سنه حق قانونسنی « قانون اساسی احکام منیفه سنی آیاقلر اتنده براقه رق » استعمال ایتدیرمیوب و صدر مشار الیهک اوچ کون صکره ویره جکی ایضاحاتنه ده انتظار ایتمکسزین مجلس مبعوثانده غایب عدم اعتماد بیان ایتدیردکدن بشقه سلطان عبد الحمید خان حضرتلرینی تضییق و اصرار ایله کامل پاشا حضرتلرندن عادت سابقه وجهله اوکیجه بلا استعفا مهر همایونی استرداد ایله عزله مجبور ایتمشلر و بوسیلله ایلاک ضربه نی قانون اساسی یه کندیلری اورمشلردر .

جمعیت رؤسای معلومه سنك بونا قابل عفو اولان حرکتلری بوزندن دولت

و مملکتی فلاح و انقضا طوغری برنجی خطوه بی آتشدر .

کامل پاشا قایینه سنه عدم اعتماد بیان اولاندیغی کون پاشای مشار الیه حضرتلری
دائرة مبعوثانه عزیمت بیورمش اولسه ایدیلر مبعوثان قیو وقوریدورلرینه و آیا صوفیه
میداننه یرلشدیریلن اتحاد و ترقی اشقیا و فدا ایلری طرفندن قتل ایدیلر جاکردی .
بوجنائیک اجرایی آلمانیا نیک در سعادت سفیری بارون مارشال دو بیرشتاین
و آلمانیا لی مشیر غولچ پاشانک تشبثات و ترتیبات خفیه لری نتیجه سی اوله رق اتحاد
و ترقی جمعیتنجه قرار کیر ایدی .



صدر اعظم حسین حلمی پاشا حضرتلری

S. A. Hussein Hilmi Pacha (Grand Vezir)

حسین حلمی پاشانک برنجی صدارتی — کامل پاشا حضرتلری قایینه
سنک غیر مشروع صورتده سقوطی اوزرینه مسند صدارت جمعیت طرفندن موعود
اولان خامتلو دولتو حسین حلمی پاشا حضرتلرینه توجیه ایتدیرلش و مشار الیه
حضرتلری قایینه سنی اتحاد و ترقی رؤسا راعضاسندن مرکب اوله رق تشکیل ایلمش

اولدیغندن بوقایینه اتحاد وترقی جمعیت مرکزیه سنک باب عالیده برمرکزی اولمشدر
ملعبه صبیان دینک اولان بوقایینه نک آزمدت ایچنده اوینادیغی او بونلر لایحه
ولا محصی اولوب الک مهم اولان ایکسینک ذکرى افهام مرامه کفایت ایدر .
برنجیسی اوتوز برمارت وقعه سنک احضار واحد ائیدر .

ایکنجیسی سلطان عبد الحمید خان نانی حضرتلارینک غیر مشروع وغیر قانونی
خلعی قرار ایدر .

بو ایکی مسئله مهمه حقنده معلومات نامهارى اولیانلری ایفاظ ایچون براز
ایضاح ایدم .

بر آلت شر مقامنده وهر بر خصوصده استخدام واستعمال اولنق اوزره اولجه
سلانیکدن کتیرلدیکی بیان اولونان آوجی طاہور لرینک اوتوز برمارت حادثه سنک
تولیدی وساطان عبد الحمید خان حضرتلارینک خلعی ایچون اوینادیغی رول اتحاد
جمعیتنجه باعث شکران اولدیغندن اول امرده بوندن بحث ایده جکم .

چونکه بو طاہورلرک قوماندانلری سلانیکلی عودتی رمری بک کبی محترم قارداشلرک
رؤساسندن وضابطانی ده اوقارداشلرک روم ایلی واستانبولده زقاق اورنه لرند قتل
وشهید ایدیلان حقیقی وطنرورلریمزک قانلاری اولان اتحاد وترقی جمعیتنک نامدار
فدائیلرندن ایدیلر .

بویله قوماندان وضابطاندن مرکب برهیئت محترمه نک (۱) تحت قوماندا واداره
سندده بولونان طاہورلر افرادی ده عین حس وفکره تابع اولدقدن بشقه افراد
موجوده نک قسم کلیسی روم ایلی اهالیسندن روم و بلغار اشقیاجتہلری منسوبیتندن
اولدقلری جهتله ارباب جنایت وشقاوتدن ایدی .

ایشته ازهر جهت شایان اعتماد وامنت (۱) اولان بو طاہورلرک ایضا ایدم جکری
خدمتی دیگر طاہورلر ضابطان وافرادی نک اجرا ایدمجه جکری جمعیتنجه معلوم
ایدوکندن اوتوز برمارت حادثه سنک اردوی همایون ایچنده احدائی وظیفه سنی
بونلره تحمیل ایله استانبولده بولونان عساکر عثمانیه نک افکارینی تحریک ونجدیشه
باشلاتدیغی جمعیت وسائط سائرہ ایله ده بعض سبکفران اهالی بی تشویق واشغال
واردوی همایون ایله برابر برعصیان واحتلال حیفا رتقی تأمین ایلدیکی جهتله
« ۳۱ مارت ۱۳۲۵ » تاریخنده استانبولده بروقه مؤسسه ظهور ایتمشدر .

بو وقعه فیعه یی سیئه واحضار ایدن آوجی طاہورلری ضابطانی بوم حادثه

نفرالبسه سیله سوقاقلری طولاشه رق عصیان و قیام ایدن عسا کر شاهانه ایله
افراد اهالی بی تحریکدن و وقعه نك کسب توسع ایتیمی بولنده ده بر چوق رول
اوینادقن صوکره ذاتاً مرتب اولدیغی وجهله سلا نیکدن حرکت ایدن حرکت
اردوسنه التحاق ایتک اوزره چتالجه و خادم کوی جهترینه فرار ایتمشلدر .
برنجی وایکنجی فرقه هایونلرده بولونان طابورلر مکتبلی و اتحادجی ضابطانی
دخی وظیفه متدسه رینی ترک و فرار ایدهرک حرکت اردوسنك استقبالی ایچون
چتالجهیه کتدیله قوماندانلر ضابطملر قالان طابورلر افرادی بالطبع ارقداشترینه
التحاق ایلدکلرندن وقعه توسع ایدهرک بعض وقوعات ظهورینه بادی اولدی .
بوفرت و عصیانه یدی . سکر آیی طرفنده جمعیتك عقل و حکمته غیر موافق
اجرا ایلدیکی حرکاتی کورن و نتیجه نك و خامتنی تقدیر ایتمه باشلایان بعض کسان
التحاق ایتمش قادرو خارجنه چیقاریلن اسکی ضابطان دخی کتدیله رینه قومانداندا
ایتمک ایچون افراد عصیانیه طرفندن خانه لرندن جبراً جلب ایلدلیکنندن ایش
اتحاد علیه دونهک باشلامشدر .



صدر اعظم توفیق پاشا حضرتلری

Son Altesse Tewfik Pacha (Grand Vezir)

جمعیت وقایده اوینادیغی بواویونک کندی علمیه دوتسندن خوف وهراسه
دوشهرک هربری برطرفه فراره باشلادقلاردن تخلص نفس سوداسنه دولن
صدر اعظم حسین حلمی پاشا وقایده سی دخی استعفا سی و یروب فرار ایتمش
اولدیغندن مملکت حکومتسز و برحال عصیانده قالمشدر .

بوهرج وهرجه معروض قالان دولتی دوشدیکی شوخال ضحرت وفلا کندن
قورتارمق ایچون مملکتجه معروف سیاردن متشکل برقایینه آشکیانی تأمل یوران
ذات حضرت پادشاهی درحال توفیق پاشایی مسند صدارته اقعادیوردیار .

توفیق پاشانک صدارتی — مقام جلیل صدارتی احراز یوران نقامتلو
دولتو توفیق پاشا حضرتدری قایینه بی مملکتجه معلوم و معروف ذواتدن بالتشکیل
بوچالک اوکنی آلمق ایچون لازم کلن تدابیری اتخاذه باشلادیلر .



حزیه ناظری مشیر غازی ادیم پاشا حضرتاری
Son Excellence Ghazi Edhem Pacha
Ministre de la guerre

قائمه حریه نظارتی در عهده ایدن مشیران عظامدن غازی ادهم پاشا
حضرتلرینک همت غیورانه وشجاعت عالم پسندانسی ایله حال عصیانده بولنان
عسا کر واهالی اقناع وعفو عمومی اعلان ایدمک صورتیله تأمین ایدیله رک طاغیدلمش
وعصیان واقعک همان اوکی آلتوب عسا کر شاهانه قشله لرینه وهرکس یرلرینه
عودت ایتدیکندن استانبوله سکون وآسایش تقرر ایلمش ایکن حرکت اردوسی
نامیله سلا نیکندن کلن اتحاد اردوسی شهریمزه داخل اولدی .

شهره بلا مقاومت داخل اولان بوعصیان اردوسی عادتا بیوک براشقیاجته سندن
بشقه برشی * دکلدی .

چونکه روم ایلی ده عقیب انقلابده استیمان ایدن نقدر بلغار ، روم ، ارناؤود
چته لری وارایدیسه انلرک همان کافه سی موجود اولدیغندن وسلانیکک دونه
یهودی لری وبوکا عمائل حشرانده اردویه دخالت ایددیکندن بوکی اشخاص شریره
ایله مالی اولان وحرکت اردوسی دینیلان اتحاد وترقی اشقیاجته سی استانبوله
دخول ایدر ایتمز بولده راست کلدکری علما وصلحای امتی قتل وشهید ایتمک
وانواع مظالم واعتسافات ویضا کرلک اجراسنه وقشله وقره غوللرینه چکیلن
ووظیفه لرینی ایفا ایدن عسا کر عثمانیه یی کویادشمنله محاربه ایدرجه سنه قشله لرینی
طویلرله آبلوقه ایدمک قشله لری طویه طومق وبوصورتله درونارنده بولونان یکریمی
اوتوز بیک نفری خاک هلا که سرمک کبی جنایات ارتکاب ایتدیبار .

« خروج علی السلطان » دیمک اولان وبوحاله جرأت ایدن ومحمود شوکت پاشا
ایله فریق حسین حسنی پاشا قومانداسنده بولونان بواشقیای شریره اردوسنک
قوماندانلرندن تقرینه وارنجهیه قدر عسکری جزا قانوننامه هامونی مواد معلومه سی
موجبنجه اعدام ایدملری جمعیت ائیمهیه خلوص وعبودیت ایچون بوجانیلری
آلتیشلایان اللریده مجازاة شرعیه وقانونیهیه تودیع وتسليم ایتمک لازم کلیرکن
بو حشرات واسطه سیله خلیفه روی زمین وپادشاه اسلامیان اولان سلطان
عبد الحمید خان ثانی حضرتلرینی خام ایتدیملری عقلای امت ووکلا ی مات
واعیان حکومت ایچون الی الابد باعث مؤاخذه احوالندیر .

بوصورتله استانبوله داخل اولان بواردو مرتب ومقرر اولدینی اوزره درحال
اداره عرفیه اعلان ایتمش وبرنجی ، ایکنجی دیوان حرب عرفی ناملرنده برر
محکمه عسکریه تاسیس وتشکیل ایدمک وکلای سابقه وعسکری ، ملکی مامورین

سائره ايله سراي همايون ارکانی وکندی منافع شخصیه لرینه قارشى حرکت قیام ایده بيلمسی متصور اولان ادبا و محرومين عثمانیه ايله ارباب اقتدار و نفوذدن برچوغمی اعصار سابقه ده یکیچر یلرک اجرا ایلدکلری طوت وقاپ اصولنجه راست کلدکلری بولرده دردست و حربیه نظارتنده بکراغا بلوکی دینمکله معروف حبسخانهیه القا ایلمشلردر .



حرکت اردوسی نامیله سالانیکدن استانبوله کلن اتحاد و ترقی
چته سنک محمود شوکت پاشادن اولکی قوماندانی
فریق حسین حسنی پاشا

Hussein Husni Pacha, Chef de l'armée d'opération

دردست و حبس ایلدکلری اشخاص کوندن کونه تکثر ایلدیکندن و مذکور
بکراغا بلوکی نام حبسخانه بونلری استیعابه کفایت ایده مدیکندن اوست قاتنده کی
برنجی فرقه عسکریه و مرکز قوماندانلی دائره سیله اطفائی و نشائجی طابورلری
افرادینک اقامتنه مخصوص قشله لر دخی مظلومین ملت ایچون برر زندان حاله
قونداقلری حاله بونلرده موقوفین و حبوسین موجوده بی استیعاب ایده مامش

و مؤخرأً ارکان حربیہ عمومیہ دائرہ سی اتخاذ اولونان حربیہ نظارتی قارشوسنده کی چفته سرائلری یله حبسخانه حاله افراغ و حربیہ نظارتی میداننده چادرلر رکزیله حبسخانه اتخاذ ایتمشلردر .

بومنوال اوزره توقیف وحبس اولونان ذوات کرام و افراد ساثره ملت آج و صوسر براقدرلری کی عقل وخیاله کله میان یک درلو اذیت و اشکنجه لرده حق لرنده روا کورلدی .

حق جمعیت اتحادیه نك اور زیل و مسخره مؤسین و رؤسای و قهرمان و بانى مشروطیت دیدکلری انور و نیازیلرله ساثر فدائی جانیلری طرفندن موقوفین و محبوسین مظلومهدن بعضلری کوندوز و کیجه و غیر معین وقت و ساعتده بورزیل و وجدانسزلرك بولندقلری حربیہ دائره سنده کی اوطه لره بلجلب انواع حقارت و تعرضه دوچار اولدیغندن بواتره درجندن حیا ایدیلن الفاظ شنیعه و کریمه ابله عزت نفسی و ملت ده ترزیل ایتدیلر .

بوالحاق رزیلارک تشکیل ایلدکلری دیوان حرب بلردن برنجی دیوان حرب هیئی میاننده یاشلی باشلی ارکان و امرای عسکر بهدن و ارباب ناموس و وجداندن براق ذات بولندیغندن مذکور دیوان حرب بومثالو معایر قانون حالته محاسرتلرندن طولای شایان مؤاخذه اولان بورزیل و خائشاری تسبیح و بوحالاتك منع تکرری ضمننده لازم کان تدابیری اتخاذ ایتمش ايسه ده طوبیجی حسن رضا پاشا دینیان ایکنجی دیوان حرب رئیسك تحت ریاستنده کی دیوان حرب هیئی اتحاد و ترقینك فدائی جانیلر یله یکرمی . یکرمی بش یاشلارده کنج ضابطاندن مرکب اولدیغندن بودیوان حرب هیئی اجرا ایدیلن بوکی معامله غیر قانونیه بی منع ایامك شویله طورسون اتحاد و ترقی جمعیتك بنده خص و اصدقلری اولدیغنی ارايه ایتك ایچون برچوق فضایح ارتکاب و اجرا سندن چکنم دکدن بشقه قانوناً برایکی سنه حبس جزاسنه محکوم اولمی لازم کان و یاربجزایه مستحق اولیان مظلومین ملت اعدام جزاسیله محکوم ایدمرك مملکتك عصارجه تشدره میه جکی اولاد وطندن یوزلرجه سنی آیا صوفیه و یایزید میدانارنده صلیباً اعدام ایتدیرمرك جمعیه قارشی اثبات صداقت و ابراز خدمت ایتمشدر .

جمعیه قارشی ابراز صداقت و خدمت ایدن بوایکنجی دیوان حرب عرفی رئیس و هیئی بوکی غیر مشروع و غیر قانونی حرکتیه جراتندن طولای تاریخ عثمانی بی

لکه دار ابتدکاری کبی دنیوی، اخروی مجازاة الهیه دن بقارینی قورنارمیه جقدر .
برطرفدن ملت مظلومه نك توقیف وحبسیله اوغراشان جمعیت اتحادیه دیگر
طرفدن سلطان عبد الحمید خان حضرتلرینك خلعی ایچون ایجاب ایدن تدابیری
اتخاذ ایتدیکی کبی حرکت اردوسنك درسعادتہ دخولی ایچونده سعید پاشانك
ریاستی التندہ طویلايه بیلدیکی اعیان ومبعوثانی آیاستفانوسده کبیاط قلوبنده اجتماع
ایتدیرمش وحرکت اردوسنك استانبوله دخولنه قرار ویردیرمشدر .

حرکت اردوسی استانبوله دخول ایله قشله لرده کی افراد غضنفر نهادی خك
هلاکہ سردکدن صوکره مرتب ومقرر اولدینی اوزره بیلدیرسرای همایونی
جوارنده آرامساز عرب وآرناؤود طاہورلریله اناطولی افراد بسالت نهادندن مرکب
دیگر طاہورلری برر صورت و بهانه ایله تبدیل ایدوب برلرینه مذکور حرکت
اردوسنه منسوب طاہورلره سلانیکدن کتیردکاری ژاندارمه لری اقامه ایله سرای
همایون محافظلغنی ده اله آلدیغندن آرتق خاقان مرحومدن قورقاجق برشی
قالمامشدر .

اعیان ومبعوثانی اقناع ایچون جمعیتك ترتیب وحمود شوکت پاشانك کشیده
ایتدیکی یلدر سراینك عوارضدن تجرید ایدلدیکنه دائر اولان برنلغرافی اوررینه
اعیان ومبعوثانی دائره مبعوثانده اجتماع ایتدیرمش واورایه جلب ودعوت ایدیلن
فتوی امینی صدور عظامدن وصلاحای علمادن ساحتلو نوری افندی حضرتلرینك
انطالیه مبعوثی المالی حمدی افندیك قارالامش اولدینی فتوی مسوده سی مندرجاتی
مخالف شرع شریف اولدیغندن عدم تصدیق واصرار واقع اوزرینه ده بکا ایدرک
سوزنده ثبات ایتمسی جهتیه حسین حامی پاشانك صدارته تعییننده شیخ الاسلام
جمال الدین افندی حضرتلرینك استعفاده اصرارینه بناء مقام مشیخته کتیریلن
روم ایلی قاضی عسکری ضیاء الدین افندی وقوع بولان جبر واکراه اوزرینه مسوده
مذکورہ فی فتوی شکنه افراغ ایله امضایه مجبور اولغله خلعه قرار ویرمشدر .

مذکور اردونك استانبوله دخولدن برقاچ کون صوکره خلاف شرع شریف
اوله رق بالاده بیان اولونان قرار موجب بنجه سلطان عبد الحمید خان ثانی حضرتلرینی
« ۷ ربیع الآخر ۱۳۲۷ » سنه هجریه و « ۱۴ نیسان ۱۳۲۵ » سنه رومیه سنه
مصادف صالی کونی خلغ ومقام خلافت وسلطنته خاقان مشار الیهک برادر
والا کهرلری ولی عهد سلطنت محمد رشاد افندی حضرتلری عین کونده اجلاس

واقماد وخاقان سابق حضرتلری مع عائله سلائیکده اقامت ایتمک اوزره اورابه
سوق واعزام ایلدیلر.



سلطان محمد رشاد خان خامس حضرتلری
Sultan Mohamed Rechad Khan V.

تخت عالی بخت عثمانی به سلطان محمد خان خامس عنوان جلیلی ایله جلوسلری
اجرا قلنان سلطان محمد رشاد خان حضرتلری ملک خصصات برپادشاه عالیجاه
ایدیهلرده تخته قعودلری صالی کونه مصادف اولدیغنه وقرون سابقهده صالی
ایسه اجرام مماویه عابدلری عندنده مششوم عد اولنور برکون اولدیغندن بوشثامت
زمانمزه قدرده انتقال ایلدیکنه بناء برچوق الیم تصادفلر واقع اولمغله يوم مذکورک
بزلرجهده شثامتنی قبول ایدنلر واردر.

صالی کوننک شثامتنی محرر عاجزده قبول ایدنلردن اولدیغ جهتله سلطان مشار
الیله حضرتلرینک صالی کونی جلوسلرینک وقوعی هم مملکت وهم نفس همایون
ملوکانلری ایچون خیرلی اولیه جغنی اوکون بعض رقابیه سویلیدیکم وارد خاطر
عاجزیدر.

حقیقه صالی کوننک بر یوم مشئوم اولسنی سلطان محمد خان خامس حضرتلرینک
بوکچن اون سنه لك زمان سلطنتلریده اثبات و شئامتی تایید ایدیور .

بوملك خلاصت پادشاه كديكى اوصالى كوندنبرى برادرلرى خاقان سابق
حضرتلرینك و همندن طولانی اوتوز اوچ سنه چكلكارى عذاب آلتی اوتوندیره
جق برچوق عذاب وجدانیه و آنجه قارشوسنده بولمش واصل و ساری الی اولیان
برچوق اتحاد زور بالینه مع التأسف آلت شر و اسیر اولمش و بوجاهل و حریص
ورزیل مؤسسن و رؤسای جمعیتك تغلب و تجاوز زندن نه کندیلرینی نه ده مملکتی
قورتاره بيلمشدر .

خاقان مشار الیه حضرتلرینك دور سلطنتلری دولت عثمانیه تاریخنده سیلنمز
برسیاه لكه براقه جق و بوساطتیه یغما و اعدام و آتش و قان و انقسام دوری نامنی
و یردیره جکدر .

بومغدور و مظلوم و بدبخت سلطان محمد خان خامس حضرتلری ازمدت ایچنده
يك بيوك وقایع مذهبه و حادثات جمیعیه حنادید جمعیتك جبر و تضییق و تهدیدیه
ایسته میهرک آلت اولدیغندن شبهه سز فوق الغایه دخول و متاثر اولمش و دولت
و مملکتك آتیا اوغرایه جفی فلاکتی درك و ممرسله محزون و مکدر اولهرق ما بوسا
ترك دغدغه حیات ایلمشدر .

بویله غیر مشروع فتوی ایله خلع قرارینی و یردیرن جمعیت هر حال و کارده
دیانت اسلامیه بی بر آلت مقامنده استعمال ایلرکی حالده خلیفه و پادشاه مسلمین
حقنده و یریلن بوقرارک « شریعت غرای محمدیه » به کلیاً مخالف و مغایر بولندیغنی
و قانون اساسیك اون برنجی ماده سنده دولت عثمانیه لك « دینی دین اسلامدر »
دیو محرر اولسنه کوره دیناً و شرعاً و یریلن برقرارک تبلیغ و تطبیق و اجرا سنده
اودین ایله متدین و علاقه دار اولیان برذاتك استخدای بالطبع غیر قانونی اولدیغنی
نصل اولوبده اوتوندیره بوقراری تبلیغه مأموراً یلدر سرای همایونه کوندریلن
هیئت میاننه « سیونیست » جمعیتك اتحاد و ترقی جمعیتی زدننده مرخص عمومیه
بولونان و جمعیت اتحادیه لك سلائیك هیئت مؤسسیندن واحوال ماضیه سی
سلائیكده بر مدتیك اقامت ایدنارجه معلوم اولان سلائیك مبعوثی یهودی
مشهور قره صوی اذخال و اعزام ایتدی .

ایشته اتحادجیلر طرفندن تهیه و احضار ایدیلن و سلطان عبد الحمید خان

حضرتلریله طرفدارلرینه اسناد و عطف اولونان اونوز برمات حادثه سی صدر اعظم توفیق پاشا حضرتلریله قایینه سنک هممات مشکوره وطنپرورانه لرله تسکین ایدلدکدن و سلطان عبد الحمید خان ثانی حضرتلرینی ده غیر مشروع خلع (*) و سلاطینکه سوق و اعزام ایتدکدن و حرکت اردوسی استانبوله کیردکدن و اداره عرفیه اعلان و دیوان حربلر تشکیل و بیکارجه آدمی توقیف و حبس ایدلدکدن صوکره بر قورقورلی قالمیان و صاقلاندقاری دایکوردن چیقان اتحادجیلر و سابق قایینه اعضاسیینه حکومتی اله آلق سوداسنه دوشه رک مشروطیتک ایلک خلیفه و پادشاهی نامی و یردکری سلطان محمد خان خامس حضرتلرینی جلوسلرینک ایلک کونلرنده مشروطیته مغایر و قانون اساسی حکمنه مخالف حرکتیه سوقه باشلایوب سلطان مشار الیه حضرتلرینک صدر اعظم توفیق پاشانک ابقاسی خصوصنده واقع اولان ابرام و اصرارلرینه رغماً مشار الیه حضرتلرینک عزلله یینه ملعبه صبیان قایینه سی رئیس حسین حلمی پاشانک موقع صدارته کتیرلمسنی آمرانه و تهدیدکارانه اصرار و طلب ایله مقصدلرینی استحصال ایلدیلر .

*
* *

حسین حلمی پاشانک ایکنجی صدارتی — ایکنجی دفعه اوله رق مسند صدارتی احراز ایدن نغاملو دولتو حسین حلمی پاشا حضرتلری بوکره قایینه سنی رؤسای اتحادک الک مهم ارکاندن تشکیل ایلدیکی و یدیز سرای همایوننک یغماسی و بیکارجه مظلومینک قتل و اعدام و نفی . تفریبی . انواع مظالم و اعتسافات اجراسی و سلطان عبد الحمید خان ثانی حضرتلرینک بانقه لرده کی نقود موجوده سنک ضبط و در سعادته یانقیندر ایقاع و احداثی . سائر کونا حادثات جنائیه و شقاوتکارانه ایقاعی بوقایینه زماننده واقع اولدیغندن حسین حلمی پاشانک بوجرأتکار و جنایتکار ایکنجی قایینه سنه دخی (جانیلر) قایینه سی نامی و یرله ییلور .

جانیلر قایینه سی نامی و یردیگز شو اتحاد و ترقی جمعیتنک باب عالی شعبه مرکزیه سی شرف افتدی سوغاغی هیئت عمومیه سی رؤساسیله برلشه رک یدیز سرای همایونی یغماستندن آلدقاری مجوهرات و سائر بی تاریخن یازمقدن حیا ایده جکی بر صورتده سرای همایونده بولونان قلعه لردن جبراً اخذ و غصب ایتدکری الماس و ذیقیمت

(*) « خلیفه و پادشاه مسلمان فاجر و ظالم اولقله خلع اولنه میوب مجنون اولتی و یاترک دین ایتک » لازم ایدوکنه نظراً بو خلع اقتواسی موافق شرع شریف اولدیغنی اهانه معلومدر .

اشیائی کویا پدرلرندن موروث ایش کبی بینلرنده توزیع و تقسیم ایتدکدن صوکره اها اینک گوزینی بویامق قصدیله برقاچ پارچه مجوهرک اوروپا به ارسالله فروختی و بونلرک ائمانی اولان اوچ بوزکسور بیک لیرا قدر جزئی بر مبلغی دوتما جمعیتی اعانه سنه ایراد قید ایتدیردکرینی و بر مقدارینی ده خرینه هابون ایله موزه خانه به (*) تودیع ایتدکرینی اوتانندن اعلان و بوکا مماثل احوال جنایتکاری به ده اجنّاسار ایتدکری ارباب ذکا و احباب وقوف عنندنه معلوم و مسلمدر .

قاینه بویله یغما کرلک و حرکات جنائیه ایله مشغول اولدیغی صرهدده حامیلری و یلپلم نانی ایله ولی نعمتاری اولان جمعیات طرفندن کلن امرلر اوزرینه طرابلس غرب بازارلغی ایچون روما سفیری اولان حقی پاشا به معاونت ایتک و صفت رسمیه سی اولان سفیرک کیره میه جکی برلره کیروب حقیق و کوره میه جکی آدماری کوروب قونشقی ایچون مؤمن و کارآشنا بازار کالدر اعزامی لازم کامکله بوکبی دقایق احواله واقف و طرفینک مظهر اعتماد و امنیتنی حائر بازار کالدر سوق و اعزام ایدلمش و بالخاصه قره صو افندیکنک بوبابده کی همت و غیرت و طنپورانه (!) سیله ایش بولنه کیرمش اولدیغنه و مقام صدارته اقمعادیلله بومستلانی ختامه ایردیرمسی ایچون حقی پاشانک ده موقع صدارته کتیرلمسی مقررآت واقعده جمله سندن بولندیغنه بناء ارتق حسین حلمی پاشا قاینه سنک دویرلمسی تحت وجوبده اولدیغندن امثالی مثللو ترتیب ایدیلن بر استیضاح ایله مذکور جانیار قاینه سی مجلس مبعوثانک عدم اعتمادینه مظهر اوله رق سقوط ایدی و یرمشیدی .

حقی پاشانک صدارتی — مقام صدارت روما سفیری نخامتو دولتاو حقی پاشا حضرتلرینه توجیه ایتدیرلمش و ذاتاً در سعادت و رودلرنده سرکه سی استاسیوننده جمعیت طرفندن کمال دبدبه و وطنطنه ایله استقبال ایدیلن بوذات صدارت آلا بنده ده عین حرمت و محبت اتحادیه به نائل اولمش و صندالی صدارت ده شمدی به قدر چکمدیکی بر عدل و احسان صدر اعظمی سنه لرجه طاشیوب ازلکه محکوم اولمشدر .

ایشته عدل و احسان پواتیقه جیسی پاشامزده حسین حلمی پاشا قاینه سنده بولونان

(*) خزینه هایونه کوندیریلن مجوهرات دیدکاری سلاطین عظام حضراتنه عائد مرصع نشانلردر . موزه خانه به کوندردکاری اهمیت تاریخیه یی حائر اوروپا حکمدارانای طرفندن اهدا اولونان اقچه و بعض اوانی سیم وزردر .

ذوات محترمة نك بعضاريني ابقا وآناردن دها محترم ذواتي قايينه سنه ادخال ايله
قايينه ني تشكيل ايدهرك طراباس غرب وبنغازي احساني ايچون استحضارات
لازمهده بولندي .



صدر اعظم حقي پاشا حضرتلری

S. A. Hakki Pacha (Grand Vezir)

« عدل واحسان » قايينه سي بووجهله تشكّل ايدهرك ايشه باشلامش ايسهده
حقي پاشا حضرتلر نك در سعادتته ورودنده سرکه جي استاسيوننده بيكرجه خلق
طرفندن اجرا ايديلن مراسم استقباليهده ابراد ايلديكي نطقنده بحث ايتديكي « عدل
واحسان » دن مملكتتمز مسقيده اوله مامش و پاشاي مشار اليهك عدل واحساني
كلديكي شمندوفر آلهرق رومايه قدر كيرو كوتورمش اوللي كه بو احسانلرينه ايتاليانلر
نائل اولمشدر .

مملكتتمرك حصه سنه ده بو قايينه نك بوم ورودندن سقوطني كونه قدر باب عالي
حريق اسف انگيزي . حوران عصياني ، عين عصياني ، استانبولده قولرا ظهوري ،

ماليسور عثماني ، وزنه جيلر حريق کيڤري . کريد مسئله سي . ايتاليان دولت
عثمانيه اعلان حربى . طرابلس غرب وبنغازينك ايتاليانلر طرفندن ضبطى ودها
بوکي وقايع خجعه ومؤسفه نك حدودى اصابت ايتشدرد .

حقى پاشانك قدومى مملكته خارجى . داخلى هيچ سكون يوزى كوسترماش
وممالك عثمانيه يى براوغورسزلق بلوطى قاپلامشدر .

نه شرائطله موقع صدارنه كلديكى يوقاربده بيان اولونان حقى پاشا قاينه سنده
حربه ناظرى بولونان وقائع عنوانه (۱) لايق اولان اتحاد وترقى اردوسى قوماندان
بسات (۱) عنوانى محمود شوكت پاشايه اول امرده طرابلس غرب قطعه سنك
تخليه سنى توصيه ايدليكندن ناظر مشار اليه ايله ارکان حربه عموميه دائره سى
(بو دائره بعد الاتقلاب اتحاد وترقى رؤسا واعضاسى الله قالمش ومذكور دائره
مامورىنى اردولر يمزك بوحاله كلسنه واتحادك آمانه خدمت وياردم ايتشدرد) درحال
طرابلس غرب وبنغازينك تخليه سى ايچون لازم كن تدابيرك اجراسنه مباشرت
ايلمشدر .

شويله كه اولاً تخليه سى مانع اولاجق اولان طرابلس غرب والى وقوماندانلغنده
بولونان مشير فلاتون تدبير دوللو ابراهيم پاشا حضرتلر يى عزل ودر سعاده جلب
ايتمش ويرلرينه كيمسه تعيين اولميه رق وطرابلس درحال اعزام ايدلمديكندن
ولايت وقوماندانلق مقاملرى بوش براقلمشدر .

ثانياً يمنه سوق ايتك بهانه سيله اوراده كى قوه عسكريه يى قالديرديلر .
اوواسع قطعه ده موجود عسكرك مقدار ينى ايكي ، اوچ ييك راده سنه تزيل
ايتديلر .

طوپ وتفنك وسائر لوازم عسكريه يى برر بهانه ايله آلديرديلر .
دور سلطان عبد الحميد خاننده دائمى صورتده اون بش ويكرمى ييك راده سنده
بولونان طرابلس غرب وبنغازى فرقه عسكريه سنه ظهير اولق ايچون تشكيل
اولونان قول اوغلى اوچاقلر ينى طاغتيالر .

طرابلس غرب فرقه سنده بولونان اوتوز ينجى ، اوتوز سكرنجى سوارى
آلايلارندن بر ينى ده آلديلر .

براقدقلى بر آلاى سوارينك موجود ينى يك دون بر مرتبه يه اينديرديلر .
قول اوغلى عساكر مليه سنك تسليحي ايچون حين تشكليه كوندوريان قرق اللى

یکی متجاوز مارتن و شاید تفکر بی ده یکی سیستم تبدیل و تحویل اتمک
وسیله سیله در علیه به جلب ایل به یرینه سلاح کورمدیلر .

طرابلس غربده و نقاط ساثره سنده محتاج تعمیر اولان استحکاماتی تعمیر
و نقصان اولان طو پلرینی اکاله ییله لزوم کورمدیلر .

ابتدای انقلاب د نبری طرابلس غرب اهلایسنک اجراسنی ارزو و طلب ایدلگری
اخذ عسکر معامله سنی یا مدیلر .

بونی یا مقله اسنانه داخل اون بش و یگر می یک افراد غائب ایتدیلر .

والحاصل قوه نظامیه دن و هر درلو و سائط مدافعه دن تجرید ایدیلن بوقطعه
واسعه دشمنک تسلط و هجومه مروض برحاله وضع اولنه رق ایتالیا نك باز یج
احترازی اولغه محکوم ایدلدی .

حقی پاشا قاینه سی دولت علیه عثمانیه نك آفریقا قطعه سنده یکانه مالک
اولدیفی طرابلس غرب ایل به بنغازی بی بویله جبه هر درلو مدافعه دن عاجز .
عسکر سز ، طو پسر ، تفکسر ، والیسز ، قوماندانسز ، ذخیره سز ، پاره سز براقه رق
شرائط مقرره بی ایفا و وظیفه سنی اکمال ایتمشدر .

بالطبع بوندن خبردار اولان ایتالیا حکومتی اردو و دو تناسنی احضار و سوقیاته
ابتداره میا برحاله قویدیفی حالد هیمچ برشی یوقش کبی داورانقده و باب عالی به
قارشی دوستانه حرکتده دوام ایتمکده ایدی .

ایتالیا نك بویولده حرکتده باشلادیفی احساس ایدن عثمانی مطبوعاتی طرابلس
غرب مدافعه سنی علی العجله استکمال ایدلسی لزومنی حکومته توصیه یوللو بعض
مقاله لر یازمشلر سه ده ذاتاً باب عالیجه معلوم اولان بو حرکتدن طولانی برشی
یابیلماق لازم کلمدیکندن حقی پاشا قاینه سی سرین قانلیقله جریان احوالی سیر
ایدیور و غزته لرك بومقاله لرینه هیمچ اهمیت و یرمیوردی .

حقی پاشا قاینه سی رخاوت و مسکنست و سرسملیکنده دوامده بولنسور
استحضاراتنی اکمال ایدن واردوسنی کیلره ارکاب ایلین و دو تناسنی آق دکزده
جولانه باشلاتان ایتالیا حکومتی در سعادت سفیرینه ناکهانی « ۲۳ ایلول ۱۹۱۱ »
تاریخیه باب عالی به و یردیردیکی برتقر یرده « شو صره ده طرابلس غربده ایتالیا نلر
علیه تحریکات موجود » اولدیفی ادعاسنی اوکه سورهرک « اورایه مهمات
و عسکر طولی و ابورلرك سوقی غلیان تعصبی موجب اوله جفی و بوده اوراده کی

ایتالیان تبعه سنی نهلکجه دوشورجکی جهته بولمیشلردن صرف نظر ایلمه سی «
اکلاته رق ایشه باشلا دیغنی ایما ایدیور .

بوندن الی کون صوکرده و یردیکی اولتیماتومه « طرابلس غربک ترکیا طرفندن
سنه لردنبری اعمار ایدیله مدیکندن وایتالیانک اورایه نفوذ و حلوانه ممانعت
ایدلدیکندن » بحثله « ایتالیا حکومتیجه وظائف متمدینه و عمرانی ویرانه ایفا
اولمق اوزره قطعه مذکور هک درحال عسا کر عثمانیه دن تخلیه سی ویکرمی درت
ساعت ظرفنده جواب قطعی اعطاسی لزومی » بیایدیرلمسی اوزرینه صورت
ظاهرده باب عالیجه برتلاش کوستریله رک حق پاشا اوکیجه مجلس وکلای کیجه
یاریلرینه قدر سرای هما یونده عقد ایتدیرمش « غایت ملایمانه و متذللانه » دها
طوغریسی « هراستدیکنه آماده یز سویله یک بازارقه کیریشه لم » طرزنده برنوطه
حاضرله یه رق ویرمشارسده بونوطه نک مدت تبلیغی اولان یکرمی درت ساعت
ختم بولمده دن برقاچ ساعت اول ایتالیا سفارتخانه سی طرفندن ویریلن « ۲۹ ایلول
۱۹۱۱ » تاریخلی نوطه ایله ایتالیا حکومتی دولت علیه عثمانیه اعلان حرب
ایلدی . (۱۶ ایلول ۱۳۲۷)

ایتالیانک طرابلس غربک تخلیه سیله کندیسنه تسلیمی ویکرمی درت ساعت
ظرفنده جواب اعطاسی لزومنه دائر ویردیکی نوطه اوزرینه باب عالی دن طرابلس
غربه کشیده اولونان برتلغرافنامه ایله « شاید ایتالیا نلر تجاوز ایدرسه دشمنه برجهانه
ویرلماش اولمق اوزره مقابله ایدلمیه رک شهرک موقتاً تخلیه سی » امر اولمش ایدی .
غریبدرکه اوصره ده « حتی پاشا وقایینه سنک بوبابده کوستردیکی رخاوت
و بطائت مملکته خیانت واهدانتدن دکادر . بلکه اولجه روماده بولونان وایتالیانک
احوال پولتیقیمه سنه واقف اولان صدر اعظم حتی پاشا حضرتلرینک نامدار
دیپلوماتاردن اولدیغی جهته بومسئله مهمی ده » بوکر اوچون ماحصه سنده « غایت
مصالحانه و ملایمانه برچاره حل و تسویه یه ربط ایده جکلردر . ایتالیا نک
طرابلس غرب و بنغازی یه حصار دیغی عسکری کادیکی کبی که و کویورتمک موقی
اولور . ببناء علیه موجب اندیشه و تلاش برشئی یوقدر » طرزنده واهی سوزلرله
مشغول جمعیت اتحادیه نک و حتی پاشانک بندکان و مداحلری بیله مع التأسف
کورلمش ایدی .

ایسته قایینه و جمعیت بومسئله ای امثالی مثالی کچشدیرمک ایستهمش ایدمده کوندن

گونه کسب شدت ایدن هیجان و علیانک اوکی قولای قولای آلنه میه جغنی حس ایدرک شارلا تانقله کوز بویاجیایغه قیام ایتش و جمعیت اتحادیه « ایتالیا ندر ابدیا دشمنمزد » سرنامه سنی غزته لرینه قویدیرمش وقهرمان وفدائیارینی برر برر طرابلس غرب جهتنه سوق واعزام ایله کویا مدافعهیه تشبث ایدوب قاصه لرینی طولدیرمق چاره سینه توسل ایلمشدر .

بو وجهله ملته قارشی اثبات حمیت و ابراز صداقتله جمعیتارینک وکندیارینک بقا و آمال خسیسه لرینک دوامی ایچون حقی پاشایی فدا ایتمک و مجلس مبعوثانی میعادندن برآی اول کشاد ایله قاینهیی دوشوردرک آرتق غلیان و هیجانلره برنهایت ویرمک و افکار عمومیه نك کندی علملرینه دوتامسی ایچون تسکین هیجانه چالشمغه جمعیت قرار ویردی .

مجلس مبعوثانی میعادندن برآی اول « تشرین اول ۱۳۲۷ » ایتداسنده کشاد ایتدیردی .

مجلس مبعوثانک کشاد واجتماعنده مبعوثان میاننده اتحاد و ررقی فرقه سی مبعوثانلرندن ده حقی پاشا قاینه سی علملرینه بولونانلر کورلایکنندن قاینه نك سقوطی تحقق ایتدی .

مجلس مبعوثانده واقع اولان هیجان و کور و لایق آره سنده حقی پاشا قاینه سی یو وارلانهرق عدل و احسانیه برابر سقوط ایتدی .

سقوط ایدن بوقاینه نك یرینه کله جک قاینه نك ریاستنده بولنه جق ذات ملتجه معروف و امور سیاسیه واقف بریمی اولدینی صورتده بوزانک احوال سیاسیه وقوفندن امیدوار اوله جق اولان ملتک برمدت دها او یالنه رق وقت قزانیه جغنی جمعیتجه تأمل اولندیخندن (بوقلمون) کبی رنگدن رنگه کیرن و جبات و ملعتی، ساخته کارلق و شیطنتی سایه سنده کورنمیان و سلطان عبدالحمید خان ثانی حضرتلرینک زمان سلطنتلرنده سکر دفعه مقام جلیل صدارتی احراز ایتسیله مشهر اولان صدر اسبق ابهتلو دولتلو سعید پاشا حضرتلرینک صدرانه تعینی قرارلشدیرلش و ذانا آماده اقبال اولان سعید پاشاده جمعیتک بوقرار و تکلیفنه روی موافقت کوستره رک طقوزنجی دفعه اوله رق موقع صدارته اقعاد اولنمشدر .

مسند صدارتی احراز ایدن سعید پاشا حضرتلری طرابلس غرب مبعوثلری طرفندن ویریلن تقریرله دیوان عالییه سوقلری طلب اولونان حقی پاشا قاینه سی

ارکاندن اکثرینی داخل ایدهرک بر قاینه تشکیل ایتدی .

سعید پاشا حضرتلری بو تشکیل ایلدیکی قاینه ایله مبعوثان حضورنده عرض اندام ایدنجه مجلس مبعوثانده عدم قبول آثاری واقع و هیجانی مذاکره حاصل اولدیغندن خفی بر جلسه ده هیجانی مذاکره لره « بر ایکی آی صوکره تدریجاً ارکان مشار الیه دکیشدیریله جکدر » وعدیله هیجانه نهایت ویرمه مکه موفق اولدیلر .



صدر اعظم سعید پاشا حضرتلری

Son Altesse Saïd Pacha (Grand Vezir)

صدر مشار الیه و همپاسی اولان رؤسای معلومه جمعیت ، بو مسئله ده دخی رول چویرمکدن خالی قالمیوب یالکز قاینه اعضاسنک دکیشمسی وعدیله قاینه یه اعتماد ایدلمیه جکنی بیلدکلرندن هر مسئله ده اولدیغی کبی بونده ده « مخالفلر کامل پاشا دخی برابر اولدیغی حالد یکی بر فرقه یاپیورلر و بو طرابلس غرب مسئله سنی ایلری سورهرک مملکتده طرفدارلرینی تکثیر ایدیورلر . اگر سنز بو قاینه یه اعتماد ایتمز وقاینه شکل ایلیه مزسنه مملکتده بر عصیان ظهوری ملحوظدر .

بحثله طرابلس غرب وبنغازی بی ایتالیا به الحاق ایتدیکنی نشر ایدیووردی .
 بوبیاننامه ایله ایتالیا به الحاق ایدیلن بوقطعه بی کویا ایتالیا به ویرمأمک بهانه
 سیله میدان مجاهده به آیان اتحاد و ترقی اشیا و اشرا سی بر مدت خزینة جليلة مالیه
 بی بوسيله ایله ده ماکل اتحاد و یجاره ملوک ملیونلرجه التوتی صرف واستهلاک
 ایتدکاری کی بیکارجه عربان و افراد ملتہ تأمین منعمتاری ایچون شراب شهادی
 ایچرمشدر .

بزه طرابلسک لزومی یوق دین بو حشراته بزده شمدی سؤال ایدرزکه ؛ عجبانه
 ایچون بوقدر اولاد وطنک قانی هدر و ملوک ملیونلرجه لیراسنی صرف ایتدیلر !! .
 جمعیت اتحادیه رؤسائیک کرک طرابلس غرب ایشنده و کرک سائر خصوصانده
 چویردکاری دولاب منفسد تکارانه لرندن خبردار اولان مبعوثین مخالفین ایله
 مؤسسين ورؤسای اتحادیه دن بعضاریله ذوات سائر حوصله حمیت و وجدانیه
 لرینه صیغمیان بومسائل مهمه فوق العاده ایله مؤخرأ ظهوری محقق و ملحوظ
 اولان دیکر وقایع فحیمه نك اوکمه برسد هائل اوله بیلمک امنیه سیله بالاتحاد
 میرالای صادق بک افندی حضرتلرینک ریاستلری التنده « ائتلاف و حریت »
 فرقه سی نامیله بفرقه تشکیل ایله میدان چیقدی .

جمعیت وقایینه منتظم برپر و غرامله ده ائتلاجو ، ائتلاف عناصره ده میال
 توسیع مأذونیت اصوا ه ده محب کورین بفرقه نك ظهورندن طولانی پک زیاده
 تلاشه دوشدی .

یکی فرقه مبعوثانده موجود (اهالی) و (معتدل حریتپروران) فرقه لر یله
 آرنأود ، روم ، بلغار مبعوثلرینی ده برآریه طوپلادیغندن مجلسده التمش ، یتش
 قدر اعضادن مرکب برکتله مخالفه وجوده کتیردی .

مجلسده بوقدر اعضایه مالک اولان بفرقه مملکتک هر طرفنده ده شعبه لرشادینه
 و اعضا لر قیدینه باشلادی .

قارشوسنده بر مخالف کورمک ایسته مین اتحاد و ترقی جمعیتی بونو ظهور فرقه نك
 ازاله وجودینه حصر غیرته باشلامشدر .

بویله کندیسندن تولایدن و اسرار جمعیته اولدقجه وائف اولان و اعضا و افرادیده
 بریکون عظیم حاصل ایابن بفرقه نك تخویف و تهدید و قتل و ائتلاف کی افعال
 جنائیه ایله اورته دن قالدیرلمسی ممکن اولدمیه جعنی بیان اتحاد و ترقی فرقه سی

اللرندە سلاح مقامندە استعمال ايتدكلى مجلس مبعوثانى در عقب فسخ ايتدیرهرك بوفرقة نك ازاله وجودينه قرار و برمش و صدر اعظم سعيد پاشا حضرتلرينى ده بو قراره موافقت ايتدیرمش اولديغندن قاينيه بوسلاحى استعمالك لزومنى تقدير ايتدى .

قاينيه بوصول سلاحى استعمال ايتك ايچون اورته به برشى آتق لازم ايدوگندن اولجه قرهسى مبعوثى فضيلتلىو عبد العزيز مجدى افنديك رياستى تحتندە تشكلى ايدن « حزب جديد » ك مواد عشره سندن بريسى اولان « مجلسى فسخ حقك پادشاهه و يرلمسى و توازن قوايه رعايت اولمىسى » مسئلهسى ميدانه قويدى . حزب جديدك ابرام واصرارى اوزرينه كرها قبول ايتدكلى بوكى موادك تعديلنه دوندن راضى اولان اتحاد و ترقى فرقهسى . سعيد پاشا قاينيه سنك قانون اساسى معدلك اوتوز بشنجى ماده سنك تعديلنى بتكرار طابى حاوى و مستعجلت بيانيله مبعوثانه مراجعتنى كمال ممنونيتله قبول و در حال ماده معدله لايحهسى انجمنه حواله ايتدى .

بوانجمنك رئيسى منتشا مبعوثى وحقى پاشا قاينيه سنك داخيه ناظرى اولان خليل بك و مضبطه محبرى ده اولجه سربست برقانون اساسى به طرفدار كورونمش اولان بغداد مبعوثى يابان زاده اسماعيل حقى بك ايدى .

سعيد پاشا قاينيهسى بوماده نك تعديل و حقوق پادشاهينك توسيعى ايله قوه اجرائيه و قوه تشريعيه ييننده توازن حصولنى طلب ايتمى اللرندە كال تأسفله سويليه لم كه بر آلت اولمقدن بشقه حق حكمرانيسى استعمال ايدە ميان سلطان محمد خان خامس حضرتلرينه ارزو ايتدكلى زمان مبعوثانى فسخ ايتدیره بيلمك ايچون بر سلاح بولمىسى ايسته مكدن بشقه برشى دكلدر .

بوماده نك بردن به ميدانه چيقارلمسى مبعوثانك فسحنى احتمالى كوسترمش اولديغندن « ائتلاف و حریت » فرقه سنك مخالف مبعوثلرينى دوشوندیردى .

لايحه مذكوره انجمندن چيقارق مجلسه كلنجه به قدر اتحاد فرقهسى مخالفلىرى اوياله مق ايسته ديگندن بونارله ائتلاف ايچون مذاكره به كيرشمك ارزو سنى اظهار ايديو برنجه مستقل مبعوثلك دلايليه هر ايكي فرقه نك مرخصلىرى مذاكره به كيريشديلر .

مخالفارك طاب و ائتلاف ايتك ايسته دكلى مواددن باشلوجهلىرى بونلدر .

قايينه نك اكثریت و مخالفه فرقه لری منسوبيندن، يا خودی طرف ذواتدن تشكيلی، اداره عرفیه نك رفعی، مأمورینك جمعیتله داخل اوله ماملری اوتوز بشنجی ماده نك تأخیر تعدیلی، كامل پاشانك صدارته كتیرلمسی و سائر در.

بو مذاکرات دیدیکمزکی وقت قازانق ایچون ترتیب ایدیان اتحاد و ترقی اویونی جمله سندن اولدیغندن بالطبع او یوشمق قابل اوله مامش و ایش سورونجهیه دوشمش و بومدت ظرفنده اوتوز بشنجی ماده انجمندن چیقارق مجلسه کلمش ایدی. بو جریان ایدن مدت مذاکره ذاتاً جمعیتك ائتلافه یناشمق ایسته مدیکی اکلاشدیغندن اتحاد و ترقی فرقه سی لایحه نك مجلسه کلمسندن بالاستفاده بحاسنک فسخنی ایسته دیکنی علناً سویلمکه باشلامشدر.

بونك اوزرینه مخالف مبعوثلر ماده نك یوم مذاکره سنده مجلسده بولنمامغه قرار ویردیلر و بولندیلر.

مخالفلرک بولنمامسندن مجلسده «اسداد مذاکره» حصوله کلمش وقانون اساسی تعدیلی ایچون احباب ایدن ثلثان اکثریت دکل اکثریت عادیه ییله حاصل اوله. مامش اولدیغندن قاینه ایله مبعوثان آره سنده اختلاف ظهور ایتمشدر.

فقط اوتوز بشنجی ماده معدلهده «اختلافك بالذاکره و مکرراً حاصل اوله جفی» محرر اولدیغنه نظراً قانون اساسی مؤداسینجه اختلاف اولیان بو حالی سعید پاشا قاینه سی اختلاف عدایتدی.

بو صروده مجلس مبعوثانده مخالف و موافق مبعوثلر اویله بر شمائت اختلاف قوپاریورلر و عاداتا بربرلری علیهنده شتوم و تحقیرانده بولنیورلری.

دولتك طرابلس غرب محاربه سی و برچوق غوائل داخلیه و خارجیه ایله مشغول بولندیغی بویله برزمانده مخالفلری دوشورمک واللرندن حکومتی براقیه رق عدم اداره لری سببیه دهابیوک تهلیکه لره مملکتی سوروکلمک و بویله دغدغه لر احداث ایتمک و فسخ مبعوثان کی تهلیکلی و شدید حرکتله جراتله الده بولونان قانونی کیف و منفعتلرینه تطبیقه اوغراشمق اصلاً و قطعاً جائز دکلدی.

ذاتاً منفعت شخصیه دن بشقه برارزو و دوشونجه لری اولیان اتحاد و ترقی جمعیتی اعضای محترمه سندن بوندن غیری دولت و مملکت نه بکلیه بیلیردی.

مجلسك ایلک دردنجی دوره اجتماعیه سنك ختامنه برقاچ آی قالمش ایدی. مخالف فرقه ایله حسن صورتله ائتلاف ایدهرک اویله نازک برزمانده غوائل

احداثدن اجتناب ایتمک و حکومتی دها اهل و مستدرارینه ترك ايله چكلمك حسن ایت احسانی ایچون موجب فخر و سرور اولدیغی حالده ملت و مملکتی سودیگنی اعلاندن کیر و طور میان اتحاد و ترقی جمعیتی نه دن بوجهتی نظر تأمله آلهرق سلامت مملکتی کوزتمدی ؟ .

هر نه ایشه سعید پاشا حضرتلری قانون اساسینک معدل اوتوز بشنجی ماده سنه کوره « اختلاف » صایله میان — چونکه قانونده مذکور « مذاکره » و « توالی » اختلاف » یوق ایدی — انسداد مذاکره نی اختلاف عد ایدوب استعفا سنی ویردی .

شعدی دیگر بر هیئت وکلانک تشکیلده مجلسه کلسی و شو حال اسف الکره بر چاره بولسی و دوام ایدن کورولتیلره نهایت ویرمنسی امید ی هر کسنده اویانمش ایکن قانون اساسینک اوتوز بشنجی ماده سنده « یکی کان هیئت وکلا اسکی هیئت وکلانک فکر و طلبنده اصرار ایدرسه و مجلس مبعوثان بونی قبول اجتزاسه او حالده مجلس مبعوثانک موافقت اعیان ايله طرف حضرت پادشاهیدن فسخ » اولنه بیله چکی کوسترلدیکنه نظراً سعید پاشا قاینه سنک برینه کله چک هیئت وکلا اسکی هیئت وکلا اوله مازدی . عکسی حالده قانون اساسینک لزوم کوستردیکنی هیئت وکلا تبدانک فائده سی قالمازدی .

بو مقصد قانونی غایت آچیق ایکن مجلس مبعوثانی هرجه باد آباد فسخ و سسد ایتدیرمک تصمیمی جمعیت اتحادیه ترك ایده مدیکندن بالاستعفا چکیلن سعید پاشا حضرتلرینی یکی قاینه نک تشکیلنه مأمور ایدیلر .



سعید پاشانک صدارتی — اوننجی صدارتمدن چابوق دوشمامک و وقتیلله کندیسنک بر ویرکو بورجندن طولانی هدف تحقیرلری اولدیغی اتحاد و ترقی بکلرینه بر اویون اوینامق و دوشرسه اتحادیده برابر دوشورمک عزمنده اولدیغنه شبهه ایدیلله میان سعید پاشا حضرتلری یکی هیئت وکلا سیله مجلس مبعوثانده بر پروغرام اوقومق و اعتماد طلب ایتمک اصولی بلکه مخالفلر غایبه چالارده بن اختیارک کنج قاینه سنی دستور رارسه او بنابه جم اویون کیر و قالیدیرک بوندن صرف نظر ایتدی .

اوتوز بشنجی ماده دیو مجلسه گتدی . مجلسده مذکور ماده مذاکره فونامش

ایدی . الله ایچون سویلیهم . وجدانا اعتراف ایدهم . « تقویم وقایع » جریده رسمیه سنک مجلس مبعوثان مذاکره سنی مطالعه ایدهم . « مخالف مبعوثانک کرسی » ملتده مجلسک شوزمانده فسخنک مناسب اوله میه جغنه و اونوز بشنجی ماده موجبنجه مجلسک فسخی تشبثی . قانونه وقواعد مشروطیته توفیق ایدلمدیکنه « دائر واقع اولان افادات و یاناتلری پک قوتلی دلائله مستند ایدی .

بو اونوز بشنجی ماده نك مذاکره سی کونلرجه سورددن صکره نهایت سعید پاشا قاینه سنک ماده نك تعدیلی حقنده کی تکلیفی ۱۲۵ رایه قارشی ۱۰۵ رای ایلدر اولندیغدن وئشان اکثریت حاصل اولدیغدن ماده نك تعدیلنه موفق اوله مدیلر . مجلس مبعوثانک بوردی اوزرینه اتحاد جیلر مجلس اعیانه ویردیردکلی مجلسک فسخی قرار یله مقصدلرینی تأمین ایلدیلر .

« ۵ کانون ثانی ۱۳۲۸ » تاریخلی « خط هایون » ایله مجلسی طاغیدیلر . شوصورتله ملتک مذهب بربرات نجانی اولان قانون اساسی بی چیکته بئرک هر تدبیره توسل ایتکده مضطر قالدقاری حالده بوغغو اولنه هر خطاری بی سد ایتک وکندیلر بی قور تارقی و معذور کوسترمک ایچون هر راست کلدکلیته « اگر مجلس فسخ اولسه ایدی حکومت مخالفه کچه جکدی . حال بوک قارشیمزده قوی ومنتظم ، احوالی مضبوط برفرقه مخالفه یوق . او سببله حکومتی شونازک زمانده مخالفه الله برافقامق ایچون بوحرکته بالضروره تشبث ایتک ! » دیورلردی . مخالفه دبدکلی اتحاد جمعیتک اسکی و یکی اعضا و مؤسسلری وکندی رقیقلردن بشقه کیمسه لردکدی . بونلر مملکتک حال واستقبالی فنا کوروب آریلن برطاقم منور الافکار ذوات ایدی . بونلره او بوشوب برایکیسی قاینه یه آله رق ائتلاف حاصل ایتسه لردی . اوزمان « فسخ » کبی مدهش برحاله سببیت ویرلماش اولور . قانوندن آیرلماز وقانونی منفعت ذاتیلری ایچون آفاق الله المازلردی . سعید پاشا حضرتلری بونکله قانون شکنانه خطاره دوشدیکی کبی مجلس اعیانی ده خفی مذاکره دن صوکره فسخ طلبی قبوله سوق ایتدی که بوجهت حقیقه شایان تعجب و تدقیقدر .

ایشقه سعید پاشا قاینه سی اونوز بشنجی ماده مذاکره سنه بووجهله نهایت ویره رک مبعوثانی طاغیدقدن صوکره چوچقلر الله کجدیکی کوندنبری باز یجه حرص و منفعت اولان و بوتون بوتون شیرازدن حیقان مملکتده بواداره طفولیه بر جوق

وقایع تولید ایلمش ایدی .

سعید پاشا حضرتلری اوتوز بشنجی ماده ایله آیلارجه مشغول اولدینی جهته بو وقایع ایچین ، ایچین یانمقده بولندیغندن طبیعی برکون بردن بره آتش آله جقدی .
نته کیم او یله اولدی . سعید پاشا قاینه سی ایاک کلدیکی کوندن بری معروض بولندیغی
کرید مسئله سی ، مالیسور مسئله سی . یمن وقایعی ، ایران ایله طرابلس غرب
حر بیله اوغرا شیرکن برده جمعیت طرفدن سبیت و یریلهرک میدان کله حزب
مسئله سی . فرقه مسئله لری ، مبعوثانک طاغیدلمسی ، انتخاب جدید اجرایی کبی
هر بری اک متمدن برلمانکی آیلارجه وسنه لرجه اشغال ایده جک ایشلار آره سنده
بولنلش قالمشدر .

آلمانیا ایمپراطوری و بیلیم دوستمزه (!) همت حمایت و روانه لری (!) آثارندن
اولارن طرابلس غرب محاربه سی کفایت ایتمیورمش کبی برده ماکدونیا ده
مالیسور مسئله سی تعقیباً بلغار قومیته لرینی بالتشویق شمندورفر یوللرنده ، قره
غول و قشله لر جوارنده بومبار پاتلادی . بو دفعه بلغار قومیته لرینک (اتحادچی
بکله عقیب مشروطیتده کی قارداشلی) حرکات جنایتکارانه لری معا بد دینه یه ده
سرایت ایلدی .

بو پاتلایان بومباردن بر دانه سی « اشتب » ده جامع شریف التنه قونیلهرق
اسلاملردن بر چوغنک شهید و مجروح اولسنه و بوندن غلیانه کلن آرنائوودلرک
خرستیا نلردن بش ، اون کشی قتل وایکی بوزکشی بی جرح ایتلرینه سبب اولدی .
مالیسیه و بلغار قومیته لری مسئله لرینه انضمام ایدن آرنائوود حروفی مسئله سیله
ذاتاً قاریشمش اولان روم ایلی حق یاشا قاینه سنک خطای فاحشی نتیجه سی
اولهرق آرنائوود قومندن سلاح طویلامق و کویا اصلاحات یایق وسیله سیله
آرنائوودلری تهدید و مخالف مبعوثلرینی محو ایتمک چاره لرینی دوشونن اتحاد و ترقی
جمعیتی آرنائوودلقد اداره عرفیه اعلان ایدهرک بیکلرجه معصومینی اعدام و حبس
واشکنجه لره اتلاف و نفی ، تغریب و سلاحلرینی اللرندن آلمق کبی حرکتلره بو
قوم نجیبی دخی دلگیر ایلدکلرندن بو حالدن منفعل اولان آرنائوودلق اهالیسی وقت
مناسبده اتحاد و ترقی جمعیتندن انتقام آلمق سوداسنه دوشمشلردر .

آرنائوودلرک مالیسورلر و بلغار قومیته لرینک فضاخنه قارشى حکومت اتحادیه نک
کوستردیکی عجزندن ده استفاده ایتمک ایسته یه جکلری طبیعی ایدی .

مالیسورلره و یریلان مساعده‌یی و بلغارلره قارشى کوستریلن عجزی کورن و یریلان
آرناؤودار قیامه حاضرلشمش و بالقان اتقاقیده یواش یواش اویانغنه باشلامشدر .

بالقان اتقاقی — اتحاد و ترقی جمعیتنک امریله آرناؤودلرک محمود شوکت
پاشا طرفندن سلاحلری طویلانهرق اهمیتلی بر قوه مدافعه‌لک اورتهدن قاتمسی
وایتالیانلرک طرابلس غربه هجومی سببیله آق دکز یولنک سوقیات عسکریه‌یه
مسدود اولمسی و بر قوه مهمه عسکریه‌لک اناتولی سواحلی ایتالیا لیلرک هجومندن
محافظه ایلله مشغول بولمسی کی اسبابدن استفاده ایدن بلغار و صرب حکومتلری
ما کدونیا یی بینلرنده تقسیم ایتمک اوزره سعید پاشا قاینه‌سی موقع اقتدارده بو
لندیغی زمان عقد اتقاق ایتشمش و یونانی‌ده بو اتقاقه دعوت ایلله مشاردر .

فقط یونان ریاست و کلاسنده بولونان موسیووه نیردولوس بلغار و صرب
دولتلرینک حائز اعتماد اولماسنه بناء دولت علیه عثمانیه ایلله عقد اتقاق ایتمکی
یونانستانک منافعهنه موافق کوردیکندن آتنده‌کی مصلحتکذارمز معرفتیلله بلغار
و صرب حکومتلری بیننده عقد اتقاق اولندیغنی باب عالی‌یه اخبار ایدهرک منفعت
مشترکه ایجابنجه یونانک‌ده دولت عثمانیه ایلله عقد اتقاق ایتمسی لزومنی وایسته نیلیر
ایسه بواشی مذاکره ایتمک اوزره بالذات در سعادت کله جگنی بیلدرمش ایسه‌ده
اوصره‌ده بویقوتلرله یونانلیلر علیهنه اعلان خصومت ایدن اتحاد و ترقی جمعیتی
ارکانک بوجهته امالیه‌سی قابل اولندیغنی بیلن صدر اعظم سعید پاشا حضرتلری
بو بولنده کی مراجعات مکرره بر جواب بیله ویرمیش و نهایت روم ایلی یغما سندن
کندیسیده محروم قالماق اوزره یونان دولتی دخی ایام اخیرده بلغار و صرب اتقاقنه
کیرمک مجبوریتنده قالمشدر . چونکه بودولتار یکدیگرندن امین دکل ایدیلر نته کیم
صوکره بینلرنده محاربه ظهور ایتدی .

ایشته بویله باشلا یان بالقان اتقاقی روم ایلی ولایاتنک آتیا کسب ایدمچکی و خاقتی
کوستردیکندن بوندن خوف ایدن آرناؤودار اتحاد و ترقی بکلری طور دقچه
مملکتلرینک ایدای اجانبه دوشه جگنی اکلادیلر .

بونی حکومتله اکلانق و بعض مساعده‌نه نائل اولق و مملکتلرینی آتیا ملحوظ
اولان مخاطرهدن قورتارمق ایچون اجتماعلره باشلادیلر .

بونلرک بوجهله اجتماعلرله حکومتدن طلب مساعده‌نه قیاملری امثالی مثالو

اتحاد حكومتجه عصيان عداولنه رق وروم ايلي ده كي عساكر عثمانيه ده امنيت واعتمادی اوليان اتحاد وترقی جمعیت و حكومتی عسكر جاب و جمع وقنديه لی فریق اسماعیل فاضل پاشا قومانداسيله روم ايلي به سوق واعزام ایلدی .

اسماعیل فاضل پاشا قومانداسنده كي عساكر عثمانيه ده سكسان طاہور ایلدی .
بويله بر قوۃ كشيده ايله روم ایلنده حرکات عسكریه اجرا سنده مأمور اولان پاشای مشار اليه ظہیر اولان روم ايلي اردوسی موجودینك علاوہ سی حالنده اسماعیل پاشا قوتی تضاعف ایدر .

بناء علیہ بو عظیم بر قوتله اجرا ایدیلن حرکات عسکریه ، عساكر شاهانه نك آرناؤود قوم تحيینك مطالب محقه سنده قارشی استعمال سلاح ایتملرندن طولانی عقیم قالمشدر .

حرکات عسکریه نك عقیم قاله رق اجرا ایديله میده جگنی اکلایان قاینه واتحاد وترقی جمعیتی فوق العاده خوف وهراسله تلاشه دوشمشدر .

آناؤودلر مطالبلرینك اجرا سنده اصرار وعساكر تمکیلیه ده آنلرله هم حال اولدیغندن بو دفعه كي حرکاتده افعال جنایتکارانه لرینی اجرا ایده میان و بوحرکتك تولید ایده جکی وخامت دخی کندیلری ایچون پك خیرلی اولمديغنی استدلال ایدن جمعیت محترمه (!) مؤسسين ورؤساسنك آغزلارینی پیچاق آچمیوردی .

بو صرہ ده حرکات عسکریه قوماندانی فریق اسماعیل فاضل پاشادن حریره ناظری محمود شوکت پاشایه کلن بر تلغرافنامه ده تحت قومانداسنده بولونان سکسان طاہور عسکرک کافه آرناؤودلره التحاق ایلدیکندن حرکات عسکریه به امکان اولمیؤب بوايشك بشقه بر صورتله تسویه سی لزومی یلدير یلیوردی .

محمود شوکت پاشا بو تلغرافی آیر آماز اولکی . بو دفعه كي خطاسنك جزاسی کنديسی ایچون بهالی به مال اوله جفندن پك زیاده قورقدی .

مد کور تلغرافنامه یی آلارق باب عالی به کلوب صدر اعظم سعید پاشا حضرتلرینه ارائه ایلدی .

بونك اوزرینه اجتماع ایدن مجلس وکلاده عریض وعمیق اجرا ایدیلن مذاکرده عسکرجه برشی یاییله میده جغنی حریره ناظری محمود شوکت پاشا تکرار ایتدی . استعفاسنی ویروب مجلسی ترک ايله کتدی .

بالاستعفا فرار ایدن سلا نيك دن بدأ ايله فرارینه قدر دوام ایدن ونشئه قوماندان

ایله سرمست اولان و بوجو چقار حکومت و جمعیتدن بردرلو آیریه مین پاشای
مشار الیه نتیجه نك بورایه وارد جغنی ادراك ایتمش اولسه ایدی . بوکوجک
بکله سرفروندن آزاده قالیر و بویله آغیر یوکک التنه کیرمز و بالاستهفا مجلسدن
فراراً کیتمزدی .

دیکتاتورلغه قالقیشن پاشای مشار الیه انی ، بونی اعدام ونفی ، تغریب
و توقیف و حبس و اذیت و اشکنجه لره مساعدده ایتامش اولسه والنده کی قوه
عسکریه بی بوکونج بکاک اصلاحارینه حصر ایسه ایدی . هیچ شیهه ایدیه زک نه
مملکت بو حاله کیر ونه ده کوچک بکک ممالک عثمانیه ده پادشا هلق او بونی اوینایه
بیلیرلردی .

چونکه اردولر النده واکثر ضابطا ده کندیسيله عم حال و فکر بولنیوردی .
اردولری مظلوم ملتک قانی دوکک و مملکتی بو حاله کتیرمک ایچون استخدام
و استعمال ایده جکنه بو حشرانی تمیزلمک ایچون قولالانه بیلیردی .
اگر بویله بر خدمت و طیرورانه یه تشبث و قیام ایتسه ایدی . محمود شوکت پاشا
تاریخ عثمانی ده یک بیوک برنام براقیر و دولت و مملکتی انقسام واضع حلالدن تحایض
ایتمش اولوردی .

نعمت بصردن محروم دینیه جک قدر آتی بی کورمکدن عاجز و فکرأ قاصر
اولان پاشای مشار الیه بویله بر حاله تشبث و اجراسنی خاطرینه بیله کتیره
مدیکندن مملکتک فلاکت و خرابیسنه سببیت و یرمش و تخصنی ده الی الابد
تلعین و نفرتدن قور تاره مامشدر .

محمود شوکت پاشانک استعفا سی سعید پاشا قاینه سنی تزلزله دوشورمش
اولدیغندن یک متلاشی بر حاله نه یابه جغنی شاشیران سعید پاشا بر حربیه
ناظری بولوب تعیین ایده ما مشدر .

بر طرفدن آرائ و دافدن اتحاد جیلرک ایلک انفلا ده یابدقاری و اوکرتدکاری
اوزره یا غمقده اولان تلغرافنامه لر و دیگر طرفدن مسائل سائره سیاسییه آره سنده
قالان قاینه ارکانی دخی فراره حاضر لمقده ایکن مجلس مبعوثان آره سنده قاینه یه
قارشی عدم اعتماد کوسترلمکه باشلادی .

بونی حس ایدن و حربیه ناظرینک استعفا سندن صوکره سکز اون کون مرور
ایدیکی حاله بر حربیه ناظری تعیین ایتیان سعید پاشا بر بیاننامه حاضرله یه راق

مجلس مبعوثان حضورنده بر دن بره قاینه سیله کورندی.
بیاننامه سنی قرائت ایتدکدن صکره داخل آسایش مملکتک محور لایقنده
دورانندن و خارجاً دخی دول معظمه ایله جریان ایدن احوال سیاسییه نك یواننده
اولدیفندن بحث ایتدی .

بالقان حکوماتیله ایسه قاینه نك تعقیب ایلدیکی مسلك سایه سنده مخادنت
وخالصت دولتک غایت دوستانه اولدیفندن موجب اندیشه برشی اولدیفنی
سویلدی .

بونک اوزرینه قاینه یه امن و اعتماد طلب ایتدی . مبعوثانده بو یالانده ذاتا
قائم ایچون طولانان ذوات محترمه دن متشکل اولدیفندن در حال قاینه یه
اعتماد قرارینی ویردی .

دون اعتماد قرارینی آلآن قاینه ایرتسی کونی باب عالی ده اجتماع ایله کیجه
آلاترقة ساعت سکره قدر دوام ایدن مذاکرات نتیجه سنده حربیه ناظری کبی
فراره قرار ویردکلرندن بالاستعفا صاووشمشلردر .

طلعتلرک . جویدلرک ، محمود شوکتلرک و امثالنک بویله برر برر فرارلرندن
صوکره سعید پاشا حضرتلری باب عالی دن استعفا نامه سنی مابین هایونه بالارسال
خانه سنه کتیمشدر .

سعید پاشا حضرتلری یوقاریده دینلیدیکی کبی ویرکو بورجندن طولانی
اوغرادیفنی حقارتیه مقابله اتحاد و ترقی جمعیتیه قارشیه ایسته دیکی او یونی تمامیه
اوینایه مامش ایسه ده برمدت موقتیه ایچون بونلری دوشورمکه موفق اوله بیلمشدر .
زیرا سعید پاشایی یقیندن بیانلرجه مسامدرکه مشار ایله غایت عنود و کینجی .
انتقام آلمغی سور برذات اولدیفندن شخصیه تعلق ایدن بومسئله دن طولانی حس
انتقامدن کندیسنی آله مازایدی .

ذاتا صدارتی ده قبولی کوردیکی حقارت آجیسنی چیقارمق وهرکسه ایشته یینه
بکا محتاج اولدیلری کوسترمکدن عبارتدر .

فطره ذکی واققدار خارق العاده یه مالک اولان سعید پاشا حضرتلرینک بو و بوکا
مماثل حرکتلری اولسه ایدی . مملکت بحق کندیلرندن استفاده ایده بیلمیردی .

سعید پاشا طوغریسنی سویلیه لم . مملکتیزک صوگ زمانلرده یئشدریدیکی رجال
سیاسیه نك نوادرندن معدود در .

مع التأسف غایت قورقاق و ثباتسز و مرجتمسز ایدی. حریص ایدی. هرشی کندی نفسنه جلبه چالیشیر و چالیشدیغنی عالمه بیلدیرمامک ایستردی. یاپدیغنی ایشلرده پک زیاده بصیرتکارانه حرکت ایدر و عکسی بر حال ظهورنده مسئولیتی اوزرندن همان آتار تبریه چالیشیردی. مشارالیه بوحالری ايله هر باشلادیغنی ایشی نتیجهیه ایصال ایتدیره مزدی.

مشارالیه قرق یاشندن سوکره فرانسیزجه بی برایکی سنه ظرفنده تحصیل ایتمیشدر. بشقه سنک اون ییلده کوچ طوپلایه جغنی بر سرمایه معنوییه مالک اولدی. اورویا اصول مدنییه سی و آداب سیاسییه سنک کنه وغوامضنه وقوف کسب ایددی. معارف فرور ایدی. دور سلطان عبد الحمید خانیده تشکیلات معارف حقنده اظهار ایتدیکی همت وغیرت شایان تقدیر اولدیغنی کبی تشکیلات عدلیه. تنسیقات اقتصادی. تنظیمات اداریه یه خدمتی مسوقدر. افراط درجهده عتله مر بوطیتی ده مشارالیهی بعض خطاره سوق ایتدی.

حاصلی سعید پاشانک حسنائی سیئاتنه معادلدر. دینیار یالان سویله مامش اولورلر.

بو یولده استعفا ايله چکیان سعید پاشا قاینه سنه خلف اوله جق هیئتک آرناؤودلرک مطالبی وجهله کامل پاشا حضرتلرینک ریاستنده اولمی لازم کلیرکن فرار ایدن قاینه ارکاننک رفقا سندن جمعیت اتحادیه نک بنده خاص و اصدقاری اولان مابین هایون ملوکانه باش کانبی خالد ضیا و سمرقنائی حضرت شهریار ی لطیفی، قرین ثانی جناب پادشاهی توفیق بک افندیلر جمعیتدن اخذ وتلق ایلدکاری او آمر دائره سنده مهر صدارتی کامل پاشایه ویردیرمامک ایچون همت وغیرت ابرازندن کیر و طورمدیلر.

آرناؤودلری آوونقی و کامل پاشا حضرتلرینی صدارته کتیرمامک اوزره بر قاینه تشکیلی ارزوسنی اظهار ایدن جمعیت اتحادیه مؤسین ورؤسامی قاینهیه کامل پاشاده داخل اولق اوزره غازی احمد مختار پاشا حضرتلرینک مقام صدارته وفارماصون اولمئندن طولانی عرلی آرناؤود لرجه طلب اولنان شیخ الاسلام موسی کاظم افندیلرک یرینهده نظر مائنده بر موقع مخصوص و ممتاز صاحبی اولان شیخ الاسلام اسبق دولتو فضیلتلو محمد جمال الدین افندی حضرتلرینک تعیینی طلب و اصرار ایتکاری جهتله غازی احمد مختار پاشا حضرتلرینه مسند جلیل

صدارت و جمال الدين افندی حضرتلار یننده مقام عالی مشیخت اسلامیة توجیه
وتفویض بیورلمشدر .



صدر اعظم غازی احمد مختار پاشا حضرتلری

Son Altesse Ghazi Ahmed Mouhtar Pacha
(Grand Vezir)

غازی احمد مختار پاشانک صداری — مقام جلیل صداری احراز ایدن
نخامتلو دولتو غازی احمد مختار پاشا حضرتلری شورای دولت ریاستنی قبول
بیوران صدر اسبق ایتلو دولتو کامل پاشا حضرتلریله دیگر وکلای انتخاب
وتعیین ایدهرک اراده سنی استحصال ایتمش وایفای وظائفه مبادرت ایللمشدر.
جمعیت اتحادیه مؤسسين ورؤساسنک چویردکلی دولاب واداره حکومتده
کوستردکلی عجز ومسکنت بر قاچ سینه ظرفنده چرخ حکومتی بوزمش ایدی .
اداره حکومت مختل وبر چوق غوائل ومسائل محدث اولدینی بر صروده موقع
اقتداره کلن غازی احمد مختار پاشا قاینه سی اول امرده آرنائودلرک طلب ایتدکلی
التي ماده بی نظر دقته آلمش وبالقان حکومتنه قارشى بر کتله عظیمه اولان

آرناؤود قوم نجیننی تطمین و تطیبه مسارعت ایلمشدر .

آرناؤودلرک مطالبی شونلردر . مجلس مبعوثانک فسخی . انتخاب جدیدک سربست وقانون دائره سنده اجرایی . هیئت وکلانک تبدیلی ، اولجه اللارندن آلنان سلاحلرک اعاده سی ، کامل پاشا حضرتلرینک صدارته کتیرلمسی وسائرهدر . غازی احمد مختار پاشا قایینه سی درحال مبعوثانک فسخنه تثبیت ایتدی . آرناؤودلرک مطالبینک اجراسنه تثبیت ایتدیکنی کوسترمک وبونلره التحاق ایدن طابورلره آرناؤودلرک نصایح لازمه ده بولمق اوزرد مشیران عظامدن دولتلو ابراهیم پاشا حضرتلرینک ریاستلرنده بر هیئت مخصوصه یی روم ایلی به اعزام ایلدی .

قایینه بر طرفندن ده دیگر مصالح مهمه دولتک تسویه سی چاره سنی تحری و تأمل ایله مشغول بولمادیغی بویله بر نازک زمانده باب عالی یی کیجه یار یسندن صوکره ترک ایله فرار ایدن اسکی قایینه ارکانی ، اتحاد وترقینک مؤسس ورؤسامی آمال منفسد تکارانه لرندن بر درلوکجه میهرک ینه حکومتی اله آلق سوداسیله حرکات فساد جویانه به باشلامشلردر .

هیئت اعیانک رأی وموافقیتله مبعوثانک فسخنه دائر اولان اراده سنیه پادشاهینک تبلیغ وقرائتی ایچون مبعوثانه دعوت ایدیان مبعوثانی مجلسه کیتمکدن منع ومجلسه کن مبعوثلرک افکارینی تحریک و غلیان واختلاله سوق ایله مملکتده بر وقعه احداث ایلمک چالیشدیلر .

مبعوثانده بولنان سلائییک مبعوث محترمی (۱) علم اقتصادک علامه (کباری) جمعیتک سرناج افتخاری . صراف معروف وتاجر مشهور عودتی جاویدک کرسی خطابه حیقارق قایینه نک بوحرکتی مشروطیته ضربه اولدیغندن باحت برحق هذیانلره مبعوثان واهالی یی غلیان وعصیانه دعوت ایلمشدر .

محترم (۱) جاوید بکک قانون اساسی حکم منیفنه واراده سنیه پادشاهی به منافی ومغایر اولان بوحرکتی مع التأسف جزاسز قالدی .

مبعوثانده بویله برحال وقوعی وبلکه جمعیتک فدائیلرله دیگر حشراتی طرفندن مبعوثان دائره سنده ویاطیشاری ده بر وقعه ظهوری حالده متجاسرلرینی دردست وپنجه قانونه تودیع وتسليم ایتمک وآسایشی ادامه ومحافظه ایلمک ومبعوثان دائره سنده کی قره غول افرادینه ظهیر اولق اوزره حربیه نظارتندن مبعوثانه سوق واعزام اولنوب داخل وخارج دائره ده حاضر بولونان قوه عسکریه دن بالاستفاده جاویدک

وعونه سنی در دست وتوقیف ایتام امرینی و بر مکتده صدر اعظم غازی مختار پاشا
حضرتلری تردد و عجز کوسترمشلردر .

سلامت مملکت نقطه سی نظر دفته آلنسه و بوشردمه قلیله قارشی عجز اظهار
اولنسه ایدی . شبهه یوق که احمد مختار پاشا قاینه سی هرايشنده موفق اولور ومملکت
بوسر سر یلردن قورتیلوردی .

مهارت وشجاعت عسکریه لریله بنام اولان غازی احمد مختار پاشا حضرتلرینک
بو باده کوستر دکلری عجز و بطاات ایکی شیئه حمل اولنه بیلیر .

برسی اتحاد وترقی ، حریت وائتلاف فرقه لرینک ایکسینی بردن اداره ایتام
دیگری داخلی ، خارجی حکومتک معروض قالدیغی غوائل مهمه آره سنده دیگر کونا
بر وقعه احداثه سببیت ویرمامکدر .

بونی براز تدقیق ومحا که ایدر و بزده بوکا دائر بیان مطالعه ایلر ایهک دبرز که
بونک هرایکیسی ده خطا ایچنده خطادر .

چونکه پاشای مشار الیه حضرتلری نه اتحادجی ، نه ائتلافجی در . ذاتاً
برفرقه یه استناداً موقع صدارته کلیماشدر .

آرناؤودلق قیامی کندیلری کبی بر بی طرف ذاتک کلمسینی انتاج ایتمشدر .
مادامکه برفرقه طرفندن کتیر لمامشلردر . مبعوثانده استناد ایده جککری قوت
یوق دیمکدر . بونک ایچون هرایکیسی اداره یه چالیشه رق قیرمامق وایجابنده
بونلردن برینه اسناد قوتله محافظه موقع ایتامک بویله بحرانی برصردده مسند صدارتی
احراز بیوران بر ذات ایچون دوشونیه جک حالادن دکلدر .

بناءً علیه بو محترم بکری (!) اوکون توقیف وحبس ایتدیرمک ودولت
ومملکتی حالاً وآتیا اوغرایه جفی فلا کتدن قورنارمق اک بیوک بر خدمت
اولدیفندن بوکا موفق اولسه ایدیلر تاریخ عثمانیه نام فخیانه لری شرفی بر صورتده
قید و ذکر اولنه جق وتواریخ عالم تقدیر وتحسین ایده جکدی .

اتحاد بونک بوصورتله وجودلرینک ازاله سیله موجود اولان وظهوری ملحوظ
بولونان غوائل داخلیه اورته دن قالدیه رق قاینه پروگرامی دائره سنده اجرای
حکومت ایله مشغول اولور واحوال سیاسیة خارجیة نک تسویه سندن غیری
اورته ده بر مسئله قالمازدی .

زیرا بعد الانقلاب ظهور یافته اولان وقایع ومسائل هیچ شبهه ایدلسون خطاء

دكل قصداً اتحاد و ترقى جمعيت و حكومتى طرفندن احداث و اتحاد ايدلمشدر .
 بوندن مقصودلى ولى نعمتلى اولان آلمانيا ايمپراطورى ايله جمعيات خفيه
 معلومه لك شرق حقه كده كى مقرر اتنى قولاي قولاي موقع تطبيقه وضع ايده بيلمسنى
 اولردن آلدقلى امر موجب بنجه تأمين ايتكم و دوات و مملكتى برچوق و قايع
 و خيمه ايچنده بولنديره رق و خلقى عجز و ضرورت و مسكنت ايله او بونوب جمعيت
 و حكومتلرينه قارشى قيام و وقوعى منع ايله ايسته دكلى كى مقدرات مملكت
 و دواتى تدوير و بونكاهه منفعت ذاتيه لر ينك حصوانه خدمت ايتمكدر .
 مع مافيه بوچو بر دكلى فيرلدا قارك نتايخ و خيمه سى دواتى بوكونكى ورطه
 دوشور مشدر .

برده قابنه بونلك سببيت و يردكلى بالفان حكومتلى اتفاق و هجومه و اور پا
 دول معظمه سنك بر اين معاهده سى موجب بنجه روم ايلي ده اصلاحات اجراسى طابى
 قارشوسنده بواندى .

دول معظمه اصلاحات لازمه لك اجراسى طلب ايتدىكى صره ده آلمانيا
 و آوستريا دولتلى (ژون تركارك حاميارى) تسليح و تجهيز و اتفاق ايتدير دكلى
 بالفان دولتلى اردولرينه ده اوزر بمزه هجوم امرينى و يرديلر . بوحر كته روسيه
 و ايتالياده مساحه كارانه دورانديلر .

احمد مختار پاشا قاينه سى بر حرب ظهورينه ميدان و يرمامك و روم ايلي
 اصلاحاتنى بر نتيجه حسنه به ايصال ايلمكى دريش ايتمش و سياسته لازم كان
 و سائله مراجعتله بر حرب وقوعنك اوكنى آلمغه چالشمشدر .

حالبو كه بوكا موفق اولق زمانتك چوقدن كچمى . قره طاع حكومتك حدود
 عثمانيه نى تجاوزه باشلامسى . متفقلى اولان صرب . بلغار . يونانك اولق تفك
 حركت و قياملى يوز كوستردىكى صر ده اتحاد و ترقى جمعيت محتمه سى (۱)
 وطنپرور (!) رؤساييله اجير خصلرى اولان ميمونان و دار الفنون طلفه سندن
 بعضلرينى والى بىراقلى افرادينى امثالى مثللو جلب و جمع ايدهرك بو فرصتدن
 بالاستفاده قاينه سى دوشورمك و حكومتى نه اللرينه آلق ايچون بىراقلىرى آچوب
 باب عالى به كلديلر .

تكبير و حرب ايسترز ندالرينى عيوقه چيقارمغه باشلاديلر .
 صدر اعظمى كورمك طابنده بولونان بو حشرات جام قيرمق و قو قيرمق اوکا

بوگاه هجوم ایتمک کبی حرکات جنائیه و بی ادبانه باشلا دقارندن حال نجمعه بولونان مجلس وکلا بوندن خبردار اوله رق بورزیلرک دفعلمری ایچون لازم کلن تداییری اتحاد بیوردی .

بونلرک صورت حسنه ده طاغیلملری ایچون مأمورین عاتده سی طرفندن واقع اولان نصایح تأثیر ایتدیکنندن صدر اعظم غازی احمد مختار پاشا حضرتاری رفاقتارنده بحریه ناظری محمود مختار پاشا حضرتلری بولندیغی حالده بونلرک مجتمعه بولندیغی قیو اوکننده کی محله کله رک دولتیجه لازم کلن معاملله نک ایفا ایدلمکده اولدیغندن بحثله کنیدیلمرینک مسترح اوللمرینی و بویله نمایشلره لزوم اولندیغی بیان و بعض نصایح اجرا بیوردقلری صرعه ده بونلرک مطالبات و تجاوزلرینی ایلو و کوتورمه و افعال جنائیه لرینی ایفا ایچون قیامه حاضر لندقلری مشاهده اولندیغی بر صرعه ده باب عالی ده کی قوه عسکریه یه ظهیر اولق اوزره طلب ایدیلن و بیکیاشی حسنی بک قومانداسیله باب عالی یه کلن بر طابور عسکرک و رودینی کورر کورمز تکبیر آله رق عسکرک اوزرینه یورویه رک قارداش لر « الحمد لله » مسلمانز قایینه روم ایلی یی صاتیور . انک ایچون کلدک بز روم ایلی یی و برمییه جکیز . دیو عسکری اغفال تشبندن و عسکر طرفندن وقوع بوله حق مداخله یی منع واستمداد دندن اونامدیلمر . بونلردن هر درلو واقع اوله حق تعرضاتک منعی وظیفه سیله کلن بو طابور قوماندانی بیکیاشی حسنی بک افندیلمک و طنپور و رانه وظیفه عسکریه سنی اجرا ایتمسندن طولانی ده ایلرو کیتمه جسارت ایده میان بو اختلاجی نمایشجیلر برر بر رصا ووشمغه باشلا یوب اوکون یاپه جقلری حرکات جنایتکارانه ارینه میدان بوله مامشردر . بوجانیلمر کندی یاپدقلری بونمایشی اغفال ایده بیلدکلری برقچ دار الفنون طلبه سنه عطف واسناداً دار الفنون طلبه سی طرفندن یاییلدیغی غزته لری ایله اعلان ایتدیلمر .

نمایشده حاضر بولنان طلعت . خیری . عمر ناجی ، ادرنه و از میر معبوتلری فائق ، عبیدالله و سائر معوشین و قائم مقام ، بیکیاشی ، یوزباشی . ملازم رتبه سنده کی امرای عسکریه و ضابطان بکک و اتحاد و ترقی جمعیتی اعضا لری افندیلمرله طنین . تصویر افکار ، ترجمان حقیقت غزته لری امور تحریریه و اداریه سی مأمورینه سزده دار الفنون طلبه سند نمیسکیز دیر ایسه ک عجباً بونلر حیا ایتمزلمی ؟ . حاصلی بر طرفندن بونلرک بوحیا سزجه حرکت ورزالتمریله داخلا و بالقان

حکومتک تجاوزانيله خارجاً مشغول اولان قايينه قره طاغك حدودى تجاوزى
اوزرينه عساكر عثمانيه يى تحت سلاحه دعوت وروم ايلي يه سوقه باشلادی .



بحريه ناظرى محمود مختار پاشا حضرتلى

Son Excellence Mahmoud Mouhtar Pacha
(Ministre de la Marine)

دول معظمه طرفندن طلب ايديان روم ايلي اصلاحاتنى ايفايه تشبث ايدين قايينه
برده ديكر بالقان حكومتلرينك دخى حرکات تجاوزكارانه سنه و دولت عليه
عثمانيه يه قارشى اعلان حرب ايتملرينه معروض قالدی .
بو حاله معروض قالان حكومت عثمانيه ده اردولرينى كاملا تحت سلاحه دعوت
ايله حكومات مذ كورديه مقابله يه امرويردي .
بو وجهله بالقان محاربه سى ظهور ايتدی . امر واقع قارشوسنده قالان دول
معظمه ده حرب به مساعده ايلدی .
عساكر نصرت ماثر عثمانيه ك بسالت وشجاعتمندن مذ كور محاربه دن دخى

مظنراً حقیق مامول ومنتظر ایکن وطنی برقاج غروشلق استفاده سنه دیکشن
و بو استفاده ذاتیه سنه مقابل اتحاد و ترقی جمعیتک آمال مفسد تکارانه سنه خدمت
ایده جکنه دائر قارا کلک اوطهده عین ایدن واردوی همایونلرده کثرتلیجه بولونان
ارکان وامرا وضا بطانندن طوغریسی بوقدر دوات و مملکتیه خیانت واهانت ایده
جککری و محاربه نك دولت عثمانیه علمهنده ختامه ایره جکی امید وطن ایدلمزدی .
کمال تاسف و تاثیرله سویلیهلم که . اردوی همایونده موجود بولونان اتحادجی
ضا بطان محاربه نك بدایتندن باشلايه رق ختامنه قدر سوکیلی وطنمزی ایادی
دشمنه کچمسنه خدمت و غیرت ایلدیلر .

ایشته اوضا بطار جمعیت اتحادیه طرفندن اردوی همایونلرده پروپوغاندا یایمق
وعسا کر عثمانیه یی حربدن منع ایله روم ایلی بی دشمن النده براقق ایچون علما
وصالحای اسلامیه قیافتنده اتحاد و ترقی جمعیتی طرفندن تعیین واعزام اولونان بر
طاقم خذله و سلانیک دونه یهودیلرینی عسکرک ایچنه ادخال ایله قاییده مملکتی
صا تدی . نیچون محاربه ایدیورسکیز . دیوفراره تشویق ایتدیردیلر .
مع التأسف ضا بطانندن برچوغی ده بو سوزلرله عسکرک قوه معنویه سنی قیروب
فرار ایتدیردی .

حتی داخلیه ناظر سابق و جمعیت محترمه (!) نك برنجی آمر مطلق و دیگر
منسوب اولدیغی جمعیت خفیه نك ممالک عثمانیه ده کی استاذ اعظمی اولان طلعت بك
(پاشا) کوکلی صفتیله نفر اولدرق اردویه داخل اولدی .

بوندن مقصد یکانه لری اردو قوماندان وضا بطانی جمعیت اتحادیه نك آمالندن
انحراف ایتدیرمامک و جمعیه منسوب اولمیانلرینی ده اردوده موجودیتنی کوستره رک
تهدید ایتمک ایدی .

طلعت کی انورلر ، جماللر . فتحیلر و سائر رفقای محترمه لری دخی حال حرب
طولایسیله سیاست بر حرکتده بولمیه جقلرینه دائر ناموس عسکریلری اوزرینه
عین ایتمک و سوز و یرمک صورتیله باش قوماندان وکیلی اولان حربیه ناظری
ناظم پاشا حضر تلرینی بالاغفال اردویه داخل اولدیلر . بونلرده طلعت بك (پاشا)
کی عین حس و فکره تابع ایدیلر .

بر طرفدن بونلرک اغفال و تشویقاتی و بر طرفدن ده خواجه قیافتنده کی یهودیلرک
تلقینات خائنانه لری یوزندن اردومز بوز و لمغه باشلادی .

غازی احمد مختار پاشا حضرتلری بو حال ایله بر مدت دهه موقع صدارتده
قالمشرسدهه عارضه وجودیهلری مناسبتیه ترک موقعه لزوم کوردکارندن بالاستغفا
جکلمشلردر .

غازی احمد مختار پاشا حضرتلرینک استغفا سیله سقوط ایدن قاپینه سنک برینه
ذاتاً آرناؤودلرجه تعیننی طلب ایدیلن صدر اصبق کامل پاشا حضرتلرینک ریاستلرنده
برقاپینه تشکیل اولندی .



کامل پاشانک دردنجی صدارتی — مسند جلیل صدارت نحاتلو
دولتو کامل پاشا حضرتلرینه تفویض ومقام عالی مشیخت دخی دوانلو سماحتلو
محمد جمال الدین افندی حضرتلرینه ابقاء توجیه یورلمشدر .



شیخ الاسلام محمد جمال الدین افندی حضرتلری

Son Altesse Mohamed Djemaleddin Effendi
(Cheikh-el-Islam)

در دنجی دوقه اوله رقی مقام جلیل صدارتی احراز بیوران محمد کامل پاشا
حضرتلری حربیه ناظری ناظم پاشا حضرتلرینی اثنای حربده قوماندانک تبدیلی
مناسب اوله میه جفی مطالعه سیله قاینه سنه ادخال ایدرک بر قاینه یادی .

اثنای حربده تشکل ایدن بوقاینه نك وظیفه سی دیگر قاینه لره قیاس قبول
ایتمیه جك درجه ده آغیر ایدی .

چونكه بوقاینه حربی ادامه ایله احراز مظفریت ایتمك واردوی هایون آره سنه
کیرن مفسد و منافق اتحادجی خائنلردن اردوی تطهیر ایلمك کبی غایت آغیر و مشکل
بر وظیفه ایله مکلف ایدی .

عنایت حقه استناداً ایفای وظیفه به ابتدار ایدن صدر اعظم کامل پاشا حضرتلری
جهت ملکیه و عسکریه ده بعض تبدلات اجرا سنه ده تثبیت ایتمیشدر .

اتحاد جمعیتنه منسوب والی و مأمورین سائرده دن بعضلرینی تبدیل ایلمیشدر .
اردوی هایونلارده بولنان واحوال مفسد تکارانه به جرأت ایلین خائنلرک دخی
تبدیل و تحویلی ایچون حربیه نظارت نه ده امرلر ویرمیشدر .

ینه کمال تأثرلرله دیه بیلیرزکه . بوبابده صدر مشار الیه حضرتلرینک مصروف
بیوردقلری همت و غیرت و ظنهورانه لری ثمره بخش اوله مدی .

حربك ابتداء سندن موقع صدارتی اشغال بیوردقلری زمانه قدر کچن مدت
ظرفنده اردوی هایونلر ایچنه نفوذ ایدن خذله معهوده عسکریمزک قوه معنویه
و مفکره سنی بوزمش و عسکر فراراً رجعت ایتمک باشلامش ایدی .

بو بولده کی تلقینات ملعونه ایله رجعت و فرار ایدن شرق و غرب اردوی
هایونلری افرادینک بو فرار و رجعتلری کافی دکامش کبی یوللرده و هرکچدکلری
محمالرده اتحاد خذله و اشراسی طرفندن کما فی السابق کامل پاشا مملکتی صاندی
طوب و تفنکریکزی براقك دشمن کلیوردیه رك تلقینات لعینه و تشویقات
خائنانه دن کیر و طورلیوردی .

ایشته بو خائن جانلرک تشویقاتی بوزندن بیکارجه طوب بوز بیکارجه نفك
یوللرده ترك ایدلمیشدر .

ماتك دیشندن و طیرناغندن بریکدیروب آرتدیرمش اولدینی پاره لره مبايعه
وتدارك اولنه بیلن طویار ، تفنکر ، جبخانه لار ، کله لره پ براقلمش و آتلمیشدر .
ذاتاً اردولریمزک نقصان اولان اسلحه سی بو وجهله ضایع و تلف اولدی .

غرب اردوسنده کی طوپچی اوبوس طاہورندن بری (قومانه) یه سوق ایدلمش واورایه ورودندن خبردار اولان قول اردو ارکان حربیه ریاستنده بولونان قائم مقام فائق بك « بوارکان حربیه قائم مقامی فائق بك اتحادك سرافرازاندن اولوب اسكدار متصرفلغنده بولندیغندن دوتما اعانه سی اختلاسی ایله خانلره وبردیکی قونفرانسله مشهور در » دشمنك (قومانه) یه کیرمکده اولدیغندن بو طاہورده همان اسکوبه عودت ایتمسی امرینی ویردی .

طاہورده اسکوبه کتدی . اسکوبده دشمنه قارشی برمری انداخت ایتمدن اون سکر عدد صوك سیستم یکی بیوک چابلی طوپنی (اسکوب) استاسیوننده بر اقوب فرار ایلدی .

اسکوب جوارنده بوندن بشقه یوللرده ترك ایدلمش درت یوزه قریب طوپی صربلیلر اغتنام ایتدیلر .

شرق و غرب اردولرنده بو و بوکا مماثل بیگلرجه اجرا ایدیلن فضایح موجوددر . بونلره دائر معلومات ویرمك ایچون جلد لرحه کتاب یازمق لازم کایر .

بو حال مشاهدده ایدن شرق و غرب اردوی همابونلری قوماندانلری جمعیت اتحادیه نك همت عالم پسندانه (۱) سیله عار فراری ارتکاب ایدن بوافراد عسکریه فك اوکنی آلمق قابل اولدیغی و بوافرادله حرب ایدیله میه جکندن سیاست هر نه یایمق لازم ایسه یایله رق حربیه نهایت ویرلسی لزومنی تلغرافلره حربیه نظارتندن طلب ایلمشلردر .

اردولریز بیان ایدلدیکی اوزره منہزم و پریشان و مغلوب اولوب فراراً رجعتیه باشلادی .

اردولرك بوصورتله رجعتی ادرنه ، اشتقودره ، یانیه قلعه لرینك خارجدن مدافعه سنه امکان بر اقامش اولغله دشمن اردولری طرفندن مذکور قلعه لر محاصره ایدلمشدر .

کامل پاشا قاینه سی خارجی دشمنلره قارشی سوق ایدیلن اردولرك بوحاله کلدیکنی کوردی .

حربیه ناظری ناظم پاشا حضرتلرینك بو بایده عسکرلکجه یایله جق بر تدبیر قالدیغندن بحثله باب عالیجه سیاست نه یاییمق لازم کلیرسه یایله رق حربیه نهایت ویرلسنه دائر توالی ایدن مراجعاتنی اکلادی .

مشاهده واستخبار ایتدیکی بوحالک بشقه درلو تدابیر عسکریه اتخاذیله سلامته
ارجاعنی دوشوندی . بوحاله برچاره بولونوب بولونمیه جعنی بالفعل اکلایق
ایسته دی .

درسعاده جوار محالرده بولونان قول اردو قومانداناریله استانبولده بولونان
منصوب ومعزول مشیران وارکان وامرای عسکریه دن مرکب بر مجلسک باب عالی ده
عقد واجتماعنه قرار ویردی .



حریه ناظری ناظم پاشا حضر تلی

Son Excellence Nazim Pache (Ministre de la Guerre)

یوزیکرمی کشیدن زیاده اولان بو مجلس عسکریده مشیراندن فوآد پاشا ،
ابراهیم پاشا ، عبدالله پاشا ، عزت پاشا کی ذوات عالیّه عسکریه ایلدیمود شوکت
پاشا دخی واردی .

ارکان حریّه عمومیه دائره سی مدیرانی و حریه نظارتی رؤسای . قوماندان
پاشا لر وارکان حریه لری هیئت حاضر ایدی .

بو مجلس عالیء عسکریه به هیئت وکلاده اشتراك ایدہرك مذا کره به باشلادقلى صره ده اردوى همايونك بوحاله كلهنه سببیت ویرن محمود شوكت پاشادن اول امرده بعض شیلر استیضاح ایدلدى .

طوبجی میرلوارندن اولوب اقتدار ودرایتله بین الاقران ممتاز اولان وسلانیک ولایتی والی وکالتند، بولندیغی هنکامده اتحاد وترقى جمعیتنه منسوب قوماندان وضابطانك سلامت محلیه یی تأمین ایچون اورادن وجودلرینك قالدیرلمسی طلبنه دائر حربیه ناظرى ناظم پاشا حضرتلرینه کشیده ایلدیكى تلغرافنامه سیله ابراز حمیت وطنپروریده بولنان سعادتلو فرید پاشا حضرتتاری غلیان حمیتله محمودشوكت پاشایه خطاباً « پاشا حضرتلری سزدن هر نه سؤال ایدیور ايسهك هپسنه عدم معلومات بیان بیور بیورسکیز . حالبوکه مجلس عالینك بوسواللرینه جواب ویرهك انحق سزسیکیز . زیرا اوچ بحق درت سنه در اردوسزك الیکزده ایدی . نیچون بیلمیورسیکیز . اردومزى بوکون مع التأسف کوردیکز شوخاله کترین قوماندان و حربیه ناظرى سزدکلیسیکیز . دشمن چتالجدیه قدرکلدى دایاندی . استانبولمزی مدافعه به مخصوص اولان وملیونلرجه لیرالر صرفیله وجوده کتیریلان چتالجه وخدم کوی استحکاماتنده کی طوپلری چیقارتان . استحکاماتی هدم ایتدیرن . پایتخت عثمانی بوکون مدافعه سز براقان . دولت بوکونکی حال فلا کتنه وساطت ایدن هپ سنسك » دیو جواب طلب ایلمسی اوزرینه دیگر پاشالر دخی مشار الیهك افاداتی تصدیقاً محمود شوكت پاشایه شدت کوستردکلرندن بوندن اورکن محمود شوكت پاشا بر صورتله مجلسی ترك ایلله فراره شتاب ایتمش ایدی .

فرید پاشا حضرتلرینك بومردانه ووطنپرورانه واقع اولان افاداتی کامل پاشا قاینه سنك سقوطندن صوکره کندیسنك دیار بکره نفینه سبب اولدی .

مجلس عالیء عسکریده ساعتلرجه دوام ایدن مذاکرات نتیجه سنده بوحال ایلله محاربه به دوام ایتک ممکن اوله میه جعفرندن قاینه جه سیاست برچاره عاجل بولمسی قرارگیر اولمشدر .

شرق اردوسی رجعت قهقریه ایلله استانبول جوارینه وقسمأ خادم کوینه قدرکلدى .

غرب اردوسی دخی سلانیک « حریت پرور بکلزمزك کعبهء حریتی » دها طوغریسی « دولت علیه عثمانیهك سبب فلا کتنی احضار ایدن یعنی اتحاد

وترقی جمعیتی تولید ایلین شهر معروف « ک اتحاد وترقی ضابطان واردوسی معرفتیه یونانه تسلیم ایدلمسندن طولایی افرادینک نصفی اسیردوشمش ونصف دیگریده اسکو بلردن ، اشقودره لردن ، مناستر لردن ، یانیه لردن رجعت ایدهرک آدریاتیق ساحلنه اولونیه وآیاسراندهره قدر اینمش وحر بدن ساقط اولمشدر .

سلاطین عظام عثمانیه نك واجداد ملتک قانی بهاسنه سنه لرجه اوغراشیلوب الله ایدیلن یوزلرجه سنه تحت اداره عثمانیه ده بولونان روم ایلی ولایاتی برایکی آی طرفنده اتحاد وترقی جمعیتک سایه عالی وطنپرورانه (!!) سنده بویله جه دشمن الله کجیدی وکتدی .

بر طرفدن اردولریمزك رجعت وانهرای وبر طرفندن ده چتالجه خط مدافعه سنده تعبیه ایدیلن طویلرک انجق برقچ کون آتیله بیله بچک کولله لری قالدیغی وبناء علیه پایتخت سلطنت سنیه نك تحت تهلکده بولندیغی حربیه ناظری ناظم پاشا طرفندن مجلس وکلاده بیان اولنمی اوزرینه وقتیه ارضروم جهتنه ایصال اولنق اوزره طربزونه کوندرلدیکی خبر ویریلن او نوع کولله لرك همان جایی وقروب قابریقه سی معمولاتندن اولان مذکور طویلر ایچون مقدار کافی کولله مباحعه سیله سریعا ارسالی خصوصنک آلمانیا ده بولونان مأمورین عسکریمزه اشعاری وبونلر یتیشنجه یه قدر بر متارکه عقدیه دشمنک اشغالی ضروری کورلمش واورده طرفین اردولرنده حکم فرما اولان قولرا علت مدهشهی سببیه بلغارلرکده متارکبه تمایلی حس وکیفیت بلغار اردوسی باش قوماندانی جنرال صاووفه تبلیغ ایدلمش وحصول موافقتنه بناء حربیه ناظری ناظم پاشا ایله زراعت ناظری مصطفی رشید پاشا حضرتلری بلغارلرله متارکه مذاکره سنه مأمور ایدیلوب چتالجه یه کوندرلمش وعقد متارکه ایدلمشدر .

اتحاد وترقی جمعیت خائنانه سی عسا کر عثمانیه نی تشویق ایله فرار ابتدیه ده وابتدای انقلابدن محاربه ظهورینه قدر صندالیه غوغاسیله مشغول اولیوبده عقد ایدلیکی استقراضلری ما وضع لهنه صرف ایلمش اولسه ایدی طبیعی اردولریمز بو حاله کلمز وجبخانه وکولله سز قالماز ایدی .

معاذ الله تعالی دشمن طرفندن متارکبه موافقت اولنمیوب فرار وخسته لاق ایله یریشان اولان اردو پایتخت عالی عثمانی بی دشمنه چیکنته چک وبو حال دولتک شان وشرفی الی الابد لکه دار ایده چک ایدی .

ایسته اتحاد وترقی جمعیتک القآت وتلقینات خائنانه سی نتیجه سی اوله رق بو درجه یه کلن و بی طرف ونامدار قوماندان وضابطانی شهید و یرن واتحادجی ضابطان النده قالان جمعیت اتحادیه نک یهودی و دینسر خواجه قیافتنده کی پرووغاندا جیلرینک کذب صریحنه اینانان براردودن آرتق برشی بکله نیلمیه جکنی اکلایان صدر اعظم کامل پاشا حضرتاری مقدمات صاحیه بی احضاره باشلامشلردر .

عقد صلح ایله مشغول اولان صدر مشار ایله حضرتاری اتحاد وترقینک بوندن بالاستفاده داخل ایقاع شورش ایله قاینه بی دوشورمک وحکومتی اله آلمق ایچون چالیشدقلرینی خبر آلدقلرندن بر طرفدن بونک اوکنی آلمق و دیگر طرفدن دولتمزک اوغرادینی فلا کتک توسمنه مانع اولغه سعی . غیرت بیورمشلردر .

حالبوکه اوصرده اتحاد وترقینک اوجرأتکارجانی رؤسای حریت وائتلاف فرقه سنک شخص وهویتاری معلوم اولان اتحادجی اعضاسندن اولوب حریه وعدلیه وداخلیه نظارتارینه تعیین اولندقلرندن طولانی کامل پاشا حضرتاریه مغیر اولان بعضلرینک قاینه بی دهویرمک عزمنده بولندقلرینی استخبار واسکی ارقداشلری اولان بوکی آدمارک آغزینه بر پارمق بال سورهرک بوایشک برلکده حصوله چالیشمق ایچون براشمکه موفق اولمشلردر .

بونلر حکومتی اله آلمق چاره سیله اوغراشیرکن کامل پاشا حضرتاری ده دول معظمه بالقان محاربه سی حرب عمومی بی انتاج ایدد ییلمسی ملاحظه سیله بر اوروبا مسئله سی شکنه قویه رق بر معتاد محارباریننده جریانی اقتضایدن مذاکرات صاحیه بی انکاتره خارجیه ناظری قونت ادوارد غره ی حضرتلرینک ریاستی اتنده لوندرده بر دولی قونفرانس عقدیه اجرایی طلبنه موافقتله لوندره به زراعت ناظری دوللو مصطفی رشید پاشا حضرتلرینک ریاست جلیله لرنده مرخصلراعزام بیورمشلر ودول معظمه نک قره دکر ساحلنده کی « مدیه » نقطه سندن دده آغاجک قلعه سلطانیه جهتنده کی « اینوز » نقطه سنه منتهی بر خط کشیده سیله اوت جهتنک یعنی ادرنه ولایتی دخی داخل اولدینی حالده المرده کی روم ایلی قطعه سی بقیه سنک تماماً بالقان حکومتارینه ترکی وناطولی ساحلنده کی جزایر معلومه مقدراتک کندیلارینه تودیعنه دائر باب عالی به صورت قطعیه ده واقع اولان تکلیفلرینه قارشی لازم کلن تدابیری اتخاذ ایله مشغول اولمشلر ایدی .

صلاح حقنده دول معظمه نك باب عالی به تبلیغ ایلدیکی نوطه ایله بو نوطه به جواباً قلمه النان نوطه مسوده سنه دائر برار معلومات و یردرک بوبابده اتحاد جیلر طرفندن اشاعه ونشر ایدیلان اراجینی جرح ورد ایدلم .

دول معظمه و یردکری نوطه ده ادرنه استحقاقاتنک سقوطه محکوم اولدیغنی مشاهده ایلدکلرندن و دولت علیه عثمانیه نك دها زیاده متضرر اولسنی ارزو ایلمدکلرندن ادرنه شهرینک حکومات متفقیه (بالقان حکوماتنه) ترکی و منازع فیه اولان اطه لرك مقدارتنی ده کندیلرینه ترك و تودیعی بالاتفاق صورت جدیده توصیه ایلورلردی .

بونک اوزرینه مجلس وکلاده اوزون اوزادی به جریان ایدن مذاکرات نتیجه سنده صلاح جہتی الزامدن بشقه برچاره قلمدیغندن دولتک منافع سیاسیه سی کوزه دلمک شرطیله صلاحک اجرایی ایچون بونوطه به جواباً برونوطه نك قلمه النسی قرارگیر اولدی .

مع ما فیه ادرنه ولایتنک دولتیجه معلوم اولان اهمیتنه و ادرنه شهرینک ایکنجی پایتخت عثمانی اولدیغنی جهتله بر چوق آثار اسلامیه بی جامع بولندیغنه مبنی بونک شوصورتله ید اعدایه ترکی تأثرات و هیجان عمومی به بادی اوله جفنی ملاحظه بیوران کامل پاشا حضرتلری اعظم مأمورین دولت و وکلای ملت واعیان حکومتدن مرکب بر مجلس عالی نك ده مابین همایون ملوکانه عقد واجتماعی تصویب و تنسیب ایله سرای همایونده بر مجلس عمومی عقدینه قرار و یردی .

سرای همایونده اجتماعی قرار گیر اولان مجلس عمومی مسئولیت وکلایه اشراق ایتیوب یالکز بین الوکلا شرائط صلاحیه حقنده اتخاذ اولونان مقرراتک اصابت وعدم اصابتی خصوصیلرنده بر هیئت استشاره اوله رق عقد ایلدی .

بو مجلسده صدر اسبق سعید و صدر سابق غازی احمد مختار پاشا لر و هیئت اعیان ایله مبعوثانندن و متحیزین رجال علمیه و ملیکهدن اتحاده منسوب و غیر منسوب ذوات معروفه بولندی .

یالکز محمود شوکت پاشا حضرتلری بر هیئت مسئوله ظنیله دعوته اجابت ایدمه جکنی باتذکره مقام صدراته بیلدیردی .

ذات حضرت پادشاهی و ولی عهد سلطنت دولتلو نجابتلو یوسف عز الدین افندی حضرتلریله شهرزاده جوانبخت دولتلو نجابتلو وحید الدین و عبدالحجید افندیلر

حضراتی ده صورت غیر رسمیه ده مجلس عمومینک انعقاد ایلدیکی محلك اتصالیده کی مخصوص اوطه ده بوانه رق قایینه نك و یردیکی ایضاحاتی استماع بیور بیورلردی . بو مجلس عمومیده دولتمزك اوغرادینی حرب فلا کتی ایله اردونك احوالی حقنده ایجاب ایدن معلومات بیان وایضاح ایدلمش و مذکور مجلسجه ده صلحك عقدی ضروری اولدینی تصدیق قلمشدر .

شوراسنی بیان ایتدن کچمیه لم که . اتحاد و ترقی جمعیتی اوکونه قدر دولت و مملکتده منافع ذاتیه سی اوغرنده اوینادینی او یونلرک اك اشنع و اك خائنانه سی مع التأسف بو صلح مسئله سنده اوینامشدر .

شویله که . ادرنه قوماندانی شکری پاشا حضرتلری طرفندن حریبه نظارتی شیفره سیله چکیلن بر تلغرفنامه نك قایینه نی صلحه سوقه مجبور ایتك ایچونك کزیده اتحاد جیلردن بر ذات طرفندن تحریف ایدلمسی کی بر جنایت ایقاع ایدلمشدر .



ادرنه قوماندانی شکری پاشا حضرتلری

Son Excellence Chukri Pacha (Defenseur d'Andrinople)

ادرنه قوماندانی شکری پاشا حضرتلری طرفندن بو تحریف کیفیتی تایید اولمیشدر . مذکور تلفرافده ارزاقك فقدانندن ناشی قلعهك انجق کانون ثانی اواخرینه قدر طیانه بیله جککک تحریری و بومدتکده تقریبی قاینه بی مشکل بر موقعده بر اقمشدر .

چونکه ادرنه استحکاماتی تلفرافنامهده محرر یوم معیندن بر قاچ آی ده مدافعهیه مقاومت ایدی .

ادرنهك آیلرجه مدافعهیه مقاومتی تلفرافنامهك تحریف ایدلایکنی اثبات ایتدیکندن بو فعل خائنانه جرأت ایدن جانلیری تلمین ایتکک حمیت وطنپرورانه اصحابی ایچون بر بورجدر .

بو تحریفدن مقصدلری کامل پاشا قاینه سنه صلحی تسریع و تعجیل ایله یاپدیرمق صوکرده امثالی وجهله قاینه علیهنده پروپوغاندا یاپه رق اهالی بی کامل پاشا علیهنه قیام ایتدیرمک وقاینه بی دوشوروب حکومتی اله آلمق ده اطوغریسی چالوب چیرپوب دولت و مملکتی بوکونکی حاله کتیرمکدن بشقه برشی دکلدیر .

اگر ادرنه قوماندانك تلفرافی تحریف ایدلماش اولسه ایدی . قاینهجه دول معظمهك صلح تکلیفنه درحال موافقت ایدلیهرك ادرنه استحکاماتك قریب السقوط اولدیغنه دائر اولان اعتقادلری تصحیح اولنور و تکلیفات واقعه ارینك تعدیلنه موفق اولنوردی .

ذاتاً انکلتره دولت معظمه سی خارجییه ناظری قونت ادواردغری حضرتلری طرفندن اولجه صورت خصوصیهده واقع اولان بر تکلیفده ادرنهك بی طرف بر منطقه دائره سنه آلنه رق کمرک وسائرهدن معافیتی بیان اولمش و کامل پاشا حضرتلری طرفندن ده ادرنهك دولت علیه عثمانیهیه تابعیتی باقی اولق اوزره تکلیفات واقعهك قبول اولنه بیله جکی جوابی ویرلش ایدی .

بالاده دینلریکی وجهله دول معظمه طرفندن ویریلن قطعی نوطه اوزرینه مجلس وکلاده جریان ایدن مذاکرهده بتقدیریه تعالی بالقان دولترینك احراز ایتدکلی غلبه کاملیه و علی الخصوص دول معظمهك ایشه بالمداخله لوندرده عقد ایتدکلی صلح قونفرانسنده ویردکلی قرار نهائییه نظرآ روم ایلینك تخلیصنه امکان قالدیفندن و فقط ادرنه ولایتك نفوس موجوده سنه نسبتله اکثریتی اسلام اولق ونفس ادرنه دولت علیه عثمانیهك پایتخت قدیمی و بر چوق آثار اسلامیه ایله

مشحون بولمق حقیقیله بلغارارده ترکی حق وعدله همده شیمه مصالحته موافق اولمدیغندن قوت ادواردغردی حضرتارینک اخطار خصوصیلرینه استناداً ولایت مشار الیهانک شکل اداره سی دول معظمه ایله بالاتفاق قرار لشدیر یله جق بر اسلام پیرانسنک تحت اداره سنده بولمق اوزره اسویچره کی بر حکومت مستقله بی طرفی حالنه وضع ایدلمی واطه لک دخی آسیا قطعه سی ماحقاتندن بولمسی وانا طولی ساحلنه قریقی جهتیله یونانلره ترکی قیاقجیلغک وانا طولی ساحلنده ساکن روملرک تحریکیله دائماً اوجهتده غوائل ظهورینک منعی اشکال ایده چکندن پوراسنک دول معظمه ناک نظر دقت وحماسنه عرضله اطرار مقدراتنک دول مشار الیهلک آرای عادلّه سنه تودییی حقنده جوانی برنوطه تنظیمنه قرار ویرلمشدر .

دولت علیه عثمانیه ناک آتیا استکمال قوت وترقیاتنه خدمت و معانت ایده چکارینی وعدایدن دول معظمه ناک نوطه سنه حاضر لنان بوجوانی نوطه به مواد آتیه علاوه درج اولمش ایدی .

حکومات متفقیه ترکی تنسیب اولنه جق اراضی عثمانیه حدودینک دول معظمه طرفندن تعیینی ، دول معظمه جه موعود و معاونات مادیه و معنویه به بذل همتله ضایعات واقعه به مدار تعویض اوله حق اولان مساعدات خرج خواهانه ناک اجرا سیله دولت عثمانیه ناک معاملات اقتصادی ده بین الدول جاری اولان اصولک اجرا آتنده سربست بر اقلمسی .

بو یولده قلمه آلان فرانسرجه نوطه مسوده سنک ترجمه سی « ۲۳ کانون ثانی ۱۹۱۳ ، ۱۰ کانون ثانی ۱۳۲۸ » سنه سنه مصادف پنجشنبه کونی باب عالی ده انعقاد ایدن مجلس وکلاده مطالعه و تدقیق اولمقده ایکن مار الذکر اتحاد و ترقی جمعیتی بکریله حریت وائتلاف فرقه سنک صورت ظاهرده مخالف وحد ذاتنده موافق اولان بکری قاینه بی دوشورمک و نظارتاری بینارنده تقسیم ایله استفادّه شخصیه لری اوغورنده دولت و مملکتی محور پریشان ایلمکی جمعه ایرتسی کونی برابرجه ایفایه قرار ویرمشدر سه ده مخالف صفتنده بولونان ائتلافجی قارداشارینه نظارتلردن بعضسنی قایدیرمق بیله ایشنه کامیان اتحاد و ترقی جمعیتی بکری (!) قرار واقعه انتظار ایتمه به لزوم کورمیه رک بوایشی کندی الی بایراقلی عونّه سیله اجرایی تنسیب ایدوب پنجشنبه کونی باب عالی به هجوم ایتمشدر .

ایشته بونکله ده اسکی ، یکی ارقداشلری اولان ائتلافک حریص شهرت

بکرینی آلاءش وانلری اورته ده برامشدرد .

بومنوال اوزره اتحاد وترقی جمعیتک شرمه قلیله اختلالیه سی بر صورت خائنانه ووحشیانه ده باب عالییه هجوم ایدرک حال انعقادده اولان مجلس وکلایه داخل اولق ووکلای نخامی قتل وشهید ایتمک ایسته مشلردرد .

اوکلرنده رئیس اعظماری طلعت وقاتل شهیرلری انورله خطیب بی نظیرلری عمر ناجی وسائر فدائی جانیلری اولدینی حالده باب عالییه هجوم ایدن بورزیل قاتلر بر معتاد تکبیرلره یوک صالونه داخل وداثره صدارته تعرض وهجومه باشلادقلری بر صره ده اوراده موجود اولان صدارت یاورانندن یوزباشی نافذ وحربیہ نظارنی یاورى توفیق بکلرله بعض پولیس سیویل مأمورلری بونلرک افعال جنائیہ لرینه مانع اولق ایتدکلرندن تشهر سلاحه جرأتله یاورتوفیق بکله بر سیویل پولیس مأمورینی قتل وشهید ایلدکلرندن یاور نافذ بکده مقابلهیه مجبور اوله رق استعمال سلاحه باشلامشدر .

نافذ بکک انور پاشایه انداخت ایلدیکی قورشونلردن بردانه سی اختلالچیلردن مصطفی نحیب نامنده برجانییه اصابتله مرقومی قتل ایلدیکندن جمعیتک دیگر فدائیلری طرفندن آنیلن قورشونلرله مومی الیه نافذ بک مجروح دوشمش وبر ایکی فدائی جمعیتده ده کبرمدکی دیهرک بیچاره نافذی قمارله جرح وشهید ایتمشلردرد .

شوصورتله کوثر شهادتی نوش ایدن یوزباشی نافذ وتوفیق بکلر وظیفه نظیفه لرینی مردانه وشجاعتمکارانه بر صورتده ایفا ایلد ناملرینی الی الابد پایدار ایلمشلردرد .

بر مظلومه حرمی خانمله ایکی صغیر اولادینی ملت نحیبیه ترک وتودیع ایدرک وظیفه سی اوغرنده بر صورت فجیمه ده شهید اولان مومی الیه نافذ بک اوتوز . قرق ملیون عثمانلی آره سنده کوچ یتیشیر بر وجود قیمتدار اولدینی اثبات ایلدیکندن بو صورتله شهادتی حقیقه شایان تأثر وتأسفدر .

(جناب حق شهادی مومی الیهی غریق رحمت ایلیه)



اواثاده صدر اعظم کامل پاشا حضرتلری بعض ارادات سنیه پادشاهی بی تبلیغ ایچون باب عالییه کلن ما بین همایون ملوکانه باش کاتبی فوآد بک افندی ایلد

صدارته مخصوص اوطه لردن برنده بولندقلرندن مجلس وکلاده بولمئورلردی.
طیشاریده لی بوکور ولتی مجلس وکلاده بولونان باش قوماندان وکیلی وحر بیه
ناظری ناظم پاشا حضرتلرینک مسوعی اولغله مجلسی ترکله طیشاری به چیقمش
وبو حالک منع وتسکینی ایچون لازم کلن وصایایی ایفایه مقتدر اوله مقسزین آتیده کی
رسمده کور یله جکی وجهله کوچک صالونده انور طرفندن آتیلن روولور قورشونیه
شهیداً وفات ایلمشدر .

(رحمة الله عليه رحمةً واسعة)

حربییه ناظری ناظم پاشانک شهادتندن صکره اختلاجیلردن برطاقم ضابطان
ایله سیویل قیافتنده بعض کیمسه لر دائره صدارته دخول ایله صدر اعظم کامل پاشا
حضرتلرینک بولندقلری اوطه یه کیروب ایچلرندن صدر مشار الیه حضرتلرینک
افاده لرینه کوره برجسوری یانلرینه تقر بله طیشاری ده هیجان زیاده اولدیغندن
هان استعفا لرینک تحریرینی طلب ایلمک جسارت وکستا خالقنده بولممشدر .

بونلرک بوقیام و افعال جنائیه دن مقصدا لری اخذ تار دکل مجرد زمام حکومتی
اله آلمق اولدیغنی اکلایان کامل پاشا استعفانامه سنک تحریرنده توقف و تردد
کوسترمش اولسه لر بلکه صدارتک انحلالنی وقوعه کتیرمک ایچون کندی لرینه ده
بر سوء قصد ایده جکگری ملاحظه سنی در پیدش بیوره رق « جهت عسکریه دن
واقع اولان تکلیف اوزرینه استعفا یه مجبور اولدیغندن خدمت صدارتدن
عفوینه مساعده سنیه نک شایان بیورلسنی » ناطق حضور شاهانه یه یازدقلری
استعفانامه نی ویرمشلردر .

استعفانامه نی الان انور پاشا باب عالیده بولونان شیخ الاسلام جمال الدین افندی
حضرتلرینک رکو بلرینه مخصوص اوتوموبیله را کباً طوغریجه مابین هایونه عزیمت
وعدوت ایلمشدر .

باب عالی وقعه جنائیه سی : رسم ، صحیفه ۶۸

حربییه ناظری ناظم پاشانک انور طرفندن آتیلن قورشونله وقوع شهادتاری

Nazim Pacha Assassiné par Enver à la Sublime Porte

Tableau : Page. 68



بوندن بر ساعت صکره باب عالی به کلن سرقرنای حضرت شهر یاری خورشید
بك افندی ذات حضرت پادشاهی وقعه دهن بك مكدر اولديغك بيانيله حال تقرر
ایدنجه به قدر باب عالینك حكومتدن خالی بر اقامامسی فرمان بیورلدیغنی تبلیغ
ایلدیكندن نتیجه حاله انتظاراً كامل پاشا حضرتلری مقاملرنده بولمشلردر .

بوصره ده مشار الیهك بولندیغی اوطه به کبر و ب چیقان اختلاجی بكارك آره سنده
طلعت وانور پاشا لر دخی بوانیوردی .

جمعیت رؤساسندن قرق کایسا مبعوثی (خطیب شهر) عمر ناجی بك كامل
پاشانك یاننه تقرر به مقام استعزاده « افندم انشا الله سز بو مقامده دواته دها چوق
خدمت ایدر سیکز . بزرزه محتاجز . جمله من امر یکز تحتنده بولنورز » سوزلریله
اظهار روی مداعنه ایلمش و كامل پاشاده « کالزوی یوق بن دولتك طالعی تجربه
ایتدم بوکافیدر » جوابیله مقابله بیوره رق موهی الیهی یانلرندن دفع ایلمش ایدی .
بعده انور پاشاده صدر مشار الیه حضرتلرینك یانلرینه کلوب کندوسی تعلیمده
ایدوکنی وعودتده وقعه بی بولده خیر آلوب کلدیکنی حیرتله بیان ایلمش واجرا
ایلدیکی جنایتدن یقاسنی قورتارمق ایچون یالان سویلمکدن ده اجتناب
ایلمامشدر .

بونلرک ساعتارجه دوام ایدن بوحالندن صوکره دیگر اوطه لرده بولونان ذات
سامی مشیختیناهی ایله سائر وکلای ختام كامل پاشا حضرتلرینك یانلرینه کامشلردر .
بر مدت صکره موقع صدارته تعیین ایتدیردکری محمود شوکت پاشا حضرتلری
شیخ الاسلام جدیدی مصحوب باب عالی به کلدیكندن اختلاجی بكارك قبو
اوکنده کی ارقداشارینه ایشدیرمک ایچون خلاف معتاد اوله رق مردبون باشنده
« خط هامونی » قرائت ایتدیردکدن صوکره عرض اوطه سنه کلوب موجود
قاتلرک تبریکاتی قبول ایله ترتیبات لازمه به باشلامشدر .

وکلای سابقه بر اوطه ده كامل پاشا حضرتلرینك یانلرنده و صدر جدید محمود
شوکت پاشا ایله عونیه سی دیگر اوطه لرده کیجه یار بوندن صوکره به قدر بولمشلردر .
محمود شوکت پاشا نصف الیادن صوکره بر آره لقی بشفه بر اوطه ده كامل پاشا
ایله آبروجه کور یشمش واحوال حاضرمدن بحث ایلمش ایدی .

بومصاحبت اثناسنده محمود شوکت پاشا (بزورایه استکراه کمدك بزى کتیردیار)
دیلمری اوزرینه كامل پاشا دخی (اوت بزى دخی اوپله کتیر مشردی .

کلشکز به بکزه دی دقت ایدیکز که کیدیشکز بکزه ماسین !!) پیر سیاست کامل پاشا حضرتلری اوکیجه الافرانغه ساعت اوچلره قدر باب عالی ده قالمش و اوچدن صوکره انجق خانه لرینه عودت ایلمکه موفق اوله بیلمشاردر .

کامل پاشا بو حال ایله لیلا آلدقلمری صغوقدن طولایی ایرتسی کونی خسته نمشار وزیرتارینه کان دول معظمه سفرا سندن هیچ بر یسنی قبول ایده مامشارایدی . اون کون قدر اسیر فراش اوله رق تداوی ایدلدگدن و براز کسب عافیت بیوردقدن صوکره اطبانک کوستردیکی لزوم اوزرینه برای تبدیلیها مصره عزیمت بیورمشاردی .

اتحاد و ترقی جمعیتی کامل پاشا حضرتتارینک بوندن اولکی قابینه سنی بر صورت غیر مشروعه ده دوشوره رک دولت و مملکتک فلاکت و انقسامنه طوغری برنجی خطوه بی آتمش ایکن بو دفعه غایت فجیع و خونخوارانه بویولده دوشورمسی دولت و ملتیز ایچون چاره نجات و سلامت قالدیغنی کوسترمش و ارباب حمیت و وجدانی پک زیاده دوشوندرمشاردر .

ذاتاً دولت و مملکتله بر علاقہ سی اولیان بوجهیت مؤسسین و رؤسا سنک منفعت ذاتیه لرینی تأمیندن غیری بر دوشونجه لری اولدیغندن بوندن بشقه کندیلرندن برشی بکله مک عبثله اشتغال ایتمک دیمکدر .

سنلری حد کماله ایرمش اولان کامل پاشا حضرتلری نان و نعمتیه پرورده اولدیغنی دولت و ملتینه صوکر بر خدمت صادقانه ده بونمق و دولتک حال و استقبالده اوغرایه جغنی خارجی . داخلی فلاکتله بر سد هائل چمک ایچون پک بویوک بر تشبند بولندقلمری صره ده ناکهانی صورتده بو حاله دوچار اولملری تشبثات واقعه بی عقیم براقمش و بوصدارتنده ده ارزومسی دائره سنده محرکته موفق اوله مامشاردر .

اوتیه دنبری متغلبه و اشقیا الذین کندی قورتاره میان دولت و ملت مقدارتنی نه اشرا و اشقیا انه ویرمش و مملکتیزده بوکونکی حاله کمشاردر .

کامل پاشا حضرتلری هیچ شبهه بوق که بو اشقیا و اشرا نک صوکر درت بش سنه ظرفنده مملکتده اوینادیغنی او یونلره آرتق بر نهایت ویرمک عزمنده بولندقلمری شو ازمدت دوام ایدن صدارتله اراده و اثبات بیورمشارسده ده مع التأسف اسباب مانعه حیوانیه بوکره ده بوجهیت اشقیا سندن مملکتی تطهیرموفق اوله مامشاردر .

چونکه کامل پاشا بونلرك آنيا مملكتى دوشوره جىكلرى حفره يى چوقدن كورمش و بو جمعيتك وجودينك ازاله سى ايچون هر نه يايىق لازم ايسه يايوب دولت و مملكتى قورتارمقدن كير و طورمدقلى كى كنديلرينه مساعد و معاون اولان قاينه سى اركانك فكرينى ده بو جهته اماله يه باشلامش ايدى .

كامل پاشانك بوصوك قاينه سى اركان كرامى . مملكتتمزك اك على و دىكرلى عضوندن مركب اولدقلى حالده مع التأسف بر ايش كورمكه موفق اوله مامشردر . زيرا بو اركان فخام هيچ برفرقه و جمعيته منسوب دىكلر ايديسه ده مملكت باشدن باشه اتحاد آمانه خدمته آماده و اكثر مأمورين دولت جمعيتك قاراكلق اوطنه سى محفليندن بولندقلى جهته و يريلن اوأمرك حرق حرقنه انفاذى قابل اوله مديغندن كامل پاشا مطلوبنك حصولنده انديشه بيورييورلردى .

نته كيم اويله ده اولدى نظار كرامدن بعضلى مخالف صفتنده اطرافلرينى الان اتحادجيلرك تشويقاتنه آلدائش و بعضى ده ابتدائى انقلابدن برى اتحادجيلر طرفندن مأمورين دولت و مملتك سمعنه يرلشديريلن پروپوغانداردن بريسى اولان (قانونى حركت ايدى . بزده انلركى بر يا كاشلفه دوشميه لم) سوزلريله حركت ايتكم ارزوسنى اظهار بيوره رق خطا ايتمشردى .

وكلاى فخام حضراتنك بو خطاسنه حربه ناظرى ناظم پاشا حضرتلرينك تميز و صاف اولان قىلبرى اردوبه طلعتلر ، انورلر ، جماللر ، فتحيلرو امثاللرينك دخولنه مانع اوله مديغندن بالطبع اداره حكومت اتحاد جيلر النده قالمش و نتيجه نك وخامتى اولزمان كوسترمش ايدى .

بوايشده ذات سامى صدر اعظمى ايله ذات على مشيختپناهى بالكز قاله رق هر نه درلو بر چاره صلاح و سلامت تحرى بيورمشارسه ده موانع متعدده ظهوريله موفقيت الويرمامشدر .

قانونى حركت ايتكم ارزوسنى اظهار بيوران وكلاى فخامه عفورينه مغروراً سؤال ايدر زكه ؛ شمدى به قدر مملكتده اتحاد جيلرك آصدقلى و سوردىكلرى آلدقلى ، ياپدقلى هرايشده قانونى كنديلرينه آلت ايتدىكلرينى كورميورلرى ايدى . بوكون اتحاد زور بارينه ده سؤال ايداسه هر فعللرى قانون دائره سنده اولديغنى اثباته قالقشيلر .

ذاتاً شمدى به قدر دنيايه بايلى فناقلىك جمه سى اللرنده برآلت اولان قانون

ایله یا نیلامشدر .

بو بویله اولدقدن صوکره آرتق قانونی حرکت ایدلم دیمکه حاجت یوق ذاتاً ویریلن امرلر غیر مشروع و غیر قانونی دکل ایدی .

قانونی حرکت ایدلمی وکلای نخام اتحاد جیلردن اخذ وتلقی ایله استعمال ایده جکرینه بونلرک بر صورت سمریعهده مضرتلرینک دفعنه الدهکی قانون داشره سنده همت و غیرت بیورمش اولسه لردی . هم او مخالف صفتندهکی اتحاد رؤسایسناک همده اتحاد اشرا واشقیاسناک القا ایدیکی فکر سقیمدن مملکت ازاده قالیر . بواشقیاده محو و پریشان اولوردی .

ایشته بوکبی یا کلاش حرکت بیوران قاینه ارکانندن بعض ذوات رؤسای اتحاد طرفندن مغفل اولمغله کامل پاشا حضرتلرینک افکار و طنپورانه لرینک اجراسنه امکان براقامش و صدر مشار الیه بو صوک وقعه جنائیهی کوسترمشدر . هر نه ایسه بو حرکت غیر مقبوله نك تشریح و تصریحی وقعه نویسانه براقه رق صده رجوع ایدلم .

برازده یوقاریده دیدیکمزکی استقبال ملت و دولتی نظر تأمله آلآن کامل پاشا حضرتلرینک دولت عثمانیه حقنده آتیا ظهور ایده جک اولان فلاکت و مشکلاتی منع خصوصندهکی تشبثات جدیه لرندن بحث ایدلم .

کامل پاشا حضرتلری انکتره دولت معظمه سی دوستلنک دولت علیه عثمانیه ایچون نه درجه الزم ایدوکنی و بودوستلنک دولتمز و مملکت مزه محض حیات اولدیغنی پک رعنا بیلدکلرندن اوتیه دنبری انکتره سیاست عالییه و پولتیقه سنی تصویب و تعقیب ایدرلر . دائماً مسند صدارته کلدکلری زمان مذکور پولتیقه یی ترویج بیوررلردی .

ذاتاً دولت علیه عثمانیه عصرلردنبری انکتره دولت معظمه سنک مظاهرت و معاونتی سایه سنده برحقوق و قایعهده تمامیت ملکیه سنی محافظه ایده بیلیمش ایدی . بو حقایق انکار ایدنلر تاریخه عدم وقوفی اولانلر و یار منعمت ذاتیه مقابلهده قصدا بشقه صورتله حرکت ایلانلردر .

یوقسه تاریخه آشنا اولانلر و تبعات تاریخیده بولونانلر بیلیرلرک هر نه زمان دولت علیه عثمانیه آلمانیا و آوستریا دولتلرینک اتتریه لرله فلاکت و مصیبتیه معروض قالمش و روسیه حکومتک تعرض و تسلطنه اوغرایه رق الک بو بوک تهلکه

و مشکلاته دوجار اولمش و هر وقت انگلتره دولتنك مظاهرت و معاونتی استحصا
و تأمین ایدلك صورتيله اوفلاكت و مصیبتدن تخلصه موفق اوله بیامشدر .

دولتك صوك زمانلرده يتشديرديكى الك بيوك رجال سياسيه سی اولان رشید
پاشا ، عالی پاشا ، فؤاد پاشا لدخی انگلتره دولت معظمه سنك همت و معاونتی
ایله برچوق و قایعدن دولت و مملکتی قورتارمشلردر .

بو حقیقی مدرك اولان و دولتك عنعنات قدیمه تاریخیه سنی نظر اعتباره الان
ومدت حیاتنده انگلتره سیاست عالیه سندن اصلا انحراف ایتمامکی دولت و ملت
ایچون مدارنجات بیلن کامل پاشا حضرتلری دولتمرك بو حال فلاكت و بحران
مدهش ایچنده یو وارلندیغنی کورنجه انگلتره دولت معظمه سندن استمداد
و استعانه دن بشقه برچاره قالمدیغندن دولت معظمه مشار الیها ایله بر اتفاق عقدی
ایچون مراجعت بیورمشلر ایدی .

شویله که ، دولتك حال و موقع جغرافیسی و عنعنات تاریخیه سی اعتبار یله شدت
و صمیمیتله مربوط بولندیغنی انگلتره دولتی ایله بر اتفاق نام حصوله کتیرمک ایچون
لوندره سفیری بولونان صدر سابق توفیق پاشا حضرتلرینی مأمور ایلدیله . بو اتفاق
مذاکرتی غایت خفی جریان ایدیوردی .

حتی بو اتفاقك اساسی حاضرله مق و بویاده لوندره سفیری توفیق پاشا
حضرتلرینه تبلیغات لازمه ده بولنه رق انگلتره خارجیه نظارتيله مذاکره ایلمک
اوزره مخدوملری بحریه میرلوارلندن سعادتلو سعید پاشای صورت مخصوصه ده
بالدفعات لوندره یه اعزام ایتمشلردی .

اولزمان انگلتره دولت معظمه سی خارجیه ناظری بولونان اصالتلو قوت
واردغری حضرتلری و خارجیه نظارتی مستشاری انگلتره اعظم رجال سیاسیه
سندن سیر نیقواسون جنابلریله مشار الیه توفیق و سعید پاشا میانده جریان ایدن
ملاقات و مذاکرات نتیجه سنده دولت علیه عثمانیه نك تمامیت ملکیه سنی ضامن
اولق اوزره انگلتره دولت معظمه سیله دولت عثمانیه آره سنده تدافعی و تجاوزی
بر اتفاق اساسی حاضر نمش و قرار لشدیرلمش ایدی .

قرار واقعك موقع تطبیق و اجرایه وضعی ایچون ده بو مذاکرات سیاسیه اثنا
سنده ابراز رؤیت و فطانت بیوران و دولتك سلامت و سعادت آتیشنی تأمین
موفق اولان توفیق پاشا حضرتلری اتفاقك تسریع حصولی ایچون قاینه ده

خارجیه نظارتی در عهده و قبول بیورهرق در سعادته متی* عزیمت بولندقاری صروده باب عالی وقعه مؤسسه سی ظهور ایتمشدر .

بو صورتله قاینه بی باب عالی به هجوم وایقاع جنایتله سقوط ایتدیرن اتحاد و ترقی جمعیتی ایسه جنایت ایچنده جنایت اجرا ایتمش ایدی .

چونکه بو وجهله موقع صدارتی ترك ایدن کامل پاشا حضرتلری بر مدت دهه مسند صدارتده قالمش اولسه لر بو اتفاق عقد ایدیلور، دولت و مملکت مزده بو کونکی فلاکت و اضمحلاله معروض قالمز ایدی .

جمعیت اتحادیه اشرا و اشقیاسنک منفعت ذاتیه و شخصیه لری اوغرنده اجرا ایتدکلری جنایات تعداددن خارج وایکی دفعه کامل پاشا قاینه سنه اوردقلری ضربه ایسه بو جنایتلرینک اک مددش و جمعی اولدینغندن آرتق بو جمعیت وافرادی حق حیاتدن کندیلرینی محروم ایتک زمانک کلدیکنی و دولت و مملکته ایتدکلری فناقلری کوز اوکنه کتیر رک نام و شانلرینی عالم بشریتدن سیلمک ایچون برر برر انتحار ایدهرک وردزبان ایتدکلری ناموس کلمه سنک معنای حقیقیسنی بالفعل ارائه و اثبات ایتلیدر لر .

دولتمزک انکاتره دولت معظمه سیله عقد ایده جکی بو اتفاقدن نه مرتبه تامین منفعت ایده جکنی ایضاحه حاجت یوقدر .

ایشته پیر سیاست تدبیر کامل پاشا حضرتلری کیجه و کوندوز راحتنی سلب ایده رک دولتمزک تامین استقباله چالشمشدر .

ذاتاً اوزاغی کورمک حاصه سنه مالک اولان مشار الیه حضرتلری دولتمزک و مملکتک بو کونکی فلاکته اوغرایه جفنی بر چوق سنه اول کورمش ویدی سنه اول برای تبدیلها مصرده بولندیغی صروده استقباله کلهجک اولان فلاکتک اوکنک النسی ایچون سلطان محمد خان خامس حضرتلرینه آتیده عیناً صورتی مندرج عریضه بی تقدیم و ارسال ایله ابراز آثار حمیت و صداقت بیورمش ایدی .

— عریضه صورتی —

جناب رب منان ولی نعمت بی امتنان افندمر حضرتلرینک عمر و اقبال ، شوکت و اجلال شاهانه لرینی مز داد بیورسون .

شو بولندیغمر حال خطرناکک تأثیری نختنده اولانلرک جداً مضطرب و دغولون

اولاً ملری ناقابلدر . احوال ادارهٔ ملکیه و سیاسیه ده بی وقوف اولان اتحاد و ترقی جمعیتک نفوذ و تحکمه تبعاً حکومتک سالک اولدیفی مسالک سقیمک انتاج ایتمکده اولدیفی علل و مشا کل و مهالک تحلیل و تدقیق اولندقجه ممالک دولت علیه نک انتسامه معروض بر حالدده و خلافت سنیه نک نهلمکده اولدیفی نمایان اولور . فی زماننا سائر دول معظمه یالکزکندی قوتلرینه استناد ایله حقوق و منافع مخصوصه لرینی تأمین ایدهمیه جککرینی ادراک ایدهرک منفعتمده مشارکته مستعد و طرفدار دیگر دولتلرله عقد اتفاق و بوضورتله موازنه دولیه ده موقعلرینی تحکیم ایلدککری حالدده دولت علیه نک بوکا موفق اوله مامسی یالکزککله دیگر دولت و ملتارک احتراصات و تعرضاتنه معروض بر وادی انفراد ده قالمسینه بادی اولمشدر . شرقده منافع تجاریه و اقتصادیه سی اولان دولتلردن مسالک سیاسیلرینه اک زیاده اعتماد ایده بیله جککز انککتره ایله فرانسه اولدیفندن دور سابقده انککتره نک مظاهرتنه نائلیتمز ایچون اتفاقنه خاقان سابق امالیه نه درجه چالیشدیغم خاطرات عاجزانه مده مبین و باب عالی قیودبله مبرهندر . نه چاره که سلطان عبد الحمید حضرتلری روسیه محاربه سی مغلوبیتک تأثیری تحتنده انجذاب خوف ایله سلامت نفسی روسیه نک اتفاقنده آرامقده ودوات مشار الیها دخی وسائط مخصوصه سیله سلطان عبد الحمید حضرتلرینک دوستلغنی کندی طرفنه حصر ایتمک ایچون بالجله مساعدینی ابدال و بالخصوص روسیه نک اول وقت رقیبی اولان انککتره بی نظر شاهانه یه عدوا کبر کبی ابراز ایلیمکده ایدوکندن معروضات عاجزانه مله خنکارک تحویل فکر ثابتی قابل اولما بوب بناء علیه دولت علیه بین الدول معینسز قالمناه بعض دولتارک احتراصاتنه معروض قاله رق روسیه و آوستریا پولتیقه سی آرده سنده روم ایلی قطعه سی الدن کیتمک درجه سنه کلمش ایکن بعنایة الله تعالی انقلاب مسعودک وقوعیله قانون اساسینک اعلانی اوزرینه ولایات ثلثه دولتین مشار الیهما نک تشبثات مضره سندن قورتیلوب مع مافیه عموم تصور اتندن اولان بلغارستانک استقلالی اعلان و بالنتیجه بوسنه — هر سک دخی آوستریا ممالکنه الحاق اولنمشدر .

جمله نک معلومی اولدیفی اوزره تاسیس اولونان حکومت مشروطه نک اتحاد و تعقیب ایلدیکی مسالک سالم داخلاً و خارجاً عمومه امنیت بخش اولسیله اداره دوات تحت انتظامده دورانه باشلایوب درحال ممالک عثمانیه نک ثروت طبیعیه سی موقع انتفاعه وضع ایله معصوریت و ترقیاتنه خدمت و معاونت مقصدیله بالجله

اوروپا سرمایه دارلرینک قاصه لرینی آچمش اولدق لرینی مشاهده ایدن اتحاد و ترقی جمعیتک منفعت پرستانی اشبو ابواب ثروتک کشایشنی دعوت ایدن حال حکومتک حائز امنیت اولماسندن منبعث اولیوب طبیعی برشی* اولدینی و بناء علیه کندیلری دخی اداره حکومتی اله آلمش اولسه لر هم کندیلری هم مملکت استفاده ایده جکی ظنیه مناسب بوسیله اتخاذ ایدهرک انفصال عاجزانه می وقوعه کتیرمشر و کندی منسوبلرندن مرکب بر هیئت حکومت تشکیلله اداره بی اله آلمشردی .

بو صورتله زمام حکومتک ارباب اختلاکک اللرینه کچدیکنی کورمش اولان سرمایه داران در حال چکیلوب امور نافعنه تشبثاتک کری قالدینی و بعده احداث اولونان اختلاللرده فصل قانلر دوکولدیکی مستغنی عرض اولوب الحاصل ژون ترک نامیه تشکل ایدن جمعیت حکومتی چونکه حکومت مشروطه قاعده سی اوزرینه انفاذ احکام ایده مدیکندن اداره عرفیه اعلانیله احوال اداره مستبدیه بی اعاده ایدهرک کرک مرکزده و کرک ولایاتده امور آشنا مامورین آچیهه چیقار یلوب پرلرینه جمعیته منسوب آدملر نصب ایدلمسیله بونلر تجربه دیده و کار آزموده کیمسه لر اولدیغندن جمعیتک تعلیماته تبعاً اتخاذ ایلدکلری مسلك سقیمده اهالی بی دلگیر ایدهرک آرنائوودلق ، عربستان و یمنده وقوعبولان اختلالاتده کرک عسا کر شاهانه دن و کرک اهالیدن بهوده قانلر دوکولمش و ملیونلرجه لیرالر صرف و هدر اولوب جمعیت حقنده نفرت عمومیه بی دعوت ایتمکدن بشقه بر نتیجه حاصل اولما مشدر .

بعده جمعیتجه عالمه میدان اوکورجه سنه اظهار اولونان طور و حرکت دول متحابه بی دلگیر ایدهرک بو حاله قارشى حکومتات متجاوره تدابیر لازمه اتخاذینه مسارعت و دیگر دولتلر نتیجه حاله مدنظر دقت ایلدکلری صروده ایتالیا دولتی سفارتک برنجی نوطه سنده مبین اولدینی اوزره دوات علیه دکل جمعیت علیهنده اوله رق اعلان حرب ایله طرابلس غرب و بنغازی بی ضبط واستیلایه قیام ایلمشدر .

محل عهد اولان بو تعرضه قارشى انکلتزه ، فرانسه و روسیه دولتلرینک بیطرف بولنملری معنیداردر بو درس عبرت بزه کافی اولمزه دیگر تجاوزاتده انتظار اولنملیدر .

بوروش حالک صوکی* (لا سامح الله) مقاسمه در . بوکونکی کون کرید ایله روم ایلی قطعیه مقاسمه معروضدر . بوبابده کی حسیات عاجزانه مک مستند

اولدینگی معلوماتی تحریراً تقدیم ایدهم. جمعیت اربابی حقایق احواله واقف اولسه ار
هم دولتک همده کندی نفسلرینک سلامتی ایچون امور اداره حکومتده مداخله دن
ال چکهرک امور خیریه ایله اشتغال ایلملری اقتضا ایدر. عکسی تقدیرده خاقان
سابق زماننده استبدادی اورته دن قالدیرمق ایچون ظهوره کلن وقعه خیریه مثللوینه
اردوی هایونک اشتراکیله قریبا وقوعی طبیعی اولان اختلال شمذیکی استبدادی
دخی محو ایده جکی شبهه سزدر.

افکار عمومییه آوروپاده دخی ایتالیا نك تجاوزات غیر محقه سی علمهنده ایدهمده
حکومتلر ایچون تبدیل قراره بوکافی دکلدز. آلمانیا کندی متفقلری اولان ایتالیا
وآوستریانک منافعه مظاهرتدن آیريله ماز.

انکلیز حکومتک بولندینگی حال بی طرفیدن چیقوب دولت علیه نك حقوقنی
محافظه ایده بیلمسی اسبابی بزم استحقار ایله مه ممر لازمدر. انکلیزه ایله طریق
ائتلافه کیرمک ایچون شوهرده بوراجه ایو برزمین سالم حاضر لائمش ایدهمده
بو طریقه کیرمک. اورته ده حائل اولان جمعیت خفیه نك رفعیله ممالک عثمانیه ده
حکومت مشروطه نك تأسیس ومظاهرتنه متوقف اولوب بوده اداره عرفیه نك
رفعیله مجلس مبعوثانک هیئت حکومته طرفدار ویاخلا فکیر فرقه لک کرک وضع
قوانینده وکرک وکلانک اجرا آتی مراقبه ده هیچ برطرفک نفوذی نختنده اولیه رق
مذاکره مواد واعطای رایه سربست اولمرندن عبارتدر. انکلیزه ایله میانده ده
حاصل اوله جق ائتلافه فرانسه ایله روسیه نك اتباع ایده جککری درکاردر. اگر
جمعیت اربابی بو ایضا حانه قانع اولمازلرسه کندیلريله بالاجتماع تعاطی افکار ممکندر.
کوره لم : اولاه داخلاً اهالیجه جمعیت علمهنده پیدا اولان نفرت عمومییه نك
ازالهی قابلمیدر؟ ثانیاً : جمعیتدن دلکیر اولان دولت وملتک توجیه اتنی جمعیت
له نه چویرمک ممکنیدر؟ اگر قابل وممکن ایه بوایده جمعیتجه دوشونیلن چاره
نه در؟ ممالک عثمانیه بی مقاسمه یه مبدأ اولق اوزره ایتالیا نك بزه آچدینگی محاربه نك
اوکنی وسفک دماء وقوعنی منع ایله طرابلس غرب وبنغازی بی استیلادن قورتارمق
ایچون قنغی قوته استناد اولمقده در؟ هر نه شق ایله اولورسه اولسون بولایتک
تخلیصی امیدى ضعیف اولوب بورالری الدن کیدرسه کرید مسئله سی ذاتاً بین
الدول موضوع بحث اولسیله بونک دخی علمهنده حل اولمسی بالقان حکومتلرینک
حرصنی تحریک ایده جککندن آچیله جق غوائل کلیه یه بلا معین بالکیز اردوی

مهابون ايله نصل مقابله اولنه بيله جك وبوغوائل ايله مدت مديده اوغراشمق مليونلرجه ليرالر صرفنه محتاج اولديغندن نره دن ونه وجهله استقراض عقدى ممكن اوله جق ؟ معاذ الله تعالى روش حال بورالر قدر وارير وروم ايلي قطعهسى الدن كيدرسه ، چونكه جمعيت طرفندن مصرده حزب الوطنى تحريك ايدلمسندن طولايى خديويت مصريه جمعيتدن منفعل وانكلتره دخى عين حالدن دلگير اولدقلرندن بويله بر مقاسمه حالنده مصرليرده دولت عليه نك مصرى حمايه به اقتدارى قالمديغى اعتقاديله خديوك سلطنت سنيه لرينه اولان صداقتنه رغماً بلغارستان كى مصر كى استقلالنى اعلان وانكلتره نك مصرده وسودانده اولان حقوق ومنافعى تامين ايچون ميانه لرنده معاهده عقدينه قيام ايدجهك اولدقلى تقديرده جمعيتجه بونك معنى نصل ممكن اوله جق ؟ وبوحالده بمن ممالك عثمانيه به اولان ارتباطنى فك ايدجهكى شبهه سز اولديغندن حجاز ايله خلافت سنيه نك حال وموقعى نه شكل آله جق ؟ روسيه شمديدن بوغازلر مسئلهسى ميدانه قويمش اولغله اناطولى جهتنده بزملة نه رول اوينايه جق ؟ بورالى شايان تفكر مطالعاتدن اولمغن جمعيتك احوال معروضه حقنده عمومه قناعت بخش اوله جق جوابلى هر نه ايسه بيان ايتملى وچونكه بونده مقصد اصلى سفك دماء وقوعنك معنى مادهسى اولوب وخامت جاريه نك حاضر لامقده اولديغى اختلالك ايلك هجومه جمعيت اربابى هدف اوله رق طرفدارلى دخى تعقيبدن تخليص گريبان ايدمه به جكلى روش حالدن استدلال ايدلمكده اولمسيلاه هم وطنك هم ده جمعيتك اويله بر حال هولنا كدن وقايهسى ايچون جمعيت اتحاديه حكومت اجرائيه نك مسئوليتنى كندى عهده سنده ابقا ايدهر ك هلاكه معروض قالمقندن ايسه امور حكومته جاهلانه مداخله دن فراغت وجهليه اعلان كيفيته بعدما حكومتك حمايهسى تحتنده امور خيريه ايله اشتغال ايتملى اولى اوله جفى جهتله مجلس مبعوثان اعضاسندن جمعيتك منسوبينيله خلافيگيراندن مركب بر قوميسيونده مذاكره مصلحتله قرارينك حضور على جناب شهرباريلرينه عرض اولمى واليوم امارات ظاهره به كوره مقاسمه به معروض اولان وطنك سلامتيله برابر خلافت سنيه لرينك دخى خاللدن صيانتى امراهمك بلا افاته وقت تحت تايمينه آلمسى خصوصنه اراده وفرمان بيورلمسى بابنده.

صدر اسبق

قوللى

كامل

۷ كانون اول ۱۳۲۷

یدی سنه اول شویازیان عریضه دولتک آتیا اوغرایه جفی فلا کتی جمله به ارائه ایلدیکی حالده بونک نظر مطالعه و تدقیقه بیله النسنه تنزل ایدلمه رک جمعیت اتحادیه طرفندن بر طاقم افترا لاله کامل پاشا حضرتلری علیهنه قیام و هجوم ایدلمش و عریضه طنین غزته بیله و مزاردن برسس سرلوحه سیله عیناً نشر ایتدیر یلوب پاشای مشار البهک سیاستی قوقمش و کندیلرینک میدان سیاستدن قالمشش و اولمش اولدقلرینی اوتانمدن اعلان ایتدیرمش ایدی .

اتحاد و ترقی جمعیتک حرکات جنائیه سی یوزندن کامل پاشا حضرتلری برنجی مشروطیت قاینه سنده موقع اجرایه وضع ایده جککری برچوق مواد مهمه نک تطبیقنه وقت بوله مدقلری کبی بو دفعه کی صدارتارنده دخی ینه اوسبیدن انکاتره اتفاقیه سائر کونا اصلاحات تشبثاتی عقیم قالمشدر .

دولت و ملتیزک طالع و قدرند نمیدر که . بزده یتیشن اعظم رجال سیاسیه شمدی به قدر هرنه به تشبث ایتسه لر مطلقاً قارشولرینه بر انکل و یابر رقیب ظهور ایدر و اوذات تصمیم ایلدیکی مسائل مهمه یی اجرایه میدان بوله مقسزین ترک موقع و مأموریت ایلر .

بو جمله دن اوله رق بیوک رشید پاشا ایله عالی وفوآد پاشا لارکده اصلاحات و تنظیمات دولت حقنده کی تصورات و تصمیماتلرینی موقع تطبیقه وضعه مقتدر اوله مدقلری تاریخده کورلمکده در .

کامل پاشا حضرتلری دور سلطان عبد الحمید خانیده کی برنجی وایکنجی صدارتارنده دخی اصلاحات دولته متعلق اجراسنی تصمیم ایلدککری برچوق مواد مهمه یی موقع تطبیقه وضع ایده مامش ایدی .

از جمله اناطولی . روم ایلی و لایاتی اصلاحاتی وارمنی مسئله سنک تسویه سی . امور اداره حکومت و مالیه نک تنظیم و اصلاحی و بوکا مماثل سائر کونا صورت تطبیق و اجراسی لازم کلن مواد هب تاخره وعدم قبوله اوغرا دیله رق عقیم بر اقامش ایدی .

حتی ایکنجی صدارتارنده کامل پاشا حضرتلری اناطولی و روم ایلی اصلاحاتیه ارمنی مسئله سنک حلنه و مجلس مبعوثانک کشادیه دولت و ملتیزک رفاه و سعادتنه خادم اجراآت حکومتیه دائر تحریر و تنظیم یوره رق سلطان عبد الحمید خان حضرتلرینه عرض و تقدیم ایلدککری لایحه مفصله اوزرینه منفوراً و منکوباً

صدارتدن عزل اولنه رق وهان درسمادتی ترك اينمك اوزره حاضرلاناں واپور
مخصوصه تعيين اولندقلرى حلب ولايتى واليلكنه عزيمتلى تبليغ اولنمش
ودولتخانه لى برچوق مأمورين خفيه وتفنگجى وياوران پادشاهى طرفندن
تحت مراقبه وترصده النمشدر .

خاطر عاجزیده اولديغى اوزره پاشای مشار اليه حضرتلى تعيين بيوردقلرى
حلب ولايتنه عزيمتدن استنكاف ايله تقاعدینك اجراسيله استانبولده قالمسنة دائر
بالتحریر تقديم حضور پادشاهى ایلديكى عريضه اوزرينه ترصديات واقعه
تعرضاته قلب اولنمش ودولتخانه لرینه کیدوب کلمك ايستيان سفراوساثر ذوات
گرامك دخوللرینه بيله ممانعت ايدلمش ایدی .

بوحال ايله درسمادته اقامت ایده ميه جکلرينى تفکر وتأمل بيوران کامل پاشا
حضرتلى يك زياده سودكلرى ازميره عزيمتله اوراده اختيار اقامتى ترجيح
بيوردقلرينى عتبة عليابه عرض ايتلملى سراجه بر غنيمت غير مترقبه عداولنه رق
آيدین ولايتنك عهدۀ نخمانه لرینه توجيهيله تهيه واحضار ايتديريلن ازمير
قرووازور هايوننه راكباً درحال در عليه دن عزيمتلى خصوصنه اراده سنیه
پادشاهى شرفصدور بيورلمغله بالضروره عزيمت واون بر سنه ازمير واليلکنده منفياً
ومنکوباً قالمشدر .

دولت ومملکتنه ايتديكى خدمته مقابل ومکافاة اولقى اوزره شووجهله منفياً
اعزاملرندن طولايى اصلا فتور کتيرمامش وازميرده بولندقلرى مدتجهده اصلاحات
واقعه نك اجراسى ايچون ذات شاهانه يه مراجعت ومراسلاتدن کيرو
طورمامش ایدی .

ازميرده بولنديغى اون بر سنه لك بر مدت مدیده ظرفنده اصلاحات حقنده
واقع اولان بو مراجعتلى اوزرينه اوچ ، درت دفعه مسند صدارته تعيين
بيوريله رق درسمادته عودتلى حقنده اراده سنیه پادشاهى يى اخذ وتلقى ايلمشدر
سده عقينده درسمادت آلمانيا سفيري بارون مارشال دوپيرشتاين جنابلرينك
ايمپراطورك امريله چويرديكى دولاب فساد عزيمتلىنك تأخيرينه سبب
اولمشدر .

اون بر سنه ازمير واليلکنده بولندقدن صکره ينه آلمانيا ايمپراطور وسفيري ايله
اوهنگامده موقع صدارته بولونان فرید پاشا حضرتلى رقيبى عد ایلديكى کامل

پاشای ولایتدن عزل ایتدیرمکه موفق اولدقیری کی یکی قانلی نفی دیک اولان ردوسده اقامتلیینه ده اراده سنیة پادشاهی بی استحصال ایلمشلردی .

بونک اوزرینه ازمیردن محفوظاً ردوسه اعزاملیینه ازمیر فرقه سی قوماندانی فریق توفیق پاشا ایله تعقیب اشقیایه مأمور میرلوا قره سعید پاشانک مأمور ایدلدکری بی خبر الان کامل پاشا حضرتلری طوغریجه انکاتره نک ازمیر قونسلوسخانه سته عزیمتله قونسلوس « مستر هنری الفرد قومرباج » جنابلیینه برهنه قدر مسافر اولدیغندن انکاتره حکومتیله دولت علیه عباسیه خارجییه نظارتلری بینه جریان ایدن غایرات نتیجه سنده مشار الیه کامل پاشا حضرتلری هر درلو تعرضدن مصون و آزاده قالمق وعائله محترمه لری حقننده ده عین معامله ایفا واجرا قلمق اوزره در سعادتده اقامتلیینه قرار ویرلدیکندن بر موجب قرار در علیه به عزیمت و طرف شاهانه دن نشان طاشنده احضار ایتدیریلن قوناقده اقامت بیورمشلردر .

مشار الیه کامل پاشا حضرتلری ابتدای انقلابه دکین برسنه قدر مذکور محله اقامت ایتدیلر .

کامل پاشا حضرتلری رشید و عالی وفوآد پاشا کی زمانک اعظم رجال سیاسی سندن اولدقیری حالد مع الأسف قدر و قیمت تخمینه لری بی تقدیرده اظهار عجز ایدلمش و اوقات نادر الوجود دن دولت و مملکت ایچون بر چوق استفاده تآمین ایدلمک قابل ایکن بوجهته بر درلوموانع ورقابت ایله عقیم بر اقدیرمشلدر .

مشار الیه حضرتلری بالاده ایضاح و بیان اولندیغی اوزره قابینه سنک برصورت غدارانه و جنایتکارانه ده سقوطی اوزرینه مصره عزیمتله بر مدت مصرده اقامت ایتدکدن صوکره در سعادتده عودت ایتمش ایسه ده اتحاد و ترقی اشرا و اشقیاسنک هجومه معروض قالدق اوج ، درت کون اقامتله در سعادتیه ترکه مجبور ایدلمش ایدی .

استانبولی ترک ایله تکرار مصری تشریف بیوران کامل پاشا حضرتلری بر مدت دهامصرده اقامت ایتدکدن صوکره مسقط الرأسلی اولان قریس اطه سته عزیمتله لفقوشه شهرنده اختیار اقامت وعزات بیورمشلردر .

بو صورتله بورالده اقامت ایتدیریلن کامل پاشا حضرتلری دولت و مملکتسرنک استقبالده کوز کوره کوره اوغرایه جفی حال خطرناکی تحطردن برآن خالی قالدیغندن حکومت اتحادیه جه بونک حسن صورتله اوکی آلمق متعسر و بو اختلاف لیلر الله

بولونان مملکتی قورتارمق غیر ممکن اولدیغنی در پیش بیوره رق محزون ومکدر اولدیغندن کوندن کونه عارضه وجودیه لری اشتداد ایتمش وسنلری ده ذاتاً حد کماله ابرمش اولغله مقهوراً ومنفعلاً ترك دغدغه حیات ایتمکله نیش مغفرت نقشاری قبریسک مرکز حکومتی وکندیارینک مسقط الرأسلری اولان لفقوشه شهرنده واقع عرب حسن جامع شریفی خطیره سنده کی مدفن مخصوصه ودیعه خاك غفران قلنمشدر .

(جناب حق غریق رحمت ومظهر غفران بیورسون)



کامل پاشا مرحوم الی سنه دنبری بزه یتیشن اعظم رجال سیاسیه میاننده برنجیلکی احراز ایدن افخم وکلای سلطنت سنیه واکابر رجل سیاسیه دن برذات نادر الصفات ایدی .

مرحوم مشار الیه دولت وملتک هر درلو حرمت ومحبته وتحسین وتقديرینه سزا ولایق ایکن مع التأسف غدر وظلم وهجوم رقبادن ازاده وخالی قالمدیغنی جهتله سنه لردنبری روی راحت کورمامش وصدمات متعدده روزگار ایله داغدار اوله رق ارتحال دار نعیم ایلمشدر .

مرحوم کامل پاشا امور کلیه وجزئییه نك رؤیت وتمشیتنده حرکات مردانه سیله مشهر وهر سوزی مشمر ومؤثر بر وزیر صاحب وقار ایدی .

خاندان سلطنت عثمانیه به پاك زیاده حرمت وعبودیت پرورده ایدردی .

مشار الیه حکیم ، مدبر ، سرعت انتقاله مالک ووقور ومکین ومتین اولغله برابر درویش نهاد وپاك اعتقاد وهیج برفرده قارشى بغض وعداوت بسله مز اخلاق حسنه واوضاع مستحسنه به مالک بر وجود پاك وقیمتدار ایدی .

والحاصل مرحوم کامل پاشا اداره امور معتنا بهاده اسلاف واخلافنه فائق وکال درایت وصدق واستقامتله مجبول اولدیغنه بناء وجودی دولت وملته لازم ایدی .



محمود شوکت پاشانك صدارتی — کامل پاشا قاینه سنك اتحاد وترقی اشرا واشقیاسی طرفندن بر هجوم غدارانه وجنایتکارانه ایله سقوطی اوزرینه

کیتجه لین موقع صدارته کان نخامتلو دولتو محمود شوکت پاشا حضرتلری مسند
صدرانه مأموریتک فرداسی کونی قاینه سنی تشکیل ایدهرک ایشه باشلامشلدور .



صدر اعظم محمود شوکت پاشا حضرتلری

S. A. Mahmoud Chevket Pacha (Grand Vezir)

رقیبی عد ایتدیکی کامل پاشانک ترک صدارت ایتسندن ممنون اولان کوچک
سعید پاشا دینمکه معروف صدر اسبق سعید پاشا حضرتلری محمود شوکت پاشا ورفقا
سنگ موفقیت واقعه لرینی تبریکه شتاب ایله باب عالی یه کلمش ایدی .
بو وجهله باب عالی یه کان سعید پاشایه صدر اعظم پاشا حضرتلری طرفندن
شورای دولت ریاستی تکلیف ایدلش و مشار الیهده مع المعنونیه قبول ایله حقیقه
کوچکلکنی کوسترمشدر .

موقع صدارته ارتقا ایدن محمود شوکت پاشا وقاینه سنی ارکانی جمعیتک
منسوبینه تبلیغ و اعلان ایلدیکی کبی اوزمانه قدر هیئت سابقه وکلا طرفندن
دولتارک نوطه سنه ادرنه نک حکومات متفقیه ترکی تکلیفنه موافقتله صلاح جهتی

التزام اولنديقى اعتقادنده بولدىقلىرى خالده مجلس وكلا اوراقلك مطالعه سنده نوطه به هنوز جواب وىرلمدىكى ونوطه نك محتوياتنه نظراً مصالحه طريقه سلوكدن بشقه دولت عثمانيه ايجون چاره سلامت اولدىغنى اكلامش اولمىدركه . ادرنه شهرينى مريخ نهرندن ابكى به بولرك استحكامانى دخى اولان بر قسمى بلغارستانه ترك ايله ماعداسى دولت عليه عثمانيه به قالمق وتعويضات جهمى ايجونده قايتولا سيونلرك لغولده برابر اجنابى بوسته خانه لرىنى دخى قالدېرمق كې بعض تقييدات ايله مصالحه به حاضر ومتعايل اولدىقلىرىنه دائر دولتره جواب وىرملشدر .

بو جوابلرىنه بلغار حكومتى هيئت اختلاليه ايله صلح مذاكره سنده منزل ايتماكه قرار وىردىكى كې تكرر محاربه به بدأ ومباشرت اولغىسى حقننده ده بلغار اردوسى باش قوماندانى جنرال صاووفه امرويرهرك مقابلله ايلمشدر .

بلغارلر طرفندن باشلانيلر ايكىنجى حربه اردوى همايون دخى مقابلله به مجبور اولمشدر .

بو وجهله تكرر بدأ اولغان محاربه دن بر فائده استحصال اولنه ميوب بىكارچه عساكر عثمانيه شهيد اولمش وانور پاشانك مجنونانه حركتيله بولاير وشاركوى جهتلر ننده برچوق اولاد وطن دكره دوكدىرلمش وسابق قاينه طرفندن ادرنه ، اشقودره ، ويانيه قلعه لر ننده كى طويلرله اسلحه وسائره نك دولته تسليمى طلبى قالدقن بشقه مذكور قلعه لر ده محصور عساكر شاهانه دن بىكارچه افراد تلف وشهيد ايتدىرلمش وقلعه لر طويلريله تفنگكاريه عسكاريه دشمن انه دوشورلمشدر . شدت سزمدان وخسته لق وسائره دن وىريلن تلفاتده بشقه در .

بو ايكىنجى محاربه آثار توفيق زرهلىسى ايله برقاج كينك غرق اولمىنى موجب اولدى .

شو محاربه دولته برقاج مليونلق مصارفاته قبو آچدىغى كې ادرنه ، اشقودره ، يانيه قلعه لر نده بولونان وانمانى مليونلرجه ليرالره بالغ اولان اسلحه ومهمات حربه يى ده بو مصارفاته ضم ايتمك لازم كلور .

وكلاى سابقه طرفندن دولت عليه عثمانيه نك شان وشرفيله متناسب بر صورتده حاضر لانان وحصولنه موفق اوله جقلىرىنده ده هيچ شبهه ايديله ميان مصالحه نك عقدينه قاينه يى ده ويرهرك حكومتى اله الان بوجانى اختلاجيدر بالطبع

موفق اوله ميهرق اولجه ويردگارى نوطه ايله تركنه حصر اولدقلرى ادرنهك ياريسى يرينه بتون ادرنه يي ترك ايله (اينوز) و (مديه) خطى حدوديني قبول ايلمشلدرد .

كامل پاشا قايننه سنه اهانت و خيانت عطف واسناد ايدن بوجانى ديپلوماتلر كندى ياپدقلرى بو مصالحه ايله عالمه اسناد ايلدكلرى اهانت و خيانتى كندى يارى قبول ايتمش و ذاتاً جائن وجانى اولان بو هيئت جديده حكومت ملت عثمانيه يه دكل عالم بشريته دنائت و خيانتنى اكلتمشدر .

بو قايننهك شو وجهله آچديغى مصارف يوزندن كوندن كونه مضايقه ماليه درجه نهائيه يي بولديغندن مامورين و مستخدمين دولت و ايتام و ارامل و سائر بالجه محتاجين و بيچاركانه معاش و يريله ميوب آچلقدن هلاك درجه سنه دوشورلدى . استقراض چاره سنك تحريسنه تشبث ايدن بو قايننه املاك اميريه يي دكرندن پك دون بر فيئاته صاىدى .

ينه استقراض ايچون قانونسز وقاعده سز برچوق امتيازات ويردى .

داخلده و خارجه ده عدم امنيته مظهر اولان بو حكومت ممالك عثمانيه ده ساكن ملل مختلفه يي كندى باشارينك چاره سنك تحريسنه و سياه اولدى . اقوام مختلفه بشقه بشقه دوشنمكه باشلادى .

محمود شوكت پاشا قايننه سى اردو قوماندانلرندن الك دكرلى و ناموسلى ذواته كامل پاشا صدارتمنده تعيين اولونان مامورين و سائره يي برر برر تبديل و عزل ايله بعضارينى درسعادتن نفى ايلدى .

عقلى و كفى برطاقم بولسز ابقار اجرا و ايفا سنه ده باشلادى .

بو صره ده بالقان حكومات متفقه سندن بلغار و صرب بليار ييننده ماكدونيا و آلبانياك تقسيمى مسئله سندن طولايي تحدث ايدن كرئينك ايكي متفق آره سنده حربى انتاج ايلدى .

بلغار و صرب ييننده ظهور ايدن بو حربدن ديكر متفقلى اولان يونانيار استفاده يه شتاب ايدوب (قواله) و (درامه) و سائر بعض شهرلى ضبط واستيلا ايتديلر .

بو حالدن رومانيا حكومتى دخى مستفيد اولق سوداسنه دوشهرك دو برجه و حواليسنى ضبط ايلدى .

دولت عليه عثمانیه نك بوفرصت غير مترقبه دن حصه مند اولسي طبعی ایدو کندن اردوی هایون (ادرنه) اوزرینه یورویوب (ادرنه) بی ید دشمندن تخایصه موفق اولدی .

شو موفقیت رأس کارده هر هانکی حکومت بولنورسه بولسون استحصالی آسان اولان بر حال اولدیغی وایکی کره ایکی درت ایدر قبیلندن بر مسئله اولوب شایان افتخار بر شیء اولدیغی حالده اتحاد و ترقی جمعیت و حکومتی امثالی مثللو شارلا تانلغه باشلایه رق (ادرنه) بی آلدق نغمه سیله اها لینگ کوزینی بویامغه و بوندن از هر جهت استفاده به باشلادی .

بالقان حربندن بر مدت اول طرابلس غرب ایله بنغازی بی واون ایکی بیوک و کوچک اطه بی ایتالیا به ویرن وین جهتی الدن چیقاران مذکور جمعیت و حکومتی بو محاربه ده ده اشقودره ، سالنیک ، قوصوه ، مناستر ، یانیه و لایتلیله کرید بزم جانز فدا اولسون قانیمز نغمه و نقراتیله بیکلرجه اها لی بی بالاغفال زقاق ، زقاق طولاشدیردیغنی اونوتمش اوللی که (کرید) ولایتی ده دول متفقیه ضبط واستیلا ایتدیردی .

مع مافیه (ادرنه) بی آلدق سوزیله مملکتده بر مدت ده ا اجرای ظلم و حکومته میدان بولدی .

اتحاد و ترقی جمعیتی میدان انقلابه آتدیغی کوندنبری وطن عزیزمرك بر جزؤ مهمنی ایادی دشمنه ترك و تودیع ایلدیکی حالده اذهان عمومیه بی تسمیم خصوصصنده کی مهارت خارق العاده سنه آلدانمیان افراد ملت یوق کیدر .

جمعیت اتحادیه نك بوشارلا تانلق و پروغاندا جیلانی حقه بازك کورولتی و شارلا تانلغی قبیلندن بشقه بر شیء اولدیغنی کیمسه درخاطر ایده مدی دیسهك یالان سویله مامش اولورز .

بنابرین كرك اتحاد و ترقی جمعیتك و كرك ناشر فکری اولان طنین (*) پاچاو راسنك بو وجهله چیقاردیغی کورولتی و یایغره لره قاییله جق و (طنین) ك ملی شاعری ، اسمی کیمسه به بکزه مز « كوك آلب » بكك (طنین) غزته سنك ۲۶ تموز ۱۳۳۰ (۸ اغستوس ۱۹۱۴) تاریخلی ۲۰۲۱ نمره لی نسخه سنده کی :

(*) طنین — اختری کبیره کوره سینسك ویزلیدی و قاز آوازی و مطلقا کورولتی معنارینه کلیر .

دوشمانك اولكهسى ويران اوله جق !

توركيا بويويوب « توران » اوله جق !

طرزنده سراپا هذيان آميز « قيزيل داستان » نه آلدانه جق آرتق مملكتمزده
صاف دل بر فرد تصور ايديله مز .

ايشته بويايغره جي شارلا تانلر اون سنه دنبري مملكتمزده توران اوله جق و دوات
بويويه جك و اوج اعلايه چيغه جق كي سفسطه و هذيابلرله اهالي بي اغفال ايدهرك
دولت عليه عثمانيه بي بوكونكي حال فلاكت و اضمحلاله دوشورمشلردر .

مملكتك نصفني و يرمك وادرنه بي آلمق فتوحاتنه (!) مظهر اولان محمود شوكت
پاشا قايننه سنك نشئه فتوحاتله (!) وطنده اجرا ايتديكي مظالم و اعتسافات قالماش
اولديغندن بيزار اولان حيتمندان و وطنپروران محمود شوكت پاشا ايله قايننه سي
اركانندن بعضارينك و جمعيت اتحاديه قائل قوميتيه سي اعضاسنك وجودلرندن
دولت و مملكتي تخليص و تطهير ايتمك و مرحوم ناظم پاشانك قانني آلمق ايجون بر
جمعيت خفيه ميدانه كتير دكلري ايشيدلمشيدى .

مسموعاتنه نظراً بو جمعيته ارباب حيت و وجداندن بر چوق ذوات داخل
اوله رق ترتيبات مخصوصه دائره سنده قرار و يردكلري آدمارك وجوديني اورته دن
قالديرمغه تثبيت ايلمشر ايسوده هرايشده اولديغي كي بونده ده عجله و ياكاشلق
يوزندن بر طاقم خطالره اوغرانلمش و كنديلريني ارباب حيت و وجدان كوستره رك
داخل جمعيت اولان اتحاد و ترقي خفيه و فدائيلرينك چويدكلري دولاب تزوير
بو مقصدك تماماً حصوانه مانع اولمشدر .

بو جمعيت خفيه يه داخل اولان اتحادجيلر بر طرفدن جمعيت خفيه نك اسراريني
اتحاد و ترقي رؤسا سيله اوصرده استانبول محافظي اولان سوريه قصابي جمال پاشايه
اخبار ايلمك و ديكر طرفدن ده مذكور جمعيتله برابر حركت ايتمك كي اهانت
و دنائي ارتكابدن چكندكلري جهتله بر طاقم كنيج وطنپرورانك اعدامه
وييكلرجه خلقك استانبولدن نفي و تغريبنه سبييت و يردكلري دخي جمله
روايتدندر .

جمعيت خفيه نك و يردكي قرار و جهله بركون ايچنده محمود شوكت پاشا دخي
داخل اولديغي حالده ديكرلرينك قتلي مصمم ايكن يالكز محمود شوكت پاشانك
قتله تعين ايديان فدائيلرك وظيفه لريني ايفا ايتمسي و ديكرلرينك بررطرفه

صار و شوب کیتسی و بعضار بنگده حکومتجه در دست ایدلسندن طولای
بواشک تمامیٰ حصولی تأمین ایدله مدیکی سویلنمش ایدی .

محمود شوکت پاشا ک قتانه مامور ایدیان دوات پاشای مشار الیه اوتوموبیلنده
وتزدنده صدارت یاورى بحره یوز باشیلرندن ابراهیم و حربیه نظاری یاورانندن
سوارى یوز باشیسی اشرف بکار بولندیسی حالده یزید جهننده تصادف ایلدکارندن
طویال توفیق ایله رفقایسی طرفندن انداخت اولوان روولور قوشونلریله صدر
اعظم محمود شوکت پاشا حضرتلری و یاورى ابراهیم بک مقتول دوشمنلر و قاعلاری
فراره موفق اولمشلردر .

محمود شوکت پاشا ک شوصورله وفاتلری موجب تأسف اسده مشار الیه ک
ابتدای انقلابدن وفاتلرینه قدر اتحاد و ترقی جمعیتی رؤسای شریه سنک آمال
و مقاصد خاتانه و جنايتکارانه سنه اشتراک و یاردم ایتیمی نتیجهسی اولارق بو
وقعه قتل عادتاً کندیلری تهیئه و احضار ایتمشلردر .

(رحمة الله عليه رحمةً واسعة)



قورشونلردن برینه قضاء هدف اولان یاور ابراهیم بک وظیفهسی اوغرنده
شهید اولمش وطنپرور برکنج ایدی .

طبیعة نازک حلیم و سلیم ایدی . قضاء قدره رضادن بشقه بر چاره اولدیغی
جهتله بوبولده وظیفه نظیفهسی اوغرنده شهادتی متوفای موی الیه ایچون بادی
شرف و افتخار و استقبالده دوات و مملکتنه خیرلی خدمتله ابراز ایتیمی مأمول
اولدیغندن مملکت ایچون موجب تأسف و تلهفدر .

(مولا غریق رحمت ایلسون)



مقتولین مشار الیه مانک نعللری امثالی نامسبوق بر آلاى ایله قالدیریلهرق
بک اوغلنده شیشلیده واقع اتحاد جیار طرفندن حریت ایدیه نهسی نامی ویریلان
محله استحضار ایتدیریلان مدفنلرینه دفن ایدمشلدر .

محمود شوکت پاشا ک وفاتی اتحاد مؤسسن و رؤساک معاً ممنونیتی موجب
اولمش و مشار الیه ضیاع ایدیسندن صوکره کندیلرنجه بویوک طانیدقلری
وچکینه جکری کیسه قالدیغندن محنة حکومت و مملکتده خونریزانه و مجنونانه

معاملات و حرکات غیر مقبوله و غیر لایقہیہ باشا مشاوردی .

صدر اعظم محمود شوکت پاشا حضرت تارینک ارتحالیلہ انحلال ایدن موقع صدارتہ اتحاد و ترقی جمعیتہ مالاً و بدناً خدماتی مسبوق اولان و بر زمانلر جمعیت اتحادیہ ناک کاتب عمومیلکننده بولمق نزلنده بولونان امرای مصر بیدن حلیم پاشا مرحومک خدملرندن پرنس سعید حلیم پاشا حضرتلرینی تعیین ایتدیرمشلردر .



صدر اعظم پرنس سعید حلیم پاشا حضرتلری

S. A. Prince Saïd Halim Pacha (Grand Vezir)

سعید حلیم پاشانک صدارتی — مسند صدارت عہدہ لرینہ توجیہ ایتدیریلن خفاصلو دولتاو سعید حلیم پاشا حضرتلری جمعیتجہ تعینلری نسیب اولونان اشرای اتحادیہ دن مرکب اولق اوزره قایمنہ سنی بالتشکیل افای وظائفہ بدأ و مباشرت ایلمشلردر .

ایلاک اجراآت خفیانہ لری محمود شوکت پاشایی قتل ایتدیریلن جمعیت خفیہ

منسوبینتی دردست وتوقیف وحبس ایتمک اوله رق باشلامشدر .

یالکز بونکله قالمیان صدر اعظم پاشا حضرتلری بو خفی جمعیتدن هیچ بر صورتله خبردار اولمیان وحقی مذکور جمعیت منسوبین وافرادیکنک نام وانشانلرندن بیله معلوماتی بولنمیان ویالکز اتحادجیلره مخالف اولان بر طاقم حمیتلی وطنپرورانی دخی دردست وحبس وتوقیف ایتدیرمش ایدی .

دردست ایدیلان ذوات حمیتندان انواع درلو اذیت واشکنجهلره معروض قالدقندن صوکره سینوب قلعه سیله اناطولینک بعض محالرینه نفی واعزام ایدلمشدر . بو نلرمیاننده اماسیه مبعوثی میرلوا اسماعیل حق پاشا حضرتلری کبی ماتک مدار افتخاری اولان ذوات دخی موجود ایدی .

بو حبس ونفی اولونان ذواتک مقداری درت بش بیکی متجاوز اولدیغندن بوکردهده شوحال ایله مملکته بردهشت دوری آچمشار وفکرلرنجهده مخالفته شدیلی بر ضربه اورمشلدر .

یکی تشکل ایدن بو جمعیت خفیه منسوبین واعضاسندن بر چوقلریله محمود شوکت پاشانک قاتانی وفعل مذکوره اشتراک ایدن دیگر رفقایانی دخی دردستله دیوان حرب عرفی یه تسلیم وتودیع ایللمشلردی .

دردست و دیوان حرب عرفی یه تسلیم اولونان ذوات وطنپروران میاننده داماد حضرت شهرباری عطوفتلو صالح پاشا حضرتلریله ارکان حربیه میرالایارندن فوآد وکال بک افندیلر ومأمورین وضابطاندن بر طاقم وطنپروران بولنیورلردی . جمعیت اتحادیه نک تحت امر و اداره سنده بولونان بو دیوان حرب عرفی امثالی مثالو بلا سوال ولا جواب دینیله چک بر صورتده بونلردن بر چوغنی اعدام ومؤبد قلعه بند وکورك ومختلف مدتلرله توقیف وحبسه محکوم ایلدی .

اعدامه محکوم ایتدیکی ذواتی بایزید میداننده صلباً اعدام ودیگر محکومینی ده عکا وسینوب قلعه لریله ولایات سائره حبسخانه لرینه سوق واعزام ایتدی .

بایزید میداننده صلباً اعدام ایدیلان حقیقی وطنپروران میاننده داماد صالح پاشا ومیرالای فوآد بک ، پولیس مدیریت عمومیه سی قسم سیاسی مدیری محب بک ، یوزباشی چرکس کاظم بک ، بحریه یوزباشیلرندن شوقی بک ، قسطنمونی فرقه سی قوماندانی فریق رضا پاشانک مخدومی ملازم محمد علی بک ، چرکس حق بک وبرادری چرکس ضیا بک ، طویال توفیق بک ایله اسماری درخاطر اولنه میان

دها سکر اون قدر مملکتتمزک آتیا وجود لرندن استفاده ایددجکی دکرلی کنجلیریز وارایدی .

اعدامه محکوم ایدیلنلردن فراره موفق اولانلرک بعضلریده شونلردر . پیاده قائممقامی چرکس ذی بک ، نظمی پاشا زاده عبد الرحمن بک ، حکمت بک ، نظمی بکدر .

صلباً اعدام ایله شهید ایدیلان داماد صالح پاشاک موجب اعدام برحرکتی اولمدیغی وخاندان عثمانییه صهریتی بولندیغی جهتله اعدامنه طرف اشرف حضرت پادشاهیدن ممانعت ایدانک ایستندیکسی خالده ذات پادشاهی نی تهدید واراده سیه نک صدورندن اول داماد مشارالیهی صلب واعدام ایتک جسارت وکستاخلغنه اتحاد وترقی جمعیت ملعونیه سی جرأتیاب اوله رق سلطان محمد خان خامس حضرتلرینی امر واقع قارشوسنده بولندیره رق اراده سیه سنی استحصال ایلدکلی مرویدر .

دولت ومملکته خدمات فوق العاده ومقبوله سیله مشتهر صدر اسبق تونسلی خیر الدین پاشا مرحومک مخدوم عالیملری اولان شهید محترم داماد صالح پاشا حضرتلری رؤسای اتحادیه نک جمله سنه فائق ووجودلری اتحاد وترقی جمعیتندن زیاده حرمت ومحبت ملتله لایق اولدیغندن جمعیت اتحادیه جانیلری طرفندن شو صورتله مغدوراً ومظلوماً وصبلاً اعدام وشهید ایدلملری سینئه ملتده اونوتامز بر یاره آچمش وتاریخ عثمانییه عصر مدنیتده بویوک برلکه سورمشدر .

شهید مشارالیه داماد صالح پاشا حضرتلری حققرنده اتحاد وترقی جمعیت وحکومتی طرفندن اجرا ایدیلان بوحرکت خائنه وجنایتکارانه دن بالطبع فوق العاده متأثر ومتأسف بولونان خلیله محترمه لری دولتو عصمتو منیره سلطان علیه الشان حضرتلرینی من غیر حد تسلیم وتعزیته جرأنی رجیبه عبودیت عد ایدر وساطان مشارالیه حضرتلرینک زوج مکرملری شهید معذور مشارالیه حققرنده حکم ویرن واجرا ایتدیرن جانیارله رؤسای جمعیت وحکومتک عن قریب الزمان عدالت الهیه ایله محکوم ومجازاة قانونیه یه دوچار اولدقلرینی مشاهده بیورهرق مهمما امکن تسکین آلام واکدار بیورملرینی جناب قادر المطلق حضرتلرندن تضرع ونیاز ایلرم .

پرنس سعید حلیم پاشا قاینه سی بویوک بر جوق جنایات ارتکاب واجراسندن

صوكره دولت ووطنمز ايچون الى يوم القيام اونوتيله ميه جق وتواريخ عالمده
اعتلاره مظهر اوله جق صورتده بر جنايت عظيمهدها ايشله مشدر كه هم كنديلريني
وهمده دولت و مملكتي نحو و پریشان ايتشدرد.

اوده « ۱۹۱۴ » سنه ميلاديه سي تموزينك ۲۸ نجى كوني باشلايان آوروپا
حرب عموميسنه آلمانيا ، آوستريا وبلغاريا دولترييله بالاتحاد اشتراك ايتميسيدرد.

بالاده اساميسي محرر دول اربعه يه قارشى محارب اولان دولتدرده بونلردرد .
انكلترة ، فرانسه ، روسيه ، ايتاليا يعنى درت آوروپا دول معظمه سيله امرىقا
جماهير متفقه سي ژاپونيا دولتي ايله بلجيقا ، رومانيا ، صرب ، قره طاغ ، يونان ،
پورتگيز حكومتارى ، چين ، سيام دولتارى ، كوبا ، پانامه ، بوليوي ، غوواتامالا ،
سن مارهن ، هوندراس ، نيكاراغا ، بره زيليا ، سن سالواتور ، آيتى جمهوريت
و حكومتلريدرد .

بر طرفده درت وديكر طرفده يكرى درت كه جمعا يكرى سكز حكوماتك
بر برلرينه قارشى اعلان حرب و قطع مناسبتى ايله حاصل اولان بو آوروپا حرب
عموميسي تاريخ بشرده امثالى غير مسبوق بر حر بدر .
بويله تواريخ عالمده مسبوق اوليان بر حربك ظهورينه سبب يكانه آلمانيا
و آوستريا دولتلريدرد .

حرب عمومينك سبب ظهورى حقنده بر نيزه جاك معلومات اعطاسيله قارئن
گرامك افكاريني نو بر ايتك فائده دن حالى اوليه جفتى بالتأمل بمض ايضاحات
ومعلومات اعطاسى مناسب كورلشدر .

« ۱۸۷۰ — ۱۸۷۱ » سنه لرنده آلمانيا و فرانسه حكومتلري يئننده ظهور ايدن
محاربه آلمانيك عاليه ايله بيجه لغش و آلمانيا ايمپراطورلغك تشككه بادي
اولمش ايدى .

بو محاربه نك آلمانيا دولتنه و برديكى نشه غالبيت و مليار لرجه آلدغى تضمينات
حربه دولت مشار اليهاني يك زياده شمار لغش و عادتاً قابله صيغيه جق بر حاله
كتير مشدر .

ايشته شوصورتله توسيع نفوذ و شوكت ايدن آلمانيا ايمپراطورلغى اوتاريجدن
آوروپا حرب عمومينك ظهور ايتديكى ۱۹۱۴ سنه سنه قدر بلا فاصله قرق
درت سنه اردو و دونياسك تنظيم و اصلاحنه و تجارت و صنايعيله نفوذ سياستك

توسیعته غیرت و همت ایتمشدر .

آلمانیا ایمپراطورانی بو همت و غیرتی جهتیله اردو و دونماسنی بر حال مکلیته ایصال و نفوذ و سیاست و پولتیقه سنی حشمت و قوتی سایه سنده دنیانک هر نقطه سنه ادخال ایلدی .

اردو و دونماسنک بر حال مکلیته اولسی و التمش ، بتمش ملیوندن عبارت اولان نفوسنک هر سنه بر ملیون راده سنده تزايد ایلسی دولت مشار الیهی توسیع ممالک عزمه دوشورمشدر .

صوک سیستم اسلحه ایله مجهز سکز ، اون ملیونلق براردو ایله یوزلرجه سفائن حربیه مالک اولان آلمانیا دولتی ایچون توسیع ممالک و تزید شهرت ایتمک مقتضای حال و طبیعتدن اولدیغندن مملکتی رقابت و تعرضات دولیه دن محافظه و صیانت ایچون کندوسنه هم جوار اولان دولتلردن شریک آرامق سیاست الزم ایدوکندن قومشوسی اولان (اوستریا — مجارستان) و (ایتالیا) دولتری دایره اتفاقنه جلب و دعوت ایله بونلرله عقد اتفاقه موفق اولمشدر .

بو اوچ دولنک اتفاقیله آوروپاده بر اتفاق مثلث حاصل اولمش و دیگر آوروپا دولت و حکومتلرینک ده بو اتفاق مناسله قارشی بالکیزجه بی قیدانه طاوئرانی قابل اوله میه جغندن بو دولتلرده کندیلرینه برر متفق آلامغه باشلا دیغندن انکتره و فرانسه حکومتلری بیننده بر ائتلاف حصول بولمشدر .

بر مدت آوروپا دولتری اتفاق مثلث و ائتلاف مثنی ایله کندیلرینی ادارهیه چالشمیشلر سده بو اتفاقلر آوروپا موازیه دولیه سی ادامه و محافظه یه کافی اولدیغندن خارجهه قالان روسیه دولتی دخی دایره اتفاقرینه آلمغه هرایکی طرف صرف مساعدیدن کیرو طور مامشدر .

روسیه دولتی دایره اتفاقرینه آلمغه ائتلاف مثنی دولتری موفق اولدیغندن هر ایکی طرفده اوچر بویوک دولتلک برر قوته مالک اولشاردر .

آلمانیا کبی بویله ازمانده کسب حشمت و عظمت ایدن بر دولت ارزوسنک نه اوله بیله جکینی پک یقیندن بیلن و دنیاده عصرلرجه اوینادیغی روللر سایه سنده اکتساب ثروت و نفوذ ایدن بعض جمعیتلر آلمانیا مالکی داخلنده کی شعبه لرینی توسیع ایله مرکز حانه افراغ ایدهرک مطلبلرینک حصولی ایچون دولت مشار الیهانی آلت اتخاذ ایتدکلرندن آلمانیا عادتاً منبع فساد و دسائیس اولمش ایدی .

بر طرفدن آلمانیا حکومتك حرص شهرت سوداسی و بر طرفدن ده به جمعیتك القات و افسادانی آلمانیایی برآن اول میدان حرب به آلمغه سوق ایتمشدر .

آلمانیاك متفق اعظمی اولان (آوستریا — مجارستان) حکومتنده دخی روللرینی اجرادن خالی قالمیان بو جمعیتلر یواش یواش ایتالیایه ده نفوذ ایتمشدر و اورالده اجرای نفوذ و فساد به شلایه بیلمشدر .

ذاتاً یکریمی . اوتوز سنه اول خاقان اسبق مرحوم سلطان عبد الحمید خان نانی حضرتلرینك انگلتره و فرانسه و روسیه قارشى متددانه حرکتی سببیه منفرد بر حالده قالان دولت علیه ممالکینی مستملک حاله وضع ایتمک نیتنده بولونان آلمانیا دولتی سیاست و پولتیقه سنی ادخال ایددرک نفوذینی تطبیق و اجرایه والده ایتدیکی امتیازلرله شمندوفرلر انشاسنه و سائر یه باشلامش ایدی .

بر طرفدن شمندوفرلر انشاسنه و بر طرفدن دخی اردوی هابیونك تنسیق و اصلاحنه چالیشن و دوائر حکومته کندی تبعه سندن مشاورلر ، مستشارلر تعیین ایتدیرن آلمانیا دولتی دولت علیه عثمانیه یی خاقان اسبق مرحوم زماننده اتفاقنه آلمغه موفق اوله مامش ایدده تعقیب ایتدیکی مقصده وصول ایچون بعض سیاسی دسیسه لرله ارزو و سیاستی دائره سندن دولتی انحراف ایتدیرمامک موفقی اوله بیلمشدر .

ایشته شوصورتله الده ایتدیکی دولت عثمانیه یی بوتون بوتون اتفاقنه داخل ایده بیلمک سوداسنه دوشن آلمانیا حکومتی ایله بو اتفاقدن ظهور ایده جک نتیجه ده کندی استفاده لرینی تأمین ایده جکلری امنیه سنده بولونان جمعیتلر رؤسای ممالک عثمانیه ده بر انقلاب حصوله کتیرمک لزومی حس ایدکلرندن اجراءات و ترتیبات لازمه یه توسل ایددرک انقلابی میدان به کتیرمشدر .

انقلابی میدان به کتیردکدن و آلمانیا اتفاقنه داخل اولمقدن فوق العاده توحش ایدن سلطان عبد الحمید خان نانی حضرتلرینی خلع ایتدیردکدن صوکره حکومتی اله آلان و آوروپاچه (ژون ترکلر) نامی ویریلان اتحاد جیلرک کندی بنده و تربیت کرده سی دیک اولدیغنی بیان آلمانیا دولتی ایله مذکور جمعیتلر اتحاد و ترقینک او معلوم اولان مؤسسارله سرکرده لرینی کیزلیجه اتفاقرینه آله رق امر و اراده لرینه آماده بر جاله قویمشدر .

آلمانیا دولتی دولت عثمانیه یی ده بو وجهله اتفاقنه داخل ایده بیلمش اولدیغندن

توسیع ممالك عزمك برآن آقدم حصرتی ایچون بغداد شهنشاهینك اكمال
انشا آتیه کرمی ویرمشد.

بغداد شهنشاهینك اكمال انشا آیه هندستانی تهدید ایتمك مقصدند. بولونان
آلمانیا حکومتی دولت علیه ادوسنك طویلیجه وقوتلیجه اناطولی جهتند بولمسی ده
تأمین تشبندن کیرو طورمانش واردومزی کندی منفعتنه خدمت ایچون حاضر
لامغه سعی و غیرت ایتمشدر.

بومقصدینك حصولی ایچونده روم ایلی ده وقعدر ایجاد و بالقان حربی
احداث ایتمش و بوکا آوستریایی ده اشتراك ایتدیرمشدر.

ایتالیایه طرابلس غرب و بنغازی ایله اون ایکی اطهینی بخش ایله اسکات
ایتدکدن واتحاد رؤسای معلومه سی واسطه سیله منسوبین اتحادك سمعنه « روم
ایلمینك دولتلرجه تقسیم می مقرردر. ذاتا سزده روم ایلمینك لزوم وفائده سی یوقدر.
سزك اناطولی ده بولنوب بریوک دولت حالنده قالمکز يك مناسبدر. بخارالری.
ایرانلری، ترکستانلری، قفقاسیه لری یدیکزه آلیر. بر (توران) حکومتی
یاپارسیکز. ایشه بو حکومت سکمان. یوز ملیونلق بیوک بر آسیا حکومتی اولور.»
سوزلرینی آلمانیا ایمپراطوری ویلهلمك القا ایتدیردیکنی سویلر ایسه یالان سویله
مامش اولورم.

القاآت واقعه اتحاد و ترقی رؤسای معلومه سی طرفدن بو وقوعالردن اول
منسوبین اتحادك سمعنه یراشدیرلش و بعضی محبت انا سنده روم ایلمینك بزه ده
فائده سی واردیین اتحاد جیلر کورلمشد.

روم ایلمینك بزه فائده سی ندر دیین اتحاد رؤسا واعضا سنه بزه کندیلرینك
اون سنه دنبری بو دولت و مملکته نه فائده لری اولمشدر دیهرک شوراجقده
صورارسهق، حقلی دکلیمیز.

آلمانیا نك و جمعیتك ارشادات و القاآتی ایله بزه فائده سی یوقدر دینیلن (روم
ایلی) قطعیه سی ولی نعمتینك امر و اراده لرله بویله الدن کیدنجیه و رقیایکی
کوردکلری (توران) نك ده بوزمانده سیاسة ناقابل اجرا اولدیغی اکلاشیلنجیه
و آلمانیا دولتی ده او حشمت و عظمتی غائب ایدهرک دول معظمه متفقیه یه مغلوب
اولنجیه. اتحاد و ترقی جمعیتك سایه همت و غیرتنده () قوجه عثمانلی ایمپراطورلغی
دول معظمه صره سندن چیقارق اناطولی ده برکوچك دولت حاله کیرمك

ضروری اولور . سیاستده قاصر النظر اولانلارک نتیجه اجرا آتی بویله در .

بو حالی نظر دفته آلمقدن عاجز وقصداً دولتی محوه مهیا اولان بویله خائنلر جمعیتلریله برابر موقع حکومتی ونام وشانی ترک ایدهرک کیدر .

آلمانیایا حکومتک تهدیدینی ایقاع ایچون شرقده بر آلت مخصوصه سی اولان بغداد شمندوفری کرچه اکیال ایدیلر مامش ایسه ده قوّه قریبه ده کاش اولدیغندن ودها زیاده انتظاره تحملی قالمدیغندن وبوسنه وهرسکده سیاحت ایدن آوستریا ولی عهدیله زوجه سنک « پره نسیب » اسمنده بر صربلی طرفندن قتل ایدلمسینی وسیله اتخاذا ایدهرک حرب حاضر وآماده اولان آلمانیایا دولتی (۲۸ تموز ۱۹۱۴) سنه سنده آوستریایی صربستانه اعلان حرب ایتدیردی .

آلمانیاده (۱ اغستوس ۱۹۱۴) ده روسیه ده (۳ اغستوس) ده فرانسه و بلجیقایه اعلان حرب ایتمکه انکاتره دولات معظمه سیده (۴ اغستوس ۱۹۱۴) ده باججوریه آلمانیایه حرب اعلان ایدی .

بوندن صوکره ده حرب اشتراک ایدن دولتلر توارنج مختلفه ده بربرلینه اعلان حرب وقطع مناسبات ایتدکلرندن اوروپا قطعه سنده بر حرب عمومی میدان الدی .

اول امرده شو وجهله باشلایان اوروپا حرب عمومیسنه بزم اشتراکیزی تدقیق و بعض مطالعات ومعلومات سرد و بیان ایده لم .

بو حرب عمومی ده دولت علیه ک اشتراک ایتدیرلمسی وملت عثمانیه ک بلا لزوم بو حربیه سوق ایدلمسی برنس سعید حلیم پاشا حضرلری قایینه سنک هیچ بر صورتله عفو وتاویل قبول ایتمیان خطای قصیدیسی اثریدر .

دولتمک ابتدای انقلابدن باشلایان داخلی وقعه لرله بالقان محاربات اخیر سنده دوکدیکی قاناره ضمیمه قان دوکمه آرتق تحملی قالمدیغی بر زمانده بوکا قناعت ایتیه رک حربیه اشتراک ایتدیرلمسی دولت وملته مربوطیت آدییه وضمیمه سی اولان ارباب حمیت ووجدانی صورت جدید و حقیقیه ده یک زیاده دوشوندلر مش ایدی .

زیرا باجمله سیاسیون عندنده معلوم اولدیغی اوزره بو حربیه اشتراک ایله دولت عثمانیه ایچون قائده تأمین غیر ممکن اولدیغندن بهوده برده ملیونلرجه خاکی قیدریمق و برقاج یوز ملیون لیرا دولتی بورجه صومق محال ایله اوغراشمقدن شقه

برشی دکلدی .

رجال سیاسيون شویله طورسون ارباب ذکا واقتداردن بونی بیلمیه جک بر فرد تصور اولنه مز ایدی .

بو بویله اولدیغی تقدیرده نه دن حربه اشتراک ایدلدیکی پک آز تفکر وتامل ایله میدان چیقار .

اتحاد وترقی جمعیتی آلمانیا نك آمانه خادم اولمغه محکوم ایدلمش وانکله هر صورتله برابر حرکتله اتفاق ایتدیرلمش اولدیغندن بالطبع آلمانیا نك کیردیکی بو حربه اشتراک جمعیت مجبور ایدی .

بو طوغری ایسه آلمانیا دولتی اعلان حرب ایدر ایتمز دولت علیه نیچون اعلان حرب ایتمدی سوألی وارد خاطر اوله بیلیر .

اکاده جواباً دیرز که آلمانیا نك اعلان حربی عقبنده دوات عثمانیه اعلان حرب ایده مزدی . چونکه هنوز آلمانیا نك دائرة اتفاقه آلمدیغی بلغارستان قرالیتی ایله مذاکرات ومخاراتی ختامه ایرماش و یونان حکومتک وضعیتی ده تقرر ایتمدیکندن ورومانیا دولتی ده آچیقده و بر حال تردد ده قالدیغندن و ترکیا ایله آلمانیا بیننده مواصلا ت تأمینیه ده احجاب ایلدیکندن بالقانلرده براز حاله انتظار ایتمک وتائی ایله حرکت ایلمک سیاست لازم کلیوردی . مع مافیه آلمانیا ومتفق اولان اوستریا — مجارستان دولترلرینک اردولری ابتدا ایدن حربه مع زیاده کافی ووافی ایدی .

چونکه فرانسه دولتی نا کهای اولان بو حربه قارشى اردولری حاضری لاماش ومتفق اولان انکلتزه دولتی ایسه برأقوه جزئییه یه مالک عظیم بحری بر دولت اولدیغی جهته بردن بره متفقنه معاونت ایده میه جکنى آلمانیا وآستریا حکومتلری پک رعنا بیلدکاری کبی بونلرک دیگر متفق اولان روسیه ایسه بطی الحركه بر حکومت اولدیغی امثالیه اثبات ایلدیکندن اوده اردولری سفر بر حاله وضع ایدنجهیه قدر وقت لازم اولمغه کندی معظم اردوسنه کوه نان آلمانیا حکومتی ایسه بش اون کون ظرفنده فرانسه نك مقر حکومتی اولان پارسی ضبط واستیلا ایده جکی امیدینی اوته دنبری بسلامکده ایدی . بناء علیه بالقان حکومتلریاه دوام وجریان ایدن مذاکرات ومخبراتنک نهایتنه تعلیقاً دولت علیه عثمانیه نك درحال حربه اشتراک کنه لزوم کورماش ایدی .

بر جهتدن بولزوم وديكر جهتدن ده حكومت عثمانيه نك اردولرينه لازم كان مهمات حربيه وسائر نك تهيه واحضار يله سوق وارسالنه باشلامق ايجاب ايتديكي كي آلمانيا ايله اتحاد و ترقي جمعيتي بيننده كي معاهده واتفاق جمعيتك ركن اعظملى اولان ذوات معلومه معهوده جه معلوم وديكر رؤسادن غايت خفي طوتلديغندن بالطبع بوندن خبر دار اولميا نلرك آلمان آمانه و طرفدارلغنه جايلريني نظر دقت ومطالعهدن دور طوتيمان آلمانيا حكومتى ايله اتحاد و ترقي جمعيتي لازم كان پرو پاغاندارى احضاره باشلايه رق حرب حاضره سوق ايچون دولت وماتى امر واقع قارشوسنده بر اقملى لازم كليوردى .

بولزومه بناء لازم كان پرو پوغاندايه اتحاد و ترقي جمعيتي باشلاديني بر صر ده انكليز وفرانسز دولتالرينك تعقياتندن ياقه بي قورتارمق ايچون ذاتاً مرتب ومقرر اولدينى اوزره آلمانيا نك (غوبن) و (برسلو) زرهيلارينك قلعه سلطانيه بوغازندن دخولى وانكتره دستكاهلرنده انشا واكمال ايديان زرهيلاريمزك دولته عدم اعطاسى اتحاد و ترقي پرو پوغانداسى ايچون ياغلى بر قويروق اولديغندن جمعيت بونلردن بالاستفاده پرو پوغانداسنى تزييد وتشديد ايلدى .

بو صر ده بلغار حكومتى آلمانيا واوستريا اتفاقنه داخل ويونان حكومتى ده بي طرفلغنى تماماً ايفا ايليه جكنى تامين ورومانيا ده بو ايشه قارشميه رقبى طرف قاله جغنى بيان ايتديكندن آرتق دولت عليه نك حربيه اشتراك ايتامسى ايچون بر محذور قالماش ايدى .

دول متفقويه قارشى بي طرفلغنى تماماً محافظه ايديه جكنى بيان ايدن حكومت عثمانيه حدودلريني محافظه ايتمك ايچون اردولريني تجهيزه باشلامش واتحاد و ترقي جمعيتى ده ماتك اذهان وافكاريني دول معظمه متفقه عليه نه چويرمك مرفق اولمشدر .

انكليز وفرانسز عليه نه چويريلان افكار عموميه بعض كونا تردد حصوليله دولتك طوغريدن طوغرى يه حربيه اشتراك ايديه مامسى خوفى آلمانيا حكومتيله اتحاد جمعيتك نظر دقتى جلب ايتمش وويريلان قرار اوزرينه (غوبن) و (برسلو) زرهيلارى صورت خفيه ده درسمادت ليمانندن حركت ايتديريله رك روسيه نك (اوده سا) شهرى طوپه طوتلديغندن دولتمزى اهانه وقصداً حرب قارشوسنده بواند ير مشار و دول متفقه نك بزه قارشى اعلان حرب ايتلرينه سببيت ويرمشاردر .

آلمانیا به قارشی و یردیک ی سوزنده ثبات ایله اراز خدمت و صداقت ایلمان اتحاد و ترقی جمعیتی داخلده غزته لرله نشر و اعلان ایتدیک ی یالانلر قالماش و آلمانلرک دنیا یی ضبط و استیلا ایله هر طرفده مظفر یتنه نائل اولدقلرندن بحث ایله اردواریزیده مصری و عموم قفقاسیه یی فتح و استیلا خیالاتیله مشبوع بر حله کتیرهش و براردودن دیگر اردویه حوادث نشر و اشاعه سنی منع ایلماش و شاید اردوی هایونلرجه بویالانلر میدانده چیقارسه علم ارینه بر قیام اوله مامسنی تأمین ایله اوغراشه مشدر . اردوی هایونلری بو وجهله اغفال ایدن بو خاتلر بیچاره ملت یی ده بیک درلو یالانلرله اشغال و اغفال دن اجتناب ایتماش ایدی .

« یالانجینک مومی یاتسویه قدر یانار » ضرب مثلنجه اتحاد و ترقی جمعیتنک اون سنه دنبری دوند یردیک ی دولاب کذبک اراجیفدن بشقه برشی اولدیغی یقینده ثبوته چیتقویرنجه طبیعی بو دولابه سقطلق عارض اوله جق و بعدازین تدویری قابل اوله میه جق و مات مظلومه بوندن صوکره قولاقاری دینج اوله رق یشایه جقدر .

اتحادک پرو پوغاندا و یالانلرندن بعضلری طنین پاچاوره سنده مصادف نظرمن اولمغله بزلیده حیرتده بر اقمش ایدی .

از جمله قاعده حقوق دول و قوانین بین الملل موجبنجه حرب وقوعندن اول مبايعه و سپارش اولونان مهمات و ادوات و سفن حربیه حرب ظهوری حالنده احبابنه اعطا و تسلیم اولنمیوب بعد الحرب یا ائمانی و یا عیناً مبايعه و سپارش اولونان اشیا و سفائن صاحبلرینه و برلدیکندن قبل الحرب بزم بعض دولتره سپارش ایلدیکز مهمات و اشیا ی عسکریه نک بر موجب قانون دول و یريله میه جکی آشکاردر .

انکلتورده حربیه اشتراک ایلدیک ی جهته اورایه اولجه سپارش اولونان و انشاری اکمال ایدیلدرک استانبوله منتهی حرکت اولان زرهلیریمرک ده حربک ظهوری طولایبسیله بعد الحرب تسلیم و اعطا اولنق اوزره تسلیم و تسلملری تأخره اوغرا دلمش ایدی .

بونک مقتضای قانون دولدن اولدیغی بیان اتحاد و ترقی جمعیتی ناشر مکرری اولان (طنین) پاچاوره سی حیئت تحریریه سی بوبابده (طنین) ستوتارینه یازمدق یالان سولیمدک هذیان بر اقدیغی کپی اغالی مظلومه نک افکارینی عثمانلیارک

محب و دوست قدیمی اولان انکاتره دولتی علیهنه چویرمک و جمعیت اتحادیه رؤسای ده حمیتلی ، وطنپرور کوسترمک ایچون اوصرهده وفات ایدن رؤسای جمعیتدن معارف ناظری اسبق امرالله افندینک ارتحالنی یازدیغی زمان مومی الیهک غایت وطنپرور اولدیغنی کوسترمک قصدیه کویا امرالله افندی انکاتره طرفندن کیملرک ویرلمدیکنه پک متأثر اوله رق زرهلیریز ، کیلیریز ، دوئلیمز و مات دیهرک آه وانین ایچنده ترک حیات ایتدی دییوردی .

بلکه بویالان وهذیانہ جمعیتک صورت حرکتی بیلمیانلر و امرالله افندی بی طانییانلر اینانیر و آلدانیر .

لیکن جمعیتک حال و حرکتی بیلملر و امرالله افندی بی طانییانلر البته بو وامثالی یالانلره اینانمز لر و آلدانمز لر .

زیرا امرالله افندی مرحوم سننک ایلریله مسندنی ؛ یوقسه فیلسوفانه دوشونجه سندنی ؛ بعضاً خانه سنک قپوسنی بوله میوب قومشوسنک قپوسنی چالارق ایچرییه کیردیکی و بعضاً دخی واپور قماره لرنده یاننده اوطوران ذواتک جیبیلرینی کندی جیبی ظنیله انی صوقوب مندیلمارینی آلوب استعمال ایتدیکی و عیسه متعلق برشی بولورسه انی ده ییدیکنی استانبول جریده وغزته لرینک یازدیغی خاطر مرده در .

بویله خانه سنک قپوسنی غائب ایدن و یاننده کی ذواتک جیبیلرینی کندی جیبی ظن ایلان بر ذاته قوه مفکره دن اثر قالمدیغی میدانده ایکن بونک دولت و مملکتی و دونماوکی بی دوشونمکه مقتدر اولوب اوله میه جفنک تخمین و تقدیرینی ارباب فن ایله قارتین کرامک وجدانلرینه وحیت و دولت و ملت قارشنی صداقتی ده از میر معارف اداره سی قاصه سیله قیود عدلیه سنه حواله ایدرز .

دولتمزک حربه اشتراکندن مقدم انکاتره و فرانسه وسائر متفقاری سفیرلری واسطه سیله باب عالی نزدنده دولتمزدن آلدقاری امر موجبینجه حربه اشتراک اتمه مامز ایچون بعض تعهدات و تشبثاتده بولمشلر ایسه ده سفرا نک بو تشبثاتی ثمره بخش اوله مامش ایدی .

اتحاد و ترقی جمعیتی و پرنس سعید حلیم پاشا قاینه سی بالطبع بو تکلیفاتی قبول ایده مزدی .

چونکه ایضاحات سالفه وجهله آلمانیا دولتیله متفق اولان جمعیت و حکومتی بو تشبثات و تکلیفاتی قبول ایله ولی نعمتلرینی دلگیر و منفعل ایتمک و منافع

خسیدسه وشخصیه لرینی غائب ایلیمک ایسته مدیکندرن منفعت دولتی
کوزدهده مزدی .

منفعت ذاتیه لرینی منافع دولت وملتیه ترجیح ایدن جمعیت اتحادیه رؤسائی
عندنده دولتمک پریشانلغتمک^۱ واضمحلالتمک هیچ بر دکر واهمیتی یوقدر .
بونک بویله اولدیغنی تکراره لزوم اولیوب یالکیز منافع دولت وسلامت مملکت
ایچون انکلتزه دولتی طرفندن واقع اولان تکلیفاته دائر دولت مشار الیهتمک
۱۹۱۴ سنه سنده نشر ایلدیکی بیاض کتابدن اقتباس اولونان ایکی مهم وثیقه
تاریخیه بی نشر ایده یورم .

— وثیقه^۱ مهمه —

انکلتزه خارجییه ناظری قونت ادواردغره ی حضرتلری طرفندن درسعادت
انکلتزه سفیری سیر لوئیس مالت جنابلرینه کوندربلن ۱۸ اغستوس
۱۹۱۴ تاریخلی تلغرافنامه تمک صورتیدر

عثمانلی سفیری توفیق پاشا ترکیا حتمنده کی نیاتمزدن متلاشی اولدیغنی سویلیدی .
بو بابده بزدن خوف ایلمامسنی اوکا اکلاتدم . اثنای حربده حقیقه^۲ ترکیا
بیطرفلغنی محافظه ایدر (غوبن) و (برسلو) ی آلمان کمیجیلرینی عزل و دفع ایلهمک
صورتیله تاممیه برر عثمانلی کمیسی حالته افراغ وانکلیر سفائن تجاریه سنه
سیر سفرلرنده اجرایی معتاد اولان سهولتی ابراز ایلرایسه شرق قریبه تعلق ایده
جک شرائط صلاحیه میاننده آنکده تمامیت ملکیه سی تأمین اولنه جقدر .

— وثیقه^۲ ثانیه —

مشار الیه قونت ادواردغره ی حضرتلری طرفندن درسعادت
انکلتزه سفیری جنابلرینه کلن ۲۳ اغستوس ۱۹۱۴
تاریخلی تلغرافنامه تمک صورتیدر

اگر حکومت عثمانیه (غوبن) و (برسلو) زرهلیرنده بولنان آلمان ضابطان
و کمیجیلرینی درحال وطنلرینه اعاده ایدر وسفائن تجاریه تمک بلا مضایقه قاعه
سلطانیه دن مرورلرینه مساعدده ایلجه جکته دائر تحریراً سوزویرر و حرب ائنا
سندده بیطرفلتمک شرائطی تاممیه محافظه ایلرایسه احوال حاضرده ملایم بر اداره

عدلیه نك ختام وضعنده « ائتلاف مثلث » دولتری امتیازات اجنبیه نك لغوینه موافقت ایدرلر .

بوکا ضمیمه اولق اوزره دخی مذکور دولتر ترکیانك استقلاله و تمامیت ملکیه سنه احترام ایلیه جکله رینی تحریراً تعهد و حربك ختامنده وضع ایدیله جک اولان شرائط صلاحیه دن هیچ بریسنك مذکور استقلال و تمامیته تعلق ایله میه جکنی درعه ده ایلرلر .



انکله ره دولت نخیمه سنك شوایکی وثیقه رسمیه سندن بشقه شفاهی و تحریری درسعادت سفیری واسطه سیله ویردیردیکی تقریر و تأمیناتلده ده دولت علیه عثمانیه یه هیچ بر صورتله تعلق وفائده سی اولیان بو حرب عمومی به اشتراك ایتماسی و اشتراك ایتیمیه رك بیطرف قالدیغی صورته ده انکله ره دولتیله متفقلری طرفندن هر برکونا معاونات و مساعدات سیاسی و حقوقیه یه مظهریتی تکفل و تأمین ایدلدیکی مذکور بیاض کتاب و انکله ره و فرانسه غزته لرنده کوریلن دیگر وثائق رسمیه اردن اکلاشیلور .

پرنس سعید حامی پاشا قایینه سی دولت مشار الیه انك بویوله کی تشبثات و تأمینات واقعه سنی قبول و دولتمزك بیطرفلغنی اعلان ایتسه و حرب به اشتراك ایلمك جنایت فجیه و عظیمه سنی ارتکاب ایلمامش اولسه ایدی . هیچ شبهه ایدیله مزکه دولت علیه بو حرب اثناسنده اوروپا ك محتاج اولدیغی حموبات و سایر کونا احتیاجاتی محصولاتیله تأمین و ملیونلرجه ایرانك ممالك عثمانیه یه کیرمسنه و دولتك امتیازات اجنبیه دن قورتمسنه و محافظه حدود ایتسنه و الحاصل هر وجهله شان و شرفیه زنکین و قوتلی بر دولت اوله رق یشامسنه موفق اولوردی . انکله ره و فرانسه دوستلغی آتیا دولتمزی یکی باشدن احیا ایدردی .

لکن شو بیان ایتدی کمز و جهاه حرکتی نه بوقایینه یاپار و نه ده اتحاد و ترقی جمعیتی یاپدیرردی .

ذاتاً بش . التي سنه دنبری بو حرب عمومی حاضر لانان اتحاد و ترقی جمعیت و حکومتلری حامی یکانه لری اولان آلمانیا امپراطوری و یاپامك بغداد شمندوفر خطنك اکمالنی بکلدیکنی و خطك اکمال انشاسندن صوکره حرب ایده جکنی و بزمده بو حرب به اشتراك ایلیه جکمزى او وقت دنبری سویلیورلردی .

دولتمزك بو حربہ اشتراك وعدم اشتراكى بحشنه كلنجہ بوكا دائر بر ايكي سوز سويله مك ايسترم .

بعض ذوات حيتمندان دولت عثمانيه بو حربہ كيرمه ايدى . روسارك اوتہ دنبرى تصور ايتدكلرى استيلا سندن قورتيله مازدى ديورلر . بعضار يده اسباب سائره بيان ايدهر ك دولتك بو حربہ دخولنده ضرورت واردركي بر چوق اسباب ودلائل ايراد ايد ديورلر سه ده بونلك هپسى واهيدر . بر قسم خلته آلمانيا ايله دكل انكلتره ومتفقار يله كيره ايديلر ديورلر .

بز بو مناقشات ومطالعاتى تدقيق ايله اضاعه وقت ايتمكه لزوم بيله كورمير . زيرا ذاتاً آلمانيا ايله بالاشتراك حربہ كيرمك اتحاد وترقى جمعيتجه مقررات واقعه جمله سندن ايدى .

آرتق جمعيت وممثلى اولان حكومت حربہ كيرمكدن كله جك ضرر وفائده يي دوشونه جك وانكلتره ومتفقار يله برابر حركت ايدہ جك بر حالدن چوقدن چيقمش ايدى .

حامى مسلمين اولديغنى اعلاندن چكنميان جمعيت اتحاديه نك حامى اعظمى آلمانيا ايمپراطورى ويلهلم ايله ولى نعمت اكبرلى جمعيات معلومه قارشى كفران نعمت ايتمك كې بر حركتى اتحاد وترقى جمعيتى رؤساي ملعونه سى صداقت وعبوديتلرينه (!) مخالف اولديغندن اجرا وقبول ايدہ مزلردى .

بونك ايچون نه بيطرفانه حركت ايدلر ونه ده انكلتره ومتفقار يله حربہ كيرلردى . بوايكي شقندن برينى ياپه جقار ينى ادعا ايتمك ميدانده اولان كوشى انكار ايلمك قيلندندر .

رؤساي معهوده ملعونه امور واداره حكومتى اله آلدقلى كوندنبرى ذاتاً دولت محو اولمش ايدى .

دولتى بز اصلاح ايدرايسهك ايدمرز ايدہ مز ايسهك بزم المزدہ محو اولسون . دولت ومملكت محو وپريشان اولور سه اولسون بزم جمعيت مز صاغ ووار اولسون ديهر ك ايشه باشلا دقلىرى بونلك احوالرينه واقف اولانلرجه معلومدر .

بوندن ده اكلا شديغنه كوره رؤساي ملعونه نك دولت ومملكتده بر علاقہ لرى اوليوب صرف كندى منافع ذاتيه لرىنى تأمين وهرشيدن زياده حياتلرينى محافظه ايلمك وامرانه وحا كانه وطنمزدہ اجراى مظام وحكومت ايتمك مقصدندن بشقه

بردوشونجه وقایغولری یوقدر .

اگر ذره قدر دولت و مملکت حرمت و محبتلری اولمش اولسه ایدی . اون سنه دئیری کوندن کونه قصداً زیید و تشدید ایتدکلری مظالم و اعتسافاتی تعدیل و اصلاح ایله دولت و مملکت بوکونکی حال هولنا که دوشمه سندن حذر و اجتناب ایدرلردی .

هر حال و کارلری ایله اهانیت و خیانتلرینی ارائه و اثبات ایدن بوخذله ملعونهدن ملتزمک بوندن صوکره برشیء بکلمه سیده عبندر .

ایشته پرنس سعیدحلیم پاشا قاینه سنک بو دولته آچدیغی یاره التیام پذیر دکلدر . چونکه قاینه ایچون یاپیله حق و دولت و مملکت خدمت ایدیله جک برشیء وارایدسه اوده دولت علیه عثمانیه یی حربه اشتراک ایتدیرمیه رک تمامیء بیطرفلغی محافظه ایدی .

یوقسه سنه لردنبری محاربات داخلیه و خارجیه ایله اوغراشان و بالقان حربندن برمدت اول چیقان دولتی هرهانکی طرفله اولورسه اولسون بویله عظیم بر حربه سوق و اشتراک ایتدیرمک کی جنایت عظیمه تصور اولنه من .

آلمانیا ایله بالاشتراک کیردیکز بو حربده معاذ الله تعالی آلمانلر غائب کلسه لر ایدی . ذاتا آلمانیا نیک مطمع نظری اولان مملکتیمز آلمانلرک بر مستمملک سنی اوله جق و ملتزمده بونلرک اسیر و اجیر خاصی بولنه جقدی . دیگر طرفله ده حربه گیرسه ایدک کرچه مملکتیمز حدود طبیعییه سنی غائب ایتیمیه جک ایدیه ده اولاد وطندن بر چوغنی غائب ایده جک و دولتی ملیونلرجه ایرالر دیونه کرفتار ایلیه جکدی .

بزجه یاپیله جق برشیء وارایدسه اوده انکلتزه و متفقلری اولان دولتلرک اعطاسنی وعد و بیان ایدکلری تعهداتی تحریراً بالاخذ دولتک استقلال و تمامیء ملکیه سنی تأمین ایتدکدن صوکره بیطرفلغی محافظه ایتمک و ایجابنده دها زیاده منفعت تأمین مأمول اولدیغی تقدیرده دولتک تعالی و ترقی سنی ضامن و کافل اولان بودولتلرله برابر حربه اشتراک ایتمک ایدی .

عن قصه بو فرصتلری قاجیران اتحاد و ترقی جمعیت و حکومتی هیچ بر وقت بو مسئولیت عظیمه دن یقالرینی قورتاره مازلر .

« توران » سودای خامیله ملتی اغفال ایدن بو جانیلر « دمیاطه پرنجه کیدرکن اوده کی بلغوردن اولدق » ضرب مثلی مؤداسنجه وطنمیزک قسم اعظمی غائب

ایتدیرمشار و دینداشار عزدن بر رکن اعظمی علیهمزه قیامه مجبور ایدوب محتشم
ومعظم عثمانلی دولتنک پارچه پارچه اولسنه سبیت و یرمشاردر .
از جمله امیرمکه مکرمه دولتلو سیادتلو شریف حسین پاشا حضرتاری اتحاد
وترقی جمعیتی رؤسای معلومه سنک مظالمندن یزار اولان حجاز اهالیسی قورتارمق
ایچون قیام وعموم اهل اسلامه خطاباً آتیده صورت مترجمهسی مندرج ایکی
قطعه عربجه بیاننامه نشر وحجاز قطعه سنک استقلالنی اعلان ایله «مالک حجاز»
عنواننی آلدقارندن حجاز قطعه مبارکه سیده اتحاد وترقی جمعیتی یوزندن دولت
علیه عثمانیه دن انفکاک ایلمشدر .

مکه مکرمه امیری دولتلو سیادتلو شریف حسین پاشا حضرتاری طرفندن
نشر اولونان عربجه برنجی بیاننامه نك صورت مترجمه سیدر

بسم الله الرحمن الرحيم

اخوان مسلمینه عمومی بیاننامه مزددر :

«ربنا افتح بیننا و بین قومنا بالحق و أنت خیر الفاعلین»

تاریخه واقف اولانلرجه معلومدرکه جامعه اسلامییه نك توحید وتقویهسی
مقصودیه امرا و حکام اسلامییه دن دولت علیه عثمانیه یه ایلك تبعیت ایدنلر (مکه
مکرمه) امراسیدر .

سلاطین «آل عثمان» طاب ثراهم وجعل دار الخلد مشوام حضرتانک (کتاب
الله) و (سنت رسول اللهی) اجرا وتنفيذ احکامی خصوصنده کی تمکری و بر
خصوصنده افتاء وجود ایتماری طولایسیله امراء مشار الیهم تبعیتده دوام ایتدیلر .
حتی ۱۳۲۷ سنه بن بالذات عرب بدن متشکل بر قوتله عرب اوزرینه حرکت
ایدهرک دولت علیه نك شرف وحیثیتنی محافظه (ابهال) نك محاصره سنی رفعه
چالیشدم و ایرتسی سنه ینه عین مقصدله اوغلاریک بر یسینک قومانداسی التنده
اولدرق اوحرکتی اجرا و جمله جه معلوم ومشهود اولان غایه سامیه دن آیرلادم .

اتحاد وترقی جمعیتنک ظهور یله امور دولته وضع ید ایتمسی وسوء ادارهسی
سببیه داخلی ، خارجی قاریشقلقارک ظهور ینه و مالک ییلدیکی وجهله بر جوق
محاربانه بادی اولدیغندن شوکت وعظمت دولتی خللدار ایتمسی و حله شوصولک

حربه بلا لزوم دخول ایتمسيلهده بر وضع خطرناکه دولتی القای ایتمشدرکه ایضاحدن مستغنی در .

بو اجرا آنکه نه کبی دنی بر مقصده یا پیلدینغی ایضاحه حسیات حسنه مز مانع اولدینغی کبی عموم اهل اسلامک دولت اسلام حقنده فتور کتیروب یأس و کدره دوچار اولدینغی کورمک ایسته مدیکزدندر .

بقیه ممالک ده قالان اهای مسلمه و غیر مسلمه نک بر قسمی صلب و اعدام دیگر قسمی وطنلرندن نفی و اجلا ایدهرک رابطه موجوده عثمانیه بی اخلال ایدوب هرکسی جانندن و مالندن محروم بر اقمشلردر .

اراضی مقدسه اهایسنک بو صوک محاربه سببیه دوچار اولدقاری مضایقه اودرجه بی بولمشدرکه متوسط الحال اولان بر انسان اوینک قیو و پنجره لرینی و بتون اشیای بیتیه سنی صاندقدن صکره طام تحته لرینی دخی صاتمغه مجبور اولمشلردر .

اتحاد جیلر بو قدرینی ده کافی کورمیه رک سلطنت سنیه عثمانیه ایله عموم اهل اسلام آره سنده سبب رابطه یکانه اولان (کتاب الله) و (سنت سنیه) بی اخلاله تصدی ایدوب سلطنت سنیه پایتختنده صدر اعظم و شیخ الاسلام و عموم علما و وزرا و اعیانی مواجهه لرنده انتشار ایدن (اجتهاد) غزته سی سیر نبویه بی اشنع تعبیرلرله تحقیردن چکنم دیک کبی اعتراضه اوغرامدیغندن جرأت آلهرق نصوص قرانیه بی الفادن دخی چکنامش « لذلک مثل حفظ الانتمین » آیت جلیله سنی استخفاف ایدهرک تساوی میرائی ترویج ایلمشدر .

بونلره ضمیمه ارکان خمس اسلامیه دن بیوک برکننی هدمه قالمشملردرکه : کویا روس اردوسی قارشوسنده حرب ایدن عسا کره بکزه دلمک اوزره (مکه مکرمه) ده و (مدینه منوره) ده و شامده بولونان عسا کر اسلامیه نک رمضانده اوروج طومعه ملری لزومنی ایتانله بوبابده کی « فن کان منکم مریضاً او علی صفر » آیت جلیله صریحه سنی تحریفدن و بوکا بکزر برچوق اساسات اسلامیه بی ییقمق و منکراتی التزام ایتمکدن چکنامشلردر .

شوکتلو سلطان معظم حضرتارینک بتون حقوقنی غصب ایله ما بین هایونلرینه برباش کاتب و برباش ما ینجی انتخابندن منع ایتدکلری کبی عامه مسلمینک امور و مصالحنه باقمق حقندن محرومیتله شروط خلافتدن اسقاط ایتمشلردرکه بتون

مسلمانلر بو شناختدن تبری ایدرلر .

بو امور غیر شرعی قارشیسنده حسن تاویلرله حذر و تحالللرله کورونمه من عالم اسلام ایچنه تفرقه واختلاف تخملری اکامک مقصدیله ایدی .

دولت علیه عثمانیه امور واداره سی انور پاشا ، جمال پاشا ، طلعت بک (پاشا) اللرنده بولندیغی سری میدانده چیقوب آرتق امور وخصوص انلرک تصویبنه وابسته اولدیغی کورلمشدر وایسته دکترینی ایشلر ديله دکترینی یاپارلر . بوکالک بسیط دلیل (منک) محکمه شرعیه سی قاضیسنه کلن بر امرده قاضی حضورنده شهادتلی اسماع و حضور حاکمه تحریر ایدلیان تزکیه نامه لک عدم قبولی متضمندرکه صوره « بقره » ده مصرح اولان تزکیه بین المسلمین امری کان لم یکن عد ایدلمشدر .

بو نرهپ بر طرفده قالسون دیگر طرفدن عظمای افاضل اسلامدن وکبری نوابغ عربدن (امیر عمر الجزائری ، امیر عارف الشهابی ، شفیق بک المؤید ، شکری بک الصلی ، عبد الوهاب وتوفیق بک البساط ، عبد الحمید الزهراوی ، عبد الغنی العریسی) کبی ذواتی بر آنده صلب واعداملری اک زیاده قاتی قلبه مالک اولانلرجه بیله اجرایی کوچ کورینهن بو افعالی اجراده بر نوع عذر بواسطه بیله هر درلو ذنب وجنایتدن عاری وبری اولان عموم عائله افرادینک قادیان وارککندن اک کوچک چوچقلرینه وارنجیه قدر وطنلرندن نفی واجلاسيله مصیبتلری اوستنه دهابیوک بر مصیبت علاوه سنه نه معنی ویریلور . عائله رؤسایک هر نه ایلله اولورسه اولسون اعداملری جزایی اوخانه لک تخریبته کافی ووافی ایکن ایکنجی صورت تجزیه سنه معنی بولمندیغی آشکاردر .

« ولا تزر وازرة وزر اخرى » آیت جاییله سی برهان قاطعدر . هایدی بو ایکنجی جنایتی ده بر معذرت سیاسییه عطف ایلله یرنده در دییه لم رئیس لرینی غائب ایدن عائله لرینک اموال واملایکنک مصادیره سنه نه دیک ایجاب ایدر ؟ بو افعال وحرکاته تعامی ایتمسک بیله مجاهد مشهور (امیر عبد القادر الجزائری) قبرینک تحقیر وتذلیلته نه معنی و مساع بولنه بیلیر ؟ .

اتحاد جیلرک افعال وحرکاتندن بعضلرینی ذکر ایدهرک عالم بشره وعموم اهل ایمانه عرض ایدوب بوبایده کی حکمی ویرسونلر .

بو نلرک اسلامیت حقنده کی اعتقادینک نه مرتبه ده بواندیغی کلامق ایچونده

اهل مکه نك طلب استقلال ايله قيام ايتدكاري صررده عسکراريك (قلعه جیاد) دن
قبلة المسامين وكعبة الموحدين اولان « بيت الله » آتدقلى طوياردن چيقان
ايكى مرמידن برىسى (حجر الاسود) اوستنه بر بچق ارشون ديكرينى بوندن
اوج بچق ارشون بعدينه تصادف ايتديرمشلردر . ستره شريفه آتش آلدیغندن
بوتون خلق « كعبه معظمه » نك قپوسنى آچهرق واوستنه چيقارق يانغینی سوندرمكه
مجبور اولمشلردر .

حالبوكه بونكه اکتفا ايتيوب متصل « مقام ابراهيم » و « مسجد شريف » ی
هدف اتخاذ ايتمكدن چكندكلرندن وكونده اوج . درت كشينك قتلنه سبب
اولدقلىندن كونلرجه بنون خلق مسجده يناشمقدن محروم قالمشاردر . مسجد
وكعبه نك حرمت و تعظيمه مقابل استخفاف وازدراء ايله مقابله ايدن بومقوله
آدمارك نيه مستحق اولدقلىنى شرق و غرب مسلمانلرينك حكمنه براقيرز .

اوت بوازدراء واستخفافك حكنى عالم اسلامه براقيورز . لکن دين اسلامك
وقوميتيزك كياني اتحادجيارك اللارده ماعبه اوله رق براقه مايز . جناب حق قوميزه
انتباه و عظه احسان بيوروب كندی ماعيسيله استقلالنى تأمین ايدوب مسلط
اولان اتحاد مامورين وقواسندن مملكتى تطهير ايتدكدن صوكره هيچ بر قوه
خارجيه نك تأثيرينه استناد ايتيهرك استقلال تام ومطلق ايله مستقل اولمشلردر .

اتحاد وترقى متغلبلاريك جور وستميله اين ايچنده قالان ممالكدن آيريله رق
نصرت دين اسلام واعلاء كلمه الله هدفى داخلنده ايلرى طوغرى حرکته
باشلامشدر .

شریعت اسلاميه ملام وموافق هر درلوفنون وعلومى اقتباساه طريق تمدنده
ايلرولمكه عزم وجزم ايلمشدر .

اميدورجا ايدر زكه بوتون علم اسلام قرداشلرمر اداء واجب ايچون واقع اولان
شوحرکتىزى نايمد اخوتله تقويت بيوره رق بزه مشاركت ايدرلر و واجب
كورديكز بو حالك اداسنه ياردم ايدرلر .

الريمزى جناب رب الأربابه قالدیره رق توفيق وهدايتيله عموم اسلام ايچون
خيرلى اولمه مزی « رسول ملك الوهاب » حرمتنه استرحام ایده رز .

(وهو حسبنا ونعم النصير) امير وشريف مکه مكرمه

حسين بن علي

في ۲۵ شعبان سنه ۱۳۳۴

امیر و شریف مکہ مکرمہ دولتو سیادتو حسین : سا حضرتاری طرفندن
نشر ایتدیریلن ایکنجی عربجه بیاننامه نك صورت مترجمه سیدر

بسم الله الرحمن الرحيم

« فان تولوا فقتلوا شهدوا بانا مسلمون »

برنجی بیاننامه مزده ایضاح ایدیلن اسبابه بناء قیام ایدن بز حجاز لیلرک آمال
وافکار مزده بعضارجه تردد حاصل اوله بیلمسی احتمالی دفع ایچون افاضل عالم
وبالخاصه مسلمینه قارشى بو ایکنجی بیاننامه بی دخی نشر واعلانیه لزوم کوره رک
دها واضح دها صریح دها قریب العهد مواد ودلائل ایرادیله مقصدیمزى تماماً
تشریح ایدنیورز .

شویله که : کرک اهل اسلامك بالجمه عقلاسی وکرک تبعه عثمانیه لك احباب
بصیرتی وکرک عموم اقطار عالمك ارباب فطانتی دولت عثمانیه نك حرب عمومی دوله
داخل اولدیغنه اسباب آتیه دن طولانی راضی دکلردر . برنجیسی سبب داخلیدر .
اوده دولت علیه عثمانیه نك طرابلس غرب و بالقان محارباندن پك یقین زمانده
چیقدیغی ایچون قوه عسکریه وقوه مالیه سنه خسار کلی عارض اولمش و مرکز
استناد اولان ملت خیلیدن خیلی ضعفه اوغرامشدر . اساساً ملت عثمانیه افراد
عسکریه سنك مملکتنه عودت واعاشه اهل و عیال ایچون سعی و عمله مبادرت
ایدر ایتمز علی التوالی تکرار خدمت عسکریه یه ایسته نلمسی بو ملت ایچون
دائمی بر فلاکت اوله کاشدر . باخصوص حرب عمومی حاضر ایسه حروب
سائر یه قیاس قبول ایتمز قورقونج بر حرب اولدیغندن ضعیف بر ملت اوزرینه
تحمیل مصارف ایدهرک بویله قورقونج بر حرب به ملت عثمانیه بی سوق ایتمک کار
عقل دکل ایدی . ایسته دولت عثمانیه نك بو حرب به دخولنه عقلاء مسلمینك راضی
اولمالرینك بر مهم سببی بو ایدی .

ایکنجیسی سبب خارجی اولوب حکومت اتحادیه نك متحارب اولان ایکی
صف عظیم دولدن اختیار ایتدیکی جهتہ عائدر . دولت عثمانیه بر دولت اسلامیه
اولوب خریطه عالمده اشغال ایتدیکی محل واسع وسواحلی کثیر اولدیغی ایچون
اوتیه دنبری « آل عثمان سلاطین عظام » نك مسلکری وجهله تبعه سنك قسم
اعظمی مسلمان و دکرز لرده حاکم اولان دولتله میل ایتمسی سیاستنه ده
موافق ایدی .

حکومت اتحادیه ایسه بو سیاست قدیمه بی ترک ایله اهاالیسنه نسبتله مملکتی طار و بناء علیه خیال وطمعی واسع اولان طرفله برابر حرب به کیرنجه مسلمینک ارباب بصیرتی منتظر اولان نتایج سیئه بی کوردرك حرکت اتحادیه دن تشام ایلدی .

حتی حرب حقنده کی فکرم تلغرافله صورلدیغی زمان طرفدن بروجه مشروح مقتضاسی ایفا اولنمشدرکه جواباً چکیان اوتلغرافم دولته قارشی خلوص نیت و صداقتمه و ناموس اسلامک صیانتی خصوصنده کی فکرمه علنی بر برهاندر .

ایشته بزم وقتيله دیدیکز وجهله قورقدقلرمز ظهوره باشلامشدر . بوکون دوات علیه عثمانیه نك آوروپاده کی حدودی تقریباً استانبول سورلر بدر .

روس اردولرینک طلائی سیواس وموصل ولایتلرنده اهای عثمانیه بی چکنه مکه باشلامشدر .

انکلیز دخی بصره ولایتيله بغداد ولایتینک بر قسمی اشغال ایتدیکی کبی بادیة العربی شده بیکلرجه عثمانلی اسراسنی اوکنده سوروب کوتوریبور . شبهه یوقدرکه بو احوالی تأمل ودوام ایتمکده اولان حربک نتیجه سنی تفکر ایدنلر ذهنلرینی یورقمسزین شو نتیجه یه واصل اولورلرکه بزم ایچون شواکی شقدن بریسنی اختیار ایتمکله کز ضروریدر .

یاخریطه عالمدن سیانوب محو اولمق یاخود بو محودن قورتلحق چاره سنی بولمق . بوبابده تأمل ولایم کلن جوابی اعطا خصوصنی بوتون عالمه ترک ایده رزودیرزکه مهالک ممالکی احاطه ایتمزدن اول واقع اولان قیامزبجا حتی قیامزک مشروع و واجب اولدیغی هر وجهله شایان ادعادر .

متغلبه النده بازیمجدن عبارت قالان دولت عثمانیه یه مربوط قالدیغمز تقدیرده دوات مشار الیه یه فائده بخش اوله جفی معلومز اولسه بریمزدن حرکت ایتمز وهردرلو محن ومشاقه صبر ایدردک . فقط قطعاً فائده متصور اولدیغی اکلاشلمشدر . چونکه بزی یوروتک ایستدکلری وجهله حرکت ایتسه ک ولایات سائرته نك کوزکوره اوغرا دیغی محو واضمحلاله بزمده اوغرایه جغمز قطعیدر . ایشته بز بویله دیر وحرکتیمز حقنده کی حکمی عالمک نصفه وعدالتنه ترک ایده رز . فقط بالکز شوارسنی علناً سویلمکدن کچه میزکه بو دولتک محوینه وانا طولی اهاالیسنک پریشانلغتمه منحصرأ سبب اولان اتحاد وترقی متغلبه سیدر . اولارده انور : جمال : طلعت و همپاریدر . دولت علیه عثمانیه نك خطه سیاسیة اساسیه

سندن یعنی عظمای سیاسیه عثمانیه نك وضع ايتديكى سياستدر كه انكلتره و فرانسه حكومتريله موالات و مصافدن عبارتدر . ايسته تاريخاً ثابت اولديغى اوزره فوائد عظيمه توليد ايدن بو سياستدن دولتي چيقارمغه يكانه سبب دخي رؤساي اتحاديه در .

بو رؤساي اتحادك اخلاق و درجه صدق و وفالريني اكلامق ايچون شوني سويلمك كافيدر . شدت احتياجاري انا سنده كنديلرينه قرضاً آقچه اعطا ايدن فرانسيه چوق زمان كچمه دن اتحادجيلر اعلان حرب ايلمشدر . بوني مثال اوله رق ايرادمز استقراضك هر كسجه معلوم و قريب العهد اولسنه مبنيدر . يوقسه بو ظلمه نك اهالي عثمانيه دن عناصر مختلفه حقنده بلا تفريق ايقاع ايتدكلري مظالم و اجراآت سيئه او درجه ده كشيوفر كه كشافتي ضيای شمس او كنده سحاب مظلم كبيدر . باخصوص اناي محاربه ده شريعت مطهره نك اهل ذمت حقنده كي احكامني دوشنميه رك ارمني و روملره روا كوردكلري تعديات ميدانده در . كذلك شامده و عراقده اجرا اولونان مظالم جملةً معلومدر . از جمله (مدينه منوره) جوارنده مخدرات اسلاميه بي اسيركي عسكر قشله لرينه سوق ايتملري شريعت اسلاميه و شهادت عربيه نك ابا ايده جكي احوالنددر .

اوت بز بونلره قارشى قيام ايتدك و بغض و عداوت اظهار ايتدك وايدة جكز يالكز بو عداوتمز انور ، جمال ، طلعت و همپا لرينه قارشودر .

بزم بو بغض و عداوت مز هر مسلم عاقل اشتراك ايدر حتى خاندان سلطنت دخي قلباً بزمله در . بو بابده دليلمز شهيد سعيد ولى عهد سلطنت يوسف عز الدين افندي حقنده كي تعدى ظالمانه در .

بز بونلردن تبرى ايدهر ك كنديلرينه بغض و عداوت اظهار ايديورز . بزه ممالك عثمانيه ده و بلاد اسلاميه ده كي هر خالص مسلم اشتراك ايدر . سببي ايسه اجرا ايتدكلري ظلم و وبال و دولت اسلام اوستنه جلب ايتدكلري اضمحلالدر . دولت بونلرك اغراض فاسده لرينه و نيات سيئه لرينه قربان اوليور . بونلردن الله صيغينيرز . بوسوزلرمز كلمه حقدر . بويلاه يشار و بويلاه اولورز . نصل بويلاه دعيه لم كه حركات اتحاديه دن بزه موجب انتباه و عبرت اوله جقدها بشقه مثالر واردر . بز بونلردن بريسي بوراده انظار عامه مسلمينه عرض ايديورز .

شامده فرمان فرماي تحكم اولان جمال پاشا اوراده مخدرات اسلاميه دن بر (قلوب)

تشکيلته صرف مساعی ایدرك موفقه اولمش و بونساقلوبی طرفندن كنداسنه و معیتندگی هیئت عسکریه و یریلان ضیافتده مخدرات اسلامیه ساقیلک ایتمیش و نطقلر ایراد و تعاطی اولمیشدر . حتی بو ضیافتده جمال پاشای ممنون ایتمک ایچون شام جرائدیلده اعلان اولمیشدر . برکزه دوشونهلم قرآن کریمده «سورة النور» ده تستر نسوانه دائر موجود اولان نصوص قاطعه آلهیه بی نظر اعتباره آلمیهرق جمال پاشانك واقع اولان شو حیاسیز حرکتی صریحاً دلالت ایتمز می که بو متغلبه نك شریعت اسلامیه و عادات عربیه قطعياً مبالا تلی یوقدر .

ایشته بروجه بالا بو متغلبه نك احوالی تشریح ایله بلاد عثمانیه و عموم ممالك اسلامیه ده اهل اسلامه وعظ و نصیحت ایدر و بوزمره باغیه نك اغراض فاسده لرینه مبنی اولهرق اوامر آلهیه و نواهی سبحانیه بی تغییر و تحقیر ایتملرینه یاردم ایتملرینی رجا ایده رز . الله عاصی اولانه اطاعت اولنه ماز . بونلرک منکراتی هرکیم ایله ، دیلیله ، قلبیه بوزمه قادر ایسه یا عملیدر . بونلرک حرکاتی تصویب ایدنلر واریسه انلرک ادله سنی دیکلمکه ده حاضر زوالسلام علی من اتبع الهدی .

شریف و امیر مکه مکرمه

حسین بن علی

فی ۱۱ ذی القعدة ۱۳۳۴

شودرج ایتدیکز ایکی قطعه بیاننامه دن آ کلاشدیغی وجهله شریعت مطهره اسلامیه و عادات مستحسنه عربیه قطعياً مبالا تلی اولیان اتحاد و ترقی جمعیتی متغلبه معهوده معلومه سی بوزندن شریف و امیر مکه مکرمه حضرتلری قیام و اعلان استقلال ایلمشلردر .

کذلک حربك ابتدالرنده دولتک الک مهم واک جسم ایالات ممتازه سندن معدود اولان (مصر) قطعه سیله اناتولی و سوش قنالتک کلیدی مثابه سنده بولونان (قبریس) اطه سی دخی بو متغلبه باغیه یه قربان اوله رق کیتمشدر .

اولجه ضایع ایتدیکز بحر سفید اطه لر یله طراباس غرب و بنغازی و روم ایلی قطعه سنی ده نظر دفته آله جق اولور ایسه ک دولتمزاق دکزده کی حاکمیتنی کاملاً غائب ایللیور .

اتحاد و ترقی جمعیت شریره سنه بعد الصلح قربان اوله جق ممالك داخل حساب ایدیلور سه اوقوجه عثمانلی دولتی و اولیکه سی خریطه عالم دن سیانمک درجه سنه نزل ایدینور .

یوکا سبب یکانه کیم اولمش اولیور ؟ بالطبع اتحاد و ترقی جمعیتله اون سنه دئیری
موقع اقتداره کتیردیکی حکومتلری ، آرتق مدت قلیله ظرفنده بو حاله قویدقلری
بو دولت و مملکتده بوندن صوکره اولسون بو جمعیت وزمره باغیه سنه میدان
و فرصت و یرمک بقیه البقیه ممالکک الدن چیقمسنه بادی اوله جغنی نظر تأمل
ودقتدن دورطونیهرق بویله بر حال وقوعنه میدان و یرلامک ایچون لازم کلن
تداییره دولت و ملتجه توسل بیورمق فرض عیندر .

دولتی حرب به سوق ایدن پرنس سعید حلیم پاشا اعلان حرب جنایتک نتیجه
سندن وخامت تولد ایده جکنی اعلان حرب بدن برآز صوکره حس ایتمک باشلامش
وقاینه ارکانی میاننده بعض کونا سزلدی ظهور ایتمش و باخصوص بو حالدن
پک زیاده توحش ایدن پاشای مشار الیه حضرتلری صلح منفرد چاره سنک
تخریسنه باشلامش رسده جمعیته ورؤسای شریره معلومه سنه اسماع ایتدیره میهرک
استغفایه مجبور اولمش ایدی .

حالبوکه بو حالدن مؤخرأ توحش ایدن پرنس سعید حلیم پاشا حضرتلری حربک
ابتدا سنده قالدیره میه جقلری یوکک التنه کیرمدن اول استغفا ایله استفادده ایتمش
اولسه لردی دهها اعلا برمسلاک اختیار ایتمش اولور لردی .

عفو عالی نخمانه ارینه مغرورأ بوبابده برقاچ سوز سویلمک ایسترم . حریت
حرکته مقتدر اولهمیه جقلرینی پک اعلا بیلدکلری حالده نیچون مسند صدارتی
قبول بیوردیلر ؟

کندیلری مصرک الک بیوک پرنسلرندن پرنس حلیم مرحومک مخدوملری والیوم
مصرده موجود پرنسلرک بیوکلرندن اولدقلری حالده ندن بواصل ونسللری غیر
معلوم اتحاد رؤسا و اشراسی ایله اشتراک ایتمک تزلنده بولندیلر ؟
یوقسه تابعیت و عبودیت قدیمه لرله مربوط بولندقلری دولت علیه عثمانیهیه
خدمت ایتمکی ایسته دیلر ؟

بزه قالیرسه هیچشبهه یوق که مربوطیت قدیمه لری طولایسیله دولت علیه عثمانیهیه
خدمات ممدوحه و حسنه ایفاسی ارزوسی کندیلرینی بوبار عظیمه آتمش اولمیدر .
مع ما فیه مشار الیه حضرتلری حال و زمانی در پیش و جمعیت اتحادیه موجود
اولدقجه و اونلر طرفندن موقع صدارته ارتقا بویوره بیله جکلرینی و بوندن طولای
سربستی حرکته مالک اوله میه رق جمعیتک النده بازیمجه اوله جقلرینی ادنا بر تفکر

بیورمش اولسه لردی بالطبع بو ارزودن صرف نظر بیوررلر و نام نخیانه لرینی تاریخ عثمانینک اوسیاہ صحیفه لرینه ادخالدن وقایه بیورمش اولور لردی .

چونکہ امثالی دلا تیله ثابت اولدیغی وسکزر ، اون سنه دنبری کورلدیکی اوزره اتحاد و ترقی جمعیتی طرفندن مقام صدارته کتیریلن ذواتک جمله سی کندیلری کبی منسوبین جمعیتدن اولدق لری جه تله بر ایش کوره مامش و جمعیت طرفندن ویریلن او آمر دائره سنده حرکت ایتمش اولدیغی مبرهن ایدی . مشار الی هده بونی کوروب و بیلیور لردی .

سعید حلیم پاشا بالارث والاصاله پرنس اولدق لردن و آلتس عنوان و نامنی حائز و ثروت و سامانه مالک بولندق لردن ناشی اتحاد و ترقی جمعیتی اشرا و اشقیاسیله بالاشتراک حرکت بیورملرینه هیچ بر معنا ویر یله مز .

ایشدلدیکنه کوره صلح منفرد مسئله سندن طولانی جمعیتله یینلرنده حاصل اولان کرکینلک مشار الیهک موقع صدارتدن چکملرینی انتاج ایتدیکندن مقام صدارت آرتق طوغریدن طوغری یه جمعیتک الیه کچمشدن .

صدارتدن بو وجهله استعفا وانفکاک ایدن پرنس سعید حلیم پاشا حضرتلرینک یرینه بر دیگرینی کتوروب اثنای حربده بر مسئله چیقارمق و یاخود دولتی حربدن استنکاف ایتدیرمک کبی احواله معروض بر اقق حامی اعظم جمعیت اولان آلمانیا ایمراطوری و یلهلمی کوجندیرمک دیمک اوله جفندن (جمعیت که تعبیر و جیز یله طلعت دیمکدر) بو کبی احواله محل و میدان بر اقمی موافق کورمدی بناء علیه زمام اداره یی طولایسیله قوللانمقدن صرف نظرله طوغریدن طوغری یه اله آله رق کندیسنی صدارته تعیین ایتدیرمکه صدارتله جمعیت برلشمش اولدی .



طلعت پاشانک صدارتی — صدارته تعیین اولونان طلعت بک تعامل قدیمه تشریفاتی و اصول موضوعه دولت موجب بنجه پاشالق عنوانی ده اکتساب ایلدی . صدر اعظم نخامتلو دولتو طلعت پاشا حضرتلری اکابر رؤسای اتحادیه دن بر قابینه تشکیله ایشه باشلادی . اوصرده مصرده بولندیغمزدن رفقادن بر ذاتله بر محله بولنیوردق طلعت پاشانک صدارته تعییننه دائر تلفراف کلمکه مومی الیه بالبداهه عاجزلرینه خطاباً آتیده کی یتتی سویلمش ایدی .

— بیت —

سن یاقیشماز دیرسک اما کل باشه شمشیر طراق
صدر اعظم اولدی طلعت جلوۀ تقدیره باق

فرداسی کونی ینه مومی الیهله برلکده بولندیغمز صروده طلعت پاشا قاینه سی
ارکانک اسمیسنی مبین کلن تلغرافی اوقودقدن وانور پاشانک ده حربیه ناظری
اولدیغنی اکلاقدن صوکرده بیت آتی بی سویلمشدر .

— بیت —

طلعت اولمش صدر اعظم اته آلمش انوری
اتحادک سایه سنده ملکک آلت اوست هریری

حقیقه شوزاتک دیدیکی کبی طلعت پاشا قاینه سی سرعت سیر یله مملکتی آلت
اوست ایتمشدر .



صدر اعظم طلعت پاشا حضر تلی

S. A. Talaat Pacha (Grand Vézir)

طبیعی طلعت پاشا و رفقاسی مملکتک اعظم رجال سیاسیه سندن (۱) و آلمانیا نك
بندكان صداقتنشانندن اولدقاری جهته ابراز خدمت و صداقت خصوصنده اولجه
كن قاینه لك جمله سنه فائق ایدی .

طلعت پاشا قاینه سنه نه نام ویرمك لازم كلیر ؟ چونكه قاینه سنه بالفعل قتل
وجنایتلر اجرا وایقاع ایدن بر چوق جانیلر داخل ایلمش وكندیلمیده رئیس
جانیا ن اولدقلرندن بو قاینه یه حكومت قاینه سی دیكه انسان حیا ایدر .

بونك ایچون رئیس اشرا و اشقیا طلعت پاشا نك شو قاینه سی مختلط جانیلرك
اتحادیله تشكك ایدن بر قاینه اولدیغندن (قاتلار و جانیا ر قاینه مختلطه سی)
ویا (اتحاد و ترقینك اك جانوار و خونخوار صوك قاینه وچته سی) دینیلیر .

طلعت پاشا قاینه سی حرب زمانده كلمش و آزمان ظرفنده مملكتده بك بویوك
ایشلر (۱) كورمشدر .

اعدام ایدیله میان وقورشونه دیزيله مین بقدر وطنپروران و مخالفان واریسه
هپسنى تمیزله مش عقل و فكره كلمیه جك درجه ده مظالم و جنایتلر اجرا ایلمشدر .

اسلام و خرستیان بر چوق مظلومین ملت سیار بر عشرت حاله قونلمش
طر بزوندن . قسطنطنییدن ، سیواسدن چیقاریلانلر ممالك عثمانیه نك اك بعید
محللرینه زور ، حلب حوران و كركوك چوللری كبی محللره یا یا اوله رق سوق
و هجرت ایتدیلمش و یوللرده آچلقدن و صوسزلقدن و مزاحم سفر یه دن یوز ییكلرجه
قادی ن واركك وچواق چوچق ترك حیات ایتمش و برطاقم مظلومینده بوجانی
قاینه نك امریله یوللرده قتل و اتلاف اولمشدر .

روایتہ نظراً قتل و اتلاف ایدیلنلرمیاننده اكابر اسلامیه و اغنیای خرستیانیه
و مأمورین روحانیه دن ییكلرجه ذاته بر صورت غدارانه ده قتل اولمشلردر .

اهالی و تبعه سنى بو وجهله قتل و افنادن حذر ایتمین بو حكومتك بو كبی فضایح
وجنایاته جرأت و ارتكاب ایتمی سلامت مملكت و ملت ایچون اولیوب عناصر
مختلفه بیننه القا ایدیكى منافرت و مخالفتی تزید و تشدید ایدرك ملتك استقبالده
راحتنى سلب و اخلال ایتمك و بونقی واجلا و هجرتدن بالاستفاده مظلومین
و معدورینك نقود و اشیا و اموال موجوده سنى چته لری افرادیله فدائی جانیلرینه
غصب و یغما ایتدیروب جمعیتك قاصه سنى طولدیرمق و فارماصون و سیونیست
جمعیتلرینك اوامر و القا آت فاسده لریله آلمانیا ایمپراطوری و یلملك اراده خائنانه سنى

حقيله اجرا وايفا ايلدكلريني كوسترهرك منافع خسيسه وسقيمه لريني تا مين و افعال
جانيانه لرنده دوام ايتمكدن بشقه برشي دكلدر .
بوجانيلر بونسلكلده قالميوب مملكتتمزي بر هر ج ومرج ايچنده براقدقن صوكره
عالم اسلامده تعرض وتجاوزده بونمشلردر .



شيخ الاسلام موسى كاظم افندي حضرتلري

S. A. Moussa Kazim Effendi

Cheikh - El - Islam

بر طرفدن آلمانيا امپراطورينك فكرلرينه القا ايتديكي (توران) خيال خامي
ايچون جمعيتك رؤسا و خطبا و فدائيلرندن يوزلرجه سني ايران، بخارا، افغانستان،
تركيستان وقفقاسيه و بلاد سائره اسلاميه يه سوق واعزام ايله بورالرده مسكون
عناصر اسلاميه و خريستيانيه يي بربرلري عليه نه دوشورهرك اورالرده عصيانلر
وقياملر چيقارتمشلر و افرىقا قطعه سنده كي اهالي اسلاميه يه ده اسلامق نقاب
وكسوه سي التنده كورينهرك بالاغفال بونلريده هم جوار حكومتلري عليه نه قيام
ايتديرمشلردر .

طلعت پاشا حضرتلریله تحت اداره سنده بولونان اتحاد و ترقی و فارماصون و سائر جمعیات خفیه منسوبین و حکومت اتحادیه رجالنک غیر قابل حصول اولدیغنی بک ابو بیلدکارینه شبهه ایدیلهمین بوکبی خیالات ایله اوغراشمیری و دولتک ملیونلرجه ایرالینی صرف ایتدیرملری نهدن نشأت ایدیوردی ؟

یوقاریده دینلدیکی کبی شوزمانده سیاست قابل اجرا اولمیان (توران) دولتک آلمانیا ایمپراطوری و یلهم ایله اتحاد و ترقی جمعیتک منافع و خاطری ایچون وجوده کلمسی ممکنمی ایدی ؟

بونک غیر ممکن اولدیغنی بزدن بک اعلا بیلن طلعت پاشا قاینهسی و اتحاد و ترقی جمعیتی نهدن بو خیال خام ایله بیچاره ملتی اغفال ایتدی ؟
 بزده بو سوأللرک تدقیق و تحقیقنی ارباب ذکا و عرفان ایله وقعه نویسان زمانه حواله ایدر و احسان عدلی بک افندینک (توران) حقنده اتحادیه قارشى سویلدکلری قطعه آتیهیی درج ایله اکتفا ایلرز .

« قطعه »

بر ملتی وادی خرابیه سوره رکن
 آلتون طاغه یو کسلیمی دیردک سر و بلم !
 درت بیلم وطنک خاکنی قانلرله یو غوردک
 (توران) نه که ، (حوران) نه که ای سیف مظالم !

ازان جمله افریقا چوللرنده و ساحله خیلی اوزاق مسافده بولونان مشایخ کرام عربدن شیخ احمد السنوسی حضرتلرینی دین و ایماندن مبرا کوندردکلری جملهجه معلوم اولان عونلریله اتفاقلرینه دعوت و عالم اسلامه خدمته جلب ایتدیلر .
 هیچ شبهه یوق که شیخ مشار الیه حضرتلری بو ساخته کار دینسز و حیاسز اشقیای شرره نک بوردیکی کسویه آلدانشار و خلیفه مسلمین و پادشاه اسلامیان نامنه حرکتدن چیکنمیان بوخذه نک اغفالاته قاپیلمشلدردر .

نصل اولور که شیخ مشار الیه حضرتلری حسب الدیانه و الشریعه خلیفه مسلمین اولان پادشاهمز افندمز قلماً مربوطیت تامه ایله مربوط بولندقلرندن بو دعوت و قیامه جواب رد ایله مقابله بیوره بیلورلر . بالطبع بولندقلری حال و موقع بو بولده حرکتیه مانع اولدیغندن عالم اسلام نامنه قیامه مجبور اولدیلر و بروجیه مشروح حرکت و قیامه باشلادیلر و باشلادیلر .

اتحاد و ترقی رؤسای معلومه سی پک رعنا بیلورلردی که بو حرکت و قیام دولت و ممالکتمز ایچون بر ثمره وفائده بخش ایتیمیوب یالکز اهالی اسلامیه و عرباندن بیکلرجه خلک شهادتیه آلمانیا حکومتک آمال سیاسیه سنه خدمندن منبعت اوله بیلیردی .

نته کیم ده او یله اولدی بونلرک اغقالات و تشویقاتنه قاپیلن شیخ سنوسی حضرتلری منسوبینندن وجوارلرنده بولونان عربان و عشایردن بیکلرجه افرادک شهادتدن بشقه بر نتیجه استحصالنه و دولت و ملت مزه یاردمه موفق اوله مدیلر .

دولت و ملت له ک زیاده اهانت و خیانت ایدن سمالردن :



حربیه ناظری انور پاشا حضرتلری

Enver Pacha Ministre De La Guerre

بو قاینه شیخ مشار الیهی اسلافندن زیاده اغفال و تشویق ایله آلمانیا امپراطورینه بر جمیله کوسترمک ایچونده شهزاده جوانبخت دولتو نجابتلو عثمان فواد افندی حضرتلرینی معیت نجابتناهیملرنده بر طاقم ضابطان و ذوات سائره ایله برابر

(مهراطه) طریقہ شیخ مشار الیہ حضرتلرینک نزدعالیترینہ سوق واعزام ایتک کبی بر حرکتدن ده چکنمدی .

ایشته شیخ سنوسی حضرتلرینی بوصورتله قیام ایتدیرن اتحاد وترقی جمعیتی بوندن بشقه افریقانک اورتہ سنده وسودان قطعہ سنک اتصالنده بولونان بر بحق ایکی ملیون نفوسہ مالک ومستقل بر اسلام حکومتی اولان (دارفور) سلطانلغندہده شیخ سنوسی حضرتلرینہ اوینادیغی او یونی اوینایہرق (دارفور) سلطانی علی دیناری اغفال ایله قیام ایتدیرمشدر .

دارفور سلطانی « علی دینار » بو اتحاد شریرلرینک اغفالایتیلہ انکیزلر علیہنہ قیام ایتدیکندن سوداندن سوق واعزام ایدیلن انکیز ومصر قوہ عسکریہ سیلہ حرب ایتمش ونتیجہ محاربہده سلطان مشار الیہ شہید اولہ رق سلطنت ومملکتی انکیزہ دولتنک ید ضبط واستیلا سنہ کچمشدر .

هیچ برطرفدن تعرض وهجومہ معروض اولیان وشمدی به قدر استقلالنی محافظہ ایدن و بوندن صکرہده دها زیادہ مستقلاً حرکتله حریشایہ جق اولان افریقاده کی یکانہ مستقل بر اسلام سلطانلغی بو اتحاد وترقی اشرا سنک اغفالانی اثری اولق اوزرہ خریطہ عالمدن سیلنوب محو و پریشان اولہ رق کتدی .

بو خائنلر یالکیز بزم مملکتتمزی محو واضمحلال ایله قالمیوب قطعات، خمسهده مسکون وموجود مال مختلفہ وحکوماتک انتظام اداره وراحتنی سلب ایچون لازم کان فضایح وجنایاتک ارتکابندن ده کیر و طورمدیلر .

والحاصل میدان انقلابہ آنیلدقاری کوندنبری نہ بز ونهده سائر اقوام بر راحت یوزی کورہ مامش و بوخذله ملعونہ همپاریلہ برابر دنیایی آلت اوست ایدرک بو کونکی حالہ کتیرمشدر .

طلعت پاشا قاینہسی حبسخانہلرده کی قاتللری ، جانیلری چیقاروب جمعیت اتحادیہ نک الک شریر فدائیلرینک ریاستنده چتہلر ترتیب ایتمش و بوچتہلرله بیکلرجه اسلام وخرستیان کویلرینی صویدیرمش و بر چوق مظلومین ملتی خاک هلا که سردیرمشدر .

بقایینہ نک جنایات متعدده سنی تعداد ایچون جلدلرجه کتابلر یازمق لازم کلور . یالکیزجه مملکتتمزده اجرا وار تکاب ایلدیکی جرائم یوزلرجه اثر یازمغه کفایت ایلر .

طلعت پاشا قاینه سی جانلیک ، اشقیاق ، یغماجیلق کبی جنایات وشقاوندن
ماعددا برده تاجرلک ایجاد ایلمشدر .

دوات وملته اک بیولک اهانت وخیانت ایدن سمالردن :



بحریه ناظری جمال پاشا حضرتلری

Djamal Pacha Ministre De la Marine

بو اشقیای مشهوره صویدقلرینی کافی کورمیه رلک تجارتدهده باشلاملری طبعی
بر حال عد اولنه بیلیر .

ذاتاً منفعت ذاتیه وشخصیه وتائمین منافع عزمیله تشکل ایدن بریم جمعیتدن بوندن
بشقه برشی بکله نلمز ایدی .

بو مجسم حمیت ووطنپرور اشرا فرصتدن استفادهیه قیام ایلله حال حرب
طولایسیله فیثاتلری کسب تزاید ایدن اتمعه واشیا وما کولات وسائرهدن مملکتهمزده
موجود اولانلری بعض محالره ادخار وحفظ واولیانلری جلب وجمع ایلله یوکسک
یوکسک فیثاتلرله بیچاره اهالی یه ییم وفروخت ایدهرلک ملیونلرجه لیرا صاحبی اولمشلردن .

از جمله هر خصوصه بونله معاونت واشتراك ایدن سلا نيك دونه لريله بالاشتراك
استانبول و بلاد سائره عثمانیه ده چویرمدکری دولاب قالماش و هم اونلر و هم ده
کندیلری ملیونلره لیرالر قازانمشدر .

بو بویله قالمش اولسه ایدی بلکهینه نظر مساحه ایله کوریلوردی . مع الأسف
بونلری تزید ثروت و سامان خرصی خزینه دولتی ده صویغه سوق ایتدیکندن
بر طرفدن خزینه جلیله مالیه ده ناظر بی اقتدار ی عودتی شهر جاوید بک همتی (!)
ودیکر طرفدنده حریبه نظارتی لوازمات عمومیه دائره سی رئیس بی حیا سی طوپال
اسماعیل حق پاشا نك غیرتی (!) ایله ملت مظلومه یه بار و تحمیل ایدیلن یوز ملیونلرجه
لیرا استقراضدن حاصل اولان آچه دن ملیونلرجه لیرا نك سرقتی ایله ملتی صوبلری
نظر مساحه و عفو شایان احوال دن دکلدنر .

اون سنه دنبری دولت و مملکته اهانت و خیانت ایدن سمالردن :



مالیه ناظر ی سلا نیکی جاوید بک

Djavid Bey Ministre Des Finances

طلعت پاشا قاینه‌سی آلمانیا دوستمزدن (!) استقراض ایلدیکنی اعلان و بیان ایلدیکی مبلغی کویا قارشولق اتخاذایده رک رفیق شریر شهیرلری دیون عمومیه عثمانیه عثمانلی داینلر وکیلی (طنینجی) حسین جاہد بکله مشترکاً بالامضا میدان نداوله وضع و اخراج ایلدکلری غیر معین المقدار ملیون لیرجه لیرالق ورقه نقدیه ایله دخی دولتی و ملتی افلاسه طوغری کوتوره رک بوندن دخی کلی مقدار استفاده تأمیندن چکنمدیلر .

میدانی واسع و بوش بولدقلرندن هر درلو رزالت و دنائت اجرا و ارتکابندن غالی

دولت و ملتہ الہ زیاده اہانت و خیانت ایدن سہلردن سفسطہ پرداز شہیر :



دیون عمومیه عثمانلی داینلر وکیلی وطنین غزته‌سی صاحبی

حسین جاہد بک

Hussein Djahid Bey Directeur et (Famenx) Redacteur
En Chef du Tanine

قالیهرق هر حال وکارده دولت وملتیزك محو واضمحلالی چاره سنی نحری و تهیه
ایله وظیفه لرینی بحق ایفا ایلدیلر .

خلاصه کلام اون سنه دنبری کان اتحاد قاینه لرینک یاپه مدیغی و یارم بر اقدیغی
هرنه درلو جنایت و شناعت و ارایسه طلعت پاشا قاینه سنی مدت قلیله ظرفنده
جهله سنی اجرا وایفا ایله مملکتی محو و پریشان ایلدی .

امیدایتدکلك ای دل او یارسه حکم تقدیره

ظهور ایلرسکا البت نه حاجت رأی تدبیره

فحواسنجه امید و اعتمادلری ارزوی فاسده لری کبی حکم تقدیره او یما یوب
عکسی ظهور ایتمش جهانیه میدان اوقویان آلمانیا دولتی مغلوبیته یوزطوغه
باشلامش اولدیغندن اتحاد و ترقی جمعیت ورؤسای متغلبه سنی فوق الغایه تلاش
و ترده دوچار اولدیلر .

حربه دخولدن اول ادرنه شمندوفر استاسیوننک بولندیغی قره اغاج موقعی یعنی
ادرنه نك قیوسی دیمك اولان استاسیونی حربه اشتراکی ایچون آلمانیا نك امریله
بلغارلره ترك و تسلیمه راضی اوله رق اتحاد اشقیاسی جهیله کوسترمش ایدیلر .
ایشته بودوستلرینک یعنی بلغارستانک دول متفقه اردولرینه مقاومت ایده میه جکنی
ا کلامسی و آلمانیا نك دخی آرتق کندیسنه یاردم ایده جک بر حالدن چیقمش اولمسی
مشاهده ایلمسی و کیردیکی بو حربه بدن ضرر سزجه چیقمق اوزره دول متفقه ایله
عقد متارکه ایلمسی خبری در سعادتیه ایریشدیکنی متعاقب سوریه قطعه سنک
ال دن کیده رك حلب، شام، بیروت و بلاد سائره مأمورینک دخی فراراً استانبوله
مواصلتاری اتحاد جیلره صاعقه کبی تأثیر و تلاش و توحشلرینی تشدید ایلمش
و تعقیب و اجرا ایلدکلی پلانی صویه دوشورمشدر .

بلغار حکومتک میدان حربه بدن چکلمسی و آوستریا - مجارستان دولتنک دخی
متارکیه آماده بر حالده بولمسی اتحاد و تعقیب ایلدکلی امید و تدبیری آلت اوست
ایلدیکندن جمعیت اتحادیه تخلص نفس چاره سنک تحریسنه دوشمش دولت
و مملکتی محافظه بی اونوتمشدر .

بو حاله دوچار اولان طلعت پاشا وقاینه سنجه یاپیله حق برایش برآن اول
ترك موقع و عار فراری ارتکاب ایلدی .

اوده طبقی بو وجهله صدارتدن استعفا سنی و برهرك رفقای شریه سنک ال

مہملرندن انور ، جمال ، دوقتور ناظم ، دوقتور بہا الدین شا کر ، مدحت شگری ، اسماعیل حق کبی اشراپی باشنہ طو پلا یوب و جمعیتارینہ و ذاتلرینہ عائد اوراق مہمہ و نقودی دخی آلمشدر . بولردن بعضی استانبولده بولونان آلمان کیلرندن برینہ را کبا قرہ دکز طریقہ روسیہ و آلمانیاہ و بعضی دخی وسائط سائرہ ایلہ دیگر محللرہ فرار ایتشاردر .

جمعیت و مملکتی ده رفیق شریرشہیرلی فتیحی ، احمد رضا ، احمد نسیمی ، رحمی ، جاوید ، حسین جاهد ، حاجی عادل ، خلیل ، کوزطیبی اسعد ، خیری . سلیمان نعمان ، ضیا ، کمال و سائرہ یہ ترک و تودیع ایلدی . طلعت پاشانک استعفا سی اوزرینہ حکومنی بر مدت دہا الدن چیقار مامق و حالہ دولتمزہ و ملتزمہ اک چوق اہانت و خیانت ایدن سیالردن :



اتحاد و ترقی جمعیتنک رکن اعظمی دوقتور ناظم بک

Dr. Nazim Bey Influent membre du Comité
Union et Progrès

کوره حرکت ایچون جمعیتجه کندی آدلارندن مرکب اولق اوزره بر قاینه
تشکیلنه قرار ویرلشدیر .

بعد الانقلاب دولت وملتله اهانت وخیانت ایدن سبالردن :



اوقاف ناظر اسبقی نیکده لی خیری افندی (*)

Haïri Effendi Ancien Ministre des Wakfs

(*) مدارس و مکتب حقوقده تحصیل ایتمش اولان خیری افندی بر مدت امور عدلیه ده
بولنمش و بعد الانقلاب منسوب اولدیغی اتحاد جمعیتجه مبعوث انتخاب ایدلمش و مبعوثلغی
اثناسنده قاینه یه اوقاف ناظری اوله رق داخل اولمشدر . مدرسه دن یتیش و تبدیل قیافت ایدن
بو ذات ایکنجی دفعه تبدیل جامه ایدهرک مشیخت اسلامییه تعیین ایتدیرلشدیر . بو مناسبتله
سویلنیلان قطعه آتیه درج ایدلدی . قطعه

بر صاریق برده اوزونجه جیه ...

شیخ ایدن شابی بوکون خلعتدر !

شیخ الاسلام اوله کلش خیری

کرچه فتوایی ویرمن طلعتدر !

احسان عدلی

بو صروده طرف اشرف حضرت پادشاهیدن مسند جلیل صدراتك صدر اسبق
لوندرو سفیری توفیق پاشا حضرتلرینه توجیه بیورلمسی جمعیت اتحادیهجه موجب
اندیشه وتلاش اولمش ایسهده صدر مشار الیه حضرتلری مصر غزته لرینگ روایتنه
نظراً اتحاد رؤسا سندن بر فردك قایینهسنه ادخالنه مساعدیه بیورمدقنرندن قایینه
تشکیلنه موفق اوله میوب یرلرینه اولجه ارکان حریمه عمومیه دائرلمسی ریاستنده
وحریمه نظارتنده ویمن قوماندانلغنده بولنمش وحریمه عمومی اثنا سنده روسیه
حدودی قوماندانلغنی ایفا ایتمش اولان عزت پاشانك تعینینه اراده سانیه جناب
پادشاهی شرفتمعلق بیورلمشدر .



در سعادتدن فرار ایدن صدر سابق طلعت پاشایی اسکی طانیانلردن اولدیفغمدن
مشار الیه حقنده بعض بیاناتنده بولمغه لزوم کوردم .

طلعت بوندن یکرمی ، یکرمی بش سنه مقدم طانیانلرجهده معلوم اولدیفغی
اوزره شایان محبت ، خوش صحبت ، نکته دان ، مسافر پرور ، حقوق طانیر
ارقد اشلق ایدیلور بر ذات ایدی .

طلعت لا یقیله تحصیل کورمدیکی حالدیه فکر ذکایه مالک برکنج ایدی . حال
فلا کتنده فرانسرجه تحصیل ایده بیلمش واولدقجه لسان مذکوره واقف اولدیفغی
وامور ادارهده جسارت صاحبی بولندیفغی جهتله هر ایشده موفق اولوردی .

طلعت کبر وعظمتدن بری ورققاسی حقندهکی معاملهسی هرشیدن عاری
اولدیفغندن بر چوق احبا ووادایه مالک اولدی .

طلعت انقلابدن اولکی زمانلرده غایت نازک وصادق واحباب پرور ایدی .
طلعت انتساب وداخل اولدیفغی جمعیتلره دخولندن اولکی حالی محافظه ایده ییله
ایدی . حقیقهً بین الاقران تمیز وترقییه لایق برکنج ایدی .

مع التأسف داخل اولدیفغی جمعیتلر هرکسك اخلاق وافکارینی نسیم ایلدیکی
کبی طلعتك ده اخلاق وعاداتی بوزمش وعادتا کندیسنی برجانی یاعش چیقارمش
وکوزلرینی ده حرص شهرت ایله کور ایتدیکنندن او بیلدیکز وسودیکز طلعت بام
بشقه بر حاله کلمشدر .

وا اسفا که ، بو جمعیتلره انتساب ایدنلر بشقه درلو بر حال کسب ایله حقوق
انسانیه وبشریه پی درخاطر ایده میور وانسانلقدن اوزاقلاشیور ایشته طلعت کبی نه

یایدیغنی بیلمز بر حاله کلیورمش .

اون سنه دنبری دولت و مملکته اهانت و خیانت ایدن سیمالردن :



مجلس مبعوثان رئیس و داخلیه ناظر اسبقی میلّاسلی خلیل بک

Khalil Bey Ancien Ministre de l'Interieur

جمعیت اتحادیه نك دیگر رؤّاسنك عار فراری ارتکاب ایده جککری مأمول
ایکن طلعتك فراری هیچ عقله کلمز ایدی .

بز طلعتی سوزنده ثبات ایدرظن ایدردك . چونکه طلعتك دولتی یا جمعیت
قورتاره جق و یا مملکت جمعیتك انده محو اوله جق دیدیکنی بیلملردن اولدیغمزدن
اون سنه دنبری فلا کتدن فلا کته سوروکلدکری دولتی بویله اضمحلاله
یووارلاندیغنی بر صروده قورتارمق و یابستون محو ایلمك شقلرندن برینی اختیار
ایدهرك بریره صاووشمیوب صدق مدعاسنی عالمه کوسترملی ایدی .

اتحاد و ترقی جمعیتله دیگر جمعیتلرک ممالک عثمانیه ده رئیس اکبر و عامل اعظمی
اولان طلعت بویله فرار ایدیویرنجیه طوغریسی بزلریده وله وحیرتله
ایچنده براقدی .

بز طلعتده جسارت مدنيه ي مشاهده ایدیور و تعقیب ایدیکی طریق بویه
باری یولده ترك ايله فرار ایتمز ظن ایدیوردق .

دولت و ملت اهانته و خیانت ایدن سهاردن :



اتحاد و ترقی جمعیتی کاتب عمومی و سیروز مبعوثی مدحت شگری بك

Midhat Chukry Bey Ex Député de Serres.

Sécretaire General du Comité Union et Progrès

ایشته طلعتك بو فراری عم کنديسني و همده الله طوتديغی و طوتديردیغی
جمعیتلری اولدیرمش و ممالك عثمانیه ده بوندن بویه بونار ایچون بر حیات اجتماعیه
بر اقامه شد .

طلعت و همپاسنك فرارلری مملکت و ملت ایچون باعث شکران اولسه کرکدر .
اگر بونلرك واستناد ایلدکلری قوتلرك مملکتهمزده نام و شانلری قالسه ایدی .
هیچ شبهه ایدیله مزك شمدي یه قدر ایشدکلری فضاحتك بیک قات فضله سنی
ارتکاب ایدرلر . ملت مظلومه یی عقل و فکره کامیان فلا کته سوق ایلرلردی .
طلعت شخصی اعتبار یله سودیکم بر ذات ایهده دولت و ملت مضرنی جهتیه
شایان نفرت و تلغیندر .

كرك بوفراريلر وكرك اليوم مملكتده قالان وحالا اسكى روللرنده دوام ايتمك ايستين جمعيت رؤساي سائره سنك يقينده جزاي سزالريني كورمكله ملتك قرير العين اولسي جناب قهار منتقم حضرتلرندن تضرع ونياز اولنور .

« مارسرما ديدهيه مولا كونش كوسترمسين »

مثل مشهورنجه جمعيت ورؤساي شريره سنك جناب حق بر دها مملكتمزده اجرأي نفوذ لرينه امكان وفرصت ويرمسون . ملت مظلومه معصومه يدهه انتباه احسان بيورسونده بوظلمه ومتغلبه نك اوينادقلى واورينامق ايستيه جكلى اويونلرينه بوندن بويله اولسون آلدانوب وايناغسونلر .



صدر اعظم عزت پاشا حضرتلى

S. A. Izzet Pacha (Grand Vezir)

عزت پاشانك صداوتى — مسند جليل صدارت عهده سنه توجيه بيوريلن نخامتلو دولتو عزت پاشا حضرتلى قاينه سي اركانى همان جمله دينيله جك برصورتده جمعيت اتحاديه رؤساسندن مركب اولق اوزره انتخاب وتشكيل

بیوردقلرندن مشار الیه قایینه سنک تشکلمدهده استانبولده قالان و برطرفده اختقا
ایدن رؤسای متغلبه نك یوقاریده بیان اولندیغی اوزره جمعیتجه ویریلن قرار
موجبجه روللرینی اوینادقلری تظاهر ایدیور

چونکه بوقایده نك حین تشکلمده طاعتار، انوار، جمالر و رفقای سائر سی
هنوز فرار ایتیمهرك استانبولده برطرفه صاقلانمش اولدقارنده بولندقلری محللردن
امرلرینی انفاذ ایتدیره بیلمشلردر .

طلعت پاشا قایینه سنک استعفا سی بلغارستانك عقد متارکه ایتمسندن و اوستریا .
بحارستانك ده داخلی قار یشمسندن طولای آلمانیا ایله درسعادت بیننده کی شمسندوفر
مناقلاتی تعطیل ایدلمش و دولت علیه جهده متارکه نی قبولدن بشقه برچاره بر اقامش
اولمسندن نشأت ایتمش ایدی .

زیرا طاعت پاشا و قایینه سی ارکانی حیاتلرینی و جمعیتلرینك بقاسنی تامین ایده
بیلمك امیدینی بسله مش اولسدر ایدی . متارکه نی دوندن عقده آماده و حاضر
ایدیلر . بوا مید کندیلر یچون بك ضعیف اولدیغنه و اوته دنبری یابزحو اولورز
ویامتارکه و صلح یامیمیز یولنده کی پرو پاغاندارینه طپان طپانه ضد اولان بومتارکه نی
عقد ایتمك حرکات مردانه لرینه (!) پکده موافق اولدیغنه بناء کندیلری
چکیلر رك رفقای سائر لرینه عقد متارکه ایتدیرمك و کما کان حکومتی اللرنده
بولندیرمقی مناسب کوردکلرندن استعفا ایله صورت ظاهره ده ایشك ایچندن
چیقویرمك ایسته مشلردر .

حالبوکه عزت پاشا قایینه سی ینه اتحاد و ترقی قایینه سی اولدیغندن بوحرکتلریله
عالمك کوزینی بویامغه بزجه هیچ بر لزوم یوق ایدی . شاید بونلر مردلك دعواسنده
ایدیسه لر قره کوز کی پرده آرقه سنده اوینامغه نه لزوم واردی . یامتارکه نی قبول
ایتمزلر و یا خود جاوید بك رؤف بك و عزت پاشا و سائر قایینه ارکانی کی رؤسای
جمعیتدن مرکب بر قایینه یه ده بواشی یاپدیرمز لردی . کندی سوزلرینك ارلری
اولدقلرینی اثبات ایچون محاربه یه دوام ایدر لردی . عجباندن بویله یاپمیدیلر ده
همپالرینه متارکه عقد ایتدیردیلر ؟

بوسوآلك جوانبی طبعی دولتلر طرفندن نشر ایدیلر جك بیاض ، صاری .
قرمزی ، مائی کتابلر کویستر و ویرر .

ایشته بو صورتله پرده التنده او یون اوینایان بوشریرلر عزت پاشا قایینه سنه دول

متفقہ طرفندن تکلیف اولونان شرائط متارکه بی بالقبول عقد وامضا ایتدیر دکلرندن
درت سنه دوام ایدن بو محاربه عظیمه دن دولت و مملکتی مع زیاده ضرر مادی
ومعنوی ایله چیقاردیلر .



مجلس مبعوثان رئیس و داخلیه ناظر اسبقی حاجی عادل بك

Hadji Adil Bey Ancien Ministre de l'Interieur

طوغریسنی سویلیه لم اون سنه دنبری (پادشا هلق) اویونی اوینایان بو عارسنز
ویاراماز چو چقلردنده بوندن بشقه نه امید ایدیلیر ونه بکله نیله بیلیردی !!
عزت پاشا قابینه سی کوندردیکی مرخصلرله دول متفقہ طرفندن متارکه نک
عقدینه مأمور ایدیلن انکلتزه دونماسی قوماندانی امیرال کلتورپ جنابلرینک تحریر
وتنظیم ایلدیکی متارکه بی همان عیناً دنیله جک بر صورتده قبول و ۳۱ تشرین اول
۱۹۱۸ تاریخنه مصادف پنجشنبه کونی امضا ایتدیردی .

شرائط متارکه ده چناق قلعه بوغازی ایله قره دکز بوغازنده کی طور پیللردن
بوغازلرک تظہیری و قلعه لره عسکر اخراجی مندرج اولدیغندن بر موجب متارکه

دول متفقہ قرہیہ عسکر اخراجیلہ قلعه لری اشغالہ و طور پیللرک طوپلاتدیرلسنه باشلايه رق چناق قلعه بوغازنی سیر سفره مساعد بر حاله قویغه باشلار باشله ماز یوقاریده دیندیکی وجهله استانبولده بعض محللرله غوبن زرهلیسنده مسافره مقیم طلعت پاشا ایله همپاری جملة استنبه قوینده بولونان مذکور غوبن آلمان زرهلیسنده طوپلانونب انکلیز فیلوسنک استانبول لماننه دخولندن اول بر آلمان کیسی وقره دکور طریقيله روسیه و آلمانیايه فراره قدم باصمشردر .

محاربه نك صوك دوردرلنده غلیانه باشلایان افکار عمومیه طلعت ورفقاسنک بوصورتله فرارلری اوزرینه اشتداد و تزايد ایتمش و غزته لرك روايته نظرا ذات حضرت خلافتپناهی «ده عزت پاشایه» (قایینه ده اتحادجی کورمک ایسته مدکارینی) بیان بیوردقلرندن استانبولده قالان اتحاد اشراسی نه یایه جقلرینی شاشیرمش و مترددانه و متلاشیانه بر حال و وضعیت دوشمشردر .

بو حال ایله اداره امور حکومت سکتہ طاری اولدیغندن عزت پاشا قایینه سی افکار اهاالینک غلیانه هدف اوله رق بر قیام وقوعيله دوشمکدن ایسه بالاستعفا بو ایشک ایچندن چیقمغی نفس و منفعتلرینه دها موافق اولدیغنی بالتأمل استعفا ی تقدیم ایله چکیلیمشردر .

عزت پاشا حضرتلری ارکان و رجال عسکریه میاننده موقع ممتاز صاحبی متفنن و مقتدر بر ذاتدر .

مشار الیه حضرتلرندن بو دولت و ملت بر چوق خدمات حسنه و نافع امید و انتظار ایدردی .

دولت و مملکت نافع خدمتله نام دولترلرینی سخائف توار یخیمیه شانلی بر صورتده قیده موفق اوله بیلمسی مأمول و منتظر اولان پاشای مشار الیه نصل اولوبده بو اشقیای شریره چته سی رؤسایله بالاتحاد بر زمان حکومت اتحادیه نك حربیه ناظراننده و بو حرب اثنا سندده روس حدودی قوماندانلغنده بولنمش و اناطولی ولایاتنده اتحاد و ترقی جمعیتی طرفندن اجرا ایدیلن فضایح و جناياته نظر مسامحه ایله باقمشدر .

مع الأسف پاشای مشار الیهده بو شریرلرک هر درلو امر و اراده لرینه انقیاد و افکار و آمللرینه خدمت ایتمشدر .

بو جانیلرله بالاتحاد حرکت ایتمک و هله شو صوک محاربه ده بولنلرک ارزوسی

وجهله ایفای خدمت ایلمک عادتاً اتحادک جنایت عظیمه سنه اشتراک دیمک ایدی .



آیدین ولایتی (از میر) والیسی و سلاطینک مبعوث سابقی رحمی بک

Rahmi Bey Vale de Smyrne ex député de Salonique

مشار الیهک بو وجهله بونلره سرفرو وانقیاد ایتملرینه هیچ برمعنی ویرهمدیکز
کبی بوصوک صدارتی قبوللرینه و بونلره برلکده بولملرینه دخی بردرلو عقل
ایردره میورز .

یز پاشای مشار الیه حضرتلرینی هیچ بروقت بونلره اشتراک ایتمز ومملکتی
بوشریرلردن تخلیصه موفق اولور امیدنده ایدک .

پاشای مشار الیهک اتحاد متغلبه سندن مرکب برقابینه ریاستنده بولملری حقیقه
شایان تعجب وتأسف احوالند .

صدر اعظم عزت پاشا حضرتلرینک شوصورتله چکیملری اوزرینه انحلال
ایدن مقام صدارتهینه لوندره سفیری صدر سابق توفیق پاشا حضرتلری تعیین
بیورلمشلردر .

توفیق پاشانك صدارتی — عزت پاشا حضرتلرینك استعفاسی وقوعه
مبنی مسند جلیل صدارت نخواستلو دولتو توفیق پاشا حضرتلرینه توجیه بیورلمش
مشار الیه حضرتلری طرفندن قاینه ارکانی بالانتخاب تعینلری اراده سنیة جناب
پادشاهی یه اقتران ایده رک ایفای وظیفه یه مبادرت بیورمشلردر .

اتحاد وترقی جمعیتك هر نه زمان باشی صیقلسه موقع صدارته توفیق پاشا
حضرتلرینك تعینلری اصول مرعیه حالی کسب ایتمش اولدیغندن پاشای مشار
الیه حضرتلرینك بودفعه ده مسند صدارتی اشغال بیورملری اوارجه ممنویقی
موجب احوال دن عد اولنور .

چونکه توفیق پاشا حضرتلرینك مسلم انام اولان تربیه ذاتیه ونزاکت
طبیعیه لرندن استفاده یه آیشمش اولان اتحاد رؤسایینه برمدت صوکره مستفید
اولمق امید و فکرینی بسلر لر . امثالی دلائیله ثابت اولدیغی اوزره بوتبدل دن ممنون
ومتشکر درلر .

بودفعه یالکیز صدر اعظم پاشا حضرتلرندن استفاده بکله میوب قاینه ده مع
التأسف اکثریتی تشکیل ایدن اتحاد اعضا ومنسو بنندن کندیلرینه یاردم بکلر لر
ومستفید اولمق ایستلر .

مع ما فیه بوکره امیدلرینك پک بوشه کیده جکینی واستفاده ومعادلت انتظار
وطاب ایلدکاری قاینه ارکانك یاردم ومعاونتلری شویله طورسون ارکان مشار
الیه مک موقع ومأموریتلرینی محافظه ایده میه رک چکیلر جکلرینی مأمول ایده رز .
زیرا بوندن بویله « ذات شوکتسات جناب پادشاهی » ایلر تبعه صادق
شاهانه لری اولان ملت معصومه مملکتده اتحاد وترقی نامنده بر جمعیت کورمک ایسته
مدکلری کبی اوجمعیته منسوب اولانلریده خدمت دولته بولندیرمق ایسته مزلر .
بوکا دلیل علانی اولمق اوزره دیرزکه . جمعیت ورؤساسنك مظالم واعتسافانه
نهایت ویرمک ایچون داخل ممالک عثمانیه ده بولونان تبعه صادق شاهانه ایلر
بوظلمه ومتغلبه اتحادک جور وظلمنه تحمل ایده میه رک ترک دار و دیار ایلر ممالک اجنبیه
ده بولونان وطنپروران ملت استعطاف واسترحامات متوالیه لریله « ذات حضرت
خلافتپناهی » یه مراجعتدن خالی قالمیورلر .

بو جمله دن اوله رق مصرده بولونان حقیقی وطنپرورلر طرفندن برچوق امضا
ایلر ده ۸ کانون اول ۱۹۱۸ تاریخیه آئیده صورتی عیناً مندرج عریضه تلغرافیه

فرانسزجه به بالترجمه رفع و تقدیم قلمشدر .

— تلغرافنامه صورتیدر —

جناب حق عمر وشوکت شاهانه لرینی مزداد بیورسون .

اون سنه دنبری اتحاد وترقی جمعیتک داخلی وخارجی تعقیب ایتدیکی سیاست سقیمه مملکتی بوکونکی حال فلاکته واردیرمش وبومدت طرفنده حقیقی وطنپروران طرفندن اصلاح اداره نامنه ابدال اولونان مساعی مع الاسف موفقیت بخش اوله مامشدر .

تخت عالی بخت عثمانی به جلوس همایونلری مملکتیز ایچون فاتحه سعادت اولدیغنده شبهه مز اولدیغندن اتحاد جمعیتک خاتمه عمری مقامنده تلقی اولمش وبناء علیه مواد آتیه نک خاکای شاهانه ارینه عرضنه جرأت ایدلمشدر .

اولا : انتخابی موافق مشروطیت اولیان مجلس مبعوثانک فسخی وممالک متمنده اولدیغی وجهله قانون دائره سنده سربست انتخابات اجرایی .

ثانیاً ، هیئت اعیانه اوصاف قانونیه یی حائز اولیه رق جمعیت طرفندن تعیین ایتدیریلن اعضالرك اخراجی .

ثالثاً ، یکی تشکل ایدن توفیق پاشا قاینه سنده اتحاد منسوب رجال بولندیرلماسی .

رابعاً ، اتحاد وترقی جمعیتی طرفندن اون سنه دنبری جرائم سیاسییه ایله محکوم ایدیلنلرك بلا استثنا و بلا قید وشرط عفوی .

خامساً ، جمعیت اتحادیه نک جرم سیاسییه به تطبیق ایده مامسندن ناشی لغرض جرائم عادیه ایله محکوم ایتدیکی اشخاصک اعاده محاکمه لری .

سادساً ، ملتی بلا لزوم حرب عمومی به سوق ایدن قاینه ایله اون سنه دنبری کلن وبرچوق جرائم ارتکاب ایدن وجمعیتک افعال جنائیه سنه مساعده واشتراك ایلین اتحاد قاینه لرینک وهر خصوصده اجرای نفوذ ایله قاینه لری اللرنده بولندیران رؤسای اتحادیه نک همان حبسیله تحت محاکمه یه آلنلری .

سابعا ، ممالک شاهانه لرنده موجود اتحاد قلوبلرینک سدوبندلری وشمدی به قدر آسایشی اخلا لدن بشقه برخیره یاره مین بو جمعیتک مسلککنده کی آنارشئی فکرو روحنک احساسی نیه متوقف ایسه انک اجراسیله مملکت وملته راحت یوزی کوسترلمسی .

سعادت ملت وسلامت مملکت نامنه مواد معروضه نک برآن اول موقع تطبیقه

وضعی مخصوصه مساعده سنيه لرينك شايان بيورلمسى بابنده وقاطبه احوالده امر وفرمان پادشاهمز افندمزكدر .

بيانات واقعه وصورتى مندرج تلغرافنامه دن اكلاشديغنه كوره حسيات ملت بسبتون تغير ايتمش ومملكتي قانونسزاق ، نظامسزاق ، مستبدلك ، آنارشيستلك كبي شيلرله اداره ايدن وبوكونكي حاله كتيرن اتحاد وترقى جمعيتى ايله رؤساي خونخوار وظالمه سنى رأس كرده كورمك ايسته ميور وايستميه جكدر .
بونلر بوندن صكره مملكتمزده رول چويره ميه جك واويونلرينه دوام ايده ميه جكدر .

فارماصونلق ، سيونيستلك كبي خلقى آلاييجى واويوييجى جمعيتلردن تولد ونشونما بولان اتحاد وترقى جمعيتى اون سنه دئيرى كوستردىكي احتراصات شخصيه وجنايات عديده ايله دوات وماتى بوكونكي حاله صوقمش اولديغندن بونى اكلامين افراد ملتدن كيمسه قالماشدر .

فران ماصونلك ممالك اجنبيه ده كندى مملكترلرينك منافعه خدمت ايتدكلى مروى اولديغنى حالده بزمكيلر مملكتي افنايه چاليشمشلردر .

بوندن بوييله ملت بوجمعيت وامثالى جمعيتلردن نفرت ايده جك وتربيه مليه سنك اساساتنى نظر دفته آله جق وقواعد اجتماعيه واخلافيه سنى بوسيع ايله جلادت وشجاعت فطريه سنى اراده ايله جك واتحاد وترقى جمعيتيله امثاللك ظلم واستبدادينه ميدان ويرميه رك باشلوباشنه ياشايوب منور بر ملت اولديغنى جهاننه اعلان ايده جكدر .

ايسته بو وجهله حركتى كنديسنه اس اساس اتخاذ ايدن ملت عثمانيه اصل ونسللرى غير معلوم مؤسسرين ورؤسايه مالك وصورت تشكلى معلوم بر جمعيت مستبدده ومضره يي مملكتمزدن دفع وطرده ايدرك دوات ومملكتمك سلامت وسعادت آتیه سنى تأمین ايله جكدر .

شوبيانامك صدقنى هنوز بش . اون كوندن عبارت اولان توفيق پاشا حضرتلرينك صدارتنده جريان ايدن احوال ارائه وثبات ايلدى .

اليوم رأس كرده بولونان توفيق پاشا حضرتلريده ارزوى ملت دائره سنده حركت بيوره رق قاينه لرنده بولونان برقچ اتحادجى نظارى اخراج وتبديل بيورلرسه هيچ شبهه يوقدركه او دقيقه دن اعتباراً اتحاد وترقى جمعيتى رؤساي معلومه سيله برابر

حکومت و دایه ایدیه جک وابدیا نام وشانی غائب ایلیه جکدر .
 بوندن بویله ده مملکتده اهالی مظلومه و معصومه بی آیاقلر الله اله حق و طبانجه
 وسائر ايله قتل وتهديد ایدیه جک ودولتی اونک وبونک کیفنه خدمت ایتمک
 وباخصوص آلمانیا ایمراطورینه بر جمیله ابراز ایلیمک ایچون حربیه سوق ایلیه جک
 ودولتک ومملکتک پاره سنی آلمانیا دن مبايعه ایتدیکی لوازمات حربیه و یروب
 بو مبايعاتنده ملیونلرجه لیرا چالهرق زواللی ملتی آچ ، صوسز ، چبلاق بر اقه حق
 نه بر جمعیت قاله حق ونه ده تشکل ایده بیله جکدر .

صدر اعظم توفیق پاشا حضرتلری فضائل اخلاقیه ، عفت ، استقامت ، حمیت ،
 نزاکت فوق العاده لر یله شهرت شعار افخم وزرای سلطنت سنیه دن بر ذات عالی
 صفاتدر لر .

سفارات سنیه ده وخارجیه نظارتنده وایکی دفعه ده مقام جلیل صدارتده
 بولنه رق ابراز آثار خدمت وصداقت بیوران وطنپروران دن بولندقلری جهتله
 بو دفعه کی صدارتدرنده دخی کندیلرندن دولت ومملکته نافع برچوق خدمتدر ایفاسی
 مأمول ومنظر در .

مملکتمز ایچون الک نافع اوله حق خدمتدرندن برنجیسی اول امرده دولتک
 قلبگاهنه نفوذ ایدن اتحاد وترقی جمعیتی رؤسای متغلبه وزور باسندن مملکتی
 تخلیص ایتمک ومملکتده اون سنه دنبری دوام ایدن آنارشیزتک کبی الک مدنی
 بر ملتی محو و پریشان ایدیه جک افعال وافکارک ازاله سنه همت بیورمق وآرتق
 بو کبی حالله تحمل ایده میه جک اولان ملتیه بوندن صوکره اولسون برار راحت
 وسکون یوزی کوسترمک ایچون لازم کلن اجرا آتک سرعت اجرا وتطبیقیله دولتی
 دوشدیکی شوگرداب آلمدن خلاص ایلملریدر .

مشار الیه حضرتلرندن امید وانتظار اولونان بو ایشلرک ایفا وتسویه سنه ده موفق
 اولملرینی ونام نخبمانه لرینک تاریخ عالمه خط زرین ایله کچمسنی دیلرز .

برادر عالیتبارلری جنتیمکان سلطان محمد رشاد خان حضرتلرینک عازم کلشنسرای
 معفرت اولملری اوزرینه تخت عالی بخت عثمانیه جلوس بیوران پادشاه نوجواه
 شوکتلو قدرتلو سلطان محمد وحید الدین خان عادل حضرتلری (*) صدر اعظم

(*) سلطان محمد وحید الدین خان ابن جنتیمکان سلطان عبد المجید خان حضرتلری ۱۲۷۷ سنه
 هجریه سی رجب شریفنک یکرمی برنجی کونی زینت بخشای مهد وجود اولملردر .

توفیق پاشا حضرتلرینک اجرا و ایفاسی تمیانتده بولندیغمز مسائلده موفق اولملری
ایچون پاشای مشار الیه امنیت و اعتماد هایونلرینی ابدال ایله هر درلو مساعدات
سنیهده بولنه جقلرینی بیان و ایضاحه حاجت یوقدر .



خليفة مسلمان دیشان و پادشاه عالیجاه عثمانیان شوکتلو قدرتلو
سلطان « محمد وحید الدین » خان عادل حضرتلری

Sa Majesté Impériale le Sultan Mohammed Vahid-el-din,
Khan, Khalife des Musulmans

چونکه : پیرایه بخشای سریر خلافت سمیر اولان سلطان « محمد وحید الدین »
خان عادل حضرتلری اوتیه دنبری ملکت قرة العین منمخرنی و سلاله عثمانیان
میاننده بی همتا و بی مدانی اولدقلری جهتله سلطنت سنیه لرینی وملت و مملکتلرینی
زوالدن و دوشدیکي شوحال اسف اشمالدن قورتاره جق و نام یاک عثمانی بی الی
یوم القیام ادا مه و محافظه ایتمیره جک قدرت و قوته مالک بر پادشاه عالی جاهد لر .
وجود هایونلری ملکت رفاه و سعادت و ترقی و تعالی سیه مملکتک تأمین سلامتی
ایچون ملته بر موهبة آلهیه در .

شهریار معالی تاجدار و شهنشاه عالی اقتدار شوکتلو قدرتلو پادشاهمز افندمز
حضرتلری فطرة ذکای خارق العاده یه مالک واجداد عظام معالی اتساملری
حضراتنه ازهرجهت فائق شجاعت و بسالتی حائزدرلر .

مسلم عالم اولان اقتدار و ذکای شاهانه لرینه انضمام ایدن علو عاطفت و مرحمت
هایونلری ایشه تبعه صادقه شاهانه لرینک رفاه حال و سعادتنه بربرهاندر .
پادشاه نوجه حضرتلری کوردکلری علوم اداریه و سیاسیه و تاریخیه ایله خاندان
عظاملری میاننده بی نظیر درار .

دوشونجهلری عمیق و نطق هایونلری غایت سلیمس و آچیققدر .
طالع هایونلری دولت و مملکتک اوغرا دیغی شوفلاکتلی دوره دن اول ذات
هایونلرینی تخت عالی بخت عثمانیه اقعاد و اجلاسه سوق ایتسه ایدی .
هیچ شک و شبهه ایدیله مز ایدیکه دولت و ملت بوگونکی حال فلاکته دوشمز
وسایه شاهانه لرنده رفاه و سعادتیه یاشار ایدی .

خلاصه کلام ذات حضرت خلافتیناهی بالجله مسلمین ایله تبعه صادقه
شاهانه لری ایچون بردر جهانقیمت و عالی همت اولدقلرندن شو بخرانیلی زمان
سلطنتلرنده بیله بر تجدد و تفرد ابراز بیوره رق دولت و ملتی ساحل سلامته
ایصال بیوره جقلری مأمول و منتظر درر .

همان جناب قادر المطلق حضرتلری بالارت والاستحقاق سریرارای خلافت
وسلطننت اولان خلیفه مسلمین ذیشان و پادشاه عالیجاه عثمانیان شوکتلو قدرتلو
سلطان « محمد وحید الدین » خان عدل حضرتلرینی کمال موفقیت و مظهریت
و عافیتله الی آخر الدوران تخت عالی بخت خلافت شاهانه لرنده بردوام بیورسون .
(آمین بحرمة سید المرسلین)



ایشته اوصاف جلیله شاهانه لرینی درج حیفه مفخرت ایتدیکمز « شوکتلو
قدرتلو پادشاهمز افندمز حضرتلری » برادر جنت مقلری سلطان محمدخان خامس
حضرتلری کبی بر زمرة قلیله اتحادیه نک النده باز بجه اولمقدن یک اوزاق اولدقلری
جهتله بوندن بویله اتحاد رؤسای شیرمه سی مملکت مزده کی دولاب تزویرلرینی
دوندیره میه جکلری طبعی و بدیهیدر .

بو بداهته قارشو ذاتا چرخ حکومتی اللرنده بولندیره میه جق اولان اتحاد و ترقی

جمعیتی نامی دفتر عالمدن حك و طی ایتدیرهرك یتیلوب کیده جکدر .
پادشاهمز افندمز حضر تارینك اثر همایونلرینه تبعاً حرکتی وجیهه ذمت
وعبودیت عد ایدن ملت وتبعه صادق شاهانه لری ایه یوقاریده دینلریکی کی
بو جمعیتدن چوقدن بیقمش و اوصامش اولدیغندن آرتق دساش ایلسانه و خنانه
سنه آلدانیه حق و بویله جهانده بر فکر سیامی و منفعتجویانه تعقیب اتمک ایچون
تشکل ایدن و آتیده کی وثائق و اشریات ایلده مثبت و مصدق بولونان فارماصون
وسیونست جمعیتارینك افکارینه خدمت ایلک اوزره خلوص یتدن نری و صرف
منفعت ذانیه و شخصییه ایچون اساس و تشکیل اولونان اتحاد و ترقی جمعیتنه دولت
وملتی قربان ایتدیرمیه جکدر .

بانی حریت و نکبهان مشروطیت اولدقلرندن و حریت و مشروطیتی محافظه
ایده جکدرندن بحث ایلله مملکتی خرابه زاره دوندیرن جمعیت ورؤسای شریره سنه
ملتک هیچ برکونا احتیاجی یوقدر .

ملت نجیبه عثمانیه بوکی پارلاق جمله لره آرتق احاله سمع اعتبار ایتمز و اشرای
معلومه یه ده آلدانمز .

بوندن بویله حریت و مشروطیتی ادامه و محافظه ایده جک انجق « ذات شوکسمات
جناب پادشاهی » در .

چونکه پادشاه نوجاهمز بر شهر یار عاقلدر لر . ترکار حقنده ژاپونیا ایلرک میقادوسندن
زیاده مشروطیت پرور بر پادشاه اوله جقلرینه قویاً امید و امنیت ایدرز .

اوله برسوری فارماصون و سیونست دوکونتییی اشرا دن حریت و مشروطیت
کسوه سیله استبداد و ظلم کورمک ارزوسنده دکلز .

ایشته بو شریرلرک سیونست بنده سی اولدقلرینه دائر حرب عمومیدن بر ایکی
سنه اول اسویچردک (بال) شهر ده موسیو (وولفون) ک ریاستده تشکل و اجماع
ایدن سیونست قونغرده سنده اتحاد جیلره تعلق ایتمک حسبیه حائز اهمیت اولان
نطق افتتاحینک بعض فقراتی بالترجمه بروجه آتی درج اولنور .

« سیونست قونغرده سی نطقندن ترجمه اولونان باشلیجه فقراتک صورتیدر »
روسیه ده کی موسویلر حقنده روا کور یان مظلوم و اعتسافات کوندن کونه ده
تحمل فرسا بر راده یه کلمه کده در . رومانیایا حکومتی ، رومانیاده لی موسویلرک اصلاح
احوالی حقنده بعض احکام معاهداته رعنا . کندی اراضیسنده کی موسویلری

بوتون حقوق سیاسیه ومدنیہ لرندن محروم براقیور . دیگر بعض ممالکده موسویلره قارشی برطاقم افکار باطله پرورده ایدیلور . بعضاً الہ اهمیتسن بر حادثہ مناصبتیلہ موسویلره قارشی حقیقی بر نفرت اظهار اولنیور . یکانہ امیدمز ترکیاده در (۱) بر کون اولوبده احوال مزده بر اثر صلاح کوریلہ جک اولور ایسه بونک ترکیا سایه سنده (۱) اولہ جغنه شبهه یوقدر . سنہ لک انقلابات سیاسیه سی اوزرینه ممالک سائرده کی دین قرینداشلر مز اقوام سائرہ نک حائر اولدقلری حقوق و منافعک عینہ مظهر اولمشدر . موسویلره ترکیاده بخش اولونان حقوق متساویہ نک جدیتندن امین اولق لازم کلیر . ذاتاً ترککار اوتہ دنیوی موسویلر حقندہ خیرخواهانه طاورانشدر . هر یرده بزه نظر استحقار ایله باقلدیغی وحقمزده انواع مظالم واعتسافات روا کورلدیکی مظالم بر ماضیده ترکیا اسپانیادن طرد اولونان موسویلر ایچون بر ملجأ تشکیل ایتمشیدی . موسویلر اوزمان ترکیانک مهماننوازلغنه فصل کونمشلر سه شمدیده اوله کوره نیورلر . واقعا بوصرده ترکیاده سیونیزم عامهنده بر جریان افکار پیدا اولمشدر . تک توك بعض اشخاصک جهالت یابدخواهلیغی نتیجه سی اولان بو حرکت وجریان طول مدت سوره مز . زیرا بو جریان بر طاقم محاکمات باطله ومستخبرات غیر حیجهدن تولد ایلمشدر . بزم الک زیاده تأسف و تائرمزی موجب اولان شی بزم کی موسوی اولان بعض کسانک افکار عمومیه یی بزم علیمزده چویرمه یاردم ایتملریدر . بوکیلر بو حرکتار یله بتون موسویلرک رفاه و سعادت یی دوچار تهلکه ایتدکارینی هیچ دوشوننیورلر . مع مافیه بر کون کله جک که حقیقت میدانہ حقیقه جق و اوزمان (سیونیزم) حرکتک کرک موسویلر و کرک دوات عثمانیه ایچون بیوک بر نعمت (۱) اولدیغی اکلشیلہ جقدر . ممالک عثمانیه اقتصادیات نقطه نظرندن عصر لرجه اہمال ایدلمشدر . ترکیا بوکون هر زماندن زیاده خارجدن کله جک و نافع بر عنصر (۱) تشکیل ایدہ جک مهاجرلره محتاجدر . ترکیا ایچون ماچاسمز موسویلر قدر صادق (۱) فائده بخش مهاجرلر بولنہ مز . ترکیانک قانون اساسیسی بزم امنیت شخصیه مز (۱) ایچون بر ضمان و کفالتدر .

دوات عثمانیه نک اجزای متممه سندن (ارض فلسطین) ده بر ملجأ و ماوی تدارکنہ (۱) معطوف آمال و تصورات پرورده ایتمکه کندی مقدارتمزی ترکیا نککنہ ربط ایتمش بولنیورز . کویا (ارض فلسطین) ی (۱) دولت عثمانیه نک

جسمندن قوپارمغه ومستقل بر موسوی حکومتی تشکیل ایتمکه جالیشدیغیزی
ادعا ایدنلر بونی یاقره برجهالت (۱) و یا بیوک بر خیانت (۱) سائنمه سیله سور یلیورلر ،
کویا بتون مساعی وتشبثاتمز (۱) مستقل بر موسوی حکومتنک تشکیلنه معطوف
ومصروف (۱) بواندیغی حقنده کی مصالحه خلق اینانديرمق ایچون دوقنور
(هرچهل) طرفندن قلمه النان (حکومت موسویه) نامنده کی اثر اوکه سور یلیور
واثر مذکورده بسط وتمهید ایدیلن نظریات ومطالعات بزم خط حرکتزه اساس
اولق اوزره کوستریلیور . حالبوکه بو محاکمه عنایه (۱) بالاده کی ادعایک باطل
اولدیغنک اک صریح دلیلدر . (هرچهل) حکومت موسویه عنوانی اربی
یازدیغی زمان (سیونیزم) نه اولدیغی همان همان بیلمیوردی . هومی الیه موسویک
مسئله سنی دنیا نك لاعلی التعمین بر کوشه سنده بر حکومت موسویه وجوده کتیرمک
صورتیله حل ایتمک فکرنده ایدی . مع مافیه (هرچهل) سیوانستار ایله مناسباته
کیریشدکن وحرکتمزک ماهیتنی (۱) لایقیله اکلا دقن صوکره مستقل بر حکومت
موسویه تشکیلی مسئله سنی بردها قاله آلمدی (۱) بر پروغرامزده املار یزی ،
امیدلری یزی ، مقصدی یزی مختصراً وواضحاً بیان ایلدک .

(سیونیزم) ارض فلسطینده موسویلر ایچون حقوق عمومیه نك تحت نامینده
اوله جق بر ملجاً تدارکنه (۱) معطوف بر حرکتدر . دقت ایدلسون بر حکومت
موسویه دن دکل انجق اجدادمزک وطننده بر ملجاً تشکیلدن (۱) بحث ایدریورز .
اویله بر ملجاً که اوراده موسوی صفتیله (۱) یشایه بیله جکر وهیج بر معامه
اعتسافکارانه یه معروض قالمق سزین اوصاف وخصائل ملیه یزی محافظه ایده
بیله جکر .

بزیکی وحر برکیاده (۱) امنیت شخصییه وملیه مزک ضمانت وکفالتی ترکیانک
مؤسسات مشروطه سنده (۱) کوریوریورز . مع مافیه بزم حکومت عنایه دن طلب
ایتمکه مجبور اولدیغیز بر شی وارسه اوده موسویارک بلا قید وشرط تابعیت
عثمانیه یه داخل اوللارینه امکان بر اقله سی وکندیلربنک بلا مانع (۱) موسوی
ماتنک آداب وعاداتنه کوره یشایه بیلمایدر . بزم غایه امان (۱) معصور و ذقنرت
بر دولت عثمانیه داخلنده مرفه بر ملت موسویه حالنده دمکذار اولمقدر .



سیونيست قونفره سی رئیس موسیو (وولقون) ک بونطقی مدققانه مطالعه

وتدقيق اولورسه سيونيستلارك كيملر اولديغي وسيونيستلك نه ديك ونه مقصد ايچون تاسس وتشكل ايتديكي تظاهر ايدر .

رئيس افندي نطقنده (يكانه اميدمز تركياده در . بر كون اولوبده احوالمزده بر اثر صلاح كوريله جك اولورسه بونك تركياسايه سنده اوله جفته شبهه يوقدر) دييور . شو جمله لره ديك ايسته بوركه تركيا حكومتى بزم المзде در . پلانمز موجبنجه انى آلت اوست ايتدى بزه بر اثر صلاح كوريلور يعنى ارز و ايتديكمز يهودى حكومتى اولور بوده انجق تركيه سايه سنده اوله جقدر ديك اتحاد وترقى جمعيت و حكومتى سايه سنده ديمكدر . برده رئيس افندي دييوركه (تركياده موسوييله بخش اولونان حقوقك جديتندن امين اولمق لازم كير) بو طبيعيدر ملكتمز ذاتا كندى اللرنده اولديغندن ايسته دكارى كې منافع وحقوقلارنى امين ايدرلر و ايتديار . ينه رئيس دييوركه (سيونيزم حركتنك كرك موسوييلر و كرك دولت عثمانيه ايچون بيوك بر نعمت اولديغي اكلاشيله جقدر) ايسته بو جمله لك زياده جالب نظر دقت اولسه كركددر . زيرا رئيس موسى اليه بزيهوديلار يعنى سيونيستلر آلمانياي الله ايتدك و تركياي ده انكله اتفاق ايتديردك و آلمانياي حرب عمومى ايچون حاضر لا مقده يز بر حرب عمومى ظهورنده تركيايه وعد ايتديكمز وانكله اهالي سنى اغفال ايتديرديكز (توران) ياپيلير تركلر ايچون بر نعمت اولور بزه ده وعد ايديلن (ارض فلسطين) و يريلور يهوديلارده بو نعمتدن مستفيد اولور اعتقادنده اولديغندن بو جمله يي درميان ايد دييور . بونكله ده ديديكز كې آلمانيا حكومتى الله اتحاد وترقى جمعيتى سيونيستلارك امر و آمانه آماده برر آلت اولديغي اكلاشيلور .

برده رئيس افندي (يكي و حر تركياده امنيت شخصيه و مليه مرك ضمان و كفالتنى تركيانك مؤسسات مشروطه (!) سنده كور دييورز) دييور .

زيرا اون سنه در تركيا حكومتى ديك سيونيستلر ديمكدر . بوكا هيچ شبهه مز يوق . مؤسسات مشروطه تعبير يله ده اتحاد وترقى جمعيتنى اياما ايدن رئيسدن بزه سوال ايدم كه يكي و حر ديديكى اون سنه لك جمعيت اتحاديه وسيونيست حكومتى اولمادن اول عجا اسكى تركيا يهوديلر حقنده مظالم واعتسافنده بولنديمى ؟

بوقسه انقلاب دهرى كندى تربيت كرده لرى اولان رؤساي متظلمه اتحاديه لك اجرا ايلديكي جنايات ومظالمدن يوز بيمك ده برينى ياپديمى ؟

اسکي ترکیا اتحاد و ترقی جمعیتک خرسیتیانلر حقنده روا کوردیکی افعالدن برینی اجرا و یامعابد و مذاهب دینیہ لر یله موسویلرککنه تعرض و مداخله ایتدینی ؟
یالکز اسکي ترکیانک قباحتی سیونیستلره بنده اولدینی و (ارض فلسطین) ی انلره و یرمکه وعد ایلمدیکی دکلمیدر ؟

بو مسائلی اوزون اوزادی یه تدقیق و مناقشه یه شو اثر مساعد اولمديغندن تطویل کلام ایله اضاعه و قته لزوم کورمیوب درج ایتدیکم نطق فقرات مترجمه سیله سرد و بیان اولونان مطالعات و استانبولده منتشر (بیان الحق) جریده سنک طر بزونده کی (اقبال) غزته سندن نقلا یازدینی مقاله و بیان مطالعه سی قارئین کرامک افکارینی تنویره کفایت ایدر .

— صورت مقاله —

— طر بزونده منتشر اقبال غزته سندن اقتباس اولمشدر —
اوت . بویکی دشمن بوندن یکرمی عصر اول . عثمانلی ایمراطورلغنک و (ارض فلسطین) نامیله یاد ایدیلن بر قطعه قیمتدارندن مجبور هجرت اولمش عبرانیلر احفادی بو کونکی موسویلرک افکار مفرطه اخیابندن (سیونیستلر) نامنی طاشیان کتله در . مساک استیلا کار یلری (سیونیزم) نامیله یاد ایدیلن بویکی یهودیلر اجدادینک بنی اسرائیل قطعه سنده غنوده تراب عدم اولان خاطرات ماضیه سنی احیا ایتک و اراضی مقدسه ده یکی بر دولت متمدنه اسرائیلیه تشکیل و تأسیس ایتک و نهایت بوتون بوتون دنیاده کی ملت موسوبه یی ارض موعودک قیزغین چوللرنده ، منبت وادیلرنده « حضرت موسی » نک معبود اعظمی ایله موعده ملاقاتی و « اوامر عشره » نک محل اخذ و تلقیسی اولمش بر سمای فیوضاتک قبه شمشعه داری التنده ، اقوام سائر نک پنجه قهرندن قورتاره رق بر حیات استقلال ایله وایه دار بر عمر حضور و سکون ایله یاشاتمق . امل عظیمیله بو کون یشایورلر . چار اقطار عالمه صاحلمش ، موجودیت سیاسیه سنی غائب ایتمش بر ملت قدیمه ایچون بو امل طبیعی الحصولدر . فقط اقسام وطنی ، هر نه شکلده اولورسه اولسون استیلا کار قوتلره قارشى مدافعه ایتکده بالطبع معقول و مشروعدر .

بناء علیه سیونیستلرک بوتون بو امل اوغرنده کی تشبثاتی خطوه بخطوه تعقیب ایتک واکا کوره مملکت مزده تدابیر مانعه اتخاذ ایلمک ، حکومت مزک . دها

طوغریسی ملتیزك اك مهم وظیفه وطنپرورانه سیدر . بكونكى دشمنك مملكتتمزی
فتح ایتك خصوصنده کی آمال وحرکاتی بر نظر امان ایله تدقیق ایدرسهك بی
شبهه ، غریب بر فکر استیلانك مواجهه سنده بولونورز ... ساحه ارضده نشو
ونما بولان نسل بشرك وقت وقت عائله لر ، قبیله لر ، دولتر تشکیلی خصوصنده کی
کچیردیکی اشکال ماضیه وحالیه اصلا مشابهتی اولمدیغنی کوریرز . علی الا کثر
حرب و ضرب ایله غصب و غارتله و یاتغبله تشکل ایدن حکومتلرک والحاصل
محصول تحکم و ظلم اولان دولترک مناقب تکاملاتی ایله مناسبتدار اوله میه جغه
قناعت ایلرز . ایشه بویکی دولت ماحوظه ، موجودیت مستقبله سی ده یکرمنجی
عصرک بدایع خارق العاده سی کبی یکی بر بدیهه مدنیت ، یکی بر نمونه غالبیت
اوله رق ، بو عصرک و بلکه ده اعصار آتیه نك بر وقعه خردسوزی تلقی ایدیله جك
بر طرزده نشو و نما بولمق ایسته یور . دولت و ملتیزك قدرت اجتماعیه و سیاسیه سندن
تمنی ایده لم که وطنیزك بر عضو قیمتداری عصر حاضر و مستقبل ، اوزرنده بویله
بر حادثه خارق العاده ایله کسب امتیاز ایله مسین (ارض فلسطین) ایله جوارنده ،
سوریه قطعه سنده ، بریته الشامده ونهایت عراق عربده بتون او حوالی قدیمه
اسرائیلیه ده اراضی واسعه اشتراسیله ، مهاجرین موسویه اسکان ایتك و بو طریق
ایله محال مبارکه ده آتیا استحصال استقلال ایلیه جك بر موجودیت قویه عبرانیه
جانلاندرمق و زمان زمان تشبث اختلال و عصیان ایله مختاریت و ممتازیته نائل
اوله رق والحاصل دولت عثمانیه بی ماده ومعناً ضعیف دوشوردرک آنك انقاضی
اوزرنده یکی بر عضویت سیاسیه تأسیس ایتك صورتیله وارث ابدیسی اولمق
سیاستی سیونیستلرک اس الاساس حرکترلیدر . بونکله برابر ، مقصده وصول
ایچون ، تعقیب ایدیلن سائره ده واردرکه انلری ده سیونیستلرجه (موسوی
پریسی) یاد ایدیلن روسیه لی (اوشیکن) نام یهودینك پروگرام عنوانیله نشر
ایتدیکی اثرندن اوکره نیورز . (اوشیکن) بولاری درت نقطه ده جمع ایدیور .

۱ — ارض فلسطینده ثروت و معرفت جهتیله احراز غالبیت و مسابقت .

۲ — یهودیلرک قوای عمومیه سنی و سرمایه سنی جمع و تنسیق ایتك .

۳ — ملت موسویه ده حس ملیتی تزئید و توسیع ایتك .

۴ — تأمین مقصد ایچون دیپلوماسی طریقیه صرف مساعی ایلمك .

برنجی طریق موفقیت اراضی اشتراسندن عبارتدر . « ۱۸۳۹ » سنه سنه

مصادف اولان « ۱۲۵۵ » سنه سنده اعلان ايديلان تنظيمات « خط همايوني » ايله مملكتتمزده حقوق مدنيه و سياسيه اساسلاري وضع ايديلهرك مساوات و حریت اقايمی رشیم حالنده ميدانه چيقنجه . بوندن جسارتياب اولان يهوديلر ، ايكي بيك سنه اول ترك ايتدكلری (قدس شريف) سنجاغی حواليسنه هجرتنه باشلامشله و بوآنه قدر يوز بيك نفوسه بالغ اولمشلردر . انجق اون بيكي تابعيت عثمانيه يي حائز اولان بوكتله موسويه روچيلد كي يهودی اغنياسنك همتييله (قدس شريف) ده يوزيک دونم قدر اراضي اشترا ايلمشلردر .

عثمانلی امپراطوراني كي اراضي يي يوز مايون نفوسی بيله بسليه بيلان فقير و محتاج مدنيت بر دولتك مهاجر قبولی ، اعمار مملكت نقطه سندن جائز و حتی شايد ترغيب ايسه ده اقسام وطنه يرلشهرک اکتساب ثروت و قدرتدن صوكره امتيازات سياسيه استحصالنه قيام ايديه جاك هرهانكي بر فردی ، بر كتله مهاجر يي حدود حاكيمتدن بر خطوه ايلرو كچيرمامك ددها زياده الزم و اهم بر وظيفه تحفظكارانه در . بو كون روسيه كي سيونيزم تهلكه سنه معروف قلان بر دولت يهوديلرك ، اساساً پاك جاهل و غافل اولان موسقوف كو بلورينه قارشي حائز اولدقلری تفوق اجتماعي كندي ملتلك سعادتني ايجون بر فلاكت عديله انلری طرد و تبعيد ايتديكني جداً ملاحظه ايلرسهك بزم سيونيستلرك پيشداري اولد رق تلقی ايديلان مهاجرين موسويه يي قبول ايله كنديلرينك اراضي اشتراسته ممانعت اتمامه من . دولتمرك غير قابل عفو خطايای عظيمه سندن معدود در .

روسيه دن موسويلرك طردی يكي بر حادثه اولدغی كي بزده استملاك سياسی ده يكي ايشيدلمش دكلدر . قومشومزده كي بو تيقظ و شدة مقابل بزددكي مضرت بخش مرحمت و غفلت نه قدر ألمدر . واقعا ماخيده كي به مرحمت و غفلت صوك زمانلرده « آمال شخصيه » اندیشه سنه متاب اولديغنه و بودها زياده موجب فلاكت بولنديغنه شبهه ايديله من . حتی خفي و كيزلی اللرك بوتمايلات مليتپرو رانه لرينه انضمام ايدن احتراصاتی دوام ايدرسه پيك ازمان صوكره عثمانليارك باشنه بر (سيونيزم) غائله سی چيقاجغندن بحق اندیشه ايدلملیدر .

(بيان الحق جریده سنك مطالعه سی صورتیدر)

سيونيستلك حقهنده كي شو مطالعه اول و آخر (بيان الحق) ك تعقيب ايتديكي اساسلاري ايوچه آنديريمور . مع هذا سيونيستلكك ارض فلسطينه دخولی بتون

جمعيات سياسيه نك ظهيري اولارن فرماصونلقله كيرديكني بر چوق ادله اشعار ايليور كه مملكت مزده (سيونيزم) تهلكه سي نصل بزي دوشوندير ييورسه فرماصونلقده او تهلكه نك دوننده دكلدر . حتى — طوغري اولديغنه كوره — ارض فلسطينده تجمع ايدن سيونيستلر فرماصونلق اصولنه توفيقاً بر محكه نك بولنديغي و بو محكه نك حكنه جمله سنك كردن داده اولدقلى سويليور كه بوده بتون قواعد حقوقك فوقنده بر حركتدر . سيونيستلر ايله فرماصونلغى انكار ايدنلر قولاغى چينلاسون .
(بيان الحق) ۲۶ كانون اول ۱۳۲۷

(بيان الحق) جريده اسلاميه سنك بالا ه كى مطالعه سي حقيقه بك طوغري ونفس الامر موافق اولديغي وسيونيستلر ايله فرماصونلغى آبرى بر شى اوليوب توأم بولنديغي واضحاً كوسترلديكى جهتله اوزون اوزادى يه مباحثه و مناقشه دن صرف نظرله بوباده برقاج سوزله اكتفا ايدم .
فرماصونلق وسيونيستلر و بو كى ايجاد و تأسيس اولونان جمعيتلر ه بر مقصد خفى اوزرينه مؤسس اولوب اك قديم انسانلرى اك زياته آلداتيغي اولان جمعيتده فرماصونلقدر . فرماصونلق فرانسزجه ديوار ياپيچى معنا سنهدر .
ايشته فرماصون قارداشلك تأسيس و تشكيل ايتدكلى فرماصون لوجه لر ينك مقصد تأسيسى كويا بر لر ينه ياردم ايتك و انسانيته خدمت ايلمك ايچون ايمش .
كتب مقدسه ار به دن هيچ برى ابنائى جنسكزه معاونت و ياردم ايتم ييكز ديمديكى كى انسانلر قارداش دكلدر ديمه يور ديمك اوليور كه امر و اراده الهى وجهله كائناتده موجود انسانلر قارداش و بر لر ينه معاونتله ده مكلفدر لر .
طبيعى صاحب كتاب اولان اقوام ايچون ماصون قارده شلر جمعيتلرينه دخالتله قطعياً لزوم كوريله مز .

ما دامكه « جناب حق حضرتلى » بزلره بر بر يكزه معاونت و ياردم ايديكز بويور يور لر .

ابنائى جنسكزه معاونت و ياردم ايتمك كز با امر الهى وظيفه انسانيه مزدندر .
نصل اوليورده « امر الهى » يه اطاعت و انقياد مجبور يتنده اولان انسانلر بونص قاطعه اعتبار و انقياد ايتميورده شونك بونك يازديغى پر و غرام دائره سنده حركته مجبور اوليور .

بو جهت ابوجه تدقيق و تفكر اولنورسه بو جمعيتك انسانلره معاونت و ياردم

ایچون تشکل ایتمیوب خفی وخصوصی بر مقصده بناء ایجاد و تاسیس اولدیغی
نظاھر ایدر .

بونک ایچون انسانلر بر شیئک اصانی تخری و تدقیق ایتمکسزین فرعه آلدانه رق
هیچ بر جمعیت و فرقه یه انتساب ایتمایدر .

ذاتاً بر دین ایله متدین اولانلر منسوب اولدقلری ادیانک ارئه ایلدیکی شرائط
دائر سنده تماماً حرکت ایدر لر سه هیچ شبهه یو قدر که بویله بر مقصد خفی ایچون
تاسیس و تشکل ایتمش جمعیتلره انتسابدن بری وازاده قالیرلر .

حقیقتی بزم مجبولز ایسه ده ایشیدلدیکنه نظراً فرماصونلغی ایجاد ایدنلر عالمی
اویوتوب ادیان اورتهدن قالدیره رق دنیای الده ایتمک و بو وسیله ایله تعقیب
ایلدکلری مقصده واصل اولوب منفعتلرینی تأمین ایلمک ایستینلردر که مؤخرأ
ظهور ایدن جمعیتلرده انلردن ترشح ایتمش و دنیای بوکونکی حاله کتیرمشدر .

مع مافیه یتمینا آلدیغمز معلوماته کوره ماصونلق هر مملکتک سویه و تربیه
اجتماعیه سنه کوره تعین ایدر . بز مکیلرک بر زمین استبداد اوزرنده اجرای فعالیت
ایتدکلرینه نظراً مشروطیتی استحصال ایتدکلری کونه قدر ایقاع و ارتکاب
ایلدکلری جنایات متعدده یی — مقصده وصول ایچون واقع اولدیغندن مقبول
و مددوح عد ایداسه بیله — تعقیب انقلابده بر شکل مدنی و اجتماعی آلمغه اولاری
مجبور ایدردی . حالوکه رؤسای معلومه هر فضیله فضا حمله مقاله ایتمک
عادت متخذهلری اولدیغندن فرماصونلغک ترویج ایتدیکی اساساته دخی عین
لا ابالیلکه اهانت ایتمکدن کندیلرینی آله مامشلردر .

شوسرد و بیان ایلدیکم مطالعاتک اساسه یک مطابق و موافق اولدیغی فکرندیم .
شو فکر مصیبه ده کی اصابت وعدم اصابتی قارئین کرام واربانی وجدانلرینه
حواله ایدرم .

ماصونلق و سیونیستلکدن متولد اتحاد و ترقی جمعیتک ازهدت ظرفنده اجرا
ایلدیکی فضایح و جنایات دخی فکر و مدعاه دلیل کافیدر .

سیونست بنده سی اولان بزده کی اتحادجی قارداشار کوبا انسانیته معاونت
ویاردم ایده جک اولان بوجمیتلره حامیاری آلمانیا ایمراطورندن آلدقلری امرار
اوزرینه مملکتهمزده یامدقلری فنالق و جنایات قالمش و طوغریسی انهای
جنسلرینه منسوب اولدقلری ماصون جمعیتی پروغرامی وجهله معاونت

ویاردم (!) ایتمشلردر .

حتی بو قارده شلراك بیوک جنایتی ده اخیراً اجرا وار تکابدن چکنماشلردر .
اوده : ولی عهد سلطنت و خلافت یوسف عز الدین افندی حضرتلرینک
شهادتیدر .

ملکت قره العین افیتخاری اولان ولی عهد مشار الیه حضرتلری آلمانیا و اوستریا
دولتلرینک مملکتیز حقننده پیورده ایلدکلی فکر استیلاجویانه لرینی مطالعات
وتبعات تاریخیه دن اکلاقلری کبی اخیراً آلمانیا و اوستریایه واقع اولان
سیاحتلرنده دخی مشاهده بیوردقلرندن دولتین مشار الیه مانک بو فکرلرینه میدان
ویرلماک ایچون لازم کلن تدابیرک اجرا سیله آلمانیا سیاستندن دولت و مملکتی
قورتارمق اسبابنک استکمالانی خاقان مرحوم سلطان محمد خان خامس حضرتلرینه
عرض و توصیه دن کیر و طور میورلردی .

بونی بیلن اتحاد اشقیاسی و خبر الان آلمانیا ایمپراطوری و یلهلم ولی عهد یوسف



ولی عهد سلطنت و خلافت شهید مغفور یوسف عز الدین افندی حضرتلری

S. A. Le Prince Heritier Feu Youssef Izzeddine Effendi

عز الدين افندی حضرتلرينك قتل وشهيد ايدلملى ايچون لازم كان ترتيبانى
برقاچ آي اول اجرا وفعل مذكوري ايفايي تصميم ايلدكلى اوتوده بریده بولونان
آلمانلر واتحاد جيلر طرفندن سويلنيلوردى .

مملكتنى ، دولتى ، تختى كوز كوره اوغرامقده اولديغى اضمحلال وفلا كىدن
تخايصه چاليشن مشار اليهك جمعيت اتحاديه قاتللى طرفندن بر صورت خيعةده
قتل وشهيد ايدلمى جداً شايان تأسف ونفرت احوالندى .

شهيد مغفور يوسف عز الدين افندی حضرتلى جنتمکان سلطان عبد العزيز
خان حضرتلرينك نجل مكرملى اولوب (۲۱ صفر الخير ۱۲۷۴) سنه هجرية
سنده قدم نهاده عالم وجود اولدقلرندن اللى طقوز ياشلرنده ايدى .

بشكطاشده زنجيرلى قيونام موقعده كى قصر على نجابتهاهيلرنده شهيد ايدى
مشار اليه حضرتلرينك نعلش مغفرت نقشلى پدر معظملى جنتمکان سلطان
عبد العزيز خان حضرتلرينك مدفون بولندقلى استانبولده چيرلى طاش جوارنده
سلطان محمود خان ثانی حضرتلرينك تربة شريفه لرنده وديعة خاك رحمت رحمان
قلنمشدر .

(جناب حق شهيد مغفور مشار اليه غريق رحمت بيورسون)



مرحوم ومغفور يوسف عز الدين افندی حضرتلى اخلاق حسنه ومقبوله
مالك وفطرة نراكت واداب انسانيه ايله متحلى بر شهزاده على اولوب خندان
آل عثمان مياننده بر موقع مخصوص وممتاز احراز بيورمشلردى .

دولت وملتى يك زياده سور ووطنك تعالى وترقىسى ايچون هركونا غيبت
وفدا كارلقدن چكنمز وملت ومملكتى ايچون اجراسى لازم كان اصلاحاتك تطبيق
واجراسى ضمننده وكلاى ملت ومأمورين دولته دائماً تماسده بولنه رق مباحثه
ومذاكرات اجرا بيورر وبوندن متلذذ اولورلردى .

حاصلى ملت ووطن ايچون خيرلى بر وجود قيمتدار ايدى .

شو صورتله شهيداً وفاتلى مملكت ايچون ضايعات اليمه وعظيمه دن معدود در .
كرك ولى عهد مشار اليه حضرتلرينى قتل وشهيد ايدن وكرك ديكر قتل وجنايات
متعددې اجرا ايلين اتحاد وترقى جمعيتى قاتلرينك عن قريب الزمان جزاى سزالرينى
كوردكلرينى جناب حق جمله مزه كوسترسون .

یوسف عز الدین افندی حضرتلرینک ارنحاللری اوزرینه برادر عالی قدرلری شهزاده جوانبخت دولتلو نجابتلو عبد المجید افندی حضرتلری عادات مرعیه و اصول قدیم عثمانیه موجبنجه سلطنت سنیه و خلافت کبرای اسلامیه ولی عهد لکنی (*) احراز بیور مشردر .



ولی عهد سلطنت و خلافت دولتلو نجابتلو عبد المجید افندی حضرتلری

S. A. Le Prince Heritier Abd-ul-Medjid Effendi

ولی عهد سلطنت و خلافت دولتلو نجابتلو عبد المجید افندی حضرتلری سلاله آل عثمان ایچنده صاحب علم و معرفت بر شهزاده عالی مقامدرلر علم و ذکا ایله متصف و متحلی اولان ولی عهد مشار الیه حضرتلری صنایع نفیسه ده مالک اولدقلرندن چیره دستی مهارتلری اولوب ایادی احترامه وضع اولونان تابلولری شایان تحسین و تقدیردر .

(*) ولی عهد سلطنت و خلافت دولتلو نجابتلو عبد المجید افندی حضرتلری جفته مکان سلطان عبد العزیز خان حضرتلرینک صاحب همایونلرندن ۱۲۸۵ سنه هجریه سی صفر الحیرینک یدنجی کونی زور کواره شهود اولدقلرندن الیوم الی یاشلرنده درلر .

ولی عهد سلطنت عبد الحمید افندی حضرتلری هر خصوصده صاحب مهارت وکیاست بر ذات نادر الصفاتدرلر .

امور داخلیه و خارجیه و قوف نجا بپناهیلری دخی مسلم انامدر .
حلم و نزاکت و تربیه اخلاقیه مالکیترلری جمله جه معلوم و مسلم اولوب سیمای عالی نخیبانه لریده بوکا بر برهاندر .

ولی عهد مشار الیه حضرتلری عادات و السنه غریبه یه ده آشنادرلر .
والحاصل نجابت و ذکاوتلری دولت و مملکت خدمات خیریه و نافع ابراز و ارائه سنه دالر .

اخوت ، حریت ، عدالت ، مساوات کلمه لرینک متضمن اولدیغی معانی عالیّه سیاستی اس افکار اتخاذ ایتدیکنی اعلان ایدهرک میدان انقلابه آتیلن وسنه لردنبری استبدادک قوه تضییقه سندن بیزار اولان اهالی صافیه نک فوران حمیتدن استفاده ایدن و بوضورتله موقع اقتداره کلمرک اداره عثمانیه به وضع ید ایلین اتحاد و ترقی جمعیتی رؤسای معهوده معلومه سنک داخلده عدالته مقابل ظلم و تعدی ، خارجده صلح عمومی بی اخلال ایدهرک مسائل تحریر سیله مشغول اولدیغی کورن و بوحال ایله مملکتک ورطه فلا کته یو وارلندیغی حس ایدن ارباب ناموس و حیثیتدن بعض مبعوثین کرام مجلس مبعوثانک ایلک دوره اجتماعیه سنک صوکرینه طوغری بور رؤسای شریره دن دولت و مملکتک تخلصی چاره سنه توسل بیوره رق اتحاد و ترقی فرقه سندن افتراق ایله قره سی (بالیکسری) مبعوثی علما و صلحای اسلامیه و فضلا و ادبای عثمانیه دن فضیلتلو عبدالعزیز مجدی افندی حضرتلرینک ریاستلرنده (حزب جدید) نامیله بر حزب تألیف و تشکیل ایدهرک رؤسای معلومه اتحادیه دن آتیده کی اون ماده نک موقع اجرا و تطبیقه وضعی طلب ایلمشلردر .

حزب جدیدک موقع تطبیق و اجرایه وضعی طلب ایلدیکی مواد شونلردر .

- ۱ — مبعوثلرک امتیاز و سائر منافع تعقیب ایتمه ملری .
- ۲ — مبعوثلرک حکومت مأموریتی قبول ایتمه سی .
- ۳ — مبعوثلرک ناظر اوله بیلمسی ایچون فرقه جه رأی خفی ایله عدد مرتبک ثلثان اکثریتیه قبول اولنسی اصولنک تطبیق .

- ۴ — احکام قانونیه به تمامی رعایت و مسئولیت و کلایه دقت اولنسی .
- ۵ — کما کان اتحاد عناصره چالیشیمسی ، تجارت ، زراعت ، صنایع ،

- معارفك ترقيسنه درجهٔ احتياجه كوره غيرت ايدلسى .
- ۶ — اخلاق وآداب عموميهٔ دينيه ومليه نك محافظه سيله برابر غربك ترقيات وتكمالات مدنيه سنك ممالك عثمانيه ده انكشافنه خدمت اولنمى .
- ۷ — قانون اساسى دائره سنده عنعنات عثمانيهٔ تاريخيه نك ادامه ومحافظه سى .
- ۸ — مأمورينك تعيين وعزلنه انتظام قانونى ويرلسى .
- ۹ — حقوق مقدسهٔ خلافت وسلطنته متدائر قانون اساسينك بعض موادينك قواى ثلثه اساسنده كى موازنتى تأييد ايده جك صورتده تعديل .
- ۱۰ — مقاصد خفيهٔ مخصوصه يه بناء تشكلى ايدن جمعيتلرك حركات وآمالنه ممانعت اولنمى .



قره سى مبعوث سابق و حزب جديد رئيسى عبدالعزیز مجدى افندی حضرتلری

Abd-el-Aziz Medjdi Effendi Ex député de Karassi

حزب جدید طرفندن اوزمان ویریلن شو مواد عشره اتحاد وترقى جمعیتی
رؤساسنى فوق العاده تلاشه دوشورمش واتحاد وترقى جمعیتك دردنجی دفعه اجتماع

ایدن قونغرہ سنده موقع مذا کرہ یه وضع اولمشدر .

حزب جدیدک تکلیفات واقعہ سی سلامت مملکت نقطہ نظر نجہ بلا افاتہ وقت شایان تقدیر و قبول اولدیغی حالده بو موادی قونغرہ ده مذا کرہ یه وضع ایله وقت قزاق و بومدت ظرفنده (حزب جدید) اعضای کرامنی الہ ایمک عزمندہ بولونان اتحاد رؤسای منعمت ذاتیہ لری اوغرندہ مملکتی فدادن ذره قدر محتجب اولسه لردی بو بولده تشبثاته قیام ایله ایشی سورونجہ یه دوشورمز لردی .

هرنه ایسه دردنجی دفعه اجتماع ایدن اتحاد و ترقی قونغرہ سنه سوق و ارسال اولونان مواد عشره مذکور قونغرہ ده عریض و عمیق تدقیق و مطالعه اولمشدر .

مطالعه و تدقیق اولونان مواد عشره دن هیچ بر یسک تماماً و حرفیاً قبولی رؤسای اتحادک مسالک سقیملرینه موافق کلمیه جکی و بو موادک عدم قبولی ایسه اتحاد و ترقی فرقه سنک انقسامنه سبب اوله جفی ملاحظه سیله مواد مذکورہ نک بعضسنک قبولیله بعضسنک برر صورت و بهانه ایله جرح وردی قرارلشدیر یله رق قونغرہ یه ارسال اولمشدر .

شویله که ، قونغرہ مواد عشره نک برنجی وایکنجی ماده لری نی اساس اعتبار یله قبول ایتمش و بعض مطالعات سردایله تأخیره اوغراشمشدر .

اوچنجی ماده پک ایشلرینه کلمدیکندن عدم قبوله مظهر اولمشدر . دردنجی ماده ایسه مسئولیت و کلا یه دائر اولدیغندن بوده هیچ ایشلرینه کلاماش و بعض مطالعات سرد و بیانیله تأخیره اوغراشمشدر .

بشنجی ماده یه کلنجہ بونارک کافه سنه جمعیتجه چالیشدیغندن بو بایده یکی بر ماده قبولی حاصلی تحصیل دیمک اوله جغندن بو کالزوم بیله کورلماشمشدر .

التنجی ماده یه ده ذاتاً جمعیتک مقاصد علویہ سی (۱) جمله سندن اولان آداب عمومیہ دینیہ و ملیہ نک محافظہ سی ایچون جزا قانوننه احکام شدیدہ وضع ایدلدیکنندن بمثلہ بوده بر طرفه بر اقلمشدر .

یدنجی ماده ایسه عنعنات تاریخیہ نک محافظہ سی اتحاد و ترقی جمعیتک اخص آمالی (۱) اولدیغندن باحث مالا یعنی پارلاق کلمات ایله کچشدیرلشددر .

سکزنجی ماده یه ده مأمورینک عزل و نصب لری ، ترفیع و ترقیلرینی بر اصول سالمه یه ر بط ایچون بر لائحہ قانونیہ نک حکومتدن طلبیله بر آن اول کسب قانونیت ایتمسی قرار یله جواب ویرلشددر .

طقوزنجی ماده حقوق و صلاحیت شاهانه نك موازنتی تامین ایده جکندن ذاتا اتحاد و ترقی جمعیتی مرکز عمومیسنك نظر دقتنه (۱) چارېش و جمعیت سیاسی پروگرامنك بو اساسی تامین ایده جك صورتده تنظیمی مقرر بولنش سوزیله بوندن ده صرف نظر ایدلمشدر .

اوننجی ماده ایسه مقاصد خفیه مخصوصیه بناء شکل ایدن جمعیتلر حقنده اولوب بواش کندیله رینه تعلق ایلدیکندن بر طاقم سفسطه لرله بونك وظائف حکومتدن اولدیغندن بحثله بوده بر طرفه آتمشدر .

اتحاد و ترقی جمعیتی رؤسای مواد عشره حقنده کی شو مقرراتی بر انجمنده بالاطراف تدقیق ایتدیردکن و قونفره هیئت عمومیہ سنجه ماده باده تذکر و تدقیق اولندقدن صوکره قبول ایلمش اولدیغندن (حزب جدید) ایله بینلرنده موجب تفرقه بر حال قالمدیغنه دائر مذکور قونفرهیه متفقاً و متحداً قرار و یردیرمشدر .

اتحاد و ترقی جمعیتی قونفره سنه و یردیردیکی شو قراردن کندیسی نه اکلادی دیو بر سوال وارد اولسه امینم که اوده هیچ جوابی و یرر .

زیرا قونفره نك بو قرارندن نه (حزب جدید) ونه ده اتحاد جمعیتی بر شی اکلایه مز و اکلامدی . بو قراردن بزم اکلادیغمز بر شی و ارایسه اوده مواد عشره یی اتحاد و ترقی جمعیتی آچیقندن آچیقده رد ایده میوب وقت قازانق وایشی سورونجمه ده بر اقوب حزب جدیده منسوب مبعوثلری او یالامق ایچون قونفرهیه یابدیردینی یالیزیلی حبدن بشقه بر شی دکادر .

جمعیت اتحادیه عالمه بویله یالیزیلی حبلر یوتدیره جفنه منفعت عامیه متعلق تکلیف اولونان بوکی موادی بالقبول اجرا ایتمش اولسه ایدی هیچ شبهه ایدیه مزدی که بوکونکی دوشدیکمز ورطهیه نه مملکت ونه ده جمعیت دوشردی .

حالبوکه دوات و مملکت ایچون حسن نیت پرورده ایتیمان و هر درلو اداره عقلیه و کیفیه سنك اجرا سیله منافع شخصیه لرینه چالیشن بو اتحاد اشقیاورؤساسی اون سنه دنبری منافع عمومییه متعلق واقع اولان تکلیفات و نصایحی قبول و اجرا ایتمدی و ایده مز ایدی .

بوندن طولایی بونلره بو یولده تکلیفاتده بولنق بهوده اضاعه وقت ایتمک ایدی . نته کیمده او یله اولدی ، حزب جدید و سائر فرقه لره منسوب مبعوثلرک اتحاد و ترقینك خذله معلومه سنه اجرا ایلدکاری نصایح و تکلیفات مدققانه لری متمر

اوله مدیغی کبی نغامتلو پرنس صباح الدین بک افندی حضرتاری ایله برنجی فریق عطوفتلو شریف پاشا حضرتلری و سائر ارکان دولت و وطنپروران ملت طرفندن انقلابدن اول و بعد الانقلاب اجرا قلنان تبلیغات و نصایح و ایفاسی لابد اولان مواد مهمه نك هیچ بری نمره بخش موفقیت اوله مامش ایدی .

چونکه منشاء و ظهورلری ، اصل و نسللری مجهول اولان بو حشرات اصالت و نجاتله متصف اولان ذوات عالیله نك اراثة بیوردقلری یولده حرکتی و اجرا بیوردقلری نصایحی و منافع مملکت ایچون یا بیلمسی لازم کلن اجرا آتی قبول و ایفا ایلمکدن بک اوزاق بولنیورلردی .

بو مواد و نصایحک اجراسی دیمک انلرک وجودینک ازالهسی دیمک اولدیغی رعنا بیلدکلرندن بو جهت بر درلویناشامشلردر .

بو جهت یناشمق دولت و مملکتیمزک بقاسنی تامین ایده جکندن بونلرک مسلکریله قابل توفیق دکلدی .

زیرا بونلر دولت و وطنمیزک دوام و بقاسنه چالیشه جق سویه ده خلق ایدلمامش سرسریلردن عبارت ایدی .

دها طوغریسی بونلر بشریتک عادی طبقه سندن مرکب برکتله دن بشقه برشی دکل ایدیلر .

جمعیتلری ایسه فارماصون و سیونیست لوجه و جمعیتلرینک ترتیب و تشویقیله میدان کلمش بر جمعیت فسادیه ایدی .

طبیعی بویله بر جمعیت فسادیه دن و بو جمعیتی تاسیس و تشکیل ایدن مؤسسين ورؤسادن نه بکلنه بیلیردی .

بونلر خادم انسانیت اولنلره دشمن و اصالت و نجاته عدو بر طاقم مجهول النسل آدملردن اولدقلرندن کندیلرندن عقلا و فکراً و درایة و اصالة عالی و بیوک اولانلری ایسته مزلر و اوکی ذوات مکرمه نك وجودلرینی ازاله چالیشیلردی .

ایشته مملکتده کندیلرینه نسبتله بک بیوک اولان و بونلره نصایح خیرخواهانه ده بولونان برچوق خاندان و ارکان و رجال دولتی برر صورتله دأموریتلرندن اخراج و کیمیسنی نفی و اجلا و بعضسنی قتل و شهید و خارجده بولونانلری ده برر بهانه ایله غیاباً اعدامه محکوم ایتدیره رک وطننه عودتدن و دولتینه خدمتدن منع ایدیورلر ایدی .

غیا با محکوم ایتدیردکاری ذوات میاننده نخامتلو پرنس صباح الدین بك افندی
حضرتلری کی وجود لری ملت عثمانیه ایچون باعث مفخرت و خاندان عثمانیه
منسو بیتلرندن طولانی ده شایان تبجیل و حرمت اولدقن بشقه اقتدار و اهلیت
و درایت ولیاقتلری و آثار عامیه و قلمیه لرله معروف بر سیای اصیل و نجیب
اولدقلری جمله نك مسلمی اولان بر ذات عالیصفات دخی بولنیوردی .

بونلرك عندنده پرنس مشار الیه حضرتلرینك اك بیوك قباحترلری اصالت
و نجابت نخیمانه لرینه انضمام ایدن درایت و ذکاوت خارق العاده لریدر .

برده پدرجنت مقررلری داماد حضرت شهریارى محمود جلال الدین پاشا
حضرتلریله برلکده او روپاده بولندقلری صروده بو خذله معلومه یه هر درلو لطف
و معاونتی بی دریغ بیورملریدر .

انقلابدن اول و صکره مالا و نقداً بونانکورلردن بر چوغنی عنایت و احسانلرینه
مظهر بیوره رق حمایت و صحابت و محافظه ایتمشلر ایدی .

ایشته اداره دولتی الدن قاجیر مامق و بویله عالی برذاتی ریاستلرنده بولندیروب
دولت و مملکتک تعالی و ترقیسنه غیرت ایدهرک ایکی جهتله استفاده ایتمک لازم
ایکن بواشرا و اشقیما صرف ریاست اکابره تحمل ایده مدکلرندن بویله بر طریقه
سلوک ایده مامشلردر .

اگر دولات و مملکت اون سنه دنبری بو اشقیما ی شیریره نك النده قالمیوب
نخامتلو پرنس صباح الدین بك افندی نك تأسیس بیوردقلری فرقه احرار پروغرامی
اس الاساس اتحاد اولنه رق (تثبث شخصی) و (عدم مرکزیت) یعنی (توسیع
مأذونیت) نظریه لری حسن صورتله موقع اجرا و تطبیقه وضع اولنسه ایدی هیچ
شبهه ایدیله مزدی که دولات علیه عثمانیه بکونکی اوغرا دیغی شو فلاکت
واضم حلاله دوشمز و پك زیاده ترقی و تعالی ایدردی .

پرنس مشار الیه حضرتلرینك قدرت قلمیه و علمیه و تشبیه سندن پك زیاده
توحش ایدن اتحاد رؤسائی و جمعیت حامی و عامللری مملکتتمزی حسن اداره
و محافظه ایله مکلف اولمیوب کردابدن کردابه سور و کله مک وظیفه لری
مقتضیاتندن اولغله اولوجهله حرکت ایله منافع شخصییه و سیاسییه لرینی تأمین
چالیشدی لر .

ذاتا اوچ غروشی بربرده کورمین حشرات مرقومه جزئی بر منفعت مقابلنده

هر شیء فدايه آماده اولدقلرندن مملکتیزی شو کوردیکمز حاله کتیرمکدن چکنا مشلردر.

اشرای مرقومه پرنس صباح الدین بك افندی حضرتلریله دیگر ذوات معتبره وعالیه کبی اصیل ونجیب اولسه لردی بویله اوفق بر منفعت ذاتیه وشخصیه نه دواتی ونه ده مملکتی فداوقربان ایده مزلردی.



پرنس صباح الدین بك افندی حضرتلری

Son Altesse le Prince Sabaheddine

جنتمکان فردوس آشیان سلطان محمود خان ثانی طاب ثراه حضرتلرینک کریمه عفت وسیمهلری صالحه سلطان علیه الشان حضرتلرینک زوج مکرملاری داماد حضرت شهریارلی مرحوم خلیل رفعت پاشا حضرتلرینک مخدوم قیمتدارلری داماد جناب پادشاهی مرحوم ومغفور محمود جلال الدین پاشا حضرتلرینک وجنتمکان

سلطان عبد المجید خان حضرتلرینک کریمه محترمه لری و پادشاه معدلتپناه و شهنشاه عدالت اکتناه سلطان « محمد وحید الدین » خان عادل حضرتلرینک همشیره مکرمه لری سنیحه سلطان علیه الشان حضرتلرینک مخدوم نجابتپناهیلری پرنس صباح الدین بک افندی حضرتلری کبی جدبجد اصالت و نجابتله موصوف و خاندان جلیل العنوان سلطنت سنیهیه منسوب بر ذات عالی همت و ذی اقتدار و قیمت ایلله تشریک مساعی اتمک اتحاد و ترقی جمعیتی ایچون بر شرف اولدیغنی ده در خاطر ایده مدیلر .

رؤسای معلومه مرقومه هر خصوصده و بالخاصه سیاستده کی جهل مطلقلرینی دوشونمکدن عاری و بری اولدقلرندن کندیلرنده بر بیوکلک و فضیلت کوردیلر . اصالت و فضائل اخلاقیه و مستحسنه دن مجرد اولدقلرینی نشوة منفعت و آمریتله اونوتدقلرندن پرنس نخامتلو صباح الدین بک افندی حضرتلریله برنجی فریق عطوفتلو شریف پاشا حضرتلری کبی وطنپرورانی منافع خسیسه و سقیمه لری ایچون محو و افنایه تشبثدن کیر و طور مدیلر .

اتحاد و ترقی رؤسای معلومه سنه یاردم و معاونت ایدن و بونلرک اک زیاده فنالق و هجومنه معروض قالان شریف پاشا حضرتلری انقلابدن بر چوق سنه اول اوروپاده تشکل ایلین اتحاد و ترقی جمعیتی ایلله رؤساسنه هر درلو معاونت و حمایت و حمایتی دریغ بیورمدقلری کبی جمعیتک تشکل و دوامی اوغرنده ده بر چوق فدا کارلقلرده بولمشلردر .

مشار الیه شریف پاشا حضرتلری بو وجهله جمعیه معاونت و فدا کارلق ابرازیلله ممالک اجنبیه ده رؤسای جمعیتک اقامتنی و اتحاد و ترقی جمعیتک بقاسنی تأمین ایدن حریتپرور بر ذات عالیقدر اولدقلری حالد بونانکور اتحاد و ترقی رؤسای معهوده سی امثالی مثللو مشار الیه حقنده عقل و خیاله کلز بر طاقم افترالرله برابر آتیده بیان اولنه جفی و جهله حیاتلرینه ده سوء قصده جرأت ایلله ابولکه مقابل مایه لرنده مرکوز اولان دنائت و فناغی اظهار ایتدیلر .

بالطبع درایت و فضیلت و اصالت و نجابتک دشمنی اولان اتحاد رؤسای شریره سندن ذاتاً بشقه درلو برشی بکلمک عبثدر .

برنجی فریق عطوفتلو محمد شریف پاشا حضرتلری ارباب لیاقت و درایتدن و اصالت و نجابتله متصف بر ذات ذی قیمت اولدقلری جهته رؤسای مرقومه نک

تعرض و هجوملرينه معروض قاله جقلىر بديهي ايدى .



استقہولم سفیر اسبقى برنجى فریق شریف پاشا حضرتلى

Son Excellence le Général Chérif Pacha, Ancien
Ministre à Stockholm

شریف پاشا حضرتلى ، دولت ابد مدت عثمانیه سنه لرجه خدمات
برکزیده ابراز بیوران و متعدد متصرفلق و والیاککله مهم و معتنا ماموریتارده
و برچوق سفارات سفیده و مدت مدیده خارجیه نظارتی ایله شورای دولت ریاستنده
بولمش اولان کردستانک ال قدیم واصل (علی خندان عائله سی) امیر ورئیسى
حسین پاشا زاده وزرای سلطنت سفیده دن محمد سعید پاشا حضرتلرینک نجلنجییدر .
شورای دولت رئیسى سعید پاشا مرحوم کبی دولت و مملکتنه کمال صدق
و استقامتله یارم عصر دن زیاده خدمت ایدن قدامی وزرادن بر ذات حیت
سماتک مخدوم درایت موسوملری اولان شریف پاشا حضرتلى یدرلری مرحومه
حقیقه خیر الخلف بر مجاهد و وطنپروردرلر .

وطن و مملكت ترقى و تعاليسى و رفاه و سعادتى دوشونن شريف پاشا حضرتلى
 بوايمد و امنيه ايله انقلابدن اول و صوكره اتحاد و ترقى جمعيتيله رؤساي معلومه
 منفوره سى حقنده ابدال بيوردقلى معاونت و حمايته قارشى جمعيتك كندىلريله
 ديكر وطنپوران حقنده روا كوردىكى تعدى و تعرض و هجومى و مملكتك اوغرامغه
 معروض قالدىغى فلاكتى مشاهده و تأمل بيورهرق بونلردن تباعدله كندى اجتهادلر
 دائره سنده آيروجه چاليشهرق مملكتى استقبالد، اوغرايه جغى فلاكتدن تخليصه
 قرار و ير مشلردر .

اوتة دنبرى مالا ، بدنا فدا كارلقدن خالى قالمين شريف پاشا حضرتلى سلامت
 وطن اوغرينه استقباللرينى ، حيا تلىرىنى تهلكيه القادن چكنماش و دولت و مملكتكه
 بك بيوك خدمت و يرارلقار ابراز ايتمشدر . جتتمكان سلطان عبد الحميد خان ثانى
 حضرتلى پاشاي مشار اليه حضرتلىرىنى افكار حريتپوران سندن طولايى
 در سعادتده اقامتلىرى محذوردن سالم اوله ميه جغى ملاحظه سيله پدرلىرى خارجيه
 ناظرى سعيد پاشا مرحومى ظاهراً تلطيف و تطيب و باطنا مخدومى مشار اليه
 شريف پاشاي استانبولدن نفى واجلا ايتمك ايچون بروكسل و پارس سفارت
 سنيه لرى آتشة ميلتر لكورينه تعيين و اعزام ايتمشلردى .

اتحاد و ترقى جمعيتى مركزينك پارسده بولنديغى بر صروده پارس آتشة ميلترى
 اولان پاشاي مشار اليه اتحاد بونله تماسلرينى و جمعيت مذكوريه مادى و معنوى
 خدمت و معاونتلىرىنى استخبار ايدن خاقان اسبق مرحوم مشار اليه اوراده
 بقاسى جائز اوله ميه جغندن در حال عزليه در سعادتده جلب وعودتى اراده
 بيور مشلردر .

بو وجهله عزل و در سعادتده جلب ايديلن شريف پاشا حضرتلى بر مدت
 استانبولده اقامت بيوردقدن صوكره خاقان اسبق مرحوم طرفندن ينه در عليه دن
 نفى و تبعيدينه لزوم كوردىكندن بوكره يار و اغياردن خالى و آوروپانك منتهاي غرب
 شاليسنده بولونان استقهولم سفارت سنيه سى توجيهيله استانبولدن اخراج ايدلمشدر .
 حتى استقهولم سفير لكنده بولونان شريف پاشا حضرتلىرىنى پدرلىرىنى خسته لق
 و وفاتلرنده بيله يانلرنده و جنازه لرنده حاضر بولمق ايچون ماذوناً در سعادتده
 كملرينه مساعده سنيه ارزان بيورلمديغى وارد خاطر عاجز يد .

شريف پاشا حضرتلى اون سنه قدر مذكور سفير لكده بولمقش و اتحادك

نانکور و خائن رؤسای یوزندن مذکور سفارتدن استغفایه بیله مجبور اولمش واستانبوله کلمامسی و آوروپاده طولاشه رق ژون ترکره یاردم ایده مامسی ایچون همان تعیین ایدلکلری مادرید سفارتنه (استقہولم) دن طوغریجه عزیمتلی تبلیغ ایدلمش ایسه ده مشار الیه سفارت مذکوره بی عدم قبول وعزیمتدن استنکاف ایله مذکور سفارتدن ده استعفا ایتلمشدر .

بوندن اون ، اون بش کون صوکره اعلان مشروطیت ایدلمکله بالطبع پاشای مشار الیه طوغریجه استانبوله عودت بیورمشدری .

شریف پاشا حضرتلرینک استقہولم سفارتندن سبب استعفا وانفصالی ده آوروپاده کی ژون ترکرک اولولرندن واتحاد وترقی جمعیتی مؤسسلرندن اولوب بعدالانقلاب مجلس مبعوثان والیوم هیئت اعیان ریاستنده بولونان احمد رضا بکدر . احمد رضا بک شریف پاشا حضرتلری ایله کوریشمک وامثالی مثللو بعض کونا مظاهرت ومعاونتلیرینی جلب واستخصال ایلمک اوزره پارسدن استقہولمه عزیمتله پاشای مشار الیه مسافر اولمشدر .

روایتہ نظراً احمد رضا بک مسافرة سفارت سنیه ده بولندیغی اولزمان سفارت کتابتنده بولونان ودور مظالم اتحادیده خارجیه ناظر وکیلی ومؤخرأ دخی بر سفیرلک تعیین قلنان وطنپروران (۱) زماندن واتحاد وترقی جمعیتی کزیده اعضاسندن مختار بک طرفندن یدیز سرای هایونه اخبار و ژورنال ایدلمش ومابین هایوندن شریف پاشایه احمد رضا بکک سفارتخانه ده بولنمندن بالاستفاده همان توقیف ایدلمسی امری ویرلمش اولدیغندن پاشای مشار الیه بویولده کی امری ایفا واجرا ایده میه جکندن باحث جوابلر ویرمش ایسه ده سرای هایونله سفارت بیننده کی مخبرات تمادی ایللمش اولدیغندن استغفاسنک اعطاسیله بواشک ایچندن حقیقمفی مناسب عدایدن شریف پاشا ک نهایت استغفاسنک قبولی یازهرق افکار عالیة حریتپرورانه سنی اراثه واثبات ایله احمد رضا بکی اوغرایه جفی محقق اولان فلا کتدن صیانت ومحافظه ایلمشدر .

بونک اوزرینه طبیعی (استقہولم) ده قالمسی مابینجه مناسب اولیان ودر سعادتده عودتی موافق کورلیان پاشای مشار الیه حضرتلری مابین هایوندن شدتلی برتوبیخنامه به کسب استحقاق ایللمش و یوقاریده دیدیکز وجهله مع التوبیخ مادرید سفارت سنیه سنه نقل ونحویل ایتدیرلمشدر .

ایشته بویولده حال واستقبالنی احمد رضا بکله جمعیت اتحادیه یولنده ترك وفدا ایدن مشار الیه شریف پاشانك قتلنی رفقای شریره سندن مصرأ طلب ایله بویولده او خان ، نانکور جانلره قرار ویردیرن ذاتك احمد رضا بك اولدیغی سویله نیلیوردی که بوکا هیچ تعجب اولماز .

زیرا آیاصوفیه و بایزید میدانلرنده صلباً اعدام ایدیلن بوزلرجه مظلومین واطه لر ومواقع سائره یه نفی اولونان بیکلرجه معدورین وسوقاق اورته لرنده قتل وشهید ایتدیریلن محررین وسائره احمد رضا بکك مجلس مبعوثان ریاستنده بولندقلری زمان وقوعبولان مذاکره وتنسیب ایله اجرا ایدلمشدر .

هله مؤلفین ومحررین عثمانیه نك سرتاج ابتهاجی واتحاد وترقی جمعیتك ایلك رئیس ومیزان غزته سی صاحب ومحرری استاذ معزز ومحترم مراد بك افندی حضرتلرینك اعدای حقنده دیوان حرب عرفیلره ویریلن سرری امرلر ومشار الیهك اعدام ایدیله مامسی اوزرینه درسعادتن نفی واجلاسی ایچون چویردکلی دولابلر جمله نك معلومی اولسه کرکدر .

استاذ ملت دینلمکه سزا ولایق اولان مراد بکك حس رقابتله ما یوسا ومقهورأ وفاتلرینه سببیت ویرن دخی احمد رضا بك افندی دکلمیدر .

مملکت مزده شمدی به قدر اتحاد وترقی جمعیتی طرفندن اجرا وارتنکاب ایدیلن هرفنالاق وجنایاتك مسبب یکانه سی مبعوثان رئیس اولان احمد رضا بکله اوزمان مرکز عمومیده کی رفقا سندن بشقه کیمدر .

ایشته هرکونا جنایات وفنالقلری اجرا به چالیشن وایفا سنه مساعده ایلین احمد رضا بك افندی طبیعی درکه شریف پاشا حضرتلرینك قتل واعداملری قرارینی ویرر وارباب اقتدار وحیتی ورقیب عد ایتدیکی ذواتی اورته دن قالدیره رق فکر خیالپرستانه سنه امکان ومیدان بولق ایستردی .

اصالت ، نجابت ، اقتدار ، لیاقت ، بسالت ، شجاعت اصحابندن اولان مشار الیه شریف پاشا حضرتلرینی ده بالطبع رقیب عد ایدن احمد رضا بك افندی حضرتلری عین فکرا له مآلوف وموصوف بولونان رفقای شریره سنه ده شریف پاشانك قتل واعدامیله افنای وجودلرینه قرار ویردیرمش ایدی .

شریف پاشا حضرتلری حقنده بوقراری ویرن اتحاد وترقی جمعیتی رؤسای مامونه سی هر بر فرصتدن بالاستفاده مشار الیه حضرتلرینی دفهاتله غیاباً اعدام ایله

محکوم ایتدیرمش و آوروپاده اقامت بیوران پاشای مشار الیهی وطن عزیزنه دخولن منع ایلمشدر .

شریف پاشا حضرتلری کی حمیت و وطنپرورلیکه مشبوع بر وجود قیمتداردن دولت و مملکتیزک استفاده ایده مامسی ایچون ابتدای انقلابدن بری مشار الیه حقارنده ایجاد و اعلان ایتدیرمدکلی افترا و یالانر قالدینی کی ملت و دولته قارشی پاشای مشار الیهی عادتاً بر جانی و خائن مثابه سنده کوسترمکه رؤسای شریزه مرقومه وار قوتی بازویه ویره رک چالیشمشدر .

نظر ملتده بر موقع مخصوص صاحبی اولان شریف پاشا حضرتلرینی ملتک نظرندن دوشورمک ایچون یکانه چاره ژورنال اسناد ایتمک سلاحی اولمشدر . ذاتاً ابتدای انقلابده ارباب ناموس و حیثیتی لکه دار ایتمک ایچون بر چوق ذوات مقتدرهیه ژورنالچلیق عطف و اسنادی کی بر صلاح استعمال ایلمک رؤسای جمعیت ایچون اس حرکت اتخاذ اولنمشیدی .

شریف پاشا حضرتلری حقنده کی سلاح مزور دخی شویله ایدی . مشار الیهک بنده مخصوصی دینک اولان کاتب خصوصیبسی شاعرلیکه مشهور طلعت بکی الیه ایده رک اکا بر ژورنال یازدیر دیلر و بو ژورالی غزته لره نشر ایلدیلر . شریف پاشای افکار عمومیه دن بو صورتله اسقاطه چالیشدیلر .

هیچ بر مأموریتده بو نغماش اولان طلعت بکه بیوجک بر مأموریت تکلیف ایدیلورسه بوایشه موفقیت الویره جکنی بیان اتحادک قورناز رؤسای معهوده سی بر مدت موقتیه ایچون اولسون مومی الیهی بر موقع و منصبه اقعاد ایتمکده کندیلر ایچون بر بآس اولمديغندن الیه ایتدکلی مومی الیه طلعت بکه شریف پاشا حضرتلرینک صهرأ منسوب اولدقاری عائله خدیوی الیه آره لرینی بوزه جق بر صورتده عائله مشار الیها الیه بعض صدارت معزولینی عایهنده ترتیب و تنظیم ایتدکلی ژورنالی مومی الیه طلعت بکه یازدیره رق زیرینه ده ساخته بر محمد شریف مهری باصدیر دیلر .

ایشته بو دوزمه و ساخته ژورنالی مقصدلرینک حصولنه کافی و وافی عد ایدن اتحاد رؤسای ملعونه سی همان فطوغرافنی آلدیره رق مصور ثروت فنون الیه نشر ایتدیرمشلر و بو خدمت حسنه و مقبوله سنه مکافاة عقل و خیالنه بیله کامیان بحریه نظارتی مستشارلغنه محرر ژورنال طلعت بکی تعیین ایده رک لطیف ایلمشدر .

ثروت فنون ایله نشر ایدیلان بودوزمه وساخته ورقه آوروپاده بولونان شریف پاشا حضرتلرینک منظوری اولور اولماز همان بونک ساخته اولدیغندن بوبولده ساخته کارلته تشبث وجرأت ایدنلر حقنده لازم کلن معامله قانونیه نك ایفا سنه دائر و بعض افاده بی حاوی درسعادت غزته لرینه ارسال ایلدکلی مکتوبلریده رؤسای مرقومه پوسته خانه دن اخذ وحفظ ایلمکدن چکنامشدر .

ساخته ژورنالی تنظیم و تحریر ایتدیکی روایت ایدیلان طلعت بك ژورنالک زیرنده کی مهربك شریف پاشا حضرتلرینک مهرلری اولدیغنی وهرنقدر مهرباصایلرینه بکزه تلمك ایسته نیلسه بیله بکزه تیله میه جکنی وخدمتترینه مقابل پاشای مشار الیه دن آلدقلمی شهریه وبالطبع یدکلمی نانی وکوردکلمی لطف مخصوصی دوشونه جک قدر بر صداقت ابرازی حس و خاصه سنه مالک اولسه ایدی طبیعی بر مدت موقته ایچون نائل اوله جغنی منصب ومأموریتی قبول ایتمز واتحادک اوشریر رؤساسنه بر آلت شر وخیانت اولمزایدی .

شریف پاشا حضرتلری بو ژورنال مسئله سی اوزرینه لازم کلن تشبثلرندن بر آن خالی قالمیوب وسائط سائره ایله بونی رد ومدافعه نامه لرینی نشر ایله بونک بحربه مستشاری اولان کاتب خصوصیلری طلعت بك طرفندن ده تکذیب ایدلمسنی مصرانه طلبدن واز کچمدکلرندن اتحاد وترقی رؤسای شیریه سی خدمتی ایفا ایتمش اولان طلعت بکی مأموریتندن عزل ایله شریف پاشا حضرتلرینک بوحق نشریات ومراجعاتنه خاتمه ویرمکی منفعتلرینه موافق کوره رک درحال طلعت بکی مذکور مستشار لقدم عزل ایله برکوشه یه آتدیله .

هرحال وکارده شریف پاشا حضرتلرندن توحش ایدن اتحاد وترقی جمعیتی رؤساسی مشار الیه حضرتلرینی بعض مواعید ایله آلداتوب استانبوله جلب ایله قرار واقلملری وجهله قتل ایتمک ایچون پاشای مشار الیه حضرتلرینه دفعتله تشبث ومراجعه ده بولنمشدر .

حرب عمومیدن بر سنه اول رؤسای اتحاددن پارسه کلن بر ذات شریف پاشا حضرتلرینک نزدینه بالذات کلنمکدن اجتناب ایلدیکندن فرانسه رجاندن موسیو (فینو) نی توسط ایده رک بعض تکلیفاته بولنمشدر .

مومی الیه طرفندن شریف پاشا حضرتلرینه تبلیغ ایدیلن تکلیفات شودر .
پاشای مشار الیه میدان اجتهاد ومخالفته شمدی به قدر صرف ایلدکلمی

آقچه نك كاملا اتحاد و ترقى جمعيتى طرفندن تا ديه واعطاسى وقاينه يه طلعت و جاويد
بكار داخل اولق شرطيله مسند صدارتى قبول بيورملريدر .

شريف پاشا حضرتلى بو تكليفاته شو جوابله مقابله بيورمشردر .

بن بوجهاد و مخالفتى بر تجارت فكر و مقصديله اعلان ايتدم . صرف ايلديكم
آقچه يى اونلردن آلىق ايچونده صرف ايلدم . بوكاده احتياجىم يوقدر . اتحاد
و ترقى جمعيتى دولت و مملكتى تعقيب ايلدىكى سياست سقيمه ايله اضمحلال
وانقسامه سوروكله يور . بوكا قارشى مخالفت ايله عزيز وطنمىزى فلاكتدن
قورتارمق ايچون ميدان اجتهاد و مخالفته آتدم . اكر جمعيت واركانك دولت
و مملكته مفيد و نافع خدماتنى كوره ايدم . مخالفتده دوام ايتمز و هر كس دن زياده بر
اتحادك و رؤساسنك مداحلى اولوردم .

جمعيت و رؤساسى بو خدعه به ده دوشوره مدكارى شريف پاشا حضرتلى
اورته دن قالديرمق سوداسندن بر درلو . كنديلر ينى آله مديلر .

حيات معززندن ده معزز اولان وطنى اوغرنده فداى جانى جانه منت عدايدن
پاشاى مشار اليه يا بور زيللردن دولت و مملكتى قورتارمق و يا خود دولت و ملت
اوغرینه افناى وجود ايتك شرفندن كير و طور ميوب آتيلدقلى ميدان مخالفتده
دوام ايله اتحادك او ملوث و مردار رؤساي رزيله سنك آمال خسيسه لرينه حال
اولق و يا يئمقده اولدقلى فنا قاره سد چكك ايچون پارسده مشغول بولندقلى
بر صره ده اتحاد و ترقى جمعيتك رجال الغيبى (۱) طرفندن شريف پاشا حضرتلى
حقنده و يريلن اعدام قرارينك انفاذينه نظارت و رياست ايتك مأمور يتيله استانبول
پوليس مديرى معهود عزمى بك پارسه اعزام قلمش و لازم كن فداييارده
مومى اليه ترفيق ايدلمشدر .

اون قدر فدائى و مأمورين سائره اتحاديه ايله پارسه مواصلايت ايدن عزمى بك
پاشاى مشار اليه حضرتلرينك قتلى ايچون لازم كن ترتيباى بالا كمالك جرأتكار
وجانى فداييلردن (على جواد) نام مستعار ينى (*) طاشيان وضابطان عسكريه دن

(*) على جواد نام مستعار ينى طاشيان جاني جمال پاشانك استانبول محافظلنده بولندينى زمان
ياورى محمد كمال نامنده جمعيتك فداييلردن بريسي انش . موقوم جاني كمال عوكيرلى بر پوليسك
اوغلى اولوب مكتب حربه دن سواري ضابطليكيه چيقمش و سلايكده اتحاده انتساب ايله
قوميتيه برچوق جنايتلرله خدمت ايلمش اولدينى بعد المتاركة كان استانبول غزه لرنده كورلمشدر .

اولدینفی روایت ایدیلن بر جلاد و جانی خونخوار اول امرده شریف پاشا حضرتلرینی قتله مأمور ایدیلور .

جلاد مرقومک پاشای مشار الیهک دولتخانه لرینه داخل اوله بیلمسینی تأمین ایچونده آوستریا و روسیه دن خفیه لیکه محکوم و مطرود (اسکندر) اسمنده بر خفیه شریر ایله شریف پاشا دن آلدینفی آیلقله یارسده کچینن (برهان الدین) نامنده بر آلاچقی آلت و مأمور ایدرلر .

۱۹۱۴ سنه میلادیه سی کانون ثانیسنک ۱۳ نجی صالی کونی شریف پاشا حضرتلرینک یارسده اقامت بیوردقلری « پومب » زقاغنده کی — ۱۱۵ — نره لی دولتخانه لرینه مرقوم (علی جواد) نام جانی کلیرایسه ده اوکون قوناقدی کوردیکی غلبه لکدن اورکن مرقوم سرسری جانی ایقاع جنایتیه جسارت ایده میهرک عودت ایدر .

ایرتسی چهارشنبه کونی — ۱۴ کانون ثانی ۱۹۱۴ — علی الصباح پاشای مشار الیهک دولتخانه لرینه کلن جانی مرقوم بلا تکلیف و بلا سوال ایچری به دخول و حرم دائره سنه طوغری یوریمکه باشلار .

بونی کورن خدمتکارلر دخولی منعه قیام ایتیمک ایستلر سده انلردن بر ترک خدمتکارینی غایت آغیر و اوتوموبیل شوفری بر فرانسیزیده خفیف بر صورتده جرح ایتدکدن صوکره ایچری به داخل اولور .

بو خائن جانینک بویله بفته حرم دائره سنه دخولی خدمتکارلری جرح ایچون استعمال ایلدیکی سلاحک سسندن و حرم دائره سنده تصادف ایتدیکی مخدراته ده استعمال سلاح ایلمسندن اکلا شلمغله ایچریده بولونان شریف پاشا حضرتلرینک داماد سامیلری صالح بک افندی درحال جانی مرقومک کیره بیلدیکی محله شتاب ایتمش و خائن مرقوم میرموی الیه ده سلاح انداختنه باشلامش ایسه ده صاحب شجاعت و بسالت اولان صالح بک افندی بالمقابله جانی بی جرح و قتله موفق اولمشدر .

صالح بک افندینک قتل نفس کی بشریتک جریمه کبری عدایتدیکی برحاله جرأتی محضاً « مدافعه نفس » و « مدافعه اولی القربی » مقصدیله وقوع بولدیغندن شرعاً و قانوناً موجب مواخذی اولمادیغنه باقیلیرسه فعلک فضایحدن عدا ایدلمیه جکندن ماعدا نظر قانون و ملتده مدح و ستایشه لایق مفاخردن صایلمسی لازم کلیر .

بو صورتله وجود خبائت آلودی اورته دن قالدان جانی مرقومك « معاذ الله تعالى » حرم دائره سنده بولونان مشاراليه پاشا حضرت تریله حلیله و کریمه محترمه لری پرنسس حضراتی و سائر افراد عائله نخبه مانه لری قتل و شهید ایتک کی بر فعل جنایت و خیانتدن حذر واجتناب ایتیه جکی درکار ایدی .



برنجی فریق شریف پاشا حضرت ترینک داماد لری حسنی پاشا زاده

صالح بك افندی

Husni Pacha Zadé Salih Bey Gendre de
S. E. Général Chérif Pacha

« جناب حافظ حقیقی حضرت لری » پاشای مشارالیه حضرت تریله خاندان جلیل العنوان دولتری بو کی مصائب آلمه دن حفظ و صیانت بیوره رق مات و وطن مزه بر چوق خدمات مرغوبه و مقبوله ایفا سنه موفق بیورسون آمین .
یوقاریده دینلدیکی کی شریف پاشا حضرت لری و یردکاری قرار موجب نتیجه اجتماع دولتاری دائره سنده چالیشمقدن و دولت و مملکتی اتحاد و ترقی جمعیت ورؤسای متغلبه سنک ظلم و اعتسافندن قورتارمقدن کیو طور میوب سنه لردنبری

ترکجه و فرانسزجه اوله رق پارسده نشر ایلدک لری (مشروطیت) غزته سیله نشریات حقکویانه و خیرخواهانه لرینه دوام ایتمش و حرب عمومی ائناسنده همان بتورن اجنبی مطبوعاتیلده آوروپا افکار عمومیه سنی دولت و مملت مزك لهنه ارشاد و تنویره چالیشم شدرد.

شریف پاشا حضرتلری دولتمز ایچون تعقیبی اهم و الزم اولان انکلتزه و فرانسه سیاستلرندن ذره قدر آیرلماش و دائماً انکلتزه و فرانسه سیاستلرینك استعجاب منافعه غیرت ایتم شدرد.

حاصلی پاشای مشار الیه حضرتلری شو صوڪ اون سنه دنبری دوات و مملکت ایچون مالاً، بدنأ پك بیوڪ فدا کارلقلر ابراز بیوره رق حیاتلرینی بالفعل تهلكیه بقا ایله وطنمزه خدمت ایدن رؤسای مخالفینك اك بیوکی واك برنجیسیدرلر.

ابتدای انقلابده اتحاد و ترقی جمعیتنك پانغالق شعبه سی ریاستنده بولندیغی صرهدده شریف پاشا حضرتلری طرفندن اتحاد و ترقی رؤسای معلومه سنه برحس وطنپروری ایله ارائه اولونان وهمان اجراسی طلب ایدیلن تکلیفاتی رؤسای مرقومه قبول ایتمش اولیدی مملکت طبیعی بوکونکی حاله کلمز ایدی.

شریف پاشا حضرتلری طرفندن وقوع بولان تکلیفاتده شونلردرد.

عسکرلرک سیاستله اشتغال ایتماسی. جمعیتك آرتق بر جمعیت خفیه حالندن چیقار هق جمعیت خیریه حالته کیرمسی. انتخابات اجرا ایدلدکدن صکره جمعیتك یالکز مجلس مبعوثانده سیاسی بر فرقه حالنده بولمسی. جمعیتك حکومتك احوالنه نامشروع بر صورتده قاریشمقدن واز کچمسی. مملکتده بولونان عناصر مختلفه حقوق متساویه سنك ادامه و محافظه ایدلمسی. انتخاباتك جبر و تضییقندن معرا بر صورتده سربست اجرا ایتدیرلمسی. ضابطان و امرای عسکریه نك جمعیتدن اخراجلریله متقاعد و مستعفی اولیان ضابطانك جمعیتده داخل اوله مامسی. اردوی عثمانینك هیچ بر فرقه نك خادمی اولیوب وطنك بر واسطه مدافعه سی اولدیغندن جمعیتله تشریک مساعی ایتدیرللمسنه بغایت دقت و اعتنا ایدلمسی.

ایشته بو تکلیفاتده بولونان برنجی فریق شریف پاشا حضرتلری رفقای عسکریه سنه نمونه امتثال اولق اوزره درحال عسکرلکدن بالاستعفا بعدما سیاستله اشتغال ایده جکلرینی نشر و اعلان ایده رک برحس حیت وطنپروری ابراز بیورمشلر ایدی.

پاشای مشار الیهک بو وجهله استعفا سندن ده اورکن جمعیت اتحادیه رؤسای استعفا لرینی کیرو آلملری ایچون تشبثات و مراجعاتده بولندقلری زمان شریف پاشا حضرتلری طرفندن بالاده سرد و بیان اولونان تکلیفات قارشوسنده تکرار قالدق مبهوت اولمشلردر .

زیرا بو تکلیفاتی قبول ایتمک رؤسا وارکان جمعیت ایچون نا قابل ایدی . پاشای مشار الیه تکلیفات واقعه لرینک عدم قبولی اوزرینه اتحاد و ترقی جمعیتی ترک ایله آورو پایه عزیمت و اوراده اختیار اقامت بیورمشلردر . مخالف و وطنپرور لکک یکنه حامی و عامللری اولان نخامتلو پرنس صباح الدین بک افندی حضرتلریله عطاوفتلو شریف پاشا حضرتلری حقارنده اتحاد و ترقی جمعیت و رؤسای خائنه سنک واقع اولان مفتریات و تعرضات لثمانه سی صرف منافع ذاتیه و ملعونانه لرینک تأمین ایچون ایجاد ایدلمش کاذیب و اراجیندن بشقه بر شیء دکلدرد .

حق اتحاد و ترقی رؤسای معهوده سی بو منهللو مفتریات ایله صدر اسبق کامل پاشا مرحومه ده هجوم ایتمش و معلم محترم مراد بک افندی حقنده ده برچوق اراجیف نشر و اعلانندن حیا ایلمامش لر ایدی .

صدر اسبق مرحوم کامل پاشایه ژورنال جلیق اسناد ایتمک بیاضه قاره دیمک قیلندن اولدیغندن بونکله مشار الیهک شرفه نقیمه ایراث ایدیلهمیه جگنی بیله دوشونمکدن عاجز اولان جمعیتک آچاق رؤسای (طنین) پاچا وراسیله « صدارت نامزدی کامل پاشا حضرتلرینک مملکت مزده مشروطیت اداره حقنده افکار و مطالعات حکیمانه لری ! » سرلوحه سی تحتنده استهزا آمیز بر طرز تحریر ایله (مجلس وکلا یه مأمور ایدیلن کامل پاشانک عبد الحمیده حسب العبودیه کیزی و خصوصی معروضاتندن اولوب انظار عمومیه یه عرض) اولنور دیرک زیرده عیناً صورتی مندرج عریضه یی نشر ایتدیردیلر .

طنین نمره — ۱۱۸۵ —

— صورت عریضه —

عرض و بیانندن مستغنی اولدیغی اوزره قانون اساسینک موقع اجرایه وضعی حکومت مشروطه اصولنک قبولی دیمک اولوب بو اصول ایجابنجه اهالی یه اداره حکومتیه اشتراک حق اعطا اولنش اولدیغندن اعضاسی طرف اهالیدن منتخب اولان

مجلس مبعوثان ارزوی اهالی به تبعاً ایفای وظیفه ایله اداره حکومت مدخله و دولتک قوانینی ایله بودجه سنی ایجاب حاله کوره تنظیم و تعدیل ایتک حقنی حائز اولدقلرندن بو اصولی قبول ایدن حکمداران اجراءات واقعه لرینی افکار عمومیه به توفیق ایدرلر . شو حالده مادام که دولت علیه لرنجه اصول مشروطیت اعطایورلمشدر . دوائر حکومت سنییه بی تشکیل ایدن هیئتله قاعده اصلیه سی اوزره ترتیب اولنه رق مأموریتلر اهالارینه تودیعیه له تخصیصا تدرینک دخی کفایتی درجه ده تخصیصی مقتضی اولسیله مجلس مبعوثانک اجتماعندن اول باب عالیجه بوجهتک اجراءاته مسارعت اولنسی تسکین هیجانه مدارکلی اولور . غفلت و یا اغماض عین اثریله اولسون هر نصله روم ایلی جانبندن وقوعه کلن قیام اهالی واختلال عین استعدادده بولونان در سعادت خلقنه ده سرایت ایدره ک صنوف اهالی جانبندن انواع نمایشلرله اعلان حریت و بعض مطالب نا مرضیه به جرأت ایدلسی نزاکت حالی قات قات آرتدیرمش اولدیغندن شو بحران سیاسی بی سلامتله کچیرمک ایچون اتخاذا اولنه حق تدابیر جمله سندن اوله رق قانون اساسینک مقتضیاتندن اولان اصلاحاتک پی در پی و اهل قیام طرفندن تکلیفات وقوعندن اول موقع اجرایه وضعی ایجاب حال و مصلحتندنر . شمدیکی نمایشلر اظهار شادمانی و اعلان حریت طرزنده اولمغله برابر مزعجاتدن اولوب حالبوکه اختلال واقعک مرتبلی اوله رق آورو پاده مصرده و محال سائره ده بولونان (ژون تورکلر) رؤسائینک قریباً در سعادتیه عودتله رنده بونلرک نشریات و تشویقاتیه دوام ایده جک اولان جمعیتله دهانه کبی حال و حرکتده بولنه جقلری مجهول اولسه ده هر حالده خلاف قانون مطالب وقوعنده رد اولنه بیامک ایچون اداره جه قانون اساسینک مقتضیاتندن اولان تشکیلات و تنظیماتک باب عالیجه بالاستیدان اجراسی حقنده شمیدین اراده حکمتاده جناب خلافتینا هیلرینک شرف اصداری ذات اقدس هایونلرینک از عاجاتدن مصونیتنی تأمین ایده جک تدابیر مهمه دن اولدیغنک حسب العبودیه عرضنه اجتناسار اولنمغین اولبابده وقاطبه احوالده امر و فرمان حضرت ولی الامر افندمز کدر .

مجلس وکلایه مأمور صدر اسبق

۲۹ جمادی الآخر ۱۳۲۷

قوللری کامل



اعلان انقلابدن برقاچ کون اول سعید پاشانک صدارته تعیننده مجلس وکلایه

ماٲمور ایدیلین کامل پاشا مرحوم اوصرده صدر اعظم سعید پاشانك مترددانه حرکتی جهتیه اعلان مشروطیتدن طولایی فوق العاده غلیانه کلن افکار عمومیه نك تسکینی ممکن اوله مدیغی برصرده یوقاریده سعید پاشانك صدارتی قسمنده بیان ایدلدیکی وجهله برده حربیه و بحریه ناظرلری تعیین مسئلهسی حیقاریله رق تشدید هیجانه سببیت ویرلدیکندن وذات شاهانه نك ده بوحال کشمکش قارشوسنده متلاشیانه ومنفردانه بر حالده بولندیغی کورن کامل پاشا ظهوری ملحوظ اولان بر چوق فالق لرك اوکنی آلق و حربیه و بحریه ناظرلری مسئلهسی کبی بر مسئله دها حیقارلامسی ایچون خاقان اسبق مرحومی بو عریضه ایله ایقاظ و قانون اساسی مقتضیانی دائره سنده حرکتیه دعوت ایدیور .

بو نه بر ژورنال ونه ده طنین پاچاوراسنك دیدیکی کبی کیزلی وخصوصی بر معروضاتدر .

بوعادتا کامل پاشا کبی ارکان حکومتك وبا خصوص اوصرده مجلس وکلایه ماٲمور اولان و آتی کورن بر حکومت آدمی اولان مشار الیه ایچون یا بیلمسی لابد بر وظیفه در .

بو وظیفه یی ایفا ایدن بر ذات شایان تقدیر ونحسین ایکن جمعیت رؤسای معهوده سی اوصرده موقع صدارته کلمارینه چالشیان کامل پاشا موقع مذ کوره کلدیکی تقدیرده آلمانیا سیاستنك تعقیبی ممکن اوله میوب منفعت ذاتیه وشخصیه لری سکتهدار اوله جفی خوفیه خاقان اسبق حضرتلرینه عرض و تقدیم ایدیان عریضه یی نشر و اعلان ایتمك و بو عریضه یی بشقه بر طرزده کوسترمك نه دیمك اولدیغنی اوزمان دکلسه ده شوصرده ا کلامیه حق بر فرد تصور اولنه من .

کامل پاشانك تقدیم ایدلدیکی بو عریضه و یا مخطرله اوقوندیغی زمان بتون دقایقی دوشونمکه مجبور اولان انسان پاشای مشار البهك خاقان اسبق مرحومه نه دیمك ایستدیکنی اکلار و کامل پاشا بونکله شونی دیمك ایسته مش دیر .

« اصول مشروطیتی شکلا قبول ایدوبده روحنه مخالفت ایلمك بر پادشاه ایچون فلاکتی موجبدر . چونکه پادشاهك رضا سیله یا مدیغی شیاری اهل قیام جبراً یا پذیرر اوحالده مفراط طلبلار وقوعیده احتمال داخلمنده در . مادامکه اصول مشروطیت قبول اولندی ، بو اصولك روحی دوائر حکومتیه کیرملی و اهل مأمورلر تعیین اولنمیدر . مجلس مبعوثانك کشادن اول حکومت شکل مشروطیتی آلمیدر .

یوقسه اهالی خشنود سزلق گوسترر طلبلر آرتار ، اونلری اجرا ایچون اهالی قوته مراجعت ایدر ، خلوصله حرکت ایدیکیز که بوحالردن مصون قاله سکیز » ایشته بو عریضه و یا مخطرهنک معناسی ده صرف بوندن عبارتدر .

اگر کامل پاشانک شوبیان وتوصیه ایلدیکی کبی حرکت اولسه وجهه شکل حکومتده حصوله کلن تبدل خلوصله قبول ایداسه ایدی ، انقلاب بشقه بر حال آلیردی . مملکت بیوک تزلزلاتدن مصون قالهرق ، برقاج کون ظرفنده طریق سلامتته کیرردی .

بونی نشر ایتدیرن وایدن جمعیت رؤسای خاننهسی وطنین پاچاوراسی بونکه پاشای مشارالیهک شرفنه خلل ونقیصه کتیره مامشربالعهکس شرف وشانلرینی تزید ایلمشلردر .

ایشته بیوک و دکرلی ذواتی برر صورتله نظر ملتده لکه دار ایتعک ایستهین بو آچاق رزایلر بویولدهکی نشریات و حرکتلری ایله کندیلرینی دوشوردکلرینی بیله ادراکدن عاجز برکروه لا یفلحون اولدقلری ارباب ازعان و وجدان عندنده مسلماتدندر .

انقلابدن برچوق سنه اول استانبولده تشکل ایدن اتحاد وترقی جمعیتی مؤسسینی که اکثری الیوم مذکور جمعیت رؤسا و اعضاء کزیده سسیدر .

بو مؤسسین و اعضانک اکثریتی تشکیل ایدنلر احمد رضا بک افندی حضرتلرینک رقابت ریاستنه قربان اولان معلم محترم ملت مراد بک افندی حضرتلرینک مکتب ملکیهده حلقه تدریسنده بولونان طلبه ایله مکتب مذکور معلمینی ایدی .

درسعادته انقلابدن برچوق سنه اول مکتب ملکیه وطبییه طلبه لريله معلملرندن اک کزیده لرینک التحاقیله تشکل ایدن اتحاد وترقی جمعیتی مقام ریاستنه معلم محترم لری مراد بک افندی بی متفقاً انتخاب ایتمشلردی .

مؤخرأ مشارالیه مراد بک افندی آوروپاده دخی جمعیت اتحادیهیه رئیس انتخاب وتعیین ایدلمش ایدی .

جهله بک حرمت ومحبتنه نائل واقتدار واهلیت وآثار تاریخیه وقلمیه سیله طبقه قصوای اشنهاره واصل اولان مراد بک افندی حضرتلری هر نصیسه احمد رضا بک افندی مظهر تقدیری (۱) اوله مامش وکندوسنه ازهرجهت فائق اولان

مراد بك افنديك عليهنه اوكوندن اعتباراً هجومه باشلامشدر .

احمد رضا بك افنديك مراد بك افندی به هجومی بالكز ریاست جهتندن اولیوب برچوق اسباب دخی موجود ایدی .

احمد رضا بك غایت خیال پرست و بك زیاده متكبر اولمغله برابر مراد بك افندی حضرتلرینك یاننده آغز آچه میه جق درجهده جاهل اولسی وهریرده برنجی درجهده بولمق و بیوك كوزوكمك و بیوكلك كوسترمك ایسته میسی دخی بوبابده بر سبیدر .

حتی بوبابده مراد بك افندی برائرلرنده (احمد رضا بكك بتون طاتلی خایالری بنم آوروپاده و بالخاصه پارسده ظهورم ایله بر هوا اولمش ایدی) دیور .

ایشته خیال ایله مشبوع اولان احمد رضا بك بالطبع ارباب اقتدار و لیاقت واصحاب حمیت و وجداندن اورتهده کیملر واریسه برر درلو اسناد و افترا ایله انلك وجودینی ازالهدن اجتناب ایتمز و عالمده تفرد ایتمك ایستردی .

بو حال ایله متصف اولان بر آدم منافع ذاتیه سندن بشقه بر شی* دوشونه مز و مملكتنه خدمت ایده مز .

نته کیم احمد رضا بكده رقیب عدایتدیکی ذوات عالییه و محترمه بی منفعت شخصیه میسی اوغورنده اون سنه دنبری درلو صورتله اسنادات و مفتریاتنه فدا و قربان ایتمكدن بشقه مملكتنه نافع بر خدمت ایفا سنه مقتدر اوله مدی .

احمد رضا بكك اوغورینه فدا ایدیان حمیتمندان و وطنپرورانك فوقنده بولونان مراد بك افنديك قدر و قیمتی تقدیر اولنوب جمعیتك ریاستنده بولندیرلسه ایدی . دولت و مملكتمز بك بویوك استفاده لر تأمین ایدر و جمعیتده عقلنه كان فئالقاری اجرا ایده مزدی .

نه چاره که مرحوم مراد بك افندی کی صاحب علم و عرفان اولان حریتپروران :

بیانمز عارفك عصرنده اصلا قدر آثاری

محكّ خاكله سنجیده در نقد هنر دائم

مضموننجه حال حیاتلرنده مظهر تقدیر اوله میوب غیبوبت ابدیه لرنده آرانیه کلمش اولدیغندن اوته دنبری نا اهلار النده قالان مصالح عباد محور لایقنده جریان ایده میهرك مملكت فلا كتنن فلا كته دوشهرك بوكونکی حاله کلمشدر .

ادوار ماضیه دن زمان حاضر مدنیته انتقال ایدن بو حس رقابت احمد رضا بك افندی یه ده سرایت ایتدیکندن اون سنه دنبری دولت و مملکت مز بو یوزدن بر سوری خیالپرست جاهل و چولق چوچق النده قالمش ومع مافیه احمد رضا بکده اقصای املی اولان صدارت موقع عالیه نائل اوله مامشدر .

مراد بك افندی مرحوم شواون سنه ظرفنده جریان ایدن احوال اسف اشتمالك بر چوغنی کورمش و شخصی حقنده اجرا ایدیلن وروا کوریلن معاملات غیر مرضیه وقانون شکنانه دن فوق العاده مأیوس و مکدر اولمش و برچوق فلا کتله دوچار ایدلمش اولدیغندن آه وانین ایچنده احمد رضا بک ویتشدیردیکی طلبه سنه قربان اوله رق ترك حیات ایتمشدر .



میزان غزته سی صاحب امتیاز و محرری معلم محترم
مراد بك افندی حضرتلری

Professeur Mourad Bey Propriétaire et Rédacteur
du Journal Mizan

مراد بك افندى مرحوم عصر مزده زوريتيشير مؤرخين ومؤلفين عظامدن
برذات ايدى .

مرحوم مشار اليه سنه لرجه تاريخ عمومى معلملىكنده (*) بولندينى مكتب ملكيه ده
يتشديدكى طلبه نك تصديق ايدى جكلى وجهله غايت حيتلى ووطنپرور برذات
نادر الامثال اولوب سياستده « استاذ ملت » عنوانه بحق كسب استحقاق
ايلمش ايدى .

مراد بك مرحوم اخلاق حسنه يه مالك غايت نازك ومرتلى ايدى .
والحاصل مراد بك افندى مرحوم اوصاف مطلوبه يى حائز بر وجود قيمتدار
ايدى .

مجاهدۀ وطنيه وآثار علميه وقلميه سيله نامنى الى الابد پايدار ايتمش وضياح
ابد يسندن طولاني سينۀ ملتده برياره براقشدر .

برچوق آثار مطبوعه سى شهرتكير عالم اولوب باشلوجه سى شونلردر .
مختصر ومفصل تاريخ عمومى ، نسل جديد ، مجاهدۀ مليه ، تاريخ ابو الفاروق ،
تحرى استقبال ، حریت واديسنده بر پنجه استبداد وسائره در .
هله (طاتلى املار وآجى حقيقتلر) اثرى جدا نامنى تبجيل ايدى جك آثار
مخلده دندر .

مرحوم مراد بك افندى كې برچوق ذوات مقتدره ووطنپرورانك دعوای
رياست وتفردله افناى حيات وقتل وشهيد ايدملرينه سببيت ويرن احمد رضا بك
افندى حضرتلرى حقنده ده براز معلومات ويرمكى مناسب عد ايلدم .

احمد رضا بك ، محررين عثمانيه دن وجمعيتك ايلك اعضا لرندن دوكتور شرف الدين
معمومى بك افنديك (حقيقت حال) نام اثرلرنده محرر اولدينى اوزره انگيز
على بك دينمكله معروف برذاتك مخدوميدر .

احمد رضا بك افنديك درجه تحصيلنه كلنجه والده سى نمسه لى اجنبى برقادينك
تربيه آغوشنده بيومش والده سندن نه تربيه عثمانيه ونه ده وطنه وملتنه قارشى
درس محبت وحيت آلمغه موفق اوله مامش وآوروپا مكتبلرنده ده يدى ، سكرسنه
قدر بولمشدر .

(*) مرحوم مشار اليه ديون عموميه عثمانيه قوميسرلكيله شوراي دولت اعضا لنده وسائر
مأموريت مهمه دولته دخى بولمش وميزان غزته سيله ده عالم مطبوعات خدمت ايتمشدر .

پارسله علم زراعت تحصیل ایدن احمد رضا بك برمدت بروسه اعدادیسی
وزراعت مکتبی معلم و مدیرالکنده بولنش ایدی .

مشروطیت و حریت پرور (!) اولان احمد رضا بك افندی بروسه ده بولندیغی
صره ده اوراده انتشار ایدن ادبی واسبوعی (فوائد) و (نیلوفر) جریده و رساله لرینه
نثرا و بعضی نظمأ ادبی مقاله و منظومه لر تحریر و نشرینه یلتنیر و ایام رسمیه و مبارکده
سلطان عبد الحمید خان ثانی حضرتلری حقیقده مدحیه بی حاوی منظومه لر چفتجی
رضا امضاسیله نشر ایتدیردی .

بو مدحیه و منظومه لری ایله استفاده سنی تأمین ایده مین احمد رضا بك بروسه دن
آورو پایه عزیمتی و اورادن تأمین منافعه خدمتی ده موافق کوردیکندن ازمدت
ظرفنده بروسه بی ترک ایله پارسه صا ووشمش ایدی .

پارسه صا ووشمش و اوراده اختیار اقامتی کویا تحصیل علوم ایچون ایمش .
حالبوکه (حقیقت حال) رساله سندن عیناً نقل اولونان شوبیانات آتیله —
پارسله مدت اقامتی ظرفنده نه تحصیل ایتدیکی هرکسجه مجهول و علم زراعت
اوکرندیکی کندیلرندن منقولدر . کندیسنگ هیچ بر شعبه علمیه و فنیه ده وقوف
جدیسی اولدقدن بشقه خرده فروشلق درجه سنده معلومات عمومیه دن ده بی بهره
وبی نصیبدر . علوم ریاضیه و طبیعییه نك دقایقنه دکل مبادیسنه دائر بر محاوره آچیلسه
بویوک بر اثر جهل ابراز ایدر . ممالک عثمانیه نك احوال تاریخیه و جغرافییه سی ،
امور اداره و داخلیه سی خاطره سندن بیله کچما مشدر . ترکیه بی هرکس قدر بازار
اوقور ولسان مادر زادم دکل دییه بیان ممنونیت ایلر . لسان مادر زادی اولان
آلمانجه ایله پدرلرینک لقبک لسانی اولان انگلیزجه دن برکلمه بیله بیلمز .
فرانسزجه ده کی ملکه سی فرانسه ده کی مدت اقامتی ایله معکوساً متناسبدر .
یازیلرینی ، احرک قلم تصحیح و تعدیلندن کچمکسزین باصدیره ماز . رضا بک
پارسله وقف نفس و حیات ایلدیکی برشی وارسه اوده (پوزی تیویزم) مسلك
فلسفیدر . عمرینی عطالت و بطالت ایچنده کچیرن تنبلا رکبی ، زوالی احمد
رضا بك ده بیلمدیکی ، اکلادیغی (پوزی تیویست) صالونلرنده صقال اوزاتمش
بیهوده عمر کچیرمشدر . بیلمدیکی ، اکلادیغی دییورم ؛ چونکه فلسفه ، زبده
علوم و خلاصه فنون دیک اولوب علوم و فنونده بهره تامی اولان کیمسه لرك اشتغال
واستفاده ایده بیله جکی بر درس حکمتدر . یوقسه مبادیلرینی بیلمیه جك قدر سرمایه

علمی زوگوردی اولانلر ایچون فلسفه ، اکلاشلماز بر معما ، مغلق بردستور ، ایچندن چیقلماز بر باطقدر — رضا بکک درجه تحصیل واقتدارینی کوستردیکندن بوبابده بشقه برسوز سویلمکه حاجت یوقدر .

اتحاد وترقی جمعیتک علامه بی مدانیسی اولان احمد رضا بک افندی بو درجه جهل مطلق صاحبی اولدیغنی مجلس مبعوثان ریاست واعضالغنده دخی اثبات ابتدی .

یالکیز کندیلرنده بر مزیت وارایسه اوده کبر وغرور وکین وغرضدر ، عظمت وغرورلرینه فدا ایدیان معلمین مقتدرین ورجال سیاسیون صرف احمد رضا بکک حرکات جاهلانه سنه ومشار الیهک سودای ترقی وتغردینه قربان ایدلمشاردر .

یوقاریده دخی دیندیکی وجهله استانبولده حریتپوران طرفندن تاسیس ایدیان اتحاد وترقی جمعیتی ابتدای تشککنده مقصد تأسسی ظلم واعتسافه نهایت ویرمک وعثمانلی قوم نجیبینک محتاج ومستحق اولدیغنی حریت وعدالتی استعدا واسترحام ایلیمک ودولت ایلله ملت آرهسنده منکسر ومنقطع اولان رابطه امنیت ومحبتی تجدید وتقویه چالیشمق کبی صاف وخالص برامل وارزوی وطنپرورانه ومقصد حمیتکارانه ایلله ملتداشلارینی دائره اتحاد واخوت وغیره دعوت ایلیمش ایدی .

اوزمان بوصورتله تأسس ایدن مذکور جمعیه ارباب حمیت وناموسدن واصحاب اقتدار ولیاقتدن برچوق ذوات داخل اولدیغنی کبی شخصندن ، نفسندن غیری دنیاده بر دوشونجهسی اولیان دولت وماتنه قارشی برحس محبت بسله مین بعض خائن وخبیثده حمیت ووطنپرورلک نقاب وکسوهسی التنده بو جمعیه بالطبع داخل اولملریدی .

ایشته ارباب حیثیت ووجدان میاننه کندیلارینی ادخاله بو وجهله موفق اولان بوخائن خبیثلر عالمه کندیلارینی وطنپرور کوسترمکه باشلامشاردر .

احمد رضا بک افندیده بو حمیت کسوهسی التنده کندیسنی اخفا ایده رک جمعیه داخل اولانلردن بریدر .

مشار الیهک شخص وعظمت وغروری یلک کنج اولان جمعیت منسوبینی آلداتمش ورضا بک جمعیتجه مهم موقعلره چیقارلمش و برمدت صوکره نه مال اولدیغنی اکلاشلیمش ایهده منتسبین جمعیت دوستلارینی مایوس ودشمنلارینی مسرور ایتمکدن اجتناباً مدت مدیده احمد رضا بکک سیئاتنی ستردن کیر وطور مامشاردی .

احمد رضا بك افندی حرکات عقلیه وجاهلیه سندن ناشی سیئاتنی ترمید و تشدید ایتمش و آوروپاده جمعیت افرادی حقننده روا کورمدیکی حقارت و چویرمدیکی دولاب مفسدت قالماش و اعضای جمعیتك جمله سنی کوجندیرمش اولدیفندن مومی الیهك تبدیل مسلك و اصلاح حالی مرحوم مراد بك طرفندن تعهد ایدلمش اولدیفندن مرحوم مشارالیه احمد رضا بك تبدیل مسلك و اصلاحنه جمعیتجه مأمور ایدلمش ایدی .

هر تدبیره باش اوردیفنی حالده تبدیل مسلك و اصلاح حال ایتدیریله میه جکی مراد بك افندی ایله رجال جمعیت طرفندن اکلاشدیفندن دفع مضرتی چاره سی دوشونلمش و هیئت اداره جمعیت احمد رضا بك صوك قباححت و خباثتنی اورته یه قویمش و مشار الیهی جمعیتدن طرد و رابطه سنی قطع ایلمش ایدی .



مجلس اعیان رئیس احمد رضا بك افندی حضرتلری

Ahmed Riza Bey Président du Sénat

ایشته جمعیتدن طرد و اخراج ایدیلن احمد رضا بك افندی اولزمان سوت دوکش کدی کبی بر طرفه چکلدیکی کبی جمعیتك نه بو قرارینی پروتستوونده

مقصودمیتنی دعوی ایله مدافعهٔ نفسه مقتدر اوله مدی . زیرا کندیس ده قباحتنی و سیئات سابقهٔ متسلسله سنی بیلیدی . احمد رضا بکک جمعیت اتحادیه به دخولی و نامناسب حالاته اجتناساری جمعیتک ارباب ناموس و حیثیتدن اولان مؤسسين ورؤساسندن يك چوغنی کوجندیرمش اولدیغندن بونلردن بهضلری قبل الانقلاب جمعیتی ترك ایتمش و بعضسی دخی بعد الانقلاب جمعیتی ترکه مجبور اولمشدرکه جمعیت احمد رضا بك وامثالی مطرودین ایله بر طاقم اشرا واشقیای شریره النده قاله رق بوکونکی حاله کلمشدر .

اگر احمد رضا بك منفعت ذاتیه سندن زیاده منفعت وطنی دوشونك خاصه سنه ذره قدر مالک اولسه ایدی . بالطبع نه کندی جمعیتلری محو اولور ونه ده مملکت اضمحلاله دوشردی .

بو بویله اولدقدن صکره آرتق نه احمد رضا بکک ونه ده سائر رفقاسنك بو دوات و مملکتده اوینایه جقلری اوینلر قالمدیغندن سسلرینی چیقارمق جسارتنده بولنیه رق مملکتی بوندن صکره اولسون فلا کته سوروکلمکدن کندیلرینی منع ایلملری اقتضا ایدر .

جمعیت اتحادیه نك صورت تشکل و تأسسنده احمد رضا بك وامثالی کبی ذوات واون سنه دنبری مملکتهمزده میدان اوقویان اتحاد وترقی جمعیتی اشرای خائنه سی داخل جمعیت ایدلماش اولسه ایدی . بلکه بوکون اتحاد وترقی جمعیتی نامندن وافراندن کیمسه نفرت ایتمز ولعنتمخوان اولمازدی .

غرابت شوراده درکه احمد رضا بکک بو درجه جهل وحمق ایله برابر اون سنه دنبری موقع اقتدارده بولنمشدر . بوکا بردرلو عقل ایردیره میورز احتمال ایجاب طالعدر .

یوقاریده بیان اولندیغی اوزره اتحاد وترقی جمعیتک دردنجی دفعه انعقاد ایدن قونغرہ سنده (حزب جدید) حقنده ویریلن قراردن بشقه برچوق قراردها ویرلمش و مرکز عمومی اعضاسنك یدی کشیدن اون ایکی کشی به ابلاغی ده قرارگیر اولمشدر . بر موجب قرار اتحاد وترقی جمعیتی مرکز عمومی اعضالغنه انتخاب اولونان اون ایکی اعضاده (حاجی عادل ، طلعت ، احمد نسیمی ، علی فتحی ، خلیل ، ضیا ، صبری ، دوکتور ناظم ، مدحت شکری ، ایوب صبری ، حسین زاده علی . ناجی) بکلردن عبارتدر .

و دردنجی قونغرہ کولنج اولمقدن زیاده جمعیتک مقاصد خائنه سنی ارائہ ایدر
بر صورتده بتون افراد ملتی اتحاد وترقی اعضا سندن عدایتش وبالعموم اولاد
وطنی اتحاد وترقی بایراغی التندہ مجتمع کورمکہ دعوت ایلمشدر .

بو قرارله مشروطیتپرور (!) اتحادجیلر اداره مشروطهده مخالف کورمک ایسته
مدکلرینی ارائہ واثبات ایله منفعتپرست و مستبد اولدقلرینی میدانہ قویلمشدر .
دردنجی قونغرہ بونکلهده قالماش و بوکبی مضحک هذیانارده بولنمقدن کندیسینی
آله مامش ایدی .

از جمله باشلوجه هذیان ومسخرهلقدن بریده لوای اتحاد التندہ اجتماع ایتیمه جک
اولانلری اتحاد وترقی به اعلان حرب ایتش عد ایدیور وحتی عثمانلیلقدن اخراج
ایدیور . بونلر بزدن دکلدن واوله مازلر کبی برطاقم هذیانارده بولنیور .
بو جمعیت عثمانلیلق نام مبعجلنی کندیسنه مال ایدیور . جمعیتہ داخل اولیانلری
عثمانلی عد ایتیور .

شاعر مشهور حسین کامی بک بر منظومه سنده آئیده کی مصراعرله اتحاد وترقی به
بر درس عبرت ویرمش ایسهده بوندن بی خبر اولان جمعیت متنبه اولمامشدر .
یا شرف ویرمک کرک عثمانلیلق عنوانه
یا که آرتق ترک نام وشان عثمان ایتملی !

عالی اتحادجی ایدهرک منفعت شخصیه لرینی تأمینہ چالیشن جمعیت رؤسامی
بالله عثمانلیلری اتحاد بایراغی التندہ کورمکہ چالیشمیو بده زمان مشروطیتده دولت
وملکت ایچون چالیشمق وجو بنی بیاسه و عثمانلیلق عنوان مبعجلنه شرف ویرمکہ
مواق اولسه ایدی .

بو یولده قونغرہ قرارلریله وسائر کونا تهدیدلرله ملتی اتحادہ جلبه لزوم کورلار
وملک عثمانیه اتحاد وترقی نامنی تبجیل ایدر و جمله خلق اتحاد وترقی به انتساب
ایلردن .

حال وکه جمعیتک اون سنه لک اداره مستبده سی شان وشرف عثمانی به جداً نقیصه
ایرات ایتدیکنندن عالی جمعیتلرینه دعوت ایدن بو شریرلر عثمانلیلق نامی تحتندہ
یشامغه لایق اولدقلرینی اکلاملی ونام جلیل عثمانی بی اغزلرینه آلمیه رق دفع
اولوب کیتملیدرلر .

چونکه بونلرک بر چوغی عثمانلی اولدقلرینی بعض مسائلده ارائہ اثباته

تشیث ایدن سرسر یلردر .

بیتهی اثر عاجزی به مقدمه و سرنامه اتخاذ ایلدیکم شاعربی نظیر مرحوم اشرف بکک (*) اولجه تنظیم ایلدیکی (تصویر احوال) نام منظومه رعنا . بو شیریرلرک زمانه موافق و مطابق کلدیکندن اشرف ایچون وسیله رحمت و کنجلرده بر نصیحت اولوق اوزره عیناً زیره نقل و درج اولندی .



اطنه والی معاون اسبقی شاعربی نظیر

اشرف بک افندی

Echref bey

Célèbre poète satirique ture

(*) شاعربی نظیر اشرف بک مرحوم برچوق قضا قائمه قاماقلرنده بولنش واک صوک مأموریتی اولان اطنه ولایتی والی معاونلکندن تقاعد ایدیلرک از میر داخلنده قرق اغاج شهرنده اختیار اقامت واوراده ترک دغدغه حیات ایتمشدر .

(تصویر احوال)

اغارمش صاحچلم برطاغ باشنده قاره دونمشدر
اوطاغك دامننده كوزلم انهاره دونمشدر
بتون موی سیاهم بم ییاض ازهاره دونمشدر
تمده جوهرجان بر چكلمز باره دونمشدر

جهانه كلدیم كوندنبری بك چوق جفا كوردم
ازیلدم بارغم التنده بیک درلو اذا كوردم
دكل بیکانه لردن آشناردن بلا كوردم
وجودم عالم صحتده بر بیاره دونمشدر

فلك غایت دونك دنیاده برجلاد مدهشدر
ایچندن چیقمسی بومشكلاتك خیلی برایشدر
دكرمن صانكه ییل، آی چرخ، ایامی برردیشدر
ایچنده آدم اوغلی بر اوافق چاوداره دونمشدر

موقتدر اگر حکم ایلسهك دنیایه سرتاسر
چیقار آخرالكدن بیک یرندن باغلهسهك چنبر
جهانه صیغمامشكن بر مزاره صیغدی اسكندر
واروب باقسهك اوده شمدی ییقق برغاره دونمشدر

سن ایستر بوینكه ایپ طاق دیلر جوهرلی قوردون طاق
بودنیادن نصیبك اك نهایت بر آوج طوپراق
بقاسی وارمی دهرک دیده امعان ایله برباق
نیجه معموره عالم خرابه زاره دونمشدر

نه اولمش اولسه آدم قالمامشدر ذوقی دنیانك
هله مأمور اولورسه راحت اولماز بر انسانك
حكومتلرده فریادی چكلمز لاله کیرانك
فلك حجاج ظالمدن دها غداره دونمشدر

طویان یوق سویلمه باشكده بیک درلو بلا اولسه
امین اولمه صاقین بر شخصه حتی اولیا اولسه

صوقار عقرب کبی فرصت بولنجه اقربا اولسه
بتون ابنای آدم بر زهرلی ماره دونمشدر

کوروبده صورتا بر زاهدی ظن ایتمه بیچاره
آچار ایسترسه تیغ جور ایله سینه کده بیک یاره
ویرر اول نصیحت صوکره انساندن آلیر یاره
بیوک کمرکده واعظ صانکه بر سمساره دونمشدر

بیوکلرجه جهانده عاجز آلدانق درایتدر
بالان سوز سویلمک اونلرجه کویا بر ظرافتدر
کوچککردن صدور ایتسه فقط بونلر جنایتدر
بیوکلک سیئاتی ستر ایچون آستاره دونمشدر

چالار بر کیمسه به بر کیمسه تفویض امور ایتسه
دوزلز بعدما اخلاقز مهدی ظهور ایتسه
قالیر آل قان ایچنده یاره دن هرکیم مرور ایتسه
طریق استقامت بر مغبلانزاره دونمشدر

صاقین مایوس اولوب دونه طریق خیرخواهیدن
ثریایی ثرا ظن ایتمه فرق ایت ماهی ماهیدن
کوچکدر باب عالی باب درگاه الهیدن
انک یاننده بو سوراخ مور وماره دونمشدر

قوشاتمش ملک اسلامی سراپا دشمن دولت
کسوفه اوغرامش خورشیده دونمش عادتا ملت
مظالم قابلامش اطرافنی ، فانوس حریت
ظلام ایچنده پارلایان انواره دونمشدر

می ایچمک انتحار ایتک دیمکدر کرچه بالتدریج
دوشونمکه ورم اولمقدن اولی در دیلرسهک ایچ
ولکن حرمتنده اولماسون واقع قصورک هیچ
بزمچون چونکه می اغیاره بکزر یاره دونمشدر

قاچار آهوی حریت جهالت یاده کلدکجه
تباعد ایلر عقلی باده نوشک باده کلدکجه

سحر و قتنه بلبل دم چکوب فریاده کلدیجه
 نشاطندن کوکل بر بلده احراره دونمشدر
 آ کلدیجه جهالت ایلمه چین جبین اظهار
 جهالت اوزره غالب معرفت ایسترایسهک معیار
 ژاپونیا چینه اسقاط جنین ایتدیردی آخرکار
 اوملکک شمدی حالی بنده کی افکاره دونمشدر
 جهانده وارمیدر بزلر قدر بیلم غرض معتاد
 کورورسهک کیمده آثار لیاقت ایلر زبر باد
 ایدلمزی تأسف بزده کی ارباب استعداد
 حبسده اویقودن محروم اولان بیداره دونمشدر
 اولورمی جاذبه سیر ایله هر محبوب کلفمده
 کمال اولماز مکاتبدن یتشمش هر بر آدمده
 شهادتنامه لی جاهلمی ایسترسک بو عالمده
 معارف شمدی بزده میوه سز اشجاره دونمشدر
 جهالت آدمی محروم ایدر هر بر سعادتدن
 جهالتدر جهانده وارایسه اشع اسارتدن
 اوزاغه کیمه (اشرف) بویقینلرده جهالتدن
 قوچه بر ملتک اقبالی باق ادباره دونمشدر

شاعر اشرف شو منظومه سیله ده بی نظیر اولدیغنی کوسترمشدر .
 اشرف مرحوم شعرای قدیمه و جدیده آره سنده آزی تیشیر بر شاعر ایدی .
 طرز تحریری اعتبار یله اشرفه بکزر نه زمانزده بر شاعر وار ونه ده آرتق
 بوندن صوکره او طرزده شعر تنظیر ایده جک بر آدم یتیشه جکنه امید وارز .
 زیرا زمانز کنجلمز تجدد پرستلک کوسترمک هوسنده بولند قلرندن شعرای قدیمه بی
 بکنمک شویله طورسون اوچ ، بش سنه اول وفات ایدن وزمانزده یتیشن
 اشرفی بیله تقدیر ایتمز لر ظننده یم .
 شعر و انشا مزده کنجلمزک آورو با مقدلکی بوزندن غائب اولوب کیدی یور .
 هر نه ایسه اشرف مطبوع و غیر مطبوع بر چوق اثر تنظیر و تنظیمنه موفق
 اوله بیلیمش و نامنی اک بیوک شعرا صره سنه ادخال ایلیمشدر .

نامنی الی الابد پایدار ایدہ جک آثار مطبوعہ سندن بعضلری شونلردر .
دجال ، استمداد ، حسبحال ، شاه پادشاه ، ایراندہ یانغین وار .
اشرفک بونلردن بشقہ اتحادیون علیہندہ بر طاقم بیت وقطعہلری واردرکہ غیر
مطبوع اولوب شونک بونک الندہ قالمشدر .

اتحاد وترقی جمعیتک طالعدنمی ؟ یوقسہ مملکتکمزک طالعسر لکندنمی ؟ شواون سنہ
ظرفندہ جریان ایدن احوالی نسل آتیمزہ برر صورتلہ اکلانہ جق درجہدہ آثار
نشر ایدہ بیلہ جک اشرف وامثال ذواتک وفاتلری حقیقہ موجب تأسف وتاثردر .
ایشتہ اتحاد وترقی جمعیتی رؤسای خائنه سنہ شواون سنہ ظرفندہ فلک دخی
مساعد طاورانیدیغی حالده ممالکتی دوزلتکک کلن بو سرسریلر دوزلتکک شویله
طورسون آلتنی اوستنه چویرمشلردر .

هرکسک معلومی اولیدیغی اوزرہ بورزیلار درسعادت وولایاتده انتخابات
زمانلرندهده لایحد ولا یحصی جنایتلر وظلملر اجرا سندن چکنامش ومنفعت
ذاتیہ وشخصیہ لرینک تأمین ایچون چالیشدقلرینی عالمه ارائہ ایتمشلردی .
بویولده حرکتلرینی مشاهده ایدن ملت بو آلیقلردن دهانه منفعت
بکله یورلردی کہ بونلرک سنہ لرجہ دوام ایدن ظلم وغدرلرینه کردن داده انقیاد اولمقدن
کیرو طورمدی ؟

قانون اساسی حکم منیفنجه حق انتخابه مالک اولان افراد ملت ندن بوشریلر
طرفندن صندوق باشلرنده بر طاقم حریتپرورانک صوبالر ، قمار ، پیچاقلر ،
روولورلر ایله ضرب وجرح ایدلکلرینی وانتخابات صندوقلرینه وضع ایلدکلری
اسامی بوصله لرینک صندوقلرک آلتنی آچمق وصور سائرہ ایله صندوقلردن آشیرمق کبی
معاملات غیر قانونیه لرینه تحمل ایتدیلر ؟

ندن افراد ملت جمعیت اشراسی طرفندن ویریلن برقچ غروشه مقابل
انتخابات زماننده کلاهلرنده حریت ، عدالت ، مساوات یازیلی بر طاقم
سرسریلرک شهرلرده اجرا ایتدکلری مظالمه سکوت ایله مقابلہ ایلدی ؟

ندن الک زیاده اجرای رزالت وخبائت ایتدکلری ازمیرده اوتوزر ، قرقرکشیک
اتحاد اشقیاجتہ لرینک سرخوش وجانی افرادینی صندوقلر باشندن دفع وطرده موفق
اوله میوبده هر صندوق یاننده افراد اهلیدن بوزلرجہ مظلومینک ضرب وجرحنه
میدان براقدیلر ؟


حریت نام وکسوهسی التئنده تجمع ایدن اتحاد اشراسته . مشروطیت وحریت اولان بر مملکتده بویله صوپا وسلاحله می انتخابات اجرا ایدیلور . بوکا مشروطیت وحریت دینیلورمی دیه بر سوال وارد اولسه انلرده عجبانه جواب ویره بیلورلر ؟

بورؤسای معهودهء معلومه نك ملتك آغزینی آچه میه جق درجه ده یاپدقلری ظلم و تعدی یوزندن ملت برسوز سو یلمکه مقتدر اوله مامش و بوشریرلر همپار یله برابر برچوق او یون اوینامشدرکه اهالی حریت و مشروطیته لعنت ایتمک درجه سنه کلمشدر .

طبیعی بویله رزالتلر وقانون شکنانه حرکتلر و مستبدانه معاملات و ظالمانه جنایات ایله مشروطیت وحریتی کندی منفعتلرینه آلت ایدن اتحاد اشقیاسی اون سنه دنبری مملکتهمزده مشروطیت یوزی کوسترمامش واهالیء مملکت مشروطیت وحریتك نه اولدیغنی اکلایه مامشدر .

رؤسای اتحادیون بویله ظالم و ملتده مظلوم اولنجه مشروطیت وحریت دینیلن شیئك نه اولدیغنی اکلاشیله ماز .

حریت وعدالت و مساوات اعلان ایدن بانیء مشروطیت اتحاد و ترقی جمعیتی انتخابات زماننده ازمیرده انتشار ایدن مخالف غزته لری صاتان و با خصوص (مساوات) غزته سی متعهدینی مذکور غزته بایعی اولمسندن طولانی زقاق اورته سنده ضرب و قما ایله جرح ایتدیردیکنی و انتخاب یوزندن برچوق جنایت ارتکاب اولندیغنی کورن مذکور (مساوات) غزته سی مدیر فضائل انیسی مجاهد غیور حافظ اسماعیل افندی حضرتلرینك بالبداهه سویلدکلری قطعه وارد خاطر اولمغله شوراجغه درجه مجبور اولدم .



انتخابك بزه کی اشکال خون آلودینه
نفرتم مزداد در باقدقیجه مشروطیته
لعنت اولسون نرده اولسهم سویلرم پروام یوق
بویله جمعیت اسیری مستبد حریته

شو قطعه دنده معلوم اولدیغنه کورد ملتك هر برفردی اون سنه دنبری مشروطیت وحریتدن بر اثر کورمدیکنی قالا وقلما سویلیور .

مومی الیه حافظ اسماعیل افندینک مصرده نشر ایلدیکی (مساوات) عزته سندده
« صاعقه مساوات » سرلوحه سی التنده کور یان منظومه آیه سی دخی عیناً
شورایه نقل ودرج ایله نرین صحیفه ایدلدی .

— صاعقه مساوات —

طالع ناسازی برکه یار ایتسونده کور
یک قلمده کنجی آلسون اختیار ایتسونده کور
اتحادیونه دنیای مزار ایتسونده کور
سن (مساواتی) قریباً انتشار ایتسونده کور
مقصدی ، تأسیسی دور عدل وانسانیتک
نشر وتعمیمی وطنده نعمت حریتک
مسلمکنده کیمسه دن پروامی بوقدر حضرتک
سن انی ارباب ظلمی خاکسار ایتسونده کور
یوق قوینک حق آرتق برضعیفی آزمکه
سفلک ایدوب بیک خون معصومی ایچنده یوزمکه
مفتخر قائله ، جنایتله جهانده کرمکه
سن انی ترک مقام اقتدار ایتسونده کور
ظالمی - انسان ایسهک - احایه حصر همت ایت
بکلمه اللهدن امدادی سن ده غیرت ایت
انتقام المغله اوندن حق وعدله خدمت ایت
سن اوعدلی ، حق جهانده پایداز ایتسونده کور
بعضی ' غدار خلقک ، اکثری مغدور در
ظلمت جهل ایچره مدفون جمله سی معذور در
انلری تنویر ایدر فیض معارف نور در
سن اونوری ، عاقبت لیلی نهار ایتسونده کور
شرقه استیلا ایدن بر دشمن مشوم در
قوم آلمان ، که او یوز دن اولدیلر معلوم در
ارمنی ، روم و عرب ، ترک جمله سی معصوم در
سن بوملتلر او یانسون اخذ ثار ایتسونده کور

رفع و امحای مظالمکن اساس اتحاد
باق نه حاله اولدی منجر او یله عالی اجتهاد
شمدی هر بر عضوینک اوستونده بیک خون عباد
سن اوقانلی اتحادی انکسار ایتسونده کور

و یردی لر بی چاره ملکی - قان دی لر - آلمان لر
ملتی غرق ایتدی لر باشدن باشه آل قان لر
قال دی لر بیکانه حتی قونیه یه ، بالقان لر
سن اواسکی یوردی مولا بختیار ایتسونده کور

خاندان (آل عثمان) ظلمنک مظلومی در
او یله جمعیت ، که حالی جمله نک معلومی در
خادم ویله امددر بونلر ، انک مخدومی در
سن او ویله امدی ، لوید جورج تارمار ایتسونده کور

یوقی مشروطیتک بر فرقی استبداد دین
أولدرک معصومی محروم ایلک امداد دین
صکره دهشت دورینی ایجاد ایدک بیداد دین
سن اودوری ، دهشتندن انتحار ایتسونده کور

دور دهشت ، آه .. هر آنک ، که غدار ودنی
قانلیدر دور حمیدین ده سویلتمه بنی
نفی و اعدامه مهیا بریغین ترک ، ارمنی
سن او مظلومینی الله کامکار ایتسونده کور

ایتدی لر باشدن باشه اعدام حیفای ملتی
بیقدیلر بش اون قدر اهل مظالم دولتی
قانله تلویث ایتدی لر ناصیه حریتی
سن اووجه پاکی مولا شعله دار ایتسونده کور

آفرین بر بویله کونده رأسه کلمش ارلره
دولتک طاق بلند شانی دوشدی یرلره
قالدی خارجه جانی برباقک دفترلره
سن اودفترلر اوقونسون ذکر یار ایتسونده کور

وارمی تاریخنده تدقیق ایتدیگز می دولتک
براشوب دشمنله محو اولقمی کاری ملتک
یوقمی حامیسی صانیرسک مسلك حریتک
سن اوحریت بوملکی سایه دار ایتسونده کور

باق شوسوزده حرب دینییه ، دوشون برعبرت آل
کعبه بی ، قدسی ، عراقی واقفانه فکره طال
جرات و خسرانکک انواعنه حیرته قال
سن اوخسرانی سکا تاریخ بار ایتسونده کور

بر زمان ، که روسلر اسلامه صولت ایتدیلر
انکلیزلرله فرانسزلر ، صیانت ایتدیلر
قانلریله دولتی ابقایه همت ایتدیلر
سن اوملتلر بونکله افتخار ایتسونده کور

روم ایلی بی کیمدی (برلین) ده اعاده ایتدیرن
بلغارستانی کوچولتن ، بوسنه بی ابقا ایدن
هانکی دولتمدی سنی اصلاحه اقدام ایله یین
سن بو نعمتلر ثنایه افتقار ایتسونده کور

پک یازیق احسانه قارشو بز اسات ایلک
ترک ایدوب حریتی میل اسارت ایلک
دوستلره اعلان حرب ایتدک ، جنایت ایلک
سن اودوستلر دشمنی مغلوب وزار ایتسونده کور

دولتک تاریخ استقلالی ، لکن شانلی در
قوته قارشی قویان ، ضعفی طوتان عثمانلی در
حق ، احسانی طانیر عثمانلیلر وجدانلی در
سن او وجدانلر حکومت برقرار ایتسونده کور

اتحاد و ترقینک اوظالم و خونخوار رؤسای منفعمت ذاتیه و شخصیه لری اوغرنده
هیچ بر فنا لقدن اجتناب ایتماش کرک انتخاباتده و کرک سائر اوقاتده وطنمзде
جنایات متعدده اجرا ایلمشدر .

ایشته بو جنایات و مظالم نتیجه سیله مملکت بوگونکی حال فلا کته کلمشدر .

فارماصون و سیونیست اولادی و آلمانیا ایمپراطوری و یاهلمک بنده خاص
الخاصی اولان اتحاد و ترقی جمعیتی ذره قدر وطن و ملتیه محبت و خدمت ایتمکی
عقلانه کتیرمش و توارخ متعدهیه عطف نظر ایتمش اولسه ایدی .

جهانگیر اولق سودا سنده بولونان آلمانیا ایمپراطوری ایکنجی و یلهلمک حرکات
مجنونانه سنه قاپیلهرق دولت و مملکتی بو فلا کته دوشورمزدی .

زیرا تاریخ عالم کوستربورکه شمیدی به قدر توسیع ممالک و جهانگیرک خلیا
و سودا سنده بولونان حکمداران سالقه دن هیچ بری بو خیال خامه موفق
اوله مامش و کیمسه باشند باشه دنیایی ضبط ایده مامشدر .

تاریخ عطف نظر ایدیلورسه . جهانگیرک سودا سنده بولونان حکمداران
سالقه نک ال بیوکلی اولان کیخسرولر ، دارالر ، اسکندرلر ، هلا کولر ،
تیمور انکله و سائره بیله فتوحات عظیمه لر یله امل و ارزوی جهانگیرانه لرینه موفق
اوله مدقدن بشقه بعضلریده حکومتلرینی الدن قاپدیره رق محو و پریشان
اولمشلردر .

تاریخ اورته ده یکرمنجی عصر مدنیتده کی ترقیات فنیده ده میدانده ایکن
عسکرینک تعلیم و تربیه سنه کورونه رک بالعموم دولتلره میدان اوکورجه سنه
اورتهیه آتلق کبی حرکات مجنونانه ده بولونان آلمانیا ایمپراطوری ایکنجی و یلهلمک
تشویقات و اغفالات مغرورانه سنه قاپیلهرق قدر اثر جنت ابراز ایدن اتحاد
و ترقی جمعیتی رؤسای خائنه سنه نه دینلمک لازم کلیرسه دینلمسنی عقلای ملت
واصحاب درایتیه حواله ایدهرز .

اتحاد و ترقی جمعیتک میدان انقلابه آتدیغی بیک اوچ یوزیکرمی دوت سنه
رومیه سندن اول و صوکره فارماصون و سیونیست جمعیتلریله آلمانیا حکومتی
آمانه خادم اولان مذکور جمعیت رؤسای ملعونه سندن برچوغی منسوب
اولدقلری مذکور جمعیتلره اجیر خاصی بولندقلری آلمانیا ایمپراطوری و یلهلمک
آمال جهانگیرانه سنه خدمتله مکلف اولدقلرندن ذاتاً بو حرکات مجنونانه دن
کندیله رینی آله میه جقلری معلوم ایدی .

پک جزئی و خسیس بر منفعت مقابلنده مذکور جمعیتلره آلمانیا ایمپراطورینک
خدمتکاری اولان رؤسای ملعونه اتحادیه نک ماضی و استقبالی دوشونمکی
خاطرلرینه بیله کتیرمه لزوم کورمیه جبکری درکاردر .

ایشته بؤکا بناء آلمانیا حکومتی ایله حرب عمومییه اشتراك ایتک کبی حرکات جنایتکارانه و مجنونانه دن کیر و طورمدیلر .

حتی عالم اسلامی آياقلندیرمق و ولی نعمتلرینک ارزو و آماننه دها زیاده خدمت و یاردم ایتک ایچون « جهاد مقدس » نامیله حرب دینی اعلانلندن دخی چکنمدیلر .

« جهاد » اعلان ایدن رؤسای ظالمه نك نه اولدقلری عالم اسلامجه معلوم ایدوکندن بونلرک اعلان ایتدکلی بو جهادک شرعی و دینی اولدیغنی آکلاشیله رق برچوق یرلرده نظر اعتباره بیله النمدی .

« جهاد » اعلان ایدن اتحاد و ترقی حکومتی ارکانی دین و ایماندن مبرا و شیخ الاسلاملری اولان موسی کاظم و خیری افندیلرده ماصون قارداشلردن ایدیلر . هیئت و کلاسی بو یولده اولان بر حکومتک (حرب دینی) اعلاننه ایشانه حق و اشتراك ایده جک بر مسلم تصور ایتک عبث ایله اشتغال ایتک دیمکدر .

خلاصه هرايشده اولدیغنی کبی بو حرب عمومیده دخی دینی کندیلرینه آلت ایدن بو دینسزلر خارجه ده بولونان اسلاملری ارزولری و جهله آياقلندیره مدقلرینی کورونجه داخل ممالك عثمانیه ده بولونان اسلاملری و عثمانلی نام مبعجلی ایله مفتخر اولانلری حر به سوق و تحریک ایچون مولویلردن متشکل طابورلر تأسیس و تشکیل ایدهرک مولوی اردوسی نامنی و یرمک و سلاطین عظام عثمانیه نك نام جلیلندن استفاده املیله اردولردن بعضلرینی سلاطین سالفه نك اسم جلیملری ایله یادایتک و تبعه عثمانیه دن حرب علیه نه بولونان برچوغنی ده قتل و اعدام کبی مجازاته دوچار ایلیمک کبی رزالت و مسخره لقلر اجرا سنده بولنشارددر .

« علم جلیل رسول اللهی » کشاد ایله بالجمله اهل اسلامی « لوی جلیل پیغمبری » التنده تجمع ایتدیرمک و کندولرینی دیندار کوسترمک ایسته یین بودینسز و حیا سز اتحاد و ترقی رؤسامی صاحب علم « جناب نحر کائنات افندمز حضرتلرینک فم پاک رسالتپناهیلرندن » صادر و آتیده مندرج اولان « حدیث شریف » ایله کندیلرینک کیم اولدیغنی آکلاسه لر ، عالم اسلامی « لوی محمدی » التنه جلب و دعوتدن پک اوزاق بولندقلرینی بیلیرلردی .

ایشته ؛

بخاری شریفک علامات نبوت باینده کی :

— حديث شريف نبوى —

« يَأْتِي فِي آخِرِ الزَّمَانِ قَوْمٌ حَدَنَاءَ الْأَسْنَانِ سَفَهَاءُ الْأَحْلَامِ يَقُولُونَ مِنْ خَيْرِ قَوْلِ الْبَرِيَّةِ يَمْرُقُونَ مِنَ الْإِسْلَامِ كَمَا يَمْرُقُ السَّهْمُ مِنَ الرَّمِيَّةِ لَا يَجَاوِزُ إِيْمَانَهُمْ حَنَاجِرَهُمْ فَإِنَّمَا لِقِيَتَهُمُ فَأَقْتُلُوهُمْ فَإِن قَتَلْتَهُمْ أَجْرٌ لِّمَنْ قَتَلَهُمْ يَوْمَ الْقِيَامَةِ »

(زبدة البخارى الشريف ، ص ۱۸۰ ، نمرة ۹۷۶)

— ترجمه سى —

« آخر زمانده بر قوم كليرهپسى كنج هپسى علقجه سفيهدر . بونلر خلقك اك خيرلى سوزارى طرزنده سوز قونوشورلر . فقط اوقك يابدن چيقدينكى دين اسلامدن چيقارلر . بونلرك ايمانى لسانلرنددر . بوغازلرندن آشاغى تجاوز ايتمز . بونلره نزهده ملاقى اولورسه كز اولدوروكز . چونكه بونلرى اولديرمك آخرتده اولديرنلر ايچون باعث مكافاتدر »

ايشته كنج تركلر دينيلان اتحاد وترقى جمعيتى مؤسسین ورؤسای ملعونه سى حقنده اولدينكى احتمال اغلب اولان « حديث شريف حضرت نبوى » بورزيل وآچقلرك كيم اولدقلىرىنى دكل بونلرك امريله حركت ايتمك بونارى قتل وانلاف ايلمك دنيوى واخروى موجب مكافاة اوله جفنى واضحا كوسترديكندن آرتق بوبابده بشقه برسوز سويلمكلكمز زانددر .



بوكى وطن ومليت خائى دينسزارك اعلان ايتدكلرى حرب دينيدن بر نتيجه استحصال ايديله ميه جكى صراحة ميدانده ايدى .

نته كيمده اويله اولدى : افنديلرينه قارشى خدمت ويرارلقلىرىنى ارائه واثبات اوغورنده التى يوز اللى سنه لك قوجه بر دولتى محو وپريشان ايتديلر .

ميدان انقلابه آتدقلىرى زمان اداره مطلقيتله دولتك بقاسى قابل اوله ميه جفنى اوكه سورهرلك مشروطيتك فضيلتندن بحث ايدن بوانحاد وترقى رؤسای شريره سى اون سنه اداره حكومت ايتدكلرى حاليده بومدت ظرفنده اداره مستبددن بشته ملت مشروطيت آثارى كوسترمديلر .

عجبا بونلرك ديدكاري مشروطيت (۱) كندى منفعت ذاتيه وشخصيه لرى
ايچونى ياپيلمش ايدى ؟

يوقسه ملق بوكى طاتلى سوزارله اغفال ايدهر ك كېسه لر ينى طولدير مق ودولتى
فلا كته سوق ايلمك ايچونى مشروطيت اعلان اولنمش ايدى ؟
بز بورالرينى اكلايه مديغمز ايچون بو سؤاللىرى ايراده مجبور اولدق .

كنديلر ينك بيلدكاري قدر بزجه ده معلومدر كه ، بوكون ممالك عثمانيه نى مشروطيتدن
بشقه بر شكل اداره ايله اداره ايتمك ممكن دكادر . لىكن اون سنه لك مشروطيت كى
مشروطيتله دكل جدى وحقيقى مشروطيتله اداره ايتمك شرطدر .

اكر اتحادجىلرك مشروطيتى كى مشروطيتله اداره ايديلورسه مشروطيت دينلر
وبوكا آيروجه برنام و يرلك لازم كلير .

اتحادجى بكارك اون سنه لك مشروطيتله كچن زمان مطلقى مقايسه ايتمك
لازم كلير ايسه اوزمانه مشروطيت زمانى وبوصوك اون سنه يه استبداد دورى
دينيلير .

مع مافيه شوراسى شايان دقتدر كه خاقان اسبق جتتمكان سلطان عبدالحميدخان
ثانى حضر تارينك طقسان اوچ سنه سندن صوكره دوام ايدن اونوز اوچ سنه لك
مدت سلطنتلرنده اونوز ارچ خانلى بر كوى ضايع ايتديكى حالده اداره مشروطه
قانون اساسى يه حقيقلرعايت ايدلامسندن ناشى اون سنه ظرفنده يكر مى بيوك ولايت
ضايع ايتمشدر . مصر ايلات عظيمه سى ده بو يكرميدن بر يسيدر .

آرتق حكومت اتحاديه اداره سيله بكنمديكر حكومت حميديه اداره سنى يكدىكر يله
مقايسه ايتمك ارباب اذعان وعرفانه محولدر . بز بوراده يالكز :

حلب آنده ايسه بونده بولنور اندازه

ايشته ميدان هنر كيتميه لم شيرازه

ديوب كچه جكز .

انشئه آمر يته وآلمانلرك ازمده كى ترقيسييله شمارمش ودنيايى ضبط ايله
(جرمانيزم) سوداسنه دوشمش اولان آلمانيا ايمپراطورى ايكنيجى ويلهلمك حركت
محمونانه سنه وفارماصون وسيونيست جمعيتلرينك آمال خفيه ودسيسه كارانه سنه
اوفق بر منفعت مقابلنده اشتراك وخدمت ايدن اتحاد وترقينك منفعيت رؤساى
شيره سنى بر چمتدن معذور عد ايتمكده لازم كليور .

زیرا بوشریلر اصلاً و نسلأ وارثاً اصالت و نجابت و ثروت و ساماندن عاری و بری بر طاقم سرسریدن عبارت اولدقلرندن دنیایه قدم با صدقلری کوندن اعلان مشروطیته دکین اوج بش غروشی بر آریده کورمش طاقمدن دکلار ایدی .

اصلاً اصیل وارثاً صاحب ثروت اولین بر سرسریلر طبیعی بر قاچ غروش مقابلنده هرشی فدایه حاضر اولدقلدن بشقه ذره قدر علاقه دار اولدقلری وطنی محو و پریشان ایتمهکده حاضر و آماده ایدیلر .

بزم بیلدیکز بو آلچقلر یالکیزکندی منفعتلری تأمین ایدلسوندنه اولورسه اولسوندن بشقه برشی دوشونه مزلردی .

چونکه بو خذله معهوده عالم و عرفاندن ده حصه منددکل ایدیلر .

هردرلو فضائل انسانیه دن محروم اولان بوکروه کندیلرنده ساخته بر فضیلت و اصالت کوررلر و کوریشدکلری ذواته شان و شرف ، اصالت و ثروتله اولیوب فضیلت و درایتده اولدیغندن بحث ايله کندیلرینه بر موقع ویردیرمک ایستلر و شعرای قدیمده دن برینک سویلدیکی شو قطعه دن استفاده ایتمهک چالیشورلردی .

(قطعه)

شرف و شان نه جاه و رفعت ده

نه اصالت ده در نه ثروت ده

بونلرک ده صفاسی و ارایسه ده

ارجحیت ینه فضیلت ده

حالبوکه بو سویلنیلان شو قطعه نک نفس الامره پکیده موافق اولدیغی کورلدی و کوریلیور .

کندیلری اصیل و نجیب اولین و فضیلت و درایتلرینه کوه نه رک حرکت ایدنلر بزم شو اون سنه ظرفنده کوردیکمز اتحاد رؤسای کبی صاحب درایت و لیاقت اولورسه غایت جزئی بر منفعت مقابلنده مملکتی صاتاروکیدرلر .

حد ذاتنده اصیل و نجیب و صاحب ثروت اولان بر آدم کندیلرنده فضیلت و درایت کورن و صوکرده دن صاحب ثروت و سامان اولانلره قات قات فائقدیر .

زیرا اصیل و زنکین برعائله یه منسوب اولان بر ذات او یله مملکتی و دولتی بر قاچ غروشه فدا ایده مز . بوکا کوردیکی تربیه و تحصیل مانعدر .

ایشته اون سنه دیری حکومتیز مملکتیزده معروف اصیلر انده بولمش

اولسه ایدی . بوفلا کتله باشمزه کلیمزدی . زیرا اصالت ونجابتله متصف اولان ذوات اتحاد رؤسای کبی مملکتی صانعه قطعاً وقاطبة راضی اوله مازلردی . ذاتاً دنیاده ترقی وتعالی ایدن مات ودولتله اک زیاده بوجهته حصر دقت ورعایت ایدنلردر .

از جمله انکلتزه دولت معظمه سنک بوکونکی حشمت وعظمتنه سبب یکنه عنعنات قدیمیه بغایت دقت وهراشی اصالت ونجابتله متصف ذواته تودیع وتوجیهه علی الدوام صرف همت ایتسیدر .

بوجهت بزده پک زیاده اهمال ایدلمش ومملکت بر طاقم اصل ونسلی نا معلومار النده قالمش واک نهایت بو ورطهیه دوشمشدر .

آرتق سنه لرجه کوردیکمز تجربه لر کافی ووافی اولوب بوندن بویله اولسون اصالت ونجابت ودرایت ولیاقته دشمن اولیوب بو بولده کی ذواتک بتشمسنه صرف ماحصل غیرت ایدلم وایشلریمزی بو کبی ذواته تودیع ایلیم ده بزده از زمان ظرفنده ترقیه طوغری یوری بهلم .

ینه اداره میز درمه چاته بر طاقم نا اهللره ترک وتودیع ایدرایسه ک عالمده حیات اجتماعییه مالک اولق شویله طورسون هرشیدن محروم اولورز .

استبدادک قوه تضییقیه سندن بیزار اولان اهالی صافیته نک فوران حمیتندن استفاده ایدن وبوصورتله موقع اقتداره کله رک اداره حکومته وضع ید ایلله دور اخیر مدنیتده دور قدیمک مشاهیر خونخوارینه رحمت اوقوده جق مسدک سلوک ایلین اتحاد وترقی جمعیتی رؤسای خونخواری کبی اصل ونسلاری مجهول برسوری حشرات لایفلحونه بنده واسیر اولمقدن کنده میز قورتارلم .

دوات وملتمزک ترقی وسعادتی ایچون چالیشلم .
هیچ اولمزه بوندن بویله ملت مظلومه عثمانیه به رفاه وسعادت یوزی کوستردلم .
آرتق ملت بوکبی سرسریلرک ظلم واستبدادینه تحمل ایده میز .

✽ تنبیه ✽

اتحاد وترقی جمعیتک انقلابدن اول درسعادتده حین تائیس وتشکلنده حب وطن وسوق حمیت ایلله جمعیتی تشکیل واداره ایدن ومؤخر جمعیتی ترک ویاوفات ایلین مؤسسن رؤسا واعضاسی ایچنده ارباب ناموس وحیثیتن ک حقوق ذوات موجوددر

كذلك بعد الانقلاب بر طاقم مؤسسين ورؤسا واعضای وطنپوران دخی
بو شریرلرک چویردکلری دولاب تزویری مشاهده واستشام ایتدکلرندن ناموس
وحیثیتلری ایجابیله جمعیتدن چکلمشلردر .

بناء علیه بزده بو قسم ذوات حیتمندانی تبجیل ایدر و بوکی اشرا ایله تشریک
مساعی ایتیهرك جمعیتی ترك ایله چکلدکلرندن طولایی ذوات مشار الیهی تبریک
وتقدیر ایلرز .

بزم بو کتابده علی التوالی طعن وتشنیعمزه هدف اولان رجال اتحادیهدن مقصد
اتحاد وترقی جمعیتک اسرارینه واقف و رفقا سنی و افراد ملت اغتاله عن قصد
سالک اولان اعضا ورؤسای معلومه شریره سیدر .

بونلر تخمینمزجه اک چوق فرض اولسه درت بش یوزکشی بی تجاوز ایتمز
وبونلرک ایچنده اک زیاده مؤثر ومدیر اولانلریده تخمیناً اوتوز اوچ ایله قرق
کشی آره سندهدر .

یوقسه اتحاد وترقی جمعیتی ایچنده ایکنجی ، اوچنجی ، دردنجی درجهده بولونان
ذوات میانندهده ارباب ناموس و محب وطن رجال بولندیغنده شبهه ایدیله من .
بوکی رجال دخی طعنمه هدف دکلدر . بونلرک قباحتلری بالکیز غفلت
سیاسیه لریدر .

— افاده مخصوصه —

اتحاد وترقی جمعیتی رؤسای خونخواری یوزندن سوکیلی وطنمندن الی سنهدر
دور بولندیغمدن اندن اولکی درت سنهک بیلدیکم بعض وقوعات ومعلوماتی
وحر بدن اول واثنای حربده مصرده اخذ واستحصال ایده بیلدیکم اخبار موثوقه بی
شواثرله نشر ایدیورم .

ان شاء الله تعالی قریباً وطن عزیزمه عودت میسر اولدیغی تقدیرده مؤخرأ
جریان ایدن وقوعات ایله حرب عمومیه عائد جمع ایلیه حکم معلوماتی «اوکوندکارم»
عنوانلی بر اثرله طبع ونشر ایدهرک قارئین کرامه ناچیزانه بر خدمت ایفاسنده
موفق اولورم .



حرر عاجزک افکار واسانه صرف ترجمان اولهرق بر ذات حیثیات طرفین

قلعه آلمان منظومه آتیه دخی خاتمه کتاب اتخاذ اولنمیشدر .

— منظومه —

آفرین ای اتحادك شانلی آنلی (انوری)

عرشدن تافرشه ایندیردك لوی اگری

برغزا ایتدك كه نهب مال ایچون ملت ایله

غارت ایتزدی بورتبه اولسه مستوف لشکری

آج ایکن محتاج ایکن عسکرله ملت سرتسر

اولدی غرق سیم وزر جمعیتك قارداشلری

ملکت برحاله کلمشدرکه ظلم و جور ایله

کیمسه حس ایتمز قیامت قوبسه دول محشری

بنده حیرانم ید اعجازینه جمعیتك

صدمه سیله ییقدی اون بیاده سراپا هریری

اللی یوز بیلاق معظم دولتی احیا ایچون

ملتك تاجان اوندن صابلا مشدر خنجیری

یوقمی حتم شمعی ای (طلعت) سکاویلر ایسدم

قهر ایده حق سن کبی صنعی حیثیبروری

طلعت بن عاقلم واربنده قدرت دیرایدك

ظن ایدردك اذکیانك کندیکی سر دفتری

ایشته برباد ایلدك اولدی ممالك تارومار

قالدی الله جزء اصغر کندی قسم اگری

کندی حتی « مهد والای نبوت » ای لئیم

برغزا ایتدك كه دغون ایلدك « پیغمبری »

بن سکا وقتيله بیک بر کره شوبله سویلدم

آبیاب دولتک (طلعت) دکلسک سن خری

صدر اعظملق ندر فکر ایلدك لازم ایدی

سرور ملت اولورمی سن کبی برسرری

علم و فن ایستر توکنمز ثروت ایستر شمعی حرب

جهل ایله مغلوب اولورمی آوروپا دولتلری

حق یوقی شمدی قیردن چیقوب «سلطان حمید»
 وجهکه عطف ایتسه حدتله بُزاق اصفری
 مردم کار آزما ایستر بو دولاب ثقیل
 (جاهد) و (جاوید) ایله دونز سیاست چنبری
 اکسیک اولمز بویله رُأسنده مصائب آن بآن
 باشده جمعیت غراب آسا اولورسه رهبری
 حسن استعمالی مشروطیتک آسان دکل
 قدر زر زرکر شناسد قدر کوهر کوهری
 اویله مشروطیت اجرا ایتدیکزکه اون سنه
 ایلمزدی بویله ظلمی اولسه جنکیز عسکری
 مشورت هرملته بخش ایلمشکن منفعت
 سایه کزده بزده اولمشر رزالت مشهری
 ماه حریت کسوف التنده گیدی اولکه به
 کورمداک انوار حریتله تابان کشوری
 سوزده مبعوثان ملتدر دین آدملرک
 هانکیسی اولمش حقیقی انتخابک مظهری
 آتش فقر و ضرورت طوتدی ملکی سرتسر
 آسمانه چیقدی ظلمک دود آتش کستری
 انجداک صندوغنده وارسه هپی کیزلیدر
 مملکتده چوق زماندر بوق کورن سیم وزری
 بر بیوک دعواله کرچه انقلابی یاپدیکز
 صکره استبداده طوغری ایتدیکز صاغدن کری
 باد ایدوب رحمتله هرکس عصر استبدادینی
 سزله ترجیح ایدر نیمورلنک اشهری
 بر قودورمش برنجی حیوان کی کویا (جمال)
 صالديروب مجروح ایتدی کوردیکی شیرازی
 اولغدر حق وجهالت قابلامشدر کیم سزی
 کیمسه سزین بر نفر صایماتر قوجه نسکندری

عقلنك سپاسی اندامنده هر دم رون
كورمانشك بز (خلیل) آما سیاست دلیری
شبهه سز (احمد رضا) دن خوش سخن سويلرایدی
هیکل حریت ایتسهك مجلسه بر مرمری
بز بونك غمزله حاشا مرجع عدایلك
صاحب میزان اولان استاد عالی جوهری
زده کورسه بر فضیلت مطلقا تسمیم ایدر
وارسه انسانیتك جمعیت اولمش اثری
صانكه تخریب جهان شوقیه کاش عالمه
باشقه یوق جمیتك بر خاصه زیب و فری
برکون اولسون وجه ملتده مسرت کورمدك
مملكتده اتحادك جیفدیفی کوندنبری
حقیدر بروجه آنی اتحادی وصف ایدوب
مدح ایدرسه جامع دهرک خطیب منبری
بونلرك ابلیس ملعون صانكه بر شاكر دیدر
اتحاد ارکانی اويله فتنه لر دانشوری
حقى ناحق کوستروب کذب صریحی صدق ایدر
خون مظلومان ملتدر بو قومك کوشری
هدم دیندر غایه سومزلر دیانت اهلی
بونلرك مقبولیدر دائم بو عصرک اکفری
کچدی چوق ظالم جهانندن کرچه ظلم وجور ایله
چشم دوران کورمانشدر بویله حزب بدتری
حقه دشمندر بو جمعیت کسر هیچ دیگمیز
طوغرولقدن بحث ایدن هر بر سری هر سروری
ابتدیلر اجلا وطندن ظلم ایله عدوان ایله
بن (صلاح الدین) کی يك جوق صدافنبروری
ملن محو ویرستان ایله بن هر خانه
سن حواله ایله یارب دوالفقار حمدری



بویله در هر دم دعای اصدقای ملنك
حق معمر ایلله خاقان حیدر پیکری
ملنك محبوبیلر «سلطان وحید الدینمز»
چونکه اولشدر (عدالت) دره تاج سری
باشده خاقانیله ملت مشورتپرور اولوب
ایلسون مولا بو قومی عصرینك بالاتری

ختم



اعتذار

مراد بك افنديك صفت مأموریتی بدنجی صحیفه ده دیون عمومیه عثمانیه قومبوسری یازیله جق وکامل پاشا مرحومك مرقدلری سکان ایکنجی صحیفه ده لفقوشده عرب احمد جامع شریفی خطیره سنده دینیه جك ایکن اثر ذهول اوله رق یا کاش یازمش وینمش بدنجی صحیفه ده سلطان محمد خان خامس حضرت تارینه کامل پاشا طرفندن عرض و تقدیم اولونان عریضه ده (دوات علیه نك حقوقنی محافظه ایده بیلمسی اسبابی بزم استحضار ایله ده من لازمدر) دیو یازیله جق ایکن سهو مرتب اوله رق (استحضار ایله ده من) ترتیب اولندیفندن مع الاعتذار تصحیح کیفیت اولنور.



— فهرست —

مقدمه	۰۰
اتحاد و ترقی جمعیتك مقصد تاسیس و صورت تشکلی	۴
مشروطیتك اعلانی	۱۱
مشروطیتك برنجی قاینه سی و کامل باشانك اوچنجی صدارتی	۱۳
حسین حلمی باشانك برنجی صدارتی	۱۸
توفیق باشانك صدارتی	۲۱
سلطان عبدالحمید خان ثانی حضر تلینك خلعلری	۲۵
سلطان محمد رشاد خان حضر تلینك جلوسلری	۲۶
حسین حلمی باشانك ایکنجی صدارتی	۲۸
حقی باشانك صدارتی	۲۹
ایتالیانك طرابلس غربه عسکر سوقی و دولت علیه عثمانیه به اعلان حربی	۳۳
سعید باشانك طقوزنجی صدارتی	۳۴
ایتالیانلر طرفندن طرابلس غرب و بنغازینك ایتالیایه الحاقی اعلانی	۳۶
سعید باشانك اوننجی صدارتی	۴۰
بالتان حکوماتك اتفاقی	۴۳
نازی احمد مختار باشانك صدارتی	۴۸
بالتان حکوماتك حدود عثمانی بی تجاوز و اعلان حربلری	۵۳
کامل باشانك دردنجی صدارتی	۵۵
باب عالی وقعه جنائیه سی . کامل باشانك استعفا سی و حربیه ناظری ناظم باشانك شهادتی	۶۷
کامل باشانك سلطان محمد خان خامس حضر تلیننه مصر دن عرض و تقدیم ایلدیکی عریضه	۷۵
محمود شوکت باشانك صدارتی	۸۲
محمود شوکت باشانك شهادتی	۸۸
برنس سعید حلمی باشانك صدارتی	۸۹
آوروپا حرب عمومیه سنه دولت علیه عثمانه نك اشتراکی	۹۲

- ۱۰۱ ۱۹۱۴ سنه سنده انكتره نك نشر ايلديكي بياض كتابدن ايكي مهم وثيقه تاريخيه
- ۱۰۵ (مكه مكرمه) اميري شريف حسين پاشا حضرتلري طرفدن نشر اولونان
عربجه برنجي بياننامه نك صورت مترجمه سي
- ۱۰۹ امير و شريف (مكه مكرمه) حسين پاشا حضرتلري طرفدن نشر ابتدا بيريلن
عربجه ايكنجى بياننامه نك صورت مترجمه سي
- ۱۱۲ طامت پاشانك صدارتى
- ۱۳۰ عزت پاشانك صدارتى
- ۱۳۲ دول متفق ايله متاركه عقدى
- ۱۳۵ توفيق پاشانك صدارتى
-
- ۱۳۸ شوكتلو قدرتلو سلطان محمد وحيد الدين « خان عادل حضرتلرينك
نخت عالي بخت عثمانى به جلوس هابونلري
- ۱۵۰ ولى عهد سلطنت و خلافت يوسف عز الدين افندى حضرتلرينك شهادتلري
- ۱۵۲ شهزاده عبد الحميد افندى حضرتلرينك سلطنت سنيه و خلافت كراي
اسلاميه ولى عهد لکنى احراز بيورملري
-
- ۱۵۳ حزب جديدك موقع تطبيق واجرايه وضعى طلب ايلديكي مواد عشره
- ۱۵۸ برنس صباح الدين بك افندى حضرتلري حقلرنده بعض معلومات
- ۱۶۰ برنجى فريق شريف پاشا حضرتلري حقلنده اتحاد و ترقى جمعيتي طرفندن
اجرا اولونان فضايح و جنابيات ايله مشار اليك مختصرجه ترجمه حاللري
- ۱۷۱ كامل پاشانك عقيب مشروطيتده سلطان عبد الحميد خان حضرتلرينه عرض
و تقديم ايلديكي عريضه
- ۱۷۴ معلم محترم مراد بك افندى حقلنده بعض معلومات
- ۱۷۷ اعيان رئيسى احمد رضا بك افندى حضرتلرينه دائر معلومات
- ۱۸۳ اطنه والى معاونى شاعر بنى نظير اشرف بك حقلنده معلومات
- ۱۸۴ اشرف بك افنديك (تصوير احوال) نام منظومه رعنايى
- ۱۸۷ انتخابات حقلنده برقاج سوز
- ۱۸۹ مساوات غزنه سي مدبرى حافظ اسماعيل افنديك (صاعقه مساوات) نام
منظومه سي

- ۱۹۳ اتحاد حکومتك (جہاد مقدس) نامیلہ حرب دینی اعلانی
۱۹۴ حدیث شریف حضرت نبوی
۱۹۷ تنبیہ
۱۹۸ افادہ مخصوصہ
۱۹۹ خاتمہ کتاب اتحاد اولئان منظومہ
۲۰۳ اعتذار



— دستور —

۴	جنتمکان سلطان عبد العزیز خان حضرتلری
۵	جنتمکان سلطان مراد خان خامس حضرتلری
۱۰	جنتمکان سلطان عبد الحمید خان ثانی حضرتلری
۱۳	صدر اعظم کامل پاشا
۱۸	صدر اعظم حسین حلمی پاشا
۲۰	صدر اعظم توفیق پاشا
۲۱	حربیہ ناظری غازی ادھم پاشا
۲۳	حرکت اردوسی ایلک قوماندانی فریق حسین حسنی پاشا
۲۶	جنتمکان سلطان محمد خان خامس حضرتلری
۳۰	صدر اعظم حق پاشا
۳۵	صدر اعظم سعید پاشا
۴۸	صدر اعظم غازی احمد مختار پاشا
۵۳	بحریہ ناظری محمود مختار پاشا
۵۵	شیخ الاسلام محمد جمال الدین افندی
۵۸	حربیہ ناظری ناظم پاشا
۶۳	ادرنہ قوماندانی شکری پاشا
۶۸	باب عالی وقعتہ جنائثہ سی : ناظم پاشا نک شہادی (تابو)
۸۳	صدر اعظم محمود شوکت پاشا
۸۹	صدر اعظم برنس سعید حلم پاشا
۱۱۵	صدر اعظم طلعت پاشا
۱۱۷	شیخ الاسلام موسی کاشم افندی
۱۱۹	حربیہ ناظری انور پاشا
۱۲۱	بحریہ ناظری جمال پاشا
۱۲۲	مالیہ ناظری جوبد بک
۱۲۳	طنین غریبی صاحبی حسین جاہد بک
۱۲۴	اتحاد و ترقی جمعیتک رکن اعظمی دوکتور ناظم بک
۱۲۶	اوقاف ناظری خیری افندی

- ۱۲۸ داخلہ ناظر اسبقی خلیل بك
- ۱۲۹ اتحاد وترقی جمعیتی كاتب عمومیبسی مدحت شكری بك
- ۱۳۰ صدر اعظم عزت پاشا
- ۱۳۲ داخلہ ناظر اسبقی حاجی عادل بك
- ۱۳۴ آبدین والی سابقی رحمی بك
-
- ۱۳۹ خلیفہ مسلمین دیشان و پادشاہ عالیجاء عثمانیان سلطان «محمد وحید الدین»
خان عادل حضرتلری
- ۱۴۰ ولی عہد سلطنت و خلافت شہید مغفور یوسف عز الدین افندی حضرتلری
- ۱۴۲ ولی عہد سلطنت و خلافت عبد المجید افندی حضرتلری
-
- ۱۵۴ قردمی مبعوث سابقی و حزب جدید رئیس عبد العزیز مجدی افندی
- ۱۵۹ برانس صباح الدین بك افندی حضرتلری
- ۱۶۱ استقبول سفیر اسبقی برنجی فریق شریف پاشا
- ۱۶۹ شریف پاشا حضرتلرینك دامادلری صالح بك افندی
- ۱۷۶ معلم محترم مراد بك افندی
- ۱۸۰ اعیان رئیس احمد رضا بك افندی
- ۱۸۳ اطنہ والی معاون اسبقی شاعر بی نظیر اشرف بك افندی



To renew
call 292-3900

[illegible]

MAIN STACKS

DR584
M43
1918